

ভক্তিযোগ ।

শ্রীঅশ্বিনীকুমার দত্ত কর্তৃক বিবৃত ।

শ্রীজগদীশ যুথোপাধ্যায় কর্তৃক প্রকাশিত ।

দশম সংস্করণ ।

সংশোধিত ও পরিবর্দ্ধিত ।

কলিকাতা ।

শ্রীকেশবনাথ বসু বি. এ.

সোল এজেন্ট :—বানার্জি, দত্ত, এণ্ড কোঃ
৫৪/৭ কলেজ ষ্ট্রীট, কলিকাতা ।

**“ভক্তিযোগ” ও “প্রেম” ও “দুର୍গোৎসবতত্ত্ব” কলিকাতার
এখান এখান পুস্তকালয়ে ও বহিঃশাল ভাসিয়ে
লাইব্রেরীতে পাওয়া যায় ।**

**প্রিন্টার—শ্রীহরিশাধন মিত্র ।
বকুল প্রেস,
২৮ নং বৈঠকখানা রোড, কলিকাতা ।**

প্রকাশকের নিবেদন ।

১২৯৪ সনে অজ্ঞাত্য বরিশাল ব্রজমোহন বিদ্যালয়ে শ্রীযুক্ত অখিনীকুমার দত্ত মহাশয় ‘ভক্তিবোধ’ সম্বন্ধে কয়েকটি বক্তৃতা প্রদান করেন। বক্তৃতাগুলি অত্যন্ত সারগর্ভ ও হৃদয়গ্রাহী হওয়ার শ্রোতৃমণ্ডলীর মধ্যে কেহ কেহ হুল হুল ক্রিয়রগুলি পুস্তকাকারে সংগ্রহ করিয়া সম্বন্ধে রক্ষা করেন। আমাদের বক্তাব্যবস্থাকে একটি গুরুতর অভিযোগ এই, ইনি কোনও বক্তৃতাসম্বন্ধে কোনও প্রকার স্মরণার্থ লিপি রক্ষা করেন না। উত্তরকালে বক্তৃতামধ্যস্থ কোন প্রয়োজনীয় বিষয়ের অন্তর্ভুক্তি তাঁহাকে নিতান্ত বিব্রত হইতে দেখিয়াছি। নোভাগ্যক্রমে উজিরপুরনিবাসী শ্রীযুক্ত রসিকচন্দ্র রায় ও সেনহাটিনিবাসী শ্রীযুক্ত ললিতমোহন সেন বক্তৃতাগুলির সারমর্ম লিপিবদ্ধ করিয়া রাখেন; সেই পাণ্ডুলিপি অবলম্বনে দত্ত মহাশয় এই পুস্তক রচনা করিয়াছেন। অতথা, ইহা প্রকাশিত ও প্রচারিত হইবার কোন সম্ভাবনা ছিল না। আশা করি বর্তমান ঘটনা হইতে উপদেষ্টামহাশয় সমুচিত শিক্ষা লাভ করিবেন এবং যে সমস্ত বিষয় ভবিষ্যতে জাতীয় সম্পত্তিরূপে পরিগণিত হইতে পারে তাহার প্রতি তিনি ঊদাসীন্য প্রদর্শন করিবেন না।

‘ভক্তিবোধের’ নূতনত্ব কি? এ প্রশ্ন মীমাংসা করিতে হইলে পুস্তক আত্মোপাস্ত পাঠ করা আবশ্যিক। বর্তমান সময়ে দেশে কুৎসিত নাটক, নৈবজ্ঞাস ও নিয়ন্ত্রণের পুস্তক দিন দিন বেক্রপ ছড়াইয়া পড়িতেছে, তাহাতে অনেকে মনে করিতে পারেন যে এজাতীয় পুস্তকের আদর হইবে কি না সে বিষয়ে ঘোর সন্দেহ। কিন্তু ইতিমধ্যেই দেখিতে পাইতেছি এক পরিবর্তনের স্রোত প্রবাহিত হইয়াছে—যেন এক নবযুগের আবির্ভাব হইয়াছে। এই বিশ্বাসে নির্ভর করিয়া এই সুদীর্ঘ প্রস্তাবটি মুদ্রাঙ্কনে প্রেরাসী হইয়াছি। ইহাতে বক্তা ভক্তির মূলতত্ত্ব, লক্ষণনির্দেশ, ভক্তির পরিপন্থী ও তন্নিবারণের উপায়, অধিকারিত্বভেদে ভক্তির প্রকারভেদ,

ভক্তিপথের সত্য, ভক্তির ক্রম ও উৎকর্ষ প্রভৃতি সমস্ত বিষয় বিশদভাবে ও সরল ভাষায় দৃষ্টান্ত সহকারে ব্যাখ্যা করিয়াছেন ; পুস্তকখানি বালবৃদ্ধ, স্ত্রীপুরুষ, যুবকযুবতী সকলেরই সুখপাঠ্য হইবে এবং ইহাতে হিন্দুশাস্ত্রসিদ্ধ হইতে অনেক রত্ন উদ্ধার করিয়া উপযুক্ত স্থলে সম্বন্ধে গ্রথিত হইয়াছে । আমাদের প্রাণের আকাঙ্ক্ষা এই যে ধর্মপিপাসু প্রত্যেক নরনারী পুস্তকখানি পাঠ করেন । যদি এই পুস্তকপাঠে একজন বিষয়াসক্ত ব্যক্তির হৃদয়ক্ষেত্রে জৈশ্বরপ্রীতির একটি বীজ পতিত হয়, একজন মোহাকুলজীবের অন্তরে সুমুগ্ধ পূর্ণ্যভাব জাগিয়া উঠে, বা একজন ভগবৎপ্রেমিকের প্রাণে নূতন এক বিন্দু প্রেমরস সঞ্চারিত হয়, তাহা হইলে বক্তা, লিপিকার ও প্রকাশক সকলেই কৃতার্থতা লাভ করিবেন ।

‘ভক্তিযোগের’ মধ্যে কয়েকটি বিশেষ লক্ষণ পরিলক্ষিত হয় :—

১। উদার অসাম্প্রদায়িক ভাব ।—আমরা দীর্ঘকাল হইতে বক্তার জীবন, কার্য ও বাক্যের প্রতি লক্ষ্য রাখিয়া এই দৃঢ় প্রতীতি লাভ করিয়াছি যে ইনি বর্তমান সময়ের সঙ্কীর্ণহৃদয়তার বিরুদ্ধে সংগ্রাম করিতে কৃতসঙ্কল্প হইয়াছেন । হিন্দুর ধর্ম চিরদিন অসাম্প্রদায়িক, তাহা না হইলে ইহার বক্ষে এতদিন এতগুলি পৃথক্ পৃথক্ ধর্ম নির্ঝিরোধে প্রতিপালিত হইতে পারিত না । কালক্রমে এই ভাবের লোপাপত্তি হইয়াছে, এই সঙ্কীর্ণতার উচ্ছেদ এবং যাহারা এই সঙ্কীর্ণতায় অন্ধ হইয়াছেন, তাহাদিগের ভ্রমপ্রদর্শন ইহার জীবনের এক প্রধান উদ্দেশ্য । তিনি এক স্থানে বলিয়াছেন “পর্বতশ্রেণি যিনি আরোহণ করিয়াছেন, তাঁহার নিকট নীচের সমস্ত বৃক্ষশ্রেণী সমান বলিয়া বোধ হয় । নিম্নস্থ ময়দানের বন্ধুরতা তিনি দেখিতে পান না ।” বস্তুতঃ যে পর্য্যন্ত আর্য্যহৃদয়ে এই ভাবের পুনরুদীপনা না হইবে, ততদিন এই অধঃপতিত জাতির পুনরুত্থানের আশা আকাশকুসুমের তায় রহিয়া যাইবে ।

২। আচার বলকরী নীতিপূর্ণ সহপদেশরাশি।—ইদানীং সকলের মুখে আক্ষেপ শুনিতে পাই, বালকগণ দিন দিন জাতীয়তা হারাইতেছে, তাহাদের চরিত্র অল্পবয়সে স্থলিত হইতেছে, ধর্ম্মে আস্থা নাই। আমরা প্রত্যেক অভিভাবককে অনুরোধ করি তাঁহারা এই গ্রন্থখানি আত্মোপাস্ত্র পাঠ করুন এবং শৈশব হইতে বালকগুলিকে এই গ্রন্থোক্ত প্রণালী অনুসারে শিক্ষা দান করুন, অচিরে তাঁহাদের আক্ষেপের কারণ সমূলে বিদূরিত হইবে। আমরা অনেক সময়ে অন্তর স্বক্কে দায়িত্ব হস্ত করিতে পারিলে নিজের ত্রুটি ও প্রমাদ দেখি না। সংপূত্র লাভ করিতে হইলে যে সংপিতা ও সন্মাতা হইতে হয় তাহা আমরা ভুলিয়া যাই। নিজেরা সাধু ও পবিত্রচরিত্র ও সংযতেন্দ্রিয় থাকিয়া দেখুন আপনাদিগের সঞ্চিত পুণ্যরাশি মূর্ত্তিমান হইয়া পুত্রকন্যারূপে গৃহ শোভিত করবে। “ভক্তিপথের কণ্টক ও তাহা দূর করিবার উপায়”—এই পরিচ্ছেদটি প্রত্যেক বিদ্যালয়ে পাঠ্য হইবার উপযুক্ত।

৩। সুন্দর সুন্দর দৃষ্টান্ত ও গল্প।—অনেক সময়ে গভীর আধ্যাত্মিক উদ্বেগগুলি দৃষ্টান্ত অভাবে নিতান্ত তিক্ত ও নীরস বলিয়া বোধ হয়। মূল উপদেশগুলি হৃদয়ে স্থান না পাইলেও কোতুকচ্ছলে যে সমস্ত উপকথা ও গল্প বলা হয় তাহার সহিত গ্রথিত হইলে উহার হৃদয়ে বদ্ধমূল হইয়া যায়। গ্রীক পণ্ডিত জৈষকের উপকথাগুলি এই কারণেই সর্বজনপ্রিয়। আমরাদিগের এই বক্তৃতাস্থ দৃষ্টান্তগুলি অনেক সময়ে জটিল বিষয়টিকে সরল ও প্রীতিপ্রদ করিয়াছে। ইহার অনেকগুলি দৃষ্টান্ত বিশেষ বিশেষ ব্যক্তির জীবন ও প্রত্যক্ষ ঘটনা হইতে সংগৃহীত হইয়াছে।

৪। মহোচ্চ আদর্শ।—মানবজীবনের মহত্ত্বপ্রতিপাদন এই গ্রন্থের অন্ততম উদ্দেশ্য। কিরূপে ভোগলিপ্সাপরায়ণ মানবরূপী পশু ক্রমপদ-বিক্ষেপে উন্নতির চরমশিখরে পৌছিয়া মানস-সরোবরে বিহার করিতে

সক্ষম হয় ও স্বর্ণের বিমল সৌন্দর্য উপভোগ করিয়া দেবদল্লাভ করিতে সমর্থ হয়, এই পুস্তকে তাহা সম্যক্রূপে প্রদর্শিত হইয়াছে । ফলতঃ যে গ্রন্থ মানবজীবনের গৌরবময় পরিণাম ও নিয়তি শিক্ষা দেয় না তাহা ভূগবৎ ত্যাগ্য । আমরা স্পর্শ করিয়া বলিতে পারি পাঠক যদি নিত্য নিয়মিতরূপে গ্রন্থখানি আলোচনা করেন, তবে আমাদের উজ্জ্বল তথ্যতা সম্বন্ধে সন্দিহান থাকিবেন না ।

৫। বুদ্ধীর নৈতিক সাহিত্য-জগতে এই অভিনব উদ্ভব ।—বক্তা এক নূতন পদ্ধতি অবলম্বনে ধর্মশিক্ষা দিতে প্রয়াসী হইয়াছেন । কাম, ক্রোধ, লোভ, মোহ প্রভৃতি দমন করিতে হইলে যে যে উপায় সহজে ও সকলে অবলম্বন করিয়া কার্য্যে পরিণত করিতে পারেন তাহা একটি একটি করিয়া বিশেষরূপে বর্ণনা করা হইয়াছে । “ইন্দ্রিয়সংযম কিরূপে অভ্যাস করিতে হয় ?” “ভগবদ্ভক্তি কিরূপে লাভ হয় ?” “মানবজীবনের লক্ষ্য কি ?” প্রভৃতি নৈতিক ও অধ্যাত্মিক তত্ত্ব একরূপ সরস ও সরলভাবে যতই প্রচারিত হইবে ততই দেশের যজ্ঞল হইবে । যদি কর্ম্মযোগ ও জ্ঞানযোগ সম্বন্ধেও এইরূপ গ্রন্থ প্রকাশিত হয় এবং হিন্দুশাস্ত্রের লুকায়িত সম্পত্তিসকল রমণীয় মূর্তিতে সাধারণের চক্ষুর সম্মুখে উপস্থিত করা হয়, তবে অচিরে হিন্দুর ভবিষ্যদাকাশ নিশ্চয় স্তূর্ণ হইবে ।

উপসংহারে আমরা শ্রীযুক্ত রসিকচন্দ্র রায় ও শ্রীযুক্ত ললিতমোহন সেন মহাশয়দ্বয়কে এই পুস্তকের পাণ্ডুলিপির অল্প আন্তরিক ধন্যবাদ প্রদান করিতেছি । স্থানে স্থানে মুদ্রাক্ষরের ভ্রমপ্রমাদ রহিয়া গেল । “হুল হুল ভ্রমগুলি শুদ্ধিপত্রে সংশোধিত হইল । মুদ্রাক্ষরের সময়ে সূচাক্রূপে পরিদর্শন করা হয় নাই, তজ্জন্ত পাঠকবর্গের নিকট ক্ষমা প্রার্থনা করি ।

শ্রীজগদীশ মুখোপাধ্যায় ।

প্রকাশক ।

দ্বিতীয়বারের বিজ্ঞাপন ।

“ভক্তিবোগ”—দ্বিতীয় সংস্করণ প্রকাশিত হইল । প্রথম সংস্করণের দোষগুলি যথাসাধ্য সংশোধন করিতে প্রয়াস পাইয়াছি । কিন্তু যুদ্ধাকরের প্রমাদবশতঃ নূতন করেকটি ভ্রম জন্মিয়াছে । নানা স্থান হইতে “ভক্তি-বোগ” সন্দেহে এই মর্মে বহুসংখ্যক পত্র পাইয়াছি যে “ভক্তিবোগ” পাঠে অনেকেরই যথেষ্ট উপকার লাভ করিয়াছেন । সুতরাং আশা করি প্রথম সংস্করণের জায় দ্বিতীয় সংস্করণও সাধারণের নিকট আদরণীয় হইবে ।

বরিশাল,
আষাঢ়, ১৩০২ ।

}

শ্রীজগদীশ মুখোপাধ্যায় ।

তৃতীয়বারের বিজ্ঞাপন ।

“ভক্তিবোগ”—তৃতীয় সংস্করণ প্রকাশিত হইল । এ শ্রেণীর পুস্তকের আদর বাড়িতেছে দেখিয়া অসুমান হয় আমাদের জাতি উন্নতির দিকে ক্রমশঃ অগ্রসর হইতেছে । বর্তমান সংস্করণে দুই এক স্থলে সামান্য পরিবর্তন করা হইয়াছে । পূর্ব সংস্করণের ভুলগুলি যথাসাধ্য সংশোধন করা গেল ।

বরিশাল,
শ্রাবণ, ১৩০৭ ।

}

শ্রীজগদীশ মুখোপাধ্যায় ।

পঞ্চমবারের বিজ্ঞাপন ।

“ভক্তিবোগ”—পঞ্চম সংস্করণ প্রকাশিত হইল । এই সময়ে আমার স্বর্গীয় বন্ধু ললিতমোহন সেনের ভক্তিময় প্রাণটি মনে পড়িতেছে । তিনি

আজ জীবিত থাকিলে তাঁহার বড় আদরের “ভক্তিযোগের বহুল প্রচারে নিরতিশয় আনন্দলাভ করিতেন। তাঁহার রক্ষিত স্মৃতিলিপি এই গ্রন্থ প্রকাশের প্রধান অবলম্বন ছিল।

বরিশাল,
বৈশাখ, ১৩১৩।

শ্রীজগদীশ মুখোপাধ্যায়।

নবমবারের বিজ্ঞাপন।

নবম সংস্করণে গ্রন্থ স্থানে স্থানে কিঞ্চিৎ পরিবর্তিত হইয়াছে। ২৪৩ পৃষ্ঠায় গ্রন্থকার যে স্বামী রামতীর্থের উল্লেখ করিয়াছেন তিনি ১৮৭৩ খৃষ্টাব্দে জন্মগ্রহণ করিয়া ১৯০৬ সনে দিব্যধামে গমন করেন। তিনি পঞ্জাব বিশ্ববিদ্যালয়ের পরীক্ষা গুলিতে এম. এ. অবধি সর্বোচ্চস্থান অধিকার করিয়া কিঞ্চিৎকাল অধ্যাপকত্ব করেন। তিনি মাত্র ৩৩ বৎসর জীবিত ছিলেন, কিন্তু ইহার মধ্যেই অসামান্য ভগবৎ প্রেমের অধিকারী হইয়া ছিলেন।

কোন কোন পাঠক গ্রন্থস্থ শ্লোকগুলি কণ্ঠস্থ করেন জানিয়া এবারে গ্রন্থশেষে একটি বর্ণানুক্রমিক শ্লোক নির্ঘণ্ট দেওয়া হইল।

বলিতে আনন্দ হইতেছে, ইংরাজী ও তেলুগু ভাষায় “ভক্তিযোগের” অনুবাদ প্রকাশিত হইয়া আদৃত হইয়াছে এবং কয়েকদিন হইল গুজরাতি ভাষায় অনুবাদ প্রকাশিত হইয়াছে।

বরিশাল,
বৈশাখ ১৩২৫।

শ্রীজগদীশ মুখোপাধ্যায়।

বিষয়	পৃষ্ঠা
প্রস্তাবনা	১
ভক্তি কাকে বলে ?	৫
ভক্তির অধিকারী কে ?	১৩
ভক্তির সঞ্চার হয় কিরূপে ?	২৭
ভক্তিপথের কণ্টক ও তাহা দূর করিবার উপায়	৩২
কাম	৫৬
ক্রোধ	৮১
লোভ	৯৭
মোহ	১০৯
মদ	১২২
মাৎসর্য	১৪৩
উদ্ধৃৎসলতা	১৪৭
সাংসারিক হুশিচিন্তা	১৫৩
পাটওয়ারি বুদ্ধি	১৫৮
বহ্বালাপের প্রবৃত্তি	১৬৪
কুতর্কেচ্ছা	১৬৫
ধন্যাড়ম্বর	১৬৬
লোকভয়	১৭২
ভক্তিপথের সহায়	১৭৯
চৈতন্যোক্ত পঞ্চসাধন...	১৮৭

বিষয়	পৃষ্ঠা
সাধুসঙ্গ	১৮৮
কৃষ্ণসেবা	১৯৩
ভাগবত	১৯৯
নাম	১৯৯
তীর্থে বাস	২০৫
আত্মনিবেদন	২০৬
একাগ্রতাসাধন	২০৮
ভক্তির ক্রম ও ভক্তের লক্ষণ	২১৩
প্রেম	২৩২
উপসংহার	২৬৬

ভক্তিযোগ।

প্রস্তাবনা।

আজকাল চারিদিকে ধর্ম্মান্দোলনের মধ্যে ভিন্ন ভিন্ন সম্প্রদায় পরস্পর ক্রমাগত মত লইয়া বিবাদ করিতে ব্যস্ত। এক সম্প্রদায় অপর সম্প্রদায়ের যতই দোষ উদ্ঘাটন করিতে পারেন, ততই আত্মলাভে আটখানা হইয়া পড়েন। কোন বক্তৃতার ভিতরে যতই কোন সম্প্রদায়ের মত লইয়া নিন্দা চলিতে থাকে, ততই করতালির তরঙ্গ উঠিতে থাকে। কোন সম্প্রদায়ের কোন প্রচারক উপস্থিত হইলে অপর কোন সম্প্রদায়ের প্রতি ঝাড়াতে গালি বর্ষণ হইতে পারে তৎক্ষণাৎ অনুরোধ করা হয়। এই মতবাদ তার আন্দোলনে সকলেই মূল বিষয় হারাইয়া ফেলিতেছে। আমরা অতি অল্প দিনের জন্য এই পৃথিবীতে আসিয়াছি। যে বিষয় লাভ করিবার জন্য আসিয়াছি, তৎসম্বন্ধে কিছু যত্ন না করিয়া কেবল পরস্পর বিরোধ করিয়া জীবনের সর্বনাশ ঘটাইতেছি। এই ভাবে সময় নষ্ট না করিয়া বাহাতে সারধর্ম্ম সংরক্ষণ করিতে পারি, তৎক্ষণাৎ সকলেরই যত্নবান্ হওয়া কর্তব্য। আমি যতদূর বুঝিতে পারি, মূল জিনিষ সকল ধর্ম্মেই এক। বিবাদ বাহিরের খোসা লইয়া। অতএব খোসার টানাটানি ছাড়িয়া আসুন, আমরা সার পদার্থ সংরক্ষণ করিতে যত্নবান্ হই। বাহিরে যত প্রকার ধর্ম্মসম্প্রদায় থাকুক না, দেশ, ক্রটি ও অবস্থাতেই যিনি যে উপায়ই অবলম্বন করুন না, সকলের

গতি যে একদিকে তাহা কে অস্বীকার করিবেন ? সেই এক জনকে উপ-
লব্ধি করাই যে সকলের উদ্দেশ্য এবং তাহাকে ধারণা করিবার মূল শক্তি যে
এক, ইহার বিরুদ্ধে কে হস্তোত্তোলন করিতে পারেন ?

“উদ্দেশ্য নাহিকো ভেদ, এক ব্রহ্ম এক বেদ,
যোগ, ভক্তি, পুণ্য, এক উপাদানে গঠিত ।

এক দয়া, এক স্নেহ, এক ছাঁচে গড়া দেহ,

হৃদে হৃদে বহে রক্ত একবর্ণ লোহিত ॥

ভিন্ন ভিন্ন মত ভিন্ন ভিন্ন পথ,

কিন্তু এক গম্যস্থান,

যে যেমন পারে, ক্রোড়ে ইষ্টিমারে,

হোক সেথা আশ্রয়ান ।”

প্রকৃত তথ্যই এই । ইহা না বুঝিয়া কুকুরের স্থায় বিবাদ করিলে ফলে
জীবনের লক্ষ্য হইতে ভ্রষ্ট হইব আর কিছুই নহে । সকলেই মহিমন্তবের
সেই অপূর্ণ শ্লোকটা জানেন :—

ত্রয়ী সাধ্যাঃ যোগঃ পশুপতিমতঃ বৈষ্ণবমিতি

প্রতিয়ে প্রস্থানে পরমিদমদঃ পথ্যমিতি চ ।

রুচীনাং বৈচিত্র্যাদৃজুকুটিলনানাপথজুঘাঃ

নৃণামেকো গম্যস্তমসি পয়সামর্গব ইব ॥

ত্রয়ী, সাধ্যা, যোগ, পশুপতি ও বৈষ্ণবমত, এক এক স্থলে এক একটায়
আদর । কেহ বলেন এইটি শ্রেষ্ঠ, কেহ বলেন এইটি শ্রেষ্ঠ । কিন্তু কতিপয়
বৈচিত্র্যাহেতু যিনি যে পথই অবলম্বন করিয়াছেন সে সোজাপথই হউক, আর
কুটিল পথই হউক, সকলের এক গম্যস্থান তিনি ; যেমন সকল নদীই,
বঙ্গগামিনীই হউক আর বঙ্গগামিনীই হউক, মিহানদর এক সমুদ্র । তাই

বলি, বাহাতে তাঁহার দিকে মতিগতি প্রধাবিত হয়, আমাদের তাহাই করা
 প্রয়োজনীয় । ততুল ছাড়িয়া কুব লইয়া বাঁহারা সময় নষ্ট করেন তাঁহারা
 মূর্থ । প্রকৃত প্রেম চাই, তত্ত্ব চাই, বিনি বে তাবেই তাঁহাকে ডাকুন না কেন ।

"চেকি ভ'লে যদি এই জব নদী

ମାନ ହେତେ ମାନ ବଞ୍ଚୁ ;

ଲୋକେଇଁ କଥାୟ କିବା ଆମେ ଯାଅ,

পাবে স্নেহে প্রেমমধু।”

একান্তহৃদয়ে, পবিত্রচিত্তে, সরল ব্যাকুলপ্রাণে তাঁহাকে চটকি বলিয়া ডাকিলেও পথ সহজ হইয়া আসিবে, অন্ধকার কুস্মাটিকা চলিয়া যাইবে।
যাহাতে আলো আইসে তাহাই করা প্রয়োজন।

“अककारं नाहि यात्र विवाज करिजे,

মানেন না বাহ্যিক আক্রমণ ।

একটি আলোকশিখা স্রুযুখে ধরিলে

নীলবে করে সে পলায়ন ॥”

এই অন্ধকার দূর করিতে হইলে নিজের জীবন দীপ্তিময় করিতে হইবে।
 বাহারা প্রকৃত ভক্ত, বাহারা আলোকময় হইয়া গিয়াছেন, তাঁহাদের ভিতরে
 কি কেহ কখনও বিবাদ দেখিয়াছেন ? তাঁহারা সমদর্শী ; পৰ্ব্বতশৃঙ্গে যিনি
 আরোহণ করিয়াছেন, তাঁহার নিকটে নীচের সমস্ত বৃক্ষশ্রেণী সমান বলিয়া
 বোধ হয়। নিরুহ মরদানের বন্ধুরতা তিনি দেখিতে পান না। একদিন
 বাবু প্রতাপচন্দ্র ষড়মদার মহর্ষি দেবেজনাথ ঠাকুরের সহিত সাক্ষাৎ করিতে
 গিয়াছিলেন। মহর্ষির টেবিলের উপরে একখানি খ্রীষ্টধর্মীর বিখ্যাত গ্রন্থ
 দেখিয়া তিনি কিঞ্চিৎ আশ্চর্যান্বিত হইলেন। মহর্ষির খ্রীষ্টধর্মের প্রতি
 বিশেষ বিরাগ আছে জানিতেন। কোতূহলাক্রান্ত হইয়া মহর্ষিকে জিজ্ঞাসা
 করিলেন ‘আপনার টেবিলের উপরে খ্রীষ্টধর্মীর এ গ্রন্থ কেন ?’ মহর্ষি উত্তর

করিলেন—পূর্বে যখন ভূমিতে হাঁটিতাম, তখন কেবল জমির আলি দেখিতাম—এই জমিটুকু একজনের চারিদিকে আলিবেষ্টিত, ঐ জমিটুকু অপর একজনের চারিদিকে আলিবেষ্টিত ; এখন কিঞ্চিৎ উর্ধ্বে উঠিয়া আর আলি দেখিতে পাই না, এখন দেখি সকল জমিই একজনের, এক এক ধর্মমতের ক্ষুদ্র ক্ষুদ্র সীমা আর তাঁহার দৃষ্টিতে পড়ে না, হৃদয় প্রশস্ত হইয়া গিয়াছে । উপরে যিনি উঠিয়াছেন, সকল সম্প্রদায়ের লোকের সহিত তাঁহার গলাগলি । আমরা কি অনেক দৃষ্টান্ত দেখি নাই, ভিন্ন সম্প্রদায়ের ভক্ত কেমন পরস্পর প্রেমমুত্রে আশ্রিত ? রামকৃষ্ণ পরমহংস হিন্দুসম্প্রদায়ের, কেশবচন্দ্র সেন ব্রাহ্মসম্প্রদায়ের, অথচ ইহাদিগের দুইজনের মধ্যে কিরূপ প্রেম ছিল তাহা বোধ হয় অনেকেই অবগত আছেন । প্রকৃতভক্ত জাতিনির্কিশেষে সম্প্রদায়নির্কিশেষে সকলকে আলিঙ্গন করিয়া থাকেন । পৃথিবীতে যতদূর দেখিতে পাই, যে ভাবেই হউক সকলেই এক পদার্থ অন্বেষণ করিতেছেন । পরমহংস মহাশয়ের নিকট একবার জিজ্ঞাসা করিয়াছিলাম—মহাশয়, হিন্দুসম্প্রদায় এবং ব্রাহ্মসম্প্রদায়ে প্রভেদ কি ? তিনি উত্তরে বলিয়াছিলেন—‘এখানে রসনচৌকির বাজনা হয়, আমি দেখিতে পাই এক বাক্তি সানাইয়ে ভোঁ ধরিয়া থাকে, আর একজন উহাতে “রাধা আমার মান করেছে” ইত্যাদি রঙ্গপরঙ্গ তুলিয়া দেয় । এ দুয়ে অমিল কি ? ব্রাহ্ম এক ব্রাহ্মের ভোঁ ধরিয়া বসিয়া আছেন ; হিন্দু ঐ ব্রাহ্মেরই নানারূপ ভাবের মূর্তি কর্ত্তা করিয়া উহারই ভিতরে রঙ্গপরঙ্গ তুলিতেছেন । অমিল কি ? ভিন্ন সম্প্রদায় দেখিলে মনে হয় যেমন একটি প্রকাণ্ড পুকুর, তাহার চারিদিকে চারিটি ঘাট, ও চারি জাতীয় লোক বসতি করিতেছে ; এক জাতীয় লোক এক ঘাট হইতে জল লইয়া যাইতেছে—জিজ্ঞাসা করিলাম কি লইয়া যাইতেছে, বলিল “জল” ; আর একটি ঘাটে আর এক জন জল লইয়া উঠিতেছে, তাহাকে ঐ প্রশ্ন জিজ্ঞাসা করিলে সে বলিল, “পানি” ; তৃতীয় ঘাটে অপর একজনকে জল তুলিতে

ভক্তি কাহাকে বলে ?

দেখিলাম, সে বলিল “water” ; চতুর্থ ঘাটে বাহাকে দেখিলাম, সে বলিল “aqua” । এক জলই ভিন্ন ভিন্ন লোকের নিকট ভিন্ন ভিন্ন নাম ধারণ করিয়াছে । সকল ধর্মের সারস্বতন একই হিঁর হইল, তখন আর বিবাদে প্রয়োজন কি ? আসুন, বাহাতে আমরা সেই সারস্বতন করিতে পারি—ভক্তি উপার্জন করিতে পারি, তৎক্ষণ যত্বান্ হই ।

ভক্তি কাহাকে বলে ?

ভক্তি কাহাকে বলে ? নারদভক্তিসূত্রে :—

‘স। কৈশ্বচিৎ পরমা প্রেমরূপা’ ।

কাহারও প্রতি পরমপ্রেমভাব ।

শাণ্ডিল্যসূত্রে :—‘স। পরামুরক্তিরীশ্বরে ।’

ভক্তি—ভগবানে যৎপরোনাস্তি অমুরক্তি ।

প্রকৃত ভক্তি ইহার নাম । ভগবৎপদে যে একান্ত রতি তাহারই নাম ভক্তি ।

ইহাই রাগাধিকা ভক্তি, অহৈতুকী ভক্তি, মুখ্য ভক্তি ।

ইষ্টে স্বারসিকো রাগঃ পরমাবিষ্টতা ভবেৎ ।

তন্ময়ী য়া ভবেত্তক্তিঃ সাত্ত রাগাধিকোদিতা ॥

ভক্তিরসামৃতসিদ্ধি ।

ইষ্টে অর্থাৎ অভিলষিত বস্তুতে যে স্বরসপূর্ণ পরম আবিষ্টতা অর্থাৎ আপন হৃদয়ের রসভরা অত্যন্ত গাঢ় আবেগ তাহার নাম রাগ; সেই রাগময়ী

যে ভক্তি তাহাকে রাগাশ্রিকা ভক্তি বলে। “মন সহজে সदा চাহে তোমারে, তোমাতেই অনুরাগী ; সহজে ধার নদী সিদ্ধ পানে, কুশুম করে গন্ধ দান, মন সহজে সदा চাহে তোমারে”—এই জাতীয় ভক্তি রাগাশ্রিকা ভক্তি। কোন চেষ্টা না করিয়া, আপনা হইতেই যে প্রাণ ভগবানের জগৎ বাকুল হয়, তাহাকেই রাগাশ্রিকা ভক্তি বলে।

অহৈতুকী ভক্তিও এই পরানুরক্তি।

অহৈতুকী অর্থাৎ অণ্ড অভিলাক্ষণ্য। যে ভক্তিতে ভগবান ভিন্ন আর কিছুই চাই না,

পুত্রং দেহি, ধনং দেহি, বশো দেহি—

এইরূপ কোন প্রার্থনা নাই, এমন কি মুক্তিরও প্রার্থনা নাই, প্রার্থনা ঐ শ্রীচরণ, তাহারই নাম অহৈতুকী ভক্তি।

ন পারমেষ্ঠ্যং ন মহেশ্বরধিক্যং ন সার্বভৌমং ন রসাদ্বিপত্যং ।

ন যোগসিদ্ধীরপুনর্ভবং বা মম্যর্পিতাশ্চৈচ্ছতি মদ্বিনাহন্যং ॥

ভাগবত । ১১ । ১৪ । ১৪ ।

ভগবান বলিতেছেন “আমাতে যিনি আত্ম সমর্পণ করিয়াছেন, তিনি কি ব্রহ্মার পদ, কি ইন্দ্রপদ, কি সার্বভৌমপদ, কি পাতালের আধিপত্য, এমন কি যোগসিদ্ধি, কি মোক্ষ পর্যন্তও চাহেন না ; আমি ভিন্ন তাঁহার আর কোন বস্তুতেই অভিলাষ নাই।” ভক্তরাজ রামপ্রসাদ বলিয়াছেন ‘সকলের মূল ভক্তি, মুক্তি তার দাসী।’ অহৈতুকী ভক্তির লক্ষণ এই।

যদি ভবতি যুকুন্দে ভক্তিরানন্দসাম্রা

বিলুপ্ততি চরণাজে মোক্ষসাম্রাজ্যলক্ষ্মীঃ ।

‘যাঁহার যুকুন্দপদে আনন্দসাম্রা ভক্তি উৎপন্ন হয়, সেই ভক্তের চরণ-পদে মোক্ষরূপ অতুল সাম্রাজ্যের লক্ষ্মী যিনি, তিনি ‘আমাকে গ্রহণ কর’

‘আমাকে গ্রহণ কর’ এই বলিয়া লুপ্ত হইতে থাকেন। ভক্ত মুক্তির জন্য লালসিত হন না, মুক্তিই তাহার পদাশ্রয়ের জন্য লালসিত হন মোক্ষপদও তুচ্ছ যাতে—সেই ভক্তির নামই অহৈতুকী ভক্তি। এরূপ ভক্তিতে আমরা যাহাকে কৃতজ্ঞতা বলি তাহারও স্থান নাই। ভগবান আমাকে এই সুখের সামগ্রী দিয়াছেন; অতএব তাঁহাকে ভক্তি করি, এরূপ মুক্তি স্থান পায় না। এই যুক্তিতে প্রাপ্ত বস্তুতে অভিলাষ লক্ষিত হইল। ভগবান্ ভিন্ন অন্য কোন বস্তুর ভূতপ্রাপ্তি, কি ভবিষ্যৎপ্রাপ্তি কিছুতেই অভিলাষের চিহ্ন মাত্রও নাট। ‘অহৈতুকী’, শব্দের অর্থ ‘স্বাভাবিক হেতু নাই।’ ইহা পাইরাছি কিংবা ইহা পাইব এরূপ কোন হেতুশূন্যক অহৈতুকী ভক্তি হইতে পারে না। যেহেতু ভগবান্ এই পদার্থ দিয়াছেন কি দিবেন অতএব তাঁহাকে ভক্তি করি, এইরূপ ‘অতএব’ কি ‘সুতরাং’ অহৈতুকী ভক্তির নিকটে স্থান পায় না। ‘ভালবাসি বলে ভালবাসি’; ‘আমার স্বভাব এই তোমা বই আর জানিনে,’ অহৈতুকী ভক্তির এই মূলমন্ত্র। মুখ্য ভক্তিও ইহারই নাম। ইহা হইতে শ্রেষ্ঠ আর কোন প্রকার ভক্তি হইতে পারে না।

দেবর্ষি নারদ, মহর্ষি শাণ্ডিল্য এইরূপ :ভক্তিই লক্ষ্য করিয়াছেন। ইহাই প্রকৃত ভক্তি। ইহার নিয়ন্তরে যে ভক্তির উল্লেখ দৃষ্ট হয় তাহাকে ভক্তি না বলিলেও বিশেষ কোন দোষ হয় না, কিন্তু সেই ভক্তিসাধন দ্বারা এই উচ্চ শ্রেণীর ভক্তি লাভ হয় বলিয়া তাহাকেও ভক্তিপদবাচ্য করা হইয়াছে। ভক্তির এই উচ্চ আদর্শ মনে করিয়া অনেকেই হয়ত ভাবিতেছেন যে তবে আর ভক্ত হইবার আশা নাই। এরূপ নিরাশ হইবার কোন কারণ নাই। এই উচ্চ শ্রেণীর ভক্তিসাধন করিবার জন্য নিয়ন্তরে যে ভক্তির নির্দেশ হইয়াছে তাহা অবলম্বন করিতে পারিলেই এই ভক্তির অধিকারী হওয়া যায়।

উচ্চাধিকারী ও মন্দাধিকারী ভেদে ভক্তি দুই ভাগে নির্দিষ্ট হইয়াছে।

- | | | |
|------------------|---------------|-------------|
| (১) রাগাধিকারী | (১) অহৈতুকী | (১) মুখ্য |
| (২) বৈধী | (২) হৈতুকী | (২) গৌণী |

মন্দাধিকারী তাহার নিকট ভক্তিসাধন করিতে করিতে উচ্চ ভক্তি লাভ করিয়া কৃতার্থ হন।

নৈধতজ্ঞাধিকারী তু ভাবাবির্ভাবনাবধি।

তত্র শাস্ত্রং তথা তর্কমমুকুলমপেক্ষতে ॥

ভক্তিরসামৃতসিদ্ধি।

‘যে পর্য্যন্ত ভাবের আবির্ভাব না হয়, সেই পর্য্যন্তই বৈধী ভক্তি সাধন করিতে হয়। বৈধী ভক্তি শাস্ত্র ও অমুকুল তর্কের অপেক্ষা রাখে।’ ভাব হইলেই রাগ হয়, রাগ হইলেই রাগাধিকারী ভক্তির আবির্ভাব হয়। ক্রমাগত শাস্ত্রাধ্যয়ন ও শাস্ত্রশ্রবণ ও ভগবানের স্বরূপ প্রতিপাদক তর্ক করিতে করিতে ও গুনিতে গুনিতে ভগবদ্বিষয়ে যতি হয়, তাঁহাতে ভাব হয়। অমন মধুর বিষয়ের আলোচনা করিতে করিতে তাহাতে লোভ না হইয়া যায় না। লোভ হইলেই প্রাণের টান হয়, প্রাণের টান হইলেই রাগাধিকারী ভক্তির উদয় হয়। ভগবানের নাম উপর্যুপরি গুনিলে মানুষ কদিন স্থির থাকিতে পারে? কত নাস্তিক ভগবানের কথা গুনিতে গুনিতে পাগল হইয়া গিয়াছে।

হৈতুকী ভক্তি কোন হেতু অবলম্বন করিয়া জন্মিয়া থাকে। ঈশ্বর আমাকে কত সুখ সম্পদ দিয়াছেন কি দিবেন, কত বিপদ হইতে উদ্ধার করিয়াছেন কি করিবেন, তাঁহার জ্ঞান দয়াময় কে? এষ্টরূপ চিন্তা করিতে করিতে যে ভক্তি উৎপন্ন হয় তাহার নাম হৈতুকী ভক্তি। ভূত-মঙ্গলসমুদ কৃতজ্ঞতামূলক কিংবা ভাবিমঙ্গল প্রার্থনাজনিত আশামূলক

যে ভক্তি তাহাকে হৈতুকী ভক্তি বলে। ‘ধনং দেহি যশোদেহি’ প্রভৃতি প্রার্থনা হৈতুকী ভক্তির অন্তর্গত। এইরূপ ভক্তি অতি নিকট; কিন্তু ইহার সাধন করিতে করিতেও ক্রমে অহৈতুকী ভক্তি লাভ হয়। প্রহ্লাদের প্রাণে প্রথম হইতেই অহৈতুকী ভক্তির আবির্ভাব দৃষ্ট হয়। তিনি দিবানিশি কৃষ্ণ নাম জপ করিতেন, কেন করিতেন জিজ্ঞাসা করিলে তাহার উত্তর দিতে পারিতেন না। ক্রমের জীবনে প্রথমে হৈতুকী ভক্তির উদয়, পরে তাহা হইতে অহৈতুকী ভক্তির সঞ্চার হইয়াছিল। প্রথমে রাজপদপ্রাপ্তি উদ্দেশ্য করিয়া তিনি তপস্বী আরম্ভ করেন। ভগবান আশা-পূরণ, ভক্তবাহ্যাকরতরু এই স্থির বিশ্বাস করিয়া তিনি তাঁহার কৃপায় পিতার অপেক্ষাও উচ্চ রাজপদ প্রাপ্ত হইবেন এই আশায় তাঁহাকে অত্যন্ত ভক্তির সহিত ডাকিতে থাকেন; ডাকিতে ডাকিতে ক্রমেই ভক্তির বৃদ্ধি হইতে লাগিল, সেই ভক্তি ক্রমে এত প্রগাঢ় হইয়া উঠিল যে, অবশেষে যখন ভগবান তাঁহার নিকট আবির্ভূত হইয়া বলিলেন ‘বৎস বর লও।’ তিনি অবাক হইয়া বলিলেন ‘কি বর?’ ‘তুমি যে জগৎ আমাকে ডাকিতে আরম্ভ করিয়াছিলে?’ ‘কব যে জগৎ তপস্বী প্রবৃত্ত হন, তাহা বোধ হয় ভুলিয়াই গিয়াছিলেন। তিনি যে রাজপদ পাইবার জগৎ প্রার্থনা করিতে ছিলেন ভগবান তাঁহাকে স্মরণ করাইয়া দিলেন। তখন ভক্তের উত্তর হইল :—

স্বানাতিলাষী তপসিস্থিতোহহং

স্বাং প্রাপ্তবান্ দেব মুনীশ্রুত্বম্ ।

কাচং নিচিন্মর্যাপ দিব্যরত্নং

স্বামিন্ কৃতার্থোহস্মি বরং ন যাচে ॥

ভক্তিসুধোদয় ।

‘পদাভিলাষী হইয়া আমি তপস্বী আরম্ভ করিয়াছিলাম বটে, কিন্তু পাইলাম হে দেব, কত মুনীন্দ্র যোগীন্দ্র তপস্বী করিয়া যাহাকে পান না সেই তোমাকে ; কাচ অবেষণ করিতে করিতে হঠাৎ পাইলাম দিব্যরত্ন ; হে স্বামিন্, কৃতার্থ হইয়াছি আর বর চাই না ।’ এখন আর অল্প অভিলাষ নাই, কেবল চাই ‘ভগবানকে, আর কাচ চাই না । কি অপূৰ্ণ পরিণতি ! হৈতুকী ভক্তি কোথায় চলিয়া গিয়াছে ! সেই পরমভূক্ত অহৈতুকী ভক্তি সহস্রধারে সমগ্র হৃদয় প্রাবৃত করিতেছে ।

একটী ভট্টর নিকটে যাই মা আবিভূতা হইয়া কি বর চাও জিজ্ঞাসা করিলেন, অমনি তিনি ভাবে গদগদ হইয়া বলিলেন :—

মাতঃ কিং বরমপরং যাচে
সৰ্বং সম্পাদিতমিতি সত্যং ।

দৃষ্টং বিধিহরমুরহরজুন্ম ॥

সৰ্বানন্দতরঙ্গিনী ।

‘মাগো আর কি বর চাইব ? ব্রজা, বিষ্ণু, শিব যে চরণ পূজা করেন সেই যে হর্লভ তোমার চরণপদ্ম তাহা যখন দেখিয়াছি, তখন আর কি চাইব ? আমার সকলই সম্পন্ন হইয়া গিয়াছে ।’ আমি হরিদ্বারে কামরাজ স্বামীকে জিজ্ঞাসা করিয়াছিলাম ‘আপনার ভগবানের নিকট কেনি প্রার্থনা আছে কি না ?’ তিনি উত্তরে বলিয়াছিলেন ‘আমার আর কি প্রার্থনা থাকিবে ? কেবল তোমাতে যেন অহর্নিশ মতি থাকে, এই প্রার্থনা ।’ প্রকৃত ভক্ত সেই হৃদয়নাথকে লইয়া কৃতকৃতার্থ হইয়া যান, তিনি কি আর চাহিবেন ? কি প্রার্থনা করিবেন ? তাঁহার আবার কি বাসনা থাকিবে ? “মধুকর পেলে মধু, চায় কি সে জলপানে ?” অবশ্য তঃ মানুষ হৈতুকী ভক্তি লইয়া ভগবান ভিন্ন অন্য বস্তুর

প্রার্থনা করে। কিন্তু তাহাকে ডাকিতে ডাকিতে এবং তাহার আলোচনা করিতে করিতে, যখন একবার সেই পরমানন্দ সাগরের বিন্দুমাত্রেরও আশাদ পার, আর কি সে তখন তাহা ছাড়িয়া অন্য বিষয়ের অভিলাষী হইতে পারে ? তখন যদি কেহ তাহাকে জিজ্ঞাসা করে ‘তুমি কেন ভগবানকে ভালবাস ?’ সে বলিবে ‘আমি বলিতে পারি না, ভালবাসি ব’লে ভালবাসি, কেন ভালবাসি কি বলিব ?’ হৈতুকী ভক্তি বৈধী ভক্তি, অহৈতুকী ভক্তি—রাগাধিক। ভক্তি লাভের উপায় মাত্র। গোণী ভক্তি ও মুখ্য ভক্তি পাইবার সোপান।

গোণী ত্রিধা গুণভেদাদ্যাদিত্যেদায়া ।

গোণী ভক্তি গুণভেদে কিংবা আত্মাদিভেদে তিন প্রকার। গুণ ভেদে ভক্তি সাত্বিকী, রাজসী ও তামসী। তামসী ভক্তি হইতে ক্রমে রাজসী ভক্তির ও রাজসী হইতে সাত্বিকী ভক্তির উদয় হয়। পরে সাত্বিকী ভক্তি মুখ্য ভক্তিতে পরিণত হয়।

“অপিচেৎ সুদূরাচারো ভজতে মামনন্যভাক্ ।

সাধুরেব স মন্তব্যঃ সম্যগ্ভাবসিতো হি সঃ ॥

।কপ্রং ভবতি ধর্ম্মাত্মা শশ্চছাস্তিঃ নিগচ্ছতি ।

কৌন্তেয় প্রতিজানৌহি ন মে ভক্তঃ প্রণশ্যতি ॥”

শ্রীমদ্ভগবদগীতা, ৯। ৩০, ৩১।

‘হে অর্জুন, অতি দূরাচার লোকও যদি অনন্যচেতা হইয়া আমার ভজনা করিতে থাকে, তবে তাহাকে সাধু বলিয়া মনে করিতে হইবে। সে সম্যক জ্ঞানবান্ হইয়াছে। যে এক্রপে আমার ভজনা করে সে শীঘ্রই ধর্ম্মাত্মা হইয়া যার এবং নিত্য শান্তি প্রাপ্ত হয়। হে কৌন্তেয়, তুমি নিশ্চয় জানিও আমার ভক্ত কখনও নাশ পায় না।’

গুণভেদে তিন প্রকার গোণী ভক্তির উল্লেখ হইল, তাহা দৃষ্টান্ত দ্বারা দেখাইতেছি :—দস্যু, চোর ও অন্ত্যাত্ম পরোপকারী ব্যক্তি তাহাদিগের হৃদ-ভিসন্ধি বাহাতে সাধিত হয়, তজ্জন্তু যে ভক্তি দ্বারা ভগবানকে ডাকিয়া থাকে, তাহার নাম তামসী ভক্তি । দস্যুগণ কালীপূজা করিয়া অভীষ্টসাধনজন্তু বাহির হইত, এখনও অনেক লোককে মিথ্যা মোকদ্দমার জয়লাভ করিবার জন্ত কালী-নাম জপ করিতে কি তাঁহার পূজা করিতে দেখা যায়, ইহারা তামস ভক্ত । পুত্র, ষণ, ধন, মান, ঐশ্বর্য্য প্রভৃতি কামনা করিয়া ভোগাভিলাষী হইয়া, ‘যে অনিষ্ট করিয়াছে প্রতিশোধে তাহার অনিষ্ট হউক,’ এইরূপ ইচ্ছা করিয়া যে ভগবানকে ডাকে সে রাজস ভক্ত ; বাহার পৃথিবীর ভোগের দিকে কিছুমাত্র দৃষ্টি নাই, যিনি পরোপকারসাধন করেন ও কেবলমাত্র মুক্তি কামনা করিয়া ভগবানকে ডাকেন, তিনি সাত্বিক ভক্ত । এই তিন প্রকার ভক্তিই সকাম ভক্তি ; মুখ্য ভক্তি নিকাম । মুখ্য ভক্তিতে মুক্তিকামনাও নাই । গোণী ভক্তি হইতে ক্রমে মুখ্যভক্তি লাভ হইয়া থাকে ।

আৰ্ত্তাদিভেদেও গোণী ভক্তি তিন প্রকার । আৰ্ত্ত, জিজ্ঞাসু ও অর্থার্থী —এই তিন শ্রেণীর গোণী ভক্তি ।

কোন বিপদে পড়িয়া সেই বিপদ হইতে উদ্ধার পাইবার জন্ত যে ভগবানকে প্রাণপণে ডাকিতে থাকে সে আৰ্ত্তভক্ত । রোগে, শোকে, বিপদে প্রায় সকলেই ভগবানকে ডাকিয়া থাকেন । যখন নদীর মধ্যে নৌকাখানি ডুবু ডুবু হয়, তখন আমরা সকলেই আৰ্ত্তভক্ত হই ।

জিজ্ঞাসু ভক্ত — যিনি ভগবত্ত্ব জানিতে ইচ্ছুক হইয়া তদ্বিষয়ে আলোচনা করেন ; ভগবানের প্রতি হৃদয়ে প্রেমের ভাব নাই, কিন্তু তিনি কেমন ও তাঁহা দ্বারা কি কার্য্য হইতেছে জানিবার জন্ত যিনি তাঁহার সম্বন্ধে আলোচনা করেন, তিনি জিজ্ঞাসু ভক্ত ।

কোন অর্থ সাধন করিবার জন্ত যিনি ভগবানকে ডাকেন, তিনি অর্থার্থী ।
পুত্র দাও, ধন দাও, অর্থার্থীর প্রার্থনা ।

ইহারা সকলেই নিকৃষ্ট ভক্তি ; কিন্তু কিছুদিন সাধনা করিলেই উৎকৃষ্ট
ভক্ত হইয়া পড়েন । যিনি বিপদে পড়িয়া ডাকিতে শিখিয়াছেন, তিনি কিছু-
দিন প্রাণের ভিতরে সেই ভাবটী পোষণ করিলে, বিপদ চলিয়া গেলেও
তাঁহাকে ডাকিতে ক্ষান্ত হইতে পারেন না ; অবশেষে মুখ্যা ভক্তের
পদবীতে আরোহণ করেন । জিজ্ঞাসু যিনি, তিনি ভগবন্তকে আলোচনা
করিতে করিতে অবশেষে এত মধুর রস আনন্দন কুন্ঠিতে থাকেন যে,
আর সে আলোচনা ত্যাগ করিতে পারেন না, প্রতিদিন মধু পান করিতে
করিতে এমন হইয়া পড়েন যে আর তাহা না হইলে চলে না ; তখন মুখ্যা
ভক্তি গোণী ভক্তির স্থান অধিকার করিয়া লয় । অর্থার্থী যে কিরূপে
মুখ্যা ভক্তি লাভ করেন এবং তাহার চূড়ান্ত দৃষ্টান্ত ।

ভক্তির অধিকারী কে ?

যদৃচ্ছয়া মৎকথাদৌ জাতশ্রদ্ধস্ত যঃ পুমান্ ।

ন নির্বিঘ্নো নাতিসংকো ভক্তিযোগহস্ত সিদ্ধিদঃ ॥

ভাগবত, ১১ । ২০ । ৮

শ্রীমদ্ভাগবতের একাদশ স্কন্ধে ভগবান বলিতেছেন :—

‘যে ব্যক্তির প্রকৃত বৈরাগ্য কি জ্ঞান হয় নাই, অথচ সংসারেও নিতান্ত
আসক্তি নাই, কিন্তু আমার প্রসঙ্গে কিঞ্চিৎ শ্রদ্ধা জন্মিয়াছে, ভক্তিযোগ
তাহার সিদ্ধিপ্রদ ।’

যাহার মনে ঈশ্বরের প্রতি শ্রদ্ধা হয় নাই, কিংবা যাহার মন পূর্ণসংশয়ে

আচ্ছন্ন, সে কিরূপে ভক্তিসাধন করিবে ? বাহার মন সর্বদা না হইলে ও সময়ে সময়ে ঈশ্বরের দিকে কিঞ্চিৎ আকৃষ্টি হয়, তাহার পক্ষেই ভক্তিবোধ প্রশস্ত ।

ভক্তিবোধ জাতি, কুল ও বয়সের কোন অপেক্ষা রাখে না । পরিণত বয়সে ভক্তিসাধন করিবে, বাল্যে কি যৌবনে করিবে না, একরূপ বাক্য সম্পূর্ণ ত্রয়মূলক । ভক্তিসাধন বাল্য বয়সেই আরম্ভ করা কর্তব্য । রামকৃষ্ণ পরমহংস মহাশয় বলিতেন ‘ভক্তিবীজ বপন করিবে ত হৃদয় কোমল থাকিতে থাকিতে কর । বাল্য বয়সেই মাটির মত হৃদয় কোমল থাকিতে থাকিতে ভক্তিবীজ বপন করা কর্তব্য, পরে সংসারে পুড়িয়া সে মাটি বাষা হইয়া গেলে, বাষায় কখনও গাছ গজায় না’ । আমার একটা বন্ধু বলিয়া থাকেন ‘বৃদ্ধ বয়সে ধর্মসাধন করিতে যাওয়াও যা, শরতানের উচ্ছ্রিষ্ট ভগবানকে দেওয়াও তাই ।’ অনেক বৃদ্ধ বলিয়া থাকেন ‘বাল্য বয়সে ধর্ম ধর্ম করা নিতান্ত অকর্তব্য । প্রথম বয়সে বিদ্যা উপার্জন করিবে, দ্বিতীয় বয়সে ধন উপার্জন করিবে, বৃদ্ধকালে ধর্ম উপার্জন করিবে ।’ বাস্তবিক ভগবানের তাহা অভিপ্রেত নহে, বিদ্যা উপার্জন ও ধন উপার্জন সমস্তই ভগবানকে লইয়া করিতে হইবে । ধর্ম ভিন্ন বিদ্যা অকর্মণ্য, ধন অকর্মণ্য । ধর্মের মতি না থাকিলে বিদ্যাও ধন ধূর্ততা ও শঠতার পরিপোষক হইয়া দাঁড়ায় । পরে হার হার করিতে হয় ।

শিশোনাসীদ্ধাকাং জননি তব মন্ত্ৰং প্রজপিতুং
কিশোরে বিদ্যায়াং বিষমবিষয়ে ভিত্ততি মনঃ ।
ইদানীং ভীতোহহং মহিষগলঘণ্টাঘনরবা-
ম্মিরলম্বোলম্বোদরজননি কং যামি শরণম্ ॥

লম্বোদরজননিতবঃ ।

এক ব্যক্তি চিরদিন ধর্মহীন জীবন যাপন করিয়া বৃদ্ধ বয়সে ক্রন্দন করিতেছেন :—

‘হে লম্বোদরজননি দুর্গে, ধৈর্যবে কথা কহিবার শক্তি ছিল না, তাই তোমার মন্ত্র বপ করিতে পারি নাই। কিশোর বয়সে বিদ্যা ও পরে বিষম বিষয়ে মন মগ্ন হইয়াছিল, কোনকালেই ধর্মোপার্জন করি নাই, এখন মাগো, যমের বাহন মর্হিষের গলার ঘণ্টার ঘনরবে শশব্যস্ত, কেবল ‘গোলাম, গোলাম’। এই চিন্তা, এখন আশ্রয়বিহীন হইয়া পড়িয়াছি, কাহার ‘শরণ গ্রহণ করিব ?’ যে ব্যক্তি বাল্যবয়সে ধর্মকে সহায় না করে, সে চিরজীবন দুঃখে যাপন করিয়া বৃদ্ধ বয়সে মৃত্যুভয়ে অস্থির হইয়া পড়ে, আর ভক্তিসাধনের সময় পায় না।

‘ওহে মৃত্যু, তুমি মোরে কি দেখাও ভয় ?

ও ভয়ে কম্পিত নর আমার হৃদয়।’

বলিতে পারেন তিনি, যিনি ধর্মকে আশ্রয় করিয়া জীবনযাপন করিতেছেন। মৃত্যুর জন্ত আমাদেরকে সর্বদা প্রস্তুত থাকা কর্তব্য। মৃত্যু কি বালক, কি যুবক, কি বৃদ্ধ, সকলকেই গ্রাস করিয়া থাকে। অতএব

মুবেব ধর্মশীলঃ স্মাৎ অনিত্যং খলু জীবিতং ।

কোহি জানাতি কশ্চাচ্চ মৃত্যুকালো ভবিষ্যতি ॥

মহাভারত । শান্তি । ১৭৫ । ১৬

‘যুবাবয়সেই ধর্মশীল হইবে, জীবন অনিত্য, কে জানে আজ কাহার মৃত্যু হইবে ?’ মৃত্যু বালককে তাগ করে না। ভক্তচুড়ামণি প্রহ্লাদ কি বলিয়াছেন ?—

কৌমার আচরেৎ প্রাজ্ঞো ধর্ম্যান্ ভাগবতানিহ ।

চূর্ণভং যানুযং জন্ম তদপ্যঙ্গবমর্থদম্ ॥

ভাগবত । ৭ । ৬ । ১

বালা বরসেই ভাগবতধর্ম আচরণ করিবে, জীবন কদিনের জন্ত ?
মনুষ্যজন্মই দুর্লভ, তন্মধ্যে সকলকাম জীর্ধন নিতান্তই অশ্রব ।

এ পৃথিবীতে বাহারা মহাপুরুষ বলিয়া খ্যাত, তাঁহাদের প্রায়
সকলেরই বালাজীবনেই ভগবদ্ভক্তির পরিচয় পাওয়া গিয়াছে । বালা-
বহায় ভক্তি উপার্জন না করিলে, পরে বৎপরোনাস্তি পরিতপ্ত হইতে হয়,
সুতরাং কোন বালক যেন ভক্তিসাধন বৃদ্ধ বয়সে কারব বলিয়া অপেক্ষা
করিয়া না থাকেন ।

ভক্তি সাধনসম্বন্ধে জাতিকুল ভেদ নাই, শাণ্ডিল্য বলিতেছেন :—

অনিন্দ্যযোন্যধিক্রিয়তে ।

ভগবদ্ভক্তিতে নিন্দ্যযোনি চণ্ডাল প্রভৃতিরও অধিকার আছে । ভক্তি-
রাজ্যে বর্ণভেদ, জাতিভেদ স্থান পায় না । চণ্ডালও যদি প্রাণটি তাঁহাতে
সমর্পণ করিয়া তাঁহাকে ডাকে, তাঁহার সাধ্য নাই তিনি স্থির থাকিতে
পারেন । তাঁহার নিকটে সবই সমান ; ‘জাতির বিচার নাই সেখানে ।’
মনুষ্য সম্বন্ধেই বা কি ? তুমি যত বড় উচ্চ ব্যক্তিই হওনা কেন, একটা
চণ্ডাল কি চামারের কি তোমাকে ভালবাসিবার অধিকার নাই ? আর
যে তোমাকে ভালবাসে, তুমি ক দিন তাহার হাত এড়াইয়া থাকিতে
পার ? ভালবাসার রাজ্যে আবার হাড়ি ডোম কি ? শুধু চণ্ডাল
শ্রীরামচন্দ্রকে ‘ওরে হারে’ বলিয়া সম্বোধন করিতেন । লক্ষণ তাঁহার
এই ব্যবহার দেখিয়া তাঁহার প্রাণনাশ করিতে উদ্বৃত্ত হন । শ্রীরামচন্দ্র
অমনি বলিলেন :—

“কার প্রাণ নাশন, করবিরে ভাই লোন্,

মিতার আমার কোন অপরাধ নাই ।

ও যে প্রেমে ‘ওরে হারে,’ ও বলে আমারে,

ওরে আমি বড় ভালবাসি তাই ।

ভক্তিতে আমি চণ্ডালেরও হই,
ভক্তিশূণ্য আমি ব্রাহ্মণেরও নই,
ভক্তিশূণ্য নর, সুধা দিলে পর, সুধাই নারে ;
ভক্তজনে আমায় বিষ ও দিলে থাই” ।

শবরী চণ্ডালকণ্ঠা । পঞ্চবটী বনে তাহার উচ্ছিষ্ট অর্দ্ধভুক্ত ফলগুলি
শ্রীরামচন্দ্র কত আদরে ভক্ষণ করিয়াছিলেন । ভক্তিমান্ সকলেই পবিত্র ।

অষ্টবিধা হৈষা ভক্তি যস্মিন্ স্নেছেহপি বর্ততে ।

স বিপ্রেন্দ্রো মুনিঃ শ্রীমান্ স যতিঃ স চ পণ্ডিতঃ ॥

গারুড়পুরাণ । ১ । ২৩১ । ২

অষ্টবিধা ভক্তি যে স্নেছেতেও প্রকাশ পায়, সে স্নেছে স্নেছে নহে ;
সে বিপেত্র, সে শ্রীমান্, সে যতি, সে পণ্ডিত ।

ভক্তিতে ধনী দরিদ্র বিভেদও নাই । তিনি কি ধনীর বাড়ী আসিবেন ;
কান্দালের বাড়ী আসিবেন না ? তাহা হইলে আর তাঁহাকে কেহ দীনবন্ধু
কান্দালশরণ বলিয়া ডাকিত না । বরং ধনী অপেক্ষা দরিদ্রের ভক্তিসাধন
সহজ । ধনী চারিদিকে প্রলোভনের বস্তু দ্বারা বেষ্টিত থাকেন, যদ্বারা
অধর্মোৎপত্তির বিশেষ সম্ভাবনা । দরিদ্রের সেইরূপ প্রলোভনের বস্তু
নাই, সুতরাং ধর্মপথে চলিতেও ব্যাঘাত নাই । যীশুখ্রীষ্ট বলিয়াছেন :—
“বরং সূচের ছিদ্রের ভিতর দিয়া উটের চলিয়া যাওয়া সহজ, তবু ধনী
ব্যক্তির স্বর্গে প্রবেশ করা সহজ নহে ।” আমাদের শাস্ত্রে একটি
সুন্দর আখ্যানিকা আছে । কলি যখন পরীক্ষিতের রাজ্যে উপস্থিত
হইল, মহারাজ পরীক্ষিত তাহাকে বলিলেন ‘হে অধর্মবন্ধু, তুমি কখন
আমার রাজ্যে থাকিতে পারিবে না, চলিয়া যাও ।’ কলি তাঁহার আদেশে
ভীত হইয়া অনেক মিনতি করিয়া বলিল, ‘আপনি সকলের রাজা আমাকেও

‘শাকিবান্ জন্তু আপনার যে স্থলে অভিরুচি কিঞ্চিৎ স্থান নির্দিষ্ট করিয়া দিন ।’

অভ্যর্থিতস্তদা তস্মৈ স্থানানি কলয়ে দদৌ ।

দাতং পানং ত্রিয়ঃসূনাযত্রাধর্ষ্যচতুর্বিধঃ ॥

ভাগবত, ১। ১৭। ৩৮

সে তাঁহার নিকট এই প্রার্থনা করিলে তাহার জন্তু রাজা এই কয়কটি স্থান নির্দিষ্ট করিয়া দিলেন :—যে যে স্থলে এই চতুর্বিধ অধর্ষ্য অনুষ্ঠিত হয় (১) দাতকীড়া, (২) মত্তপান, (৩) স্ত্রীসঙ্গ, (৪) জীবহিংসা। কলি দেখিলেন চারি স্থানে থাকিতে হইবে, ইহাতে বিশেষ অশুবিধা, সুতরাং এক স্থানে এই চারি প্রকারের অধর্ষ্যই পাওয়া যায়, এরূপ একটি স্থান চাহিল

পুনশ্চ যাচমানায় জাপরূপমদাৎ প্রভুঃ ।

ততোহনৃতং মদং কামং রজো বৈরঞ্চ পঞ্চমম্ ।

ভাগবত, ১। ১৭। ৩৯

এইরূপ পুনরায় ভিক্ষা করিলে তিনি তাহার বাসের জন্তু এক সুবর্ণ পিণ্ড দান করিলেন ; এক সুবর্ণের মধ্যে দাতকীড়াজনিত অনৃত, সুরাপানজনিত মত্ততা, স্ত্রীসঙ্গরূপীকাম, জীবহিংসামূল রজোভাব সকলই আছে ; এই চারিটি ব্যতীত পঞ্চম নূতন আর একটি ভাব বৈরভাবও আছে। সত্য সত্যই কলি ধনে বসতি করে। বাস্তবিক ধনে অনেকের সর্বনাশ ঘটায়, ধনী অথচ সাধু ভক্ত কজন দেখিতে পাওয়া যায় ? ধন-গর্বিত ব্যক্তির স্বর্গে স্থান নাই। ধনীও দীনাত্মা না হইলে ভগবানকে লাভ করিতে পারে না। ধনীর ধুমধামে ঈশ্বরকে পাওয়া যায় না। ‘যে কাতরপ্রাণে তাঁহাকে ডাকে, সেই তাঁহাকে পায়। যে ব্যক্তি ভিখারীর

বেশ ধারণ করিয়া ‘কোথায় হে দীনবন্ধু’ বলিয়া তাঁহাকে ডাকে, দীনবন্ধু তাঁহার নিকটে উপস্থিত হন । কেবল বাহিরের যাগযজ্ঞে সে পদ লাভ হয় না ।

“কেবল অনুরাগে তুমি কেনা,
প্রভু বিনে অনুরাগ ক’রে যজ্ঞ যাগ
তোমারে কি যায় জানা ?

(তোমায় ধন দিলে কে কিন্তে পারে ?)”

তাঁহার নিকটে বিহ্বলের ক্ষুদ্র অমৃতময় অতি আদরের সামগ্রী, মহারাজাধিরাজের ভোগ, অতি তুচ্ছ, অতি অকিঞ্চিৎকর বস্তু ।

বাহিরের বিদ্যা ভিন্নও ভগবদ্ভক্তি সম্ভবে । তবে বিদ্যা যে ভক্তিপথের সহায় তাহা কে অস্বীকার করিবে ? বিদ্যা ভিন্ন যে ভক্তি হইতে পারে না তাহা নহে । রামকৃষ্ণ পরমহংস তাঁহার জলন্ত দৃষ্টান্ত । তাঁহার বিদ্যা কি ছিল ? কিন্তু তাঁহার জ্ঞান জ্ঞানী ক জন ? প্রধান প্রধান পণ্ডিতগণ তাঁহার চরণপ্রান্তে বসিয়া কত জ্ঞান লাভ করিয়াছেন ! ভক্তির আবেগে প্রাণ খুলিয়া গিয়াছিল তাই দিব্য জ্ঞান লাভ করিয়াছিলেন । এইরূপ অনেক ভক্ত দেখা গিয়াছে তাঁহারা লেখাপড়া জানেন না, কিন্তু ভক্তকুলের চুড়ামণি ; প্রকৃতিগ্রন্থ পাঠ করিতে করিতে জ্ঞানী হইয়া পড়িয়াছেন । পরমহংস মহাশয় এই বিশ্বগ্রন্থ যেরূপ পাঠ করিয়াছিলেন, বিদ্বানদিগের মধ্যে ক’জন সেরূপ পাঠ করিয়াছেন বলিতে পারি না । ভক্তির সঙ্গে সঙ্গে জ্ঞানের ক্রমিক বিকাশ হয় । ঈশ্বর সকলের পিতামাতা । পিতামাতাকে ডাকিতে কি কাহারও কোন বিদ্যার প্রয়োজন হয় ? না ডাকিতে কাহারও বিজ্ঞানপাঠ কি কূটশাস্ত্র : অধ্যয়ন করিয়া লইতে হয় না । নিরঙ্কর ভক্ত সরলপ্রাণে মাকে ডাকিতে আরম্ভ করেন, ক্রমে মায়ের লীলা এমনই প্রতিভাত হইতে থাকে যে তাহা নিরীক্ষণ করিতে করিতে এবং তাহার

আলোচনা করিতে করিতে প্রভূত জ্ঞান সঞ্চিত হয় । ভক্ত যতই মালিয়া ডাকিতে থাকেন ততই মা আপনার স্বরূপ তাঁহার নিকটে প্রকাশ করেন । কে না জানেন মা জ্ঞানস্বরূপা ? সুতরাং মার আবির্ভাবে ভক্তের হৃদয়ে জ্ঞানের ভাঙার খুলিয়া যায় । বৈষ্ণবগ্রন্থে একটি অতি মধুর কবিতা আছে :—

ব্যাধস্তাচরণং ধ্রুবস্ত চ নয়ো বিদ্যা গজেন্দ্রস্ত ক।
কুজায়াঃ কিমু নাম রূপমধিকং কিন্তুঃ সূদাম্নোদনং ।
বংশঃ স্রো বিদুরস্ত যাদবপতে রুগ্রসেনস্ত কিং পৌরুষং
ভক্তা। তুষাতি কেবলং ন চ গুণৈর্ভক্তিপ্রিয়ো মাধবঃ ॥

‘ব্যাধের আচরণ কি ছিল ? ধ্রুকের বয়স কি ছিল ? গজেন্দ্রের বিদ্যা কি ছিল ? কুজার সৌন্দর্য্য কি ছিল ? সূদাম বিপ্রেের ধন কি ছিল ? বিদুরের বংশ কি এবং যাদবপতি উগ্রসেনরই বা পৌরুষ কি ছিল ? তথাপি মাধব ইহাদিগের প্রতি বিশেষ রূপা করিয়াছেন । ভক্তিপ্রিয় মাধব কেবল ভক্তি দ্বারাই সন্তুষ্ট হন, কোন গুণের অপেক্ষা রাখেন না ।’ সরল বিশ্বাসের সহিত যে তাঁহাকে চায় সেই তাঁহাকে পায়, তাঁহার নিকটে কঠোর সাধনও পরাস্ত হয় । এ বিষয়ে একটি গল্প আছে :— একদিন দেবর্ষি নারদ গোলোকে মহাবিকুর সহিত সাক্ষাৎ করিতে যাইতেছিলেন, পথে দেখিলেন এক কঠোরতপাঃ যোগী ঘোর তপস্তায় শরীর ক্ষয় করিতেছেন, তাঁহার শরীর বস্ত্রীকে অর্দ্ধপ্রোথিত হইয়াছে । তিনি উচ্চৈঃস্বরে দেবর্ষিকে ডাকিয়া বলিয়া দিলেন “ভগবন্, আপনি ঠাকুরকে জিজ্ঞাসা করিবেন আমি তাঁহার জন্ত এমন ঘোর কষ্টসাধন করিতেছি, আর কতদিনে সিদ্ধিলাভ হইবে ?” দেবর্ষি অঙ্গীকার করিয়া কিছুদূর অগ্রসর হইলে দেখিলেন পাগল শাস্তিরাম একস্থানে সানন্দমনে গাঁজার ধূমপান

করিতেছেন। শান্তিরাম দেবর্ষিকে দেখিয়া জিজ্ঞাসা করিল “যাও কোথা যাকুর ?” দেবর্ষি যেমন তাঁহার গমনের কথা বলিলেন, অমনি শান্তিরাম বলিলেন ভাল হলো, আচ্ছা, একবার সে বেটাকে জিজ্ঞাসা ক’রো

“ভজন পূজন সাধন বিনা

আমার গাঁজা ভিজবে কিনা ?”

নারদ কুঁভয় অনুরোধ অঙ্গীকার করিয়া প্রভুর নিকটে উপস্থিত হইলেন এবং উভয়ের প্রশ্ন জ্ঞাপন করিলেন। শান্তিরামের কথা উত্থাপনমান গোলোকনাথের চক্ষু হইতে অনর্গল অশ্রুধারা বহিতে লাগিল। তিনি বলিলেন, “বৎস নারদ, শান্তিরামের মত ভক্ত পৃথিবীতে আর কোথায় ? কিন্তু তুমি যে যোগীর কথা বলিলে তাহাকে ত আমি চিনি না।” নারদ প্রত্যাগমনকালে শান্তিরামকে সমস্ত বলিলেন, শান্তিরাম নাচিতে নাচিতে গাইতে লাগিল :—

“শান্তিরাম তুই বগল বাজা

গোলোকে তোর ভিজল গাঁজা।”

সরল বিশ্বাসীর গাঁজা এইরূপই গোলোকে ভিজিয়া থাকে।

ভক্তি উপার্জন করিতে জাতি কুল, বয়স, ধন, বিদ্যা প্রভৃতি কিছুই অপেক্ষা নাই। “সরল প্রাণে যে ডেকেছে, পেয়েছে তোমায়।” ভক্তদিগের মধ্যেও জাতি কুল, বিদ্যা প্রভৃতি ঘটিত কোন ভেদ নাই। তাহাদিগের নিকটে সকলেই সমান।

নাস্তিতেবুজাতিবিচারূপকুলধনক্রিয়াদিভেদঃ।

শান্তিন্যাস্ত্র, ৭২।

ভক্তদিগের মধ্যে জাতি, বিদ্যা, রূপ, কুল, ধন এবং ক্রিয়ার ভেদ বিচার নাই। তাহাদিগের মধ্যে আবার ব্রাহ্মণ, শূদ্র, চণ্ডাল, শ্লেচ্ছ কি ? তাহা

দিগের নিকটে স্বরূপ, কুরূপ, পণ্ডিত, মূর্খ, ধনী, দরিদ্র এ বিচার থাকিলে পৃথিবীতে আর শান্তির স্থল ছিল না । উপাশ্র যেন, উপাসকও তেমনি । ভগবানের নিকট যেন সবই সমান, ভগবদ্ভক্তের নিকটও তেমনি সবাই সমান ।

কেহ হয়ত বলিবেন আমাদের ভক্ত হইবার অধিকারই নাই । এসংসারে পাপে মোহে আকুল যে জীব, সে ভক্ত হইবে কি প্রকারে ?

সংসারী ভক্তের ভূরি ভূরি দৃষ্টান্ত রহিয়াছে । রামানন্দ রায় রাজার দেওয়ান ছিলেন, প্রকাণ্ড রাজ্যের ভার তাঁহার মস্তকে ন্যস্ত, কিন্তু কে না জানেন গৌরান্ধ তাঁহাকে ভক্তশ্রেষ্ঠ বলিয়া কত আদর করিয়াছিলেন ? পুণ্ডরীক বিদ্যানিধিকে দেখাইবার জন্য মুকুন্দ একদিবস গদাধরকে লইয়া যান । গদাধর যাইয়া দেখেন প্রকাণ্ড অঙ্ক হস্ত উচ্চ এক দুগ্ধ-ফেননিভ শয্যার উপরে তিনি বসিয়া আছেন, কত প্রকার গন্ধে ঘর সুগন্ধময়, বিলাসিতার পরাকাষ্ঠা দেখাইতেছেন ; এই ভাব দেখিয়া গদাধরের কিঞ্চিৎ অভক্তি হইল, মুকুন্দ তাহা বুঝিতে পারিলেন, অমনি হরিনাম কীর্ত্তন আরম্ভ করিলেন, যাই কীর্ত্তন আরম্ভ, অমনি বিদ্যানিধি ভাবে বিহ্বল । কত যে প্রাণে ভাবের লহরী উঠিতে লাগিল, আর স্থির থাকিতে পারিলেন না, একেবারে সংজ্ঞাহীন হইয়া পড়িলেন । গদাধর দেখিয়া অবাক্ ! যখন কীর্ত্তন ক্ষান্ত হইল, তাঁহার প্রতি যে অবজ্ঞার ভাব দেখাইয়াছিলেন তজ্জন্ত ক্ষমা প্রার্থনা করিলেন ও তাঁহার প্রামাণ্ডিত্ব স্বরূপ তাঁহাকে গুরূপদে বরণ করিলেন ।

সংসারী কেন ভক্ত হইতে পারিবে না ? এ সংসার কি ভগবানের সৃষ্ট নয় ? ইহা কি সম্রতানের রাজ্য ? ভগবান যখন পিতামাতা দিয়াছেন, গৃহ পরিবার দিয়াছেন, তখন তাঁহার চরণে প্রাণ সমর্পণ করিয়া সংসারের ঘাবতীয় কার্য্য নির্বাহ করিতে হইবে । সংসারের সমস্ত কার্য্য তাঁহার

কার্য্য করিতেছি বলিয়া করিলে পাপ স্পর্শ করিতে পারে না, বুদ্ধি বিচলিত হয় না, প্রাণও সর্বদা অমৃতপূর্ণ থাকে। যতই কেন সংসারের কার্য্য না করি, প্রাণের টান সর্বদাই তাঁহার দিকে থাকা চাই।

পুঙ্খানুপুঙ্খবিষয়ানুপাসেবমানো

ধীরো ন মুঞ্চতি মুকুন্দপদারবিন্দম্।

সঙ্গীতনাদ্যকতিতানবশংগতাপি

মৌলিস্থ-কুস্ত-পরিরক্ষণধীন টীব॥

যেমন নটী সঙ্গীত ও বাজ ও কত প্রকার তানের বশবর্ত্তী হইয়া কত ভাবভঙ্গীতে নৃত্য করিবার সময়েও যন্তকস্থিত কুস্তকে স্থিরভাবে রক্ষা করে, তেমনি যে ব্যক্তি ধীর, তিনি পুঙ্খানুপুঙ্খরূপে বিষয় উপভোগ করিলেও মুকুন্দপদারবিন্দ ত্যাগ করেন না, সর্বদা সেই চরণে তাঁহার মতি স্থির থাকে।

শুকদেব যখন জনক রাজার নিকটে যোগাভ্যাস করিতে গিয়াছিলেন, তিনি তাঁহার ঐশ্বর্য্য দেখিয়া ‘একরূপ সংসারী ব্যক্তি কিরূপে যোগী হইতে পারে ?’ মনে মনে প্রশ্ন করিতেছিলেন। জনক তাঁহার মনোগত ভাব বুঝিয়া তাঁহাকে একটি তৈলপূর্ণ পাত্র দিয়া বলিলেন “তুমি এই পাত্রটা লইয়া আমার সমস্ত রাজধানী দেখিয়া আইস, দেখিও যেন একবিন্দু তৈলও মাটিতে না পড়ে।” শুকদেব তাহাই করিলেন। সমস্ত রাজধানী দেখিয়া প্রত্যুগত হইলেন। জনক তাঁহাকে কোথায় কি দেখিলেন জিজ্ঞাসা করিলেন, তিনি সম্পূর্ণ পুঙ্খানুপুঙ্খরূপে বর্ণন করিলেন। তৈলপাত্র হইতে একবিন্দু তৈলও মাটিতে পড়ে নাই। কেন পড়ে নাই ? তিনি বলিলেন “আমি এদিকে ওদিকে যাহা দেখিয়াছি কিন্তু সর্বদা মন তৈলপাত্রের দিকে ছিল যেন এক বিন্দুও তৈল না পড়িতে পারে।” জনক

বলিলেন ‘আমারও বিষয়ভোগ এইরূপ, সংসারের যাবতীয় কার্য আমি করি, কিন্তু মন সর্বদা সেই দিকে স্থির থাকে, সর্বদা সাবধানে থাকি যেন সেই চরণপদ্ম হইতে একবিন্দুও টলিতে না পারে ।’

সংসারী হইয়া এইরূপে ভক্ত হইতে হয় । যিনি সংসারের সমস্ত কার্যের মধ্যে তাঁহাকে লইয়া থাকেন তিনিই তাঁহার ভক্ত, তাঁহার আবার ভয় কি ? সংসারের সম্পদেও তিনি ক্ষীণ হন না, বিপদেও তিনি হাহতোহস্মি করেন না । আমরা বৃক্ষ হইতে একটি ক্ষুদ্র পত্র খসিয়া পড়িলে অমনি হাহাকার করিয়া উঠি, তাঁহার মস্তকে হিমালয় ভাঙ্গিয়া পড়িলেও তিনি অস্থির হন না । জনক বলিয়াছিলেন :—

অনন্তং বত মে বিত্তং যশ্চ মে নাস্তি কিঞ্চন ।

মিথিলায়াং প্রদৌশ্চায়াং ন মে দহ্যতি কিঞ্চন ॥

মহাভারত । শান্তি । ১৭৮ । ২

‘আমার এই অনন্ত বিত্ত আছে বটে, অথচ আমার কিছুই নাই ; মিথিলা সমস্ত দগ্ধ হইয়া গেলেও আমার কিছুই দগ্ধ হয় না—তাঁহাতে আমার কিছুই আসে যায় না ।’ দুই একটি লোক স্বচক্ষে দেখিয়াছি—

দুঃখেষু দুঃখিণ্যমনাঃ সুখেষু বিগতস্পৃহঃ ।

ভগবদ্গীতা । ২ । ৫৬

দুঃখেতেও মন উদ্বিগ্ন হয় না, সুখেতেও স্পৃহা নাই ।

আমি এক মহাত্মাকে জানি, তিনি গৃহস্থ । তাঁহার জ্যেষ্ঠ পুত্র মেডিকাল কলেজে উচ্চতম শ্রেণীতে পাঠ করিতেন এবং অত্যন্ত তেজস্বী ছিলেন । পরীক্ষায় মেডেল পাইয়াছিলেন । বৃদ্ধের নিতাস্ত ভরসা-স্থল । বোধ হয় ষোল্লবিংশতিবর্ষ বয়সের সময়ে তাঁহার মৃত্যু হয় । ‘যে দিবস মৃত্যু হয়, সেই দিবস তাঁহার বাড়ীতে আমাদিগের একটি সভা ছিল ।

আমার দুইটি সহাধ্যায়ী সন্ধ্যার কিঞ্চিৎ পূর্বে তথায় উপস্থিত হইয়া দেখেন বৃদ্ধ কোন ব্যক্তির সঙ্গে বাড়ীর প্রাঙ্গণে বসিয়া কি আলাপ করিতেছেন। তাঁহারা দুইজনে নিকটে এক আসনে বসিলেন। তন্মধ্যে একজন কিঞ্চিৎ পরে উঠিয়া যে ঘরে আমাদিগের সভা হইত সেই ঘরের দিকে চলিলেন। বৃদ্ধ তাঁহাকে কি জ্ঞাত ঘরে যাইতেছেন জিজ্ঞাসা করিলেন। তিনি উত্তর করিলেন ‘এডুকেশন গেজেট আনিবার জ্ঞাত ;’ বৃদ্ধ স্থির ভাবে বলিলেন “ও ঘরে যাইবেন না, ও ঘরে আমার ন—আজ এই চারিটার সময়ে মরিয়াছে।” আমার সহাধ্যায়ী ও শুনিয়া ‘ন যযৌ ন তস্যৌ।’ এ কি ! এইরূপ যোগ্য পুত্রের মৃত্যু হইয়াছে তাহার জ্ঞাত যেন বিন্দুমাত্রও কাতর নন, এরূপ দৃশ্য ত আর কখন দেখেন নাই, একেবারে অবাক্ ! নীরবে আসিয়া পুনরায় বসিলেন। বৃদ্ধ বলিলেন “আজ চলুন, আমরা দেওয়ানের বাড়ী সভার কার্য্য নির্বাহ করিয়া আসি।” এব্যক্তির সম্বন্ধে আপনারা কি বলিবেন ? প্রাণ সর্বদা ভগবদ্ভক্তিতে পূর্ণ না হইলে এরূপ স্থির থাকা সহজ নহে।

ইহার সম্বন্ধে আর একটা গল্প শুনিয়াছি। অপর একটি পুত্রের মৃত্যু হইলে ইহাকে নাকি কে শোক না করিতে দেখিয়া জিজ্ঞাসা করিয়াছিল ‘মহাশয়, আপনি এরূপ স্থির থাকিতে পারেন কি প্রকারে ?’ তাহার উত্তরে ইনি বলিয়াছিলেন ‘দানের উপরে আবার দাবি কি ?’ অর্থাৎ ভগবান দিয়াছিলেন তিনিই নিয়াছেন। তাঁহার উপর আবার দাবি কি হইতে পারে ? আশ্রিত তাঁহার কোন উপকার, কি কার্য্য করিয়া ইহাকে অর্জন করি নাই যে তাঁহার উপর আমার দাবি চলিবে। বিদেশে তাঁহার একটি কণ্ঠার মৃত্যু হইলে তাঁহার সহধর্ম্মিণী ক্রন্দন করিতেছিলেন, এমন সময়ে তিনি নাকি তাঁহাকে গিয়া বলিয়াছিলেন ‘তুমি কাঁদ কেন ? মনে কর না তোমার কণ্ঠা সেই ভাগলপুরেই আছে। হয়ত বলিবে, সেখানে

থাকিলে ত বৎসরান্তে অমৃততঃ একত্রিংশ দেখা হইত, তা অপেক্ষা কর, কিছু দিন পরে দেখা হইবেই ; এমন দেখা হইবে যে আর বিচ্ছিন্ন হইতে হইবে না।’ কি সরল বিশ্বাস ! ইনি এখনও বর্তমান এবং আমাদের দেশের গৌরবস্বরূপ।

আর এক ব্যক্তিকে দেখিয়াছি, তাঁহার পুত্র মৃত্যুশয্যা শয়ান, তাঁহার স্ত্রী পার্শ্বে পড়িয়া ক্রন্দন করিতেছেন। তিনি সেই সময়ে বলিয়া উঠিলেন, ‘দেখ, আমার পুত্রের মৃত্যু হইতেছে তাহাতে আমার যত কষ্ট হয় না, তোমার অবিষমজনিত চক্ষের জল দেখিয়া যত কষ্ট পাইতেছি।’ এই সময়ে আমি তাঁহার নিকটে বসিয়াছিলাম। আমার ত চক্ষু স্থির !

এইরূপ দৃষ্টান্ত দেখিয়া কিছুতেই বলিতে পারি না, সংসারে, থাকিয়া ভক্ত হওয়া যায় না। যাহার প্রাণ ভক্ত হইতে চায়, ভগবান তাঁহার সহায়, তাঁহার বাঞ্ছা সিদ্ধ হইবেই। কেহ যেন মুখেও না আনেন যে এ সংসারে ভক্ত হইবার পথ নাই, তাহা হইলে ভগবানের প্রতি ভয়ানক দোষারোপ করা হয়। এই সংসারের কর্ত্তা ত তিনিই ‘গৃহিণাং গৃহদেবতা।’

পূর্বেই বলিয়াছি তামসভক্তও ক্রমে মুখ্যভক্তি লাভ করিয়া থাকে। কেহ ছরাচার হইয়াও ভগবানকে ডাকিলে সে অল্প দিনের মধ্যে ধর্ম্মীয়া হইয়া যায় এবং নিত্য শান্তি প্রাপ্ত হয়। এ বিষয়ে গীতা হইতে ভগবদ্ভাষ্য পূর্বেই উদ্ধৃত করিয়াছি। তবে আর নিরাশ হইবার কারণ কোথায় ? সকলেই বুক বাধিয়া অগ্রসর হইতে পারেন, ভগবান্ সকলকেই কৃতার্থ করিবেন। আমরা যত জগাই মাধাই আছি সকলেই উদ্ধার পাইব।

ভক্তির সঞ্চার হয় কিরূপে ?

মহৎকৃপায়ৈব ভগবৎকৃপালেশায়া ।

নারদ-ভক্তিসূত্র ।

‘মহৎকৃপা দ্বারা কিংবা ভগবানের কৃপালেশ হইতে ।’ সাধুদিগের কৃপাও ভগবানের কৃপালেশের অন্তর্গত । কথন্থ যে কিরূপে ভগবানের কৃপা হয় তাহা মনুষ্যের বুদ্ধির অতীত । কা’ল যাহাকে নিতান্ত অসাধু দেখিয়াছি আজ হইতে সে ব্যক্তি এমন ভক্ত হইয়া দাঁড়াইয়াছে যে আমরা তাঁহার পদধূলি লইতে পারিলে নিজের জীবন কৃতার্থ মনে করি ।

ভক্তমলে কয়েকটি সুন্দর দৃষ্টান্ত আছে :—

কোন রাজার একটি মেথর ছিল । মেথরের এক দিবস রাজ ভাণ্ডারে চুরি করিবার বড়ই ইচ্ছা হইয়াছে, দ্বিপ্রহর রাত্ৰিতে রাজার শয়নাগারের নিকটে সিঁদ কাটিতেছে, এমন সময়ে রাণী রাজাকে জিজ্ঞাসা করিলেন ‘কত দিন তোমায় বলিতেছি, তুমি বড় মেয়ের বিয়ে দেবে না ?’ রাজা বলিলেন ‘উপযুক্ত বর না পাইলে কাহার হস্তে সমর্পণ করিব ?’ রাণী বারংবার তাকু করায় অবশেষে রাজা স্থির করিলেন পরদিন প্রত্যুষে তিনি নিকটস্থ তপোবনে গমন করিয়া প্রথম যে যোগীর সাক্ষাৎ পাইবেন তাঁহাকেই আপন কন্যা ও রাজ্যের অর্দ্ধভাগ দান করিবেন । মেথর রাজার এই সংকল্প শুনিতে পাইল । মনে মনে চিন্তা করিল ‘তবে ধা পরিশ্রম করি কেন ? চুরি করিতে আসিয়াছি, কেহ যদি টের পায়, যদি ধরা পড়ি, তবে ত প্রাণটীও হারাইতে হইবে ; যাই যোগিবেশ পরিয়া তপোবনে বসিয়া থাকি, অনায়াসে রাজকন্যা ও রাজ্যার্ক লাভ করিতে পারিব ।’ ইহাই স্থির করিয়া আপন গৃহে আসিয়া যোগিবেশ ধারণ করিয়া রাত্ৰি প্রভাত না হইতেই যে পথে রাজা তপোবনে যাইবেন সেই পথের পার্শ্বে তপোবনপ্রান্তে বসিয়া রহিল । প্রত্যুষে

যাই রাজা তপোবনের নিকটস্থ হইলেন—অমনি যোগী ধ্যানস্তিমিতলোচন হইয়া বসিলেন। রাজা নিকটে আসিয়া দেখেন যোগী গভীর ধ্যানে নিমগ্ন। সাষ্টাঙ্গ প্রণিপাত করিলেন। অনেকক্ষণ প্রতীক্ষা করিতে লাগিলেন, মহাত্মার আর ধ্যান ভঙ্গ হয় না। অবশেষে বহুক্ষণ পরে চক্ষু উন্মীলন করিলেন। রাজা পদতলে পড়িয়া তাহাকে নগরীতে লইয়া যাইবেন প্রার্থনা করিলেন; যোগী অগত্যা স্মীকার করিলেন। রাজা তাহাকে কত আদর করিয়া অগ্রে লইয়া চলিলেন। রাজবাটী উপস্থিত হইয়া সিংহাসনে বসাইয়া রাজা তাহার পদপ্রক্ষালন করিলেন, রাণী চামর বাজন করিতে লাগিলেন; কিয়ৎকাল পরে দুইজনে মিলিয়া কৃতাজলি হইয়া এই প্রার্থনা করিলেন ‘ভগবন্, আমাদের একটা পরমা-মুন্দরী কন্যা আছে, অনুমতি হইলে শ্রীচরণে সেই কন্যা ও রাজ্যার্ক উৎসর্গ করি।’ মেথর, রাজা ও রাণী কর্তৃক এইরূপ স্তুত হইয়া ভাবিতে লাগিলেন, ‘আমি বাহিরে মাত্র যোগিবেশ ধারণ করিয়াছি, তাহাতেই রাজরাণী পদানত ও রাজকন্যা ও রাজ্যার্ক দিবার জন্ত ব্যাকুল, প্রকৃত যোগী হইলে না জানি কত রাজরাণীই পদানত হন ও কত রাজকন্যা ও কত রাজ্য পাওয়া যায়।’ এইরূপ ভাবিতে ভাবিতে তাহার মন পরিবর্তিত হইয়া গেল। সে রাজা ও রাণীর প্রার্থনা গ্রাহ্য করিল না, তৎক্ষণাৎ সিংহাসন হইতে অবতরণ করিয়া ব্যাকুলভাবে ভগবানকে ডাকিতে ডাকিতে যে চলিয়া গেল, আর বিষয় তাহাকে স্পর্শও করিতে পারিল না। ভক্তির দ্বার খুলিয়া গেল, জীবনসার্থক হইল। সে তাহার হুরভিসন্ধি সিদ্ধ করিতে চলিয়াছিল, ভগবানের কৃপা হইল—অমাবস্তার অন্ধকার পূর্ণিমা রাত্রিতে পরিণত হইল।

আর একটা এরূপ গল্প আছে :—একটা ব্যাধ পাখী মারিবার জন্ত এক সরোবরের তীরে উপস্থিত হইল। তাহাকে দেখিবামাত্র পাখীগুলি উড়িয়া

গেল, সে তাহা দেখিয়া এক বৃক্ষের আড়ালে লুকাইয়া রহিল। কিছুকাল পরে দেখিল—একটি বৈষ্ণব সেই সরোবরে নামিয়া স্নান করিতে লাগিলেন, একটি পাখীও তাহাকে সেথিয়া সঙ্কুচিত হইল না, একটি পাখীও উড়িয়া গেল না। এই ব্যাপার দেখিয়া ব্যাধ ভাবিল ‘আমি বৈষ্ণব সাজিয়া উহাদের নিকটে যাইব, যখন একটাও উড়িয়া যাইবে না, সমস্তগুলি অনায়াসে ধরিয়া আনিতে পারিব, তীর ধনুকের প্রয়োজনই হইবে না।’ এইরূপ স্থির করিয়া ব্যাধ বৈষ্ণবের বেশ ধরিয়া সেই সরোবরে নামিল। এবার একটি পাখীও নড়ে না। এক একটি ধরিয়া লইলেই হয়, কিন্তু তাহার কি যে হইল—সেইরূপ কার্য্য করিতে আর প্রাণ সরে কই ? সে যেন কি হইতে চলিল। স্বর্গ হইতে রূপাবর্ণন হইতে লাগিল। সে ব্যাধ আর সে ব্যাধ নাই, অবিরত ধারে অশ্রুজল রক্ষঃস্থল ভাসিয়া চলিল ‘পাষণ গলিল সে করুণার প্লাবনে।’ প্রাণের ভিতরে যে কি প্রেমের তরঙ্গ উঠিতে লাগিল কজনের ভাগ্যে তেমন হয়, জানি না। সে চিন্তা করিতে লাগিল ‘যাহার সেবকের বেশ মাত্র ধারণ করিলে পশুপক্ষীও ভয় করে না, কিছুমাত্র সঙ্কুচিত হয় না, দিবারাত্র তাঁহার নাম করিলে—প্রকৃত ভক্ত হইলে না জানি কিই হয় ! যে আমাকে দেখিয়া পাখীগুলি ভয়ে কোথায় পলাইবে তাহার জন্ত ব্যস্ত হইত, সেই আমি এখন পূণ্যদেশ ধারণ করিয়াছি বলিয়া হেলিয়া ছলিয়া আমার চারিদিকে কত ক্রীড়া করিতেছে, অকুতোভয় হইয়া কতবার আমার গায়ে আসিয়া পড়িতেছে। আহা ! এমন মধুর বেশ আর ত্যাগ করা নয়।’ ব্যাধ সেই শুভ মুহূর্ত্ত হইতে ভক্ত হইয়া গেল। এইরূপ অনেক দৃষ্টান্ত আছে। রত্নাকর দম্ভ্যর দৃষ্টান্ত মনে করুন।

অতি অল্পদিন হইল যে একটি চমৎকার দৃষ্টান্ত পাওয়া গিয়াছে সেটা অনিলে মোহিত হইবেন। এক ব্যক্তি ইতরবংশোদ্ভব, এখনও জীবিত আছেন, অত্যন্ত জঘন্য ছিলেন। এমন পাপ অতি কম আছে যাহা তিনি

করেন নাই । সুরাপান ও গজিকাসেবনে বিশেষ পটু ছিলেন । এইরূপ ক্রোধনশ্রুতাব ছিলেন যে একদিন তাঁহার শত্রুবিনাশ করিবার জন্য শত্রুর শয়নাগারে সাপ ছাড়িয়া দিবেন বলিয়া একটি ভয়ানক সাপ হাড়িতে পুরিয়া লইয়া যাইতেছিলেন । ভগবান রক্ষাকর্তা । যাইতে যাইতে একটি বাঁশের সাঁকো ভাঙ্গিয়া জলের ভিতরে হঠাৎ পড়িয়া যান, সাপটীও ইত্যবসরে পলায়ন করে । কাজেই অভীষ্ট সিদ্ধ হইল না । একদিন সুরাপানে বিভোর হইয়া চলিয়াছেন, এমন সময়ে একখানি ঘরের নিকটে কোন প্রয়োজনে বসিলেন, ঘরের ভিতরে কয়েক ব্যক্তি এই গানটি গাইতেছিলেন :—

ওহে দীননাথ, কর আশীর্বাদ

এই দীনহীন দুর্কল সম্বন্ধে ।

যেন এ রসনা, করে হে শোষণা,

সত্যের মহিমা জীবনে মরণে ।

মাহেন্দ্রকণে পদগুলি তাঁহার কর্ণে প্রবেশ করিল । সেই মুহূর্ত্ত হইতে তাঁহার জীবনের গতি পরিবর্তিত হইয়া গেল । ভগবানের কৃপা হইল, সুরার মত্ততা তৎক্ষণাৎ ছুটিল, তখনি প্রতিজ্ঞা করিলেন ‘আর না, এই সময় হইতে নূতন জীবনের পত্তন করিতে হইবে, আর সে ঘৃণিত অভ্যাসগুলিকে স্থান দেওয়া নয় ।’ বাস্তবিক এই শুভমুহূর্ত্ত হইতে তাঁহার জীবন নূতন ভাব ধারণ করিল, আর সে কলঙ্কগুলি নাই । তিনি কবিরাজের ব্যবসায় করিতেছেন । এক টাকা কি তদুচ্চ যাহা পান তাহা ব্রাহ্মসমাজে দান করিয়া থাকেন, এক টাকার কম যাহা পান, তাহার দ্বারা নিজের জীবিকা নির্বাহ করেন ।

এইরূপ জগাই মাধাই প্রভৃতি কত যে মহাপাপী ভগবৎকৃপায় নিমিষের মধ্যে কৃতার্থ হইয়া গিয়াছে, তাহার দৃষ্টান্তের অভাব নাই । জগাই মাধাই মহতের কৃপায়, নিত্যানন্দের কৃপায় পবিত্র জীবন লাভ করেন । কিন্তু

মহতের কৃপাও ভগবৎকৃপাসাপেক্ষ । তিনি কৃপা না করিলে কি নিত্যানন্দ তাঁহাদিগের নিকটে উপস্থিত হইতেন ? এবং ভক্তের যে কি মহিমা তাঁহাদিগের চক্ষে পড়িত ?

কিন্তু ভগবানের কৃপা ত দিবানিশি অবিরত বর্ষণ হইতেছে, যাঁহার চক্ষু আছে তিনি দেখিতে পান । ‘দয়ার তাঁর নাহি বিরাম, করে অবিরত ধারে ।’ তিনি বৎসহারা গাভীর গায় আমাদিগের পশ্চাত পশ্চাত সর্বদা ধাবিত, আমরা স্বাধীনতার বলে দূরে পলায়ন করি । ‘মানুষ কেবল পাপের ভাগী নিজ স্বাধীনতার ফলে ।’ যে ব্যক্তি তাঁহার কৃপা অনুভব করিতে চাহেন তিনিই দেখিতে পারেন ‘সেই করুণা বর্ষে শতধারে ।’ তিনি ত আমাদিগের জন্ত সর্বদাই ব্যাকুল, আমরা তাঁহার জন্ত ব্যাকুল হইলেই পাপ চলিয়া যায়, পাপ দূর হইলে হৃদয়ধন অমনি ভক্তের হৃদয় আলো করিয়া প্রকাশিত হন ।

রামকৃষ্ণ পরমহংস মহাশয় বলিতেন ‘চুম্বক পাথর যেমন লৌহকে আকর্ষণ করে, তেমনি তিনি আমাদিগকে আকর্ষণ করিতেছেন । যে লৌহদণ্ড কাদামাথান তাহা চুম্বকে লাগিয়া যাইতে পারে না । আমরা কাদামাথান বলিয়া তাঁহাতে লাগিতে পারিতেছি না, কাদিতে কাদিতে বাই কাদা ধুইয়া যাইবে অমনি টুক করিয়া তাঁহাতে লাগিয়া যাইব ।’ তাঁহাকে ডাকিতে হইবে ও পাপের জন্ত কাদিতে হইবে ; তাহা হইলে তাঁহার কৃপার অনুভূতি হইবে ।

যে তাঁহাকে ডাকে তাহারই প্রতি তাঁহার কৃপা হয় অর্থাৎ সেই তাঁহার কৃপা অনুভব করে ও তাঁহার স্বরূপ দেখিতে পায় । পূর্বেই বলিয়াছি ইহাতে বিজ্ঞা, ধন ও মানের প্রয়োজন নাই । শ্রুতি বলিতেছেন :—

নায়মাত্মা প্রবচনেন লভ্য।

ন মেধয়া ন বহুনা শ্রুতেন ।

যমেবৈষ রুণুতে তেন লভ্য

স্তম্ভৈষ আত্মা রুণুতে তনুংস্বাম ॥

কঠোপনিষৎ । ২ । ২৩

এই আত্মাকে অনেক বেদাধ্যয়ন দ্বারা পাওয়া যায় না; অনেক গ্রন্থার্থ ধারণ করিলেও পাওয়া যায় না; অনেক শাস্ত্র শ্রবণ করিলেও পাওয়া যায় না; তবে কিসে পাওয়া যায়? ইনি বাঁহাকে রূপা করেন তিনিই ইঁহাকে পান, তাঁহারই নিকটে ইনি স্বরূপ প্রকাশিত করেন।

ভক্তিপথের কণ্টক ও তাহা দূর করিবার উপায় ।

ভগবানকে ডাকিবার ও তাঁহার রূপা উপলব্ধি কি তাঁহাতে প্রাণ সমর্পণ করিবার পথে কতকগুলি বাধা আছে, তাহা অপসারিত করা নিতান্ত প্রয়োজন। ভক্তিপথের কণ্টকগুলি দূর না করিলে সে পথে অগ্রসর হইব কি প্রকারে? কতকগুলি বাহিরের কণ্টক, কতকগুলি ভিতরের কণ্টক। বাহিরের কণ্টকগুলির মধ্যে সর্বপ্রধান কুসংসর্গ।

দুঃসঙ্গঃ সর্বথৈব ত্যাজ্যঃ ।

নারদভক্তিসূত্র ।

কুসঙ্গ সর্বথা পরিত্যজ্য। কুসঙ্গ বলিতে কেবল কুচরিত্র ব্যক্তিগণের সহিত মিলন ও আলাপ ব্যবহার বুঝিবেন না। কুগ্রন্থ অধ্যয়ন, কুচিত্র দর্শন, কুবাক্য কি কুসঙ্গীত শ্রবণ, সমস্তই কুসঙ্গের মধ্যে পরিগণিত। বাঁহারা পবিত্র হইতে চেষ্টা করিতেছেন আমাদিগের শাস্ত্রানুসারে তাঁহা-দিগের মিথুনীভূত ইতরপ্রাণী পরিত্যক্ত দেখা নিষিদ্ধ। বাহা দর্শন করিলে,

যাহা শ্রবণ করিলে, যাহা উচ্চারণ করিলে অথবা চিন্তা করিলে, মনে কুভাবের উদয় হয় তাহা সমস্তই বর্জনীয়। স্পর্শ করিলে কি হইবে? অনেক লোক আছে যাহাদিগের এমন কি কোন ইতরপ্রাণীর অবস্থা বিশেষ দর্শন করিলে মন পৈশাচিকভাবে কলুষিত হইয়া থাকে। কুচিদ্দর্শন, কুসঙ্গীতশ্রবণ, কি কুগ্রন্থঅধ্যয়নে ত চিত্ত কলঙ্কিত হইবার বিশেষ সম্ভাবনা। যদি স্নেহ পড়িলে মন উন্নত হয়, তবে কুগ্রন্থ পড়িলে কেন অবনত হইবে না? যদি সূচিদ্দর্শনে মনে পবিত্র ভাবের উদয় হয়, তবে কুচিদ্দর্শনে কেন অপবিত্র ভাবের উদ্বেগ হইবে না? যদি কুসঙ্গীত কি সুবাক্যশ্রবণে হৃদয় মধুরভাবে বিহ্বল হয়, তবে কুসঙ্গীত কি কুবাক্য শ্রবণে কেন কুৎসিত ভাবে চিত্ত বিভ্রান্ত হইবে না? আমি একটি অতি সুন্দরচরিত্র যুবকের বিষয় জানি, বিশ্ববিদ্যালয়ে পাঠ করিবার সময়ে কোন সংস্কৃত পাঠ্য-পুস্তকের অশ্লীল পদগুলি তাঁহার মনে এইরূপ ভাবে জিয়া করিয়াছিল যে তিনি তাহারই উত্তেজনার অনেক সময়ে অতি জঘন্য স্বপ্ন দেখিতেন। যাহার কথা বলিলাম তাঁহার ছায় বিগুহচরিত্র ও পবিত্রাকাজ্ঞী যুবক আমি অতি অল্পই দেখিয়াছি। কুসঙ্গীতের শক্তি ইহা অপেক্ষাও গুরুতর। সকলেই স্বীকার করিবেন পাঠ অপেক্ষা সঙ্গীতশ্রবণ অধিকতর উন্মাদক।

কুসঙ্গ যেমন সর্বনাশক এমন আর কিছুই নাই। যে সকল ব্যক্তির অধঃপতন হইয়াছে, জিজ্ঞাসা করুন, বোধ হয় প্রায় তাহাদের সকলের মুখেই শুনিতে পাইবেন কুসংসর্গই অধঃপতনের কারণ। মন্দ পথে চালাইবার ব্যক্তির অন্ত নাই, সুপথের সহযোগী অতি অল্প। সংসার এমনই নষ্ট হইয়াছে, কাহারও যদি ভাল হইবার ইচ্ছা হয়, অমনি শত শত লোক তাহার বাদী হইয়া দাঁড়ায়। কত ঠাট্টা, কত বিক্রপ, কত উপহাস চলিতে থাকে। এ রাজ্যে শয়তানের শিষ্য অসংখ্য। কুকথা বলিয়া, কুদৃষ্ট দেখাইয়া, কু আচরণ করিয়া যে কত প্রকারে লোককে প্রলুব্ধ করিতে

চেষ্টা করে তাহা কে কত বলিবে ? এমন কি পিতামাতা পর্যন্ত সন্তানকে কুপথে চালাইবার জন্য নানা প্রকারের উপায় অবলম্বন করিয়া থাকেন । এ সংসারে হিরণ্যকশিপুৰ অন্ত নাই । একটা বালককে যদি কিছুমাত্র ভগবৎপদে ভক্তিস্থাপন করিতে দেখা যায়, অমনি তাহার পিতামাতা যাহাতে তাহার সেই দিক হইতে মতি ফিরাইয়া আনিতে পারেন, যাহাতে তাহার এই পুতিগন্ধময় বিষয়স্থে মন আকৃষ্ট হয়, তজ্জন্য প্রাণপণে চেষ্টা আরম্ভ করেন । এইরূপ কত দৃষ্টান্ত দেখান যাইতে পারে । হায়, হায়, আমরা যে একেবারে উৎসন্ন হইয়াছি । যে স্থলে পিতামাতা পর্যন্ত এমন শত্রু হইয়া দাঁড়ান, সে স্থলের নাম করিতেও বোধ হয় পাপ হয় ।

যতদূর সাধ্য দুঃসঙ্গ হইতে দূরে থাকিতে হইবে । কুসংসর্গের দ্বারা ভক্তিবিরোধী যে আর কি আছে জানি না । ইহা হইতেই সমস্ত পাপের উদ্ভব । কেন ‘দুঃসঙ্গঃ সর্বথৈব ত্যজ্যঃ’ ? নারদ বলিতেছেন :—

কামক্ৰোধমোহস্মৃতিভ্রংশ বুদ্ধিনাশসর্বনাশকারণত্বাৎ ।

নারদভক্তিসূত্র । ৪৪

কুসংসর্গ কাম, ক্রোধ, মোহ, স্মৃতিভ্রংশ বুদ্ধিনাশ ও সর্বনাশের কারণ । দুশ্চরিত্র ব্যক্তিদিগের সংসর্গে, তাহাদিগের দৃষ্টান্তে ও প্ররোচনায় এবং কুসঙ্গীতশ্রবণ কি মন্দ গ্রন্থাদি পাঠ ও আলোচনা দ্বারা হৃদয়ে কামের উৎপত্তি হয়, ভোগলালসা বলবতী হয় । “ভোগেচ্ছা পরিতৃপ্ত করিতে কোন বাধা পাইলেই ক্রোধের উদ্বেক হয় ।

ধ্যায়তো বিষয়ান্ পুংসঃ সঙ্গন্তেষুপজায়তে ।

সঙ্গাৎ সংজায়তে কামঃ কামাৎ ক্রোধোহভিজায়তে ॥

ভগবদগীতা । ২। ৬২

বিষয় ধ্যান করিতে করিতে তাহাতে আসক্তি জন্মে । স্বয়ং বিষয়

খ্যান করিবে না, ঘোর বিষয়ীর সংসর্গও করিবে না । সংসারের কার্য্য ভগবদাদেশে করিতেছি এইভাবে করিয়া যাইবে । ভগবানকে ভুলিয়া ‘কি খাব, কি খাব, কোথায় টাকা, কোথায় টাকা, কিরূপে ইঞ্জিয় চরিতার্থ করিব’, এইরূপ চিন্তা করিতে করিতে কখন সংসারের কার্য্য করিবে না । এবং চব্বিশ ঘণ্টা ভগবানের নাম ভ্রমেও থালা হয় না, কেবল সংসারচক্রে ঘূর্ণ্যমান—এই ভাবে যাহারা দিন কাটায় তাহাদিগেরও সংসর্গ করিবে না । এইরূপ বিষয় ভোগ করিলে ও এইরূপ বিষয়ীর সংসর্গে থাকিলে বিষয়স্থলে লোকের আসক্তি জন্মে, আসক্তি হইলে ভোগের বাসনা হয়, বাসনা হইলেই তাহা হইতে ক্রোধের উৎপত্তি হয় । যেখানে কোনরূপ বাসনা চরিতার্থ করিবার বাধা পাওয়া যায়, সেইখানেই ক্রোধের উদয় হয় ।

ক্রোধাস্তবতিসংমোহঃ সংমোহাৎস্মৃতিবিভ্রমঃ ।

স্মৃতিভ্রংশাদ্বুদ্ধিনাশো বুদ্ধিনাশাৎ প্রণশ্যতি ॥

ভগবদগীতা । ২ । ৬৩

ক্রোধ হইতেই মোহের উৎপত্তি হয় । ক্রোধ হইলেই চিত্ত অন্ধকারা-
বৃত্ত হইয়া পড়ে । চিত্ত অন্ধকারাবৃত্ত হইলেই স্মৃতিবিভ্রম উপস্থিত হয়
অর্থাৎ যাহা কিছু জ্ঞানসঞ্চয় হইয়াছিল, যে সকল চিন্তা করিয়া কি দৃষ্টান্ত
দেখিয়া, কি যে সকল বাক্য শুনিয়া মনে সংপথানুগামী হইবার ইচ্ছা
জন্মিয়াছিল, তাহা তখন আর মনে পড়ে না—সমস্ত বিপর্য্যস্ত হইয়া যায় ।
এইরূপ স্মৃতিবিভ্রম হইলেই বুদ্ধিনাশ হয় অর্থাৎ সদসৎ বিবেচনা করিবার
ক্ষমতা থাকে না, কাণ্ডাকাণ্ড জ্ঞান থাকে না, বুদ্ধিনাশ হইলেই—নৌকার
হাল ভাঙ্গিয়া গেলে যাহা হইবার তাহা হয়—একেবারে সর্বনাশ ! পৃথিবীতে
যে ভয়ানক হত্যাকাণ্ডগুলি হইতেছে, দায়রার আদালতে যে ভীষণ
মোকদ্দমাগুলির বিচার হয়, তাহার কি প্রায় সমস্তই এই বুদ্ধিনাশের ফল
নহে ? প্রথমে কামোদ্ভূত ক্রোধ জন্মিয়াছে । কোথাও বা ধনলালসা ;

কোথাও বা ইঞ্জিরলালসা ক্রোধের হেতু হইয়াছে, ক্রোধ চিত্তকে মোহে আচ্ছন্ন করিয়াছে, তখন কি করিলে কি হইবে, কোন্ কার্যের কি ফল তাহা আর মনে নাই, সুতরাং বুদ্ধিনাশ হইয়াছে—কর্তব্যাকর্তব্যজ্ঞান লোপ পাইয়াছে—যাই সে জ্ঞান অন্তর্হিত হইয়াছে অমনি এক ব্যক্তি অপর এক ব্যক্তির প্রাণবিনাশ করিতেও সঙ্কুচিত হয় নাই । ভোগলালসার মানুষের এইরূপ দুর্দশা ঘটে । সেই ভোগলালসা কুসঙ্গী হইতে বৃদ্ধি পায় । বাহাতে এইরূপ সর্বনাশ করে তাহাকে বাড়ীর চতুষ্পার্শ্বেও স্থান দিতে নাই ।

একেই ত মানুষ আপনা হইতেই কামক্রোধের দৌরাণ্ড্য অস্থির, তাহাতে আবার এইরূপ উত্তেজনা নিকটে আসিতে দিলে আর রক্ষা কোথায় ?

তরঙ্গায়িতাপীমে সঙ্গাৎসমুদ্রায়ন্তি ।

নারদভক্তিসূত্র । ৪৫

কাম ক্রোধের তরঙ্গ না আছে কোন্ হৃদয়ে ? সকলেই কাম ক্রোধ-দ্বারা সময়ে সময়ে অভিভূত হন । কিন্তু সেই তরঙ্গ দুঃসঙ্গের বাতাস পাইলে একেবারে সমুদ্রের আকার ধারণ করে । ক্ষুদ্র ক্ষুদ্র তরঙ্গ যখন উঠিতেছিল তখন তাহাকে দমন করা তত কঠিন ছিল না ; সমুদ্রের মূর্তি ধারণ করিলে তাহাকে দমন করা যে কি দুঃসাধ্য ব্যাপার তাহা সকলেই বুঝিতে পারেন ।

কোন কোন ব্যক্তি আছেন তাঁহারা সাধিয়া পাপের প্রলোভনের নিকট উপস্থিত হন । তাঁহারা গম্ভীরভাবে বলিয়া থাকেন :—

বিকারহেতৌ সতি বিক্রিয়ন্তে

যেষাং ন চেতাংসি ত এব ধীরাঃ ॥

কুমারসম্ভব ১ । ৫৯

‘বিকারের হেতু থাকিতেও বাহাদিগের চিত্ত বিকৃত না হয়, তাহারাই বীর । পাপের নিকট হইতে পলায়ন করিব কেন ? পাপে বেষ্টিত থাকিয়া পাপজয় করিতে পারিলে তবেত বলি বীর ।’ কেহ যেন চাহেন না এমন বীর হইতে । মহাত্মা যীশুখ্রীষ্টও সমতান কর্তৃক প্রলুব্ধ হইয়াছিলেন । মহাপুরুষ শাক্যসিংহেরও কত ঘোর তপস্তার মধ্যে পাপের সহিত সংগ্রাম করিতে হইয়াছিল । যোগীশ্বর মহাদেবের পর্যাস্ত সমাধির মধ্যে চিত্তচঞ্চল্য উপস্থিত হইয়াছিল । আর কীটামুকীট যে আমরা, তাঁহাদের দাসামুদাসের পদধূলি লইবার যোগ্য নহে যে আমরা, আমরা কিনা পাপের দুর্গের মধ্যে প্রবেশ করিয়া সমূলে পাপকে বিনাশ করিব !!! আমরা ইহাদিগের সকলের অপেক্ষা বল ও বীৰ্য্যশালী কিনা, আমরা প্রলোভন আহ্বান করিয়া আনিয়া তাহা জয় করিব ! কুহকের দুর্ভেদ্য শৃঙ্খল গলায় পরিয়া, পায়ে জড়াইয়া, অঙ্গুলির আঘাতে তাহা ছিন্ন করিয়া ফেলিব ! এক্ষণ তেজ প্রদর্শন করিতে কেহ যেন স্বপ্নেও চিন্তা না করেন । যীশু তাঁহার ভক্তদিগকে এই প্রার্থনা করিতে শিষ্টাইয়াছিলেন, — ‘আমাদিগকে প্রলোভনের মধ্যে লইয়া যাইও না, পাপ হইতে রক্ষা কর ।’ দুর্বল সর্বদা প্রলোভন হইতে দূরে থাকিতে চেষ্টা করিবে । কিছুতেই যেন কোন পাপকে ইচ্ছন দেওয়া না হয় । কাম, ক্রোধ, লোভ, মোহ—ইহাদিগকে ইচ্ছন দিলে আর রক্ষা থাকিবে না । এইজন্য নারদ ঋষি এবং সকল ভক্তগণই দুঃসঙ্গ ত্যাগ করিতে অনুরোধ করিয়াছেন । বাহাতে এই সর্বনাশ কোনরূপ প্রশ্রয় না পায় এইজন্য বিধি হইয়াছে :—

• জীধননাস্তিকবৈরিচরিত্রঃ ন শ্রবণীয়ঃ ।

নারদভক্তিসূত্র । ৬৩

জীলোকের রূপ, যৌবন, হাবভাব প্রভৃতির বর্ণনা শ্রবণ করিবে না । তাহাতে মন বিচলিত হইবার সম্ভাবনা । এক্ষণ লোক অতি বিরল বাহারা কোন কুৎসিত বর্ণনা শুনিয়াও হৃদয় নির্ঝিকার রাখিতে পারেন । অনেকে

ইংরাজী ভাষা শিক্ষা করিবার ছল করিয়া *Mysteries of the Court of London* পাঠ করিয়া থাকেন। তাহার ভিতরে যেরূপ কুৎসিত রূপবর্ণনাদি আছে তাহা পাঠ করিয়াও মনের বিকার হয় নাই এরূপ পাঠক কজন আছেন বলিতে পারি না। মন্দ জীচরিত্র শ্রবণে পৈশাচিক প্রযুক্তি উত্তেজিত হইবে, সুতরাং তাহা শ্রবণ করা নিষিদ্ধ।

ধনিচরিত্রও শ্রবণ করিবে না। অমুক ব্যক্তি ধন উপার্জন করিয়া যেমন জাঁকজমকের কার্য্য করিয়াছে এদেশে আর কেহ ওরূপ করিতে পারে নাই; অমুক ব্যক্তি প্রতিদিন সহস্র মুদ্রা উপার্জন করে, তাহার বাড়ীখানি দেখিলে ইন্দ্রের অমরাবতী বলিয়া বোধ হয়, ঘরের দ্বারে দ্বারে সাটিনের পরদা,—সেগুলি আবার আতর গোলাপের গন্ধে পরিপূর্ণ, ভিতরে যে ছবিগুলি প্রত্যেক খানির মূল্য বোধ হয় হাজার টাকার উর্দ্ধে—সে যে কি অপূর্ণ ছবি তাহা বর্ণনা করিবার সাধ্য নাই। বাবু বসিয়া আছেন, কত কত পণ্ডিত তাঁহার গুণগান করিতেছেন—এইরূপ বর্ণনা শুনিতে শুনিতে হৃদয় ধনোপার্জনের জন্ত মাতিয়া উঠে, প্রাণের ভিতর বাসনানল প্রজ্জ্বলিত হয়, ধনতৃষ্ণায় মন একেবারে অস্থির হইয়া পড়ে, সদস্য বিবেচনা থাকে না। যেরূপে হউক যতটুকু পারি এরূপ সুখ-সন্তোষ করিতে হইবে, লোকে ধনী বলিবে, যশস্বী বলিবে, কত পণ্ডিত আসিয়া আমার স্তুতিবন্দনা করিবে এইরূপ ভাবিতে ভারিতে কত লোক অধর্মাচরণ ও অপরের সৰ্বনাশসাধন করিয়া ধন সংগ্রহ করিতে ব্যস্ত হয়—অবশেষে পতঙ্গের স্থায় নিজের দেহমন লোভাশ্রিতে বিসর্জন দেয়। ধনিচরিত্র শ্রবণ করিবে না বলিয়া কেহ যেন মনে না করেন, তবে সহুপায় অবলম্বন করিয়া কে কিরূপে ধনী হইয়াছে তাহা শ্রবণ করাও নিষিদ্ধ।

নাস্তিকের চরিত্র শ্রবণ করিবে না। নাস্তিকের চরিত্র শুনিতে শুনিতে ভগবদ্বিষয়ে নানা সংশয় উপস্থিত হয়, চিত্ত অস্থির হইয়া পড়ে, মন মোহাচ্ছন্ন

হয়। জনষ্টমার্টমিল, আগষ্ট কোমং প্রভৃতির চরিত্র শ্রবণ করিয়া নাস্তিক হইলেই বুদ্ধিমান বলিয়া পরিগণিত হওয়া যায় ভাবিয়া, অনেক নির্বোধ স্বীয় বুদ্ধির পরিচয় দিবার জন্য নাস্তিক হইয়াছেন।

শত্রুচরিত্রও শ্রবণ করা নিষিদ্ধ। শত্রুর চরিত্র শুনিতে শুনিতে হৃদয়ে ক্রোধানল উদ্দীপ্ত হইয়া উঠে, আত্মরিক প্রবৃত্তি জাগ্রত হয়, মন প্রতি-
হিংসায় দগ্ধ হইতে থাকে। ইহার ঞ্চায় ভক্তিপরিপন্থী আর কি আছে? অপ্রেমের ঞ্চায় প্রেমের বিরোধী আর কি হইতে পারে?

যাহাতে কাম, ক্রোধ, লোভ, মোহ প্রভৃতি উত্তেজিত হয় তাহা কখনও দেখিবে না, শুনিবে না, স্পর্শ করিবে না। সুতরাং কুরুচিপূর্ণ নাটক ও উপন্যাসপাঠের দ্বার রুদ্ধ হইল। কুদৃশ্য, কুংসিত ছবি, যাহাতে কোনরূপ দুঃপ্রবৃত্তির উদয় হয় তাহা কখন দেখিবে না। কুবাक্য, কুসঙ্গীত কখন শুনিবে না। এই জন্তই শ্রুতির ভিতরে দেখিতে পাই শিষ্যবৃন্দ লইয়া ঋষিগণ প্রার্থনা করিতেছেন :—

ওঁ ভদ্রং কর্ণেভিঃ শৃণুয়াম দেবা ভদ্রং পশ্যেম অক্ষভির্ষজত্রাঃ
স্থিরৈরঙ্গৈস্তৃণুবাংসস্তনুভির্ব্যশেম দেবহিতং যদায়ুঃ।

শান্তিবচন। যুগেকোপনিষৎ।

‘হে দেবগণ, আমরা যেন সর্বদা ভদ্র শব্দই শ্রবণ করি এবং চক্ষু সর্বদা ভদ্র বস্তুই দর্শন করি। স্থির অঙ্গবিশিষ্ট শরীর দ্বারা তোমাদিগের স্তব করিয়া যেন দেবতাদিগের উপযুক্ত আয়ু প্রাপ্ত হই,’ অর্থাৎ অভদ্র কিছু কর্ণ ও চক্ষুর সন্মুখে উপস্থিত না হইলে ইন্দ্রিয়চঞ্চল্য জন্মিবে না, তাহা হইলেই জিতেন্দ্রিয় হইতে পারিবেন; জিতেন্দ্রিয় হইলেই অঙ্গ স্থির হইবে; সুতরাং ইন্দ্রিয়জয়ের ফলস্বরূপ দীর্ঘায়ু লাভ করিতে পারিবেন।

এখন ভিতরের কণ্টকগুলি কি কি এবং কিরূপে তাহা দূর করা যাইতে পারে তাহারই আলোচনা করিব। ভিতরের সমস্ত কণ্টকগুলি যখন

নিঃশেষিত হইয়া যায়, তখন আর সাহিরের কণ্টক কোন ক্ষতি করিতে পারে না, কিন্তু সেই অবস্থার উন্নত হওয়া সহজ নহে—অনেক সাধন-সাপেক্ষ । ভিতরের কয়েকটি প্রধান কণ্টকের নাম করিতেছি (১) কাম, (২) ক্রোধ, (৩) লোভ, (৪) মোহ, (৫) মদ, (৬) মাৎসর্য ও তদনুচর (৭) উচ্ছৃঙ্খলতা (৮) সাংসারিক ছশ্চিন্তা, (৯) পাটওয়ারি বুদ্ধি, অর্থাৎ কৌটিল্য, (১০) বহ্নালাপের প্রবৃত্তি, (১১) কুতর্কেচ্ছা, (১২) ধর্ম্যাভিস্রব ।

কামজনিত যে দশটা দোষ মনকে বিশেষভাবে তরল করে তাহার উল্লেখ করিতেছি :—

মৃগয়াক্ষো দিবানশ্বপ্নঃ পরীষাদঃ স্ত্রিয়োমদঃ ॥

তৌর্য্যত্রিকং বৃথাট্যা চ কামজো দশকোগণঃ ॥

মনুসংহিতা । ৭ । ৪৭

মৃগয়া অর্থাৎ পশুপক্ষী শিকার, তামপাশা খেলা, দিবানিদ্রা, পরের দোষকীর্তন, স্ত্রীসঙ্গ, সুরাপান, নৃত্য, গীত, বাণ্য, বৃথাভ্রমণ । নৃত্য, গীত ও বাণ্য বলিতে ভগবদ্বিষয়ক নৃত্য, গীত ও বাণ্য অবশ্য বর্জিত ।

ক্রোধজনক যে আটটি দোষ চিত্তকে বিকৃত করে তাহাদিগেরও নাম করিতেছি :—

পৈশুণ্যং সাহসং দ্রোহ ঈর্ষাসূয়ার্থদূষণং ।

বাগদণ্ডজ্ঞপ্য পারুষ্যং ক্রোধজোহপি গণোহষ্টকঃ ॥

মনুসংহিতা । ৭ । ৪৮

খলতা, হঠকারিতা (গোঁয়ারতামি), পরের অনিষ্টচিন্তা ও আচরণ, অন্তের গুণসম্বন্ধে অসহিষ্ণুতা, পরের গুণের মধ্য হইতে দোষ বাহির করা, যাহা দেওয়া উচিত তাহা না দেওয়া ও দত্ত পদার্থ অপহরণ করা, কঠোর ও কটু বাক্য প্রয়োগ এবং নিষ্ঠুরাচরণ ।

কামজ ও ক্রোধজ, দোষগুলি বাহাতে নিকটে আসিতে না পারে ও আসিলে বাহাতে, তাহাদিগকে অবিলম্বে দূর করিয়া দেওয়া বার ভজ্ঞত্ব প্রাণপণে চেষ্টা করিতে হইবে ।

পৃথিবীতে যত প্রকারের দোষ আছে তাহাদিগকে দূরে রাখিবার, কি দূরীভূত করিবার জ্ঞাত কতকগুলি সাধারণ উপায় আছে, আর কতকগুলি বিশেষ বিশেষ দোষ সম্বন্ধে বিশেষ বিশেষ উপায় আছে ।

সকল প্রকার দোষ সম্বন্ধেই সাধারণ উপায় কয়েকটি মনে রাখা ও যিনি যেটি কি যে কয়েকটি সহায় মনে করেন, তাঁহার সেইটি কি সেই কয়েকটি দৃঢ়ভাবে অবলম্বন করা কর্তব্য । সাধারণ উপায়গুলি বলিতেছি—

(১) যে পাপ, কি যে দোষ আপনা হইতেই মনে উদয় না হয় তাহাকে কিছুতেই নিকটে আসিতে না দেওয়া ।

ন খল্ব্যপ্যরসজ্জস্ত্য কামঃ কচন জায়তে

সংস্পর্শাদর্শনাদ্বাপি শ্রবণাদ্বাপিজায়তে ॥

অপ্রাশনমসংস্পর্শমসংদর্শনমেব চ

পুরুষশ্চৈষ নিয়মো মণ্ড্যে শ্রেয়ো ন সংশয়ঃ ॥

মহাভারত । শাস্তিপর্ক । ১৮০ । ৩০, ৩৩

ভীষ্মদেব একটি গল্পের উল্লেখ করিয়া যুধিষ্ঠিরকে বলিতেছেন—যে ব্যক্তি যে বিষয়ের রসজ্ঞ নহে, তাহার তাহাতে কামনা জন্মে না—স্পর্শন, দর্শন, কিংবা শ্রবণ হইতেই জন্মিয়া থাকে । অতএব বাহাতে কোন দূষিত বাসনা মনে উপস্থিত হইবার সম্ভব তাহা স্পর্শ, কি দর্শন অথবা শ্রবণ করিবে না, মনুষ্যের ইহাই শ্রেয়ঙ্কর নিয়ম সন্দেহ নাই ।

বাহাতে মন কোনরূপে প্রলুব্ধ কি বিকৃত হইতে পারে তাহার ত্রিসীমারও কখনও মন কি সেই বিষয়োপযোগী কোন ইচ্ছিয়কে বাইতে

দেওয়া নিতান্তই নিষিদ্ধ। সমস্ত কুবিষয়ের প্রলোভন হইতে দূরে থাকিতে হইবে।

(২) যিনি যে পাপে আক্রান্ত হইয়াছেন, তাহার কুফল আলোচনা ও চিন্তা করা। কামে কি কুফল, ক্রোধে কি কুফল, কামক্রোধ হইতে উদ্ভূত দোষগুলির কোনটার কি কুফল এই ভাবে দোষ মাত্রেরই কুফল এবং প্রত্যেক পাপের জন্ত ইহলোকে হউক পরলোকে হউক বিধিনির্দিষ্ট শাস্তি ভোগ করিতেই হইবে—এই সত্যটির আলোচনা ও স্থিরভাবে চিন্তা করিলে সেই দোষের দিকে মন অগ্রসর হইতে পারে না। কাম, ক্রোধ লোভ, মোহ প্রভৃতি উৎকট পাপের ফল ইহলোকেই ভোগ করিতে হইবে।

ত্রিভির্বৈষ্মিত্তিভির্মাসৈস্ত্রিভিঃ পক্ষৈস্ত্রিভির্দিনৈঃ ।

অত্যাৎকটৈঃ পাপপুণ্যৈরিহৈব ফলমশ্নুতে ॥

হিতোপদেশ ।

‘অত্যাৎকট যে পাপ ও পুণ্য তাহার ফল তিন দিনেই হউক, তিন পক্ষেই হউক, তিন মাসেই হউক, তিন বৎসরেই হউক, যখনই হউক, ইহলোকেই ভোগ করিতে হইবে ;’ ইহা মনে হইলে সহজেই কাম, ক্রোধ প্রভৃতি হইতে মন সঙ্কুচিত হইবে।

কোন গ্রন্থ পড়িয়া কি কোন সদ্ব্যক্তির উপদেশ পাইয়া, অথবা দৃষ্টান্ত দেখিয়া কিংবা আপন মনে চিন্তা করিয়া যিনি হৃদয়ের অভ্যন্তরে দৃঢ়রূপে বুঝিতে পারিয়াছেন যে, যে ব্যক্তি ইন্দ্রিয়লালসা চরিতার্থ করিবে, তাহার ফলে তাহার নানাবিধ উৎকট ও ঘূর্ণাই রোগ জন্মিবে, মস্তিষ্ক নিস্তেজ হইবে, শ্বাস দুর্বল হইবে, স্মৃতিশক্তি কমিয়া যাইবে ; শারীরিক বল ও সৌন্দর্য্য নষ্ট পাইবে, প্রাণের প্রকল্পতা কিছুতেই থাকিবে না, যত সেই পথে অগ্রসর হইবে ততই মৃত্যুকে আহ্বান করা হইবে, ইহকালেও তাহার দুর্গতি

পরকালেও তাহার দুর্গতি—যিনি প্রকৃতই বুদ্ধিতে পারিয়াছেন, “Chastity is Life, Sensuality is Death.”

মরণং বিন্দুপাত্তেন জীবনং বিন্দুধারণাৎ ।

শিবসংহিতা ।

তিনি কখনও ইচ্ছিয়লালসা পরিতৃপ্ত করিতে সাহসী হইবেন না। অন্যান্য সকল পাপ সম্বন্ধেও এইরূপ অপকার চিন্তা করিলে সেই পাপ করিতে ভয় হয়। কাম ও ক্রোধের কুফল পরে বিশেষ ভাবে উল্লেখ করা যাইবে।

(৩) পাপীর দুঃখ ও পুণ্যাচার সুখপর্যালোচনা। পাপী আপাতমধুর পাপ করিতে যাইয়া চরমে কিরূপ ক্লিষ্ট হয় ও পুণ্যাচার কিরূপে ক্রমাগত আনন্দের দিকেই অগ্রসর হন, ইতিহাসে ও জীবনচরিতে তাহার দৃষ্টান্তের অভাব নাই। পাপপ্রবৃত্তি কিরূপ সর্বনাশ ঘটায় ও পুণ্যেচ্ছা কি অমৃতময় শুভফল উৎপন্ন করে প্রত্যেকে নিজের জীবনের অতীতভাগ চিন্তা করিলেই বিশেষরূপে বুঝিতে পারিবেন। কিঞ্চিন্মাত্র অন্তর্দৃষ্টি করিলেই পাপের অন্তর্দাহ ও পবিত্রতার উৎসবানন্দ হৃদয়ের অভ্যন্তরে সকলেই উপলব্ধি করিতে পারেন। সামান্য একটি নগণ্য ব্যক্তি জীবন পুণ্যময় করিয়াছেন বলিয়া কত কত মহারাজার রাজমুকুট তাহার চরণতলে বিলুপ্তি হইয়াছে, আর কোন মহাসাম্রাজ্যের অধিপতি পাপের স্রোতে শরীর ও মন ভাসাইয়াছে বলিয়া সকলের ঘৃণার ও তাচ্ছিল্যের পাত্র হইয়াছে—ইতিহাসের পংক্তিতে পংক্তিতে তাহার জলন্ত প্রমাণ দেখিতে পাই। পাপের ফল দুঃখ, পুণ্যের ফল সুখ—যে কোন জাতির উন্নতি ও অবনতির বিষয় চিন্তা করিলে এই সত্যটি প্রতিভাত হইবে। একমাত্র পুণ্যের প্রভাবেই যে ভারত একদিন জগতের শীর্ষস্থানীয় হইয়াছিলেন, আর একমাত্র পাপের কুফলেই যে আজ অপর সকল জাতির পদানত, তাহা কি কাহারও

বুঝিবার থাকি আছে ? যে কোন ব্যক্তির অথবা যে কোন জাতির অতীত কি বর্তমান অবস্থা আলোচনা করিবেন তাহাতেই দেখিতে পাইবেন ।

দুর্ভিক্ষাদেব দুর্ভিক্ষং ক্লেশাৎ ক্লেশং ভয়াঙ্কয়ং ।

মৃত্যুভ্যাঃ প্রমৃতং যাস্তি দরিদ্রাঃ পাপকারিণঃ ॥

উৎসবাদুৎসবং যাস্তি স্বর্গাৎ স্বর্গং সুখাৎ সুখং ।

শ্রদ্ধাধানাশ্চ দাস্তাশ্চ ধনাঢ্যঃ শুভকারিণঃ ॥

মহাভারত । শান্তিপর্ষ । ১৮১

‘দরিদ্র পাপাচারী ব্যক্তিগণ দুর্ভিক্ষ হইতে দুর্ভিক্ষে, ক্লেশ হইতে ক্লেশে, ভয় হইতে ভয়ে, মৃত্যু হইতে মৃত্যুতে পতিত হয় । ধনী জিতেজ্জিয় শ্রদ্ধাবান্ পুণ্যাচারী ব্যক্তিগণ উৎসব হইতে উৎসবে, স্বর্গ হইতে স্বর্গে, সুখ হইতে সুখে গমন করেন’ । ভীষ্মদেব পাপাচারিগণকে দরিদ্র ও পুণ্যাচারীদিগকে ধনী আখ্যা দিয়াছেন । বাস্তবিকও পাপাচারীর জ্ঞান দরিদ্র কুপার পাত্র আর কোথায় ? মনের ভিতরে যাতনা, বাহিরে গঞ্জনা, ইহলোকও নষ্ট, পরলোকও নষ্ট । কেহ কেহ হয়ত বলিবেন—‘কেন ? ইহলোকেও অনেককে পাপাচরণ করিয়া সুখী হইতে দেখিলাম ।’ তাহা-দিগকে এইমাত্র বলিতে চাই ‘যাহাদিগকে বাহিরে সুখী বলিয়া মনে করিতেছ, একবার তাহাদের অন্তরে দুখ আছে কি না অনুসন্ধান করিয়া দেখ—পাপ করিয়া প্রাণের শাস্তিতে আছে এমন একটি প্রাণীও দেখাইতে পারিবে না’ । পুণ্যাখ্য ব্যক্তি যে প্রকৃত ধনী তাহার আর সন্দেহ কি ? যিনি ভোগলালসাবিহীন, পুণ্যে অবস্থিত, তিনি ত্রৈলোক্য রাজ্যকেও গ্রাহ করেন না । কোন যতি এক রাজ্যকে সম্বোধন করিয়া বলিয়াছেন :—

বয়মিহ পরিতুষ্টা বন্ধলৈস্ত্বং দুকূলৈঃ

সম ইহ পরিতোষো নির্বিশেষো বিশেষঃ ।

স তু ভবতু দরিদ্রো যস্য তৃষ্ণা বিশালা ।

মনসি চ পরিতুষ্টে কোহর্থবান্ কো দরিদ্রঃ ॥

বৈরাগ্যশতক ।

‘আমরা সামান্য বকলপরিধান করিয়াই সন্তুষ্ট, আর তুমি সন্তুষ্ট বহুমূল্য হুকুলপরিধান করিয়া, পরিতোষ উভয়েরই সমান ; প্রভেদ এই, আমরা হুকুলেও যেমন সন্তুষ্ট বকলেও তেমনি সন্তুষ্ট, তোমার বকল পরিতে মনে কষ্ট হইবে, কেননা তোমার ভোগবিলাসভোগেচ্ছা আছে । দরিদ্র সে যাহার তৃষ্ণার বিরাম নাই ; মন যদি সন্তুষ্ট থাকিল তবে দরিদ্রই বা কে আর ধনীই বা কে ? মন সন্তুষ্ট থাকিলে সকলেই ধনী ।’ পুণ্যাআর মনে সর্বদা সন্তোষ বিরাজমান, তাই তিনি প্রকৃতই ধনী ; আর পাপাচারী ব্যক্তি সম্রাট হইলেও তৃষ্ণাপীড়িত, তাই দরিদ্র । দরিদ্র কে ? যাহার চারিদিকে কেবল অভাব । ধনী কে ? যাহার কোন বিষয়ে অভাব নাই । যাহার যত তৃষ্ণা তাহার তত অভাবের জ্ঞান । অভাববোধ না থাকিলে তৃষ্ণা থাকিবে কেন ? যাহার যে বিষয়ে অভাববোধ নাই তাহার সে বিষয়ে তৃষ্ণাও নাই । যদি ভোগের দ্বারা তৃষ্ণানিবৃত্তি হইত, তাহা হইলেও একদিন দরিদ্রতা ঘুচিবার আশা হইত, কিন্তু—

ন জাতু কামঃ কামানামুপভোগেন শাম্যতি ।

হবিষা কৃষ্ণবজ্রৈব ভূয় এবাভিবর্ধতে ॥

মনুসংহিতা । ২ । ৯৪

‘কামভোগ দ্বারা কখন কামের নিবৃত্তি হয় না, বরং অগ্নি যেমন ঘৃতাহতি পাইলে আরও দাউ দাউ করিয়া জলিয়া উঠে, কামও সেইরূপ ভোগের দ্বারা বৃদ্ধি পায় ।’

(৪) মৃত্যুচিন্তা ।—মৃত্যুচিন্তা বিশেষরূপে পাপ-নিবারক । তুমি যখন

পাপ করিতে প্রবৃত্ত হইতেছে এমন সময়ে যাহার কথায় তুমি বিশ্বাস স্থাপন করিতে পার এমন কেহ যদি বলে তোমার ২৪ ঘণ্টার মধ্যে মৃত্যু হইবে, তুমি ইহা শুনিয়া কি কখনও সেই পাপের দিকে ধাবিত হইতে পার ? যাহার সর্বদা মনে হয় এই মুহূর্তের মধ্যে আমার মৃত্যু হইতে পারে, তাহার কখনও পাপেচ্ছা থাকিতে পারে না । “মৃত্যুর স্বরূপে কাঁপে কাম ক্রোধ রিপুগণ ।” এ বিষয়ে একটি সুন্দর গল্প আছে—কোন রাজা নানাবিধ সামাজ্যাতিক পীড়ায় আক্রান্ত হইয়া একেবারে মৃতবৎ হইয়া পড়িয়াছিলেন, শরীর নিতান্তই বলহীন হইয়াছিল । এক সাধু তাঁহাকে সবল করিবার জন্ত কোন ঝুপড়ের রস প্রচুর পরিমাণে পানের ব্যবস্থা করিলেন । রাজা তাঁহার উপদেশানুসারে সেই রস প্রতাহ পান করিতেন । সাধুও রাজা যতটুকু পান করিতেন তাহার সম্মুখে বসিয়া তাহার দ্বিগুণ ত্রিগুণ কোন দিন বা চতুঃগুণ রস পান করিতেন । রাজা সবল হইতে লাগিলেন, শরীর তেজঃপূর্ণ হইতে লাগিল কিন্তু তেজোরুদ্ধির সঙ্গে সঙ্গে ঐ রসের শক্তিতে তাঁহার মনের ভিতরে অতি অপবিত্র ভাবের উদয় হইতে লাগিল । রাজা সেই অপবিত্র ভাব দ্বারা অভিভূত হইয়া পড়িলেন, দিন দিন যতই সেই রস পান করিতে লাগিলেন ততই প্রাণ কুপ্রবৃত্তির উত্তেজনায় অস্থির হইতে লাগিল । এক দিন সেই রস পান করিতেছেন এমন সময় সাধুকে বলিলেন, ‘ভগবন্, আমি আপনার উপদেশানুসারে এই রস পান করিয়া যে দিন দিন নাশের পথে অগ্রসর হইতেছি, আমার মন অপবিত্র ভাবের প্রণোদনায় যে একেবারে অধীর হইয়া পড়িয়াছে, আপনাকে জিজ্ঞাসা করি আপনি যে আমি অপেক্ষা দ্বিগুণ ত্রিগুণ, কোন দিন বা চতুঃগুণ রস পান করেন আপনার ব্রহ্মচর্য্য অটুট থাকে কি প্রকারে ?’ সাধু বলিলেন ‘মহারাজ, এই প্রশ্নের উত্তর পরে করিব, ইতিমধ্যে তোমার একটি কথা বলা প্রয়োজন হইতেছে—মহারাজ আজ হইতে যে দিবস এক মাস পূর্ণ হইবে সেই দিবসে তোমার মৃত্যু । এই রসের

মাত্ৰা এই কয়েক দিনের জন্ত তোমার সাতগুণ বৃদ্ধি করিতে হইবে।’ রাজাকে সকলে সেই দিন হইতে রস সাতগুণ বৃদ্ধি করিয়া পান করাইতে আরম্ভ করিল, শরীর যেন তেজে ফাটিয়া পড়িতে লাগিল, কিন্তু মনে আর কুভাব স্থান পায় না, মন মৃত্যুচিন্তায় ব্যতিব্যস্ত । দুই এক দিন পরে সাধু জিজ্ঞাসা করিলেন, ‘মহারাজ, এখন কুপ্রবৃত্তি কিরূপ অত্যাচার করিতেছে ?’ রাজা উত্তর করিলেন, ‘আর ভগবন্, যে মৃত্যুচিন্তা আমার মনকে অধিকার করিয়া রহিয়াছে ইহার সম্মুখে সে কুপ্রবৃত্তি কিরূপে উপস্থিত হইবে ?’ সাধু বলিলেন, ‘মহারাজ, তোমার মৃত্যু আসিতে এখনও প্রায় এক মাস বাকি আছে, ইহার মধ্যেই মনের কুভাব বিনীত হইয়া গিয়াছে, যদি তোমার মনের ভিতরে সর্বদা এরূপ চিন্তা থাকিত যে হয়ত এই মুহূর্ত্তে মৃত্যু আমাকে গ্রাস করিবে তাহা হইলে কি কখনও কুপ্রবৃত্তি নিকটে আসিতে পারিত ? আমি ত মৃত্যুকে সর্বদা সম্মুখে দেখি । তবে আর কুপ্রবৃত্তি স্থান পাইবে কি প্রকারে ?’ বাস্তবিক পাপ দমন করিতে মৃত্যুচিন্তার দ্বারা এমন মহোপকারী ঔষধ অতি কম আছে । মৃত্যুচিন্তার নামে সকল প্রকার পাপেরই আশ্রয় লোপিত হইয়া যায় ।

(৫) পাপজয়ী মহাপুরুষগণের জীবনচরিত পাঠ ও শ্রবণ এবং কি উপায়ে তাঁহারা পাপ দূর করিতে সমর্থ হইয়াছেন, তাহার অনুধাবন ও পাপ-বিরোধিগণের সঙ্গ । যাহাদিগের জীবন অগ্নিময়, কোনরূপে তাঁহাদের সংস্পর্শে আসিলে যাহার প্রাণে যতটুকু তেজ থাকে তাহা তৎক্ষণাৎ উদ্দীপ্ত হইয়া উঠে । যীশুখ্রীষ্ট সম্মতান কর্তৃক প্রলুব্ধ হইয়া যে ভাবে ‘get thee behind me, Satan’, ‘দূর হ, আমার নিকট হইতে, সম্মতান’ বলিয়াছিলেন, তাহা পড়িয়া কাহার না মনে হয় আমিও যেন ঐভাবে সম্মতানকে দূর করিয়া দিতে পারি । মারের (পাপপ্রলোভনের) সহিত শাক্যসিংহের যখন সংগ্রাম হয়, তখনকার তাঁহার সেই হৃদয়নীর তেজোবিকার, সেই অপ্রতিহত শক্তিচালনা,

সেই সিংহগর্জনসম হৃদয় ধ্বনি মনে করিলে কাহার না প্রাণে অতৃত-
পূর্ব বলের সঞ্চার হয়? যেমন কাম তাঁহার নিকটে উপস্থিত হইয়া তাঁহাকে
বিচলিত করিবার উদ্যোগ করিল, অমনি ধর্মবীর বজ্রগষ্ঠীরস্বরে বলিলেন :—

মেরুঃ পর্বতরাজঃ স্থানাং চলেং সর্বং জগন্মোভবেং ।

সর্ব স্থারকসজ্জভূমিপ্ৰপতেং সজ্যোতিষেষ্ট্রো নভাং ॥

সর্বের সহা ভবেয়ুরেকমতয়ঃ শুশ্রুমহাসাগরো ।

নত্বেব ক্রমরাজমূলোপগতচ্চালোত অশ্মদ্বিধঃ ॥

ললিতবিস্তর ।

‘বরং মেরু পর্বতরাজস্থানভ্রষ্ট হইবে, সমস্ত জগৎ শূন্যে মিশাইয়া যাইবে,
আকাশ হইতে সূর্য্য, চন্দ্র, নক্ষত্র প্রভৃতি খণ্ড খণ্ড হইয়া ভূমিতে পতিত
হইবে, এই বিশ্বে যত জীব আছে সকলে একমত হইবে, মহাসাগর
শুকাইয়া যাইবে, তথাপি এই যে বৃক্ষমূলে আমি বসিয়া আছি, এস্থল
হইতে আমাকে বিন্দুমাত্র বিচলিত করিতে পারিবে না ।’

যার যেমন আমাদিগকে নিক্ষেপিত তরবারি লইয়া আক্রমণ করে,
সেইভাবে যখন তাঁহাকেও আমাদিগের গায় দুর্বল জীব ভাবিয়া আক্রমণ
করিতে অগ্রসর হইল, অমনি তিনি সিংহনাদে দিগ্ভয় বিকম্পিত করিয়া
বলিলেন—তুমি কেন—

সর্বৈয়ং ত্রিসাহস্রমেদিনী যদি মারৈঃ প্রপূর্ণা ভবেং

সর্বৈষাং যদি মেরুপর্বতবরঃ পাণিষু খণ্ডেগাভবেং ।

তে মে ন সমর্থ্য লোমচালিতুং প্রাগেব মাং ঘাভিতুং

কুর্যাচ্চাপি হি বিগ্রহে স্ম বর্শ্মিতেন দৃঢ়ং ॥

ললিতবিস্তর ।

‘এই তিন সহস্র পৃথিবী যদি সমস্তই মার কর্তৃক প্রপূর্ণ হয়, আর

প্রত্যেক মার যদি মেরু পর্বতের দ্বারা একাধা খণ্ডিত হইয়া উপস্থিত হয়, তথাপি তাহার ভরকর বৃদ্ধ করিলেও এই যে আমি দৃঢ়রূপে বশিত হইয়া রহিয়াছি, আমাকে আঘাত করা দূরে থাকুক, কিঞ্চিৎ তলাইতেও পারিবে না ।’ সত্য সত্যই মার পরাস্ত হইয়া গেল ।

আমরা সকলেই যেন মারের দাসাত্বদাস হইয়া রহিয়াছি, এইরূপ তেজঃপূর্ণ মহাপুরুষদিগের জীবনী উপর্যুপরি পাঠ করিলে, কিংবা যাহারা অটলভাবে ব্রহ্মচর্য্য রক্ষা করিয়া আপনাদিগের বীৰ্য্যবস্তার পরিচয় দিতেছেন তাঁহাদিগের চরণধূলি মস্তকে লইলে আমরাও বলীমান হইতে পারি—পাপের দৃঢ় নিগড় ছিন্ন করিতে সাহসী হই ।

পুণ্যপথের সহবাসী ধর্ম্মবন্ধুদিগের সহবাস এবং তাঁহাদিগের সহিত ধর্ম্ম-লোচনা ও তাঁহাদিগের বিষয়ে চিন্তা পাপদমনের বিশেষ সহায় । যাহারা বাল্যাবস্থা হইতে ধার্ম্মিক পিতামাতা কর্তৃক সৎপথে চালিত, তাঁহারা পরম সৌভাগ্যশালী । যাহারা সেই সৌভাগ্য হইতে বঞ্চিত, তাঁহাদিগের মধ্যে যে কেহ ধর্ম্মবন্ধুসহবাস সম্ভোগ করিয়াছেন তিনিই জানেন,—সেই বন্ধুমিলন তাঁহার জীবনের কত উপকার সাধন করিয়াছে । ধর্ম্মবন্ধু বলিতে কেহ কেবল একধর্ম্মসম্প্রদায়ভুক্ত বন্ধু বুঝিবেন না । ভিন্ন ভিন্ন সম্প্রদায়ের লোকের মধ্যেও অকৃত্রিম বন্ধুত্ব হইতে পারে । পবিত্রভাবে যাহাদিগকে ভালবাসা যায় তাঁহারা পাপপথে অগ্রসর হইবার বিশেষ অন্তরায় । এই বাক্যের বাথার্থ্য্য বোধ হয় অনেকেই উপলব্ধি করিয়াছেন । কোন ব্যক্তি কোন পাপ করিবার জন্ত উদ্বৃত্ত হইয়াছে, এমন সময়ে যদি তাহার হৃদয়ের বন্ধুকে তাহার সম্মুখে উপস্থিত করিতে পার, সে কখনই সে পাপ করিতে পারিবে না । যে দিবস হইতে কোন ব্যক্তি অপর কোন ব্যক্তিকে প্রকৃত ধর্ম্মভাবে প্রাণের সহিত ভালবাসিতে আরম্ভ করিবে, সেই দিবস হইতে সেই বন্ধুর সংসর্গে যে তাহার

পাপলালসা ক্রমেই মিতে থাকিবে ইহা এক সত্য । ইহার তিনটি কারণ আছে :—

১। কাহারও চরিত্রে মুগ্ধ না হইলে তাহার সহিত প্রকৃত বন্ধুত্ব হয় না । মুগ্ধ হওয়া শ্রদ্ধাসাপেক্ষ । যাহার চরিত্র আমার চরিত্র অপেক্ষা উৎকৃষ্ট ও নিষ্পাপ মনে না করি কিংবা যাহার চরিত্রে কোন বিশেষ মধুর পবিত্র ভাব না দেখি, তাহার প্রতি আমার কখনও শ্রদ্ধা হইতে পারে না এবং সে আমাকে ধর্ম্যভাবে মুগ্ধ করিতে পারে না । মুগ্ধ হইলেই অনুকরণ করিবার ইচ্ছা হয় । অনুকরণ করিতে গেলেই পুণ্য ও পবিত্রতার দিন দিন উন্নত হওয়া তাহার অবশ্যজ্ঞাবী ফল । যতই বন্ধুর গুণ মধুরতর বোধ হইবে, ততই নিজের দোষ অধিকতর ঘণিত হইবে; সুতরাং তাহা ত্যাগ করিয়া বন্ধুর গুণ আয়ত্ত করিতে প্রবল ইচ্ছা হইবে ।

২। ধর্ম্যবন্ধুদিগের মধ্যে সর্বদা সদালোচনা হইয়া থাকে ; অসদা-লোচনা হইতে পারে না । সর্বদা সদালোচনা যে কত উপকারী তাহা সকলেই জানেন ।

৩। পরস্পরের সাধুচিন্তা ও সদ্ভাবের বিনিময়ে পরস্পরের হৃদয়ে বলের সঞ্চার হয়, এবং ‘আমার প্রাণের বন্ধু যাহা ঘণা করে তাহা আমি কি করিয়া করিব ? তাহা করিলে কি সে আমাকে ভালবাসিবে ?’ এইরূপ চিন্তার উদয় হয় । এতদ্বিহীন হৃদয় খুলিয়া কিছুই গোপন না করিয়া যত নিজের পাপের বিষয় বন্ধুদিগকে বলা হয় ততই সেই পাপ দমন করিতে তাহাদিগের সহানুভূতি ও সাহায্য পাওয়া যায় । যে স্থলে একাকী দুর্বলচিত্ত হইয়া সংগ্রাম করিতেছিলাম, সেই স্থলে বন্ধুগণের প্রাণেক বল যোগ করিলে কি পরিমাণ শক্তির বৃদ্ধি পায় এবং পাপপরাজয় কত দূর সহজ হইয়া আইসে, তাহা সকলেই বুঝিতে পারেন ।

বন্ধুতা যে এইরূপ অমৃতময় ফল প্রসব করে, তাহার দৃষ্টান্তস্বরূপ

একটি অতি সামান্য ঘটনার উল্লেখ করিব। একটি বালক চতুর্দশ বৎসর বয়সের সময়ে পিতামাতা হইতে বিচ্ছিন্ন হইয়া কোন স্থলে বাস করিতেছিল। সে সেইস্থলে যাহাদিগের বাড়ীতে থাকিত, তাহারা প্রায় সকলেই ইঞ্জিয়াসক্ত ও সুরাপায়ী। কেহ কেহ তাহার সম্মুখে বসিয়াই অনেক সময়ে নানারূপ প্রলোভন দেখাইয়া সুরাপান করিত। গৃহস্বামী বাড়ীতে বেঞ্চা আনিতে সঙ্কুচিত হইতেন না। একদিবস কতকগুলি লোক সুরাপান করিতেছে ও বালকটির নিকটে সুরার মাহাত্ম্য কীৰ্ত্তন করিয়া তাহাকে কিঞ্চিৎ পান করিতে বারংবার অনুরোধ করিতেছে। তাহাদিগের বাক্য শুনিতে শুনিতে বালকটির ইচ্ছা জন্মিল, ক্রমে সে সুরাপাত্র ধরিবার জন্ত হস্ত বাড়াইবার উপক্রম করিল; যেমন হস্ত বাড়াইতে যাইতেছে, অমনি তাহার একটি বিদেশস্থ প্রাণের বন্ধুর ছবি তাহার মনের সম্মুখে উপস্থিত হইল। সে বন্ধুটির প্রতি ইহার গাঢ় অনুরাগ, দু'য়ে একত্র অনেক সময়ে সুরাপানের বিরুদ্ধে আলোচনা করিয়াছে। মনে হইল, ‘আমি কি করিতে যাইতেছি! আমি আজ সুরাপান করিলে কি তাহার নিকটে গোপন রাখিতে পারিব? যদি গোপন রাখি, তাহা হইলে ত আমার জ্ঞান বিশ্বাসঘাতক আর কেহ হইতে পারে না। যাহাকে এত ভালবাসি, যাহার নিকট কিছুই গোপন রাখা কর্তব্য নহে, তাহার নিকটে ইহা প্রকাশ না করিয়া কিরূপে থাকিব? প্রকাশ করিলে সে কি আর আমার ভালবাসিবে? তাহার সহিত কত দিন সুরাপানের বিরুদ্ধে কত আলোচনা করিয়াছি। সে আমাকে কখনও ভালবাসিবে না। তবে এখন সুরাই পান করি, কি তাহার ভালবাসার মর্যাদা রক্ষা করি?’ এইরূপ চিন্তায় বালকটির হৃদয় আন্দোলিত হইতে লাগিল। একদিকে সুরার মোহময় প্রবল প্রলোভন, অপরদিকে প্রেমের পবিত্র গাঢ় আকর্ষণ। কিঞ্চিৎ কাল সংগ্রামের পর

প্রেমেরই জয় হইল । পবিত্র বহুতার উপকারিত্ব দেখাইবার জন্য এইরূপ ভূমি ভূমি দৃষ্টান্ত উপস্থিত করা যাইতে পারে । ধর্মবহুগণ প্রকৃতই অতি আদরের সামগ্রী এবং পাপদমনের বিশেষ সহায় ।

(৬) ভগবানের স্বরূপচিন্তন ও তাঁহার নিকট প্রার্থনা । প্রত্যেক দিন অন্ততঃ একবার ভগবানের নিকটে নিজের বিশেষ বিশেষ পাপ লক্ষ্য করিয়া তাহা দূর করিবার জন্য প্রার্থনা ও তদ্বিরোধী তাঁহার স্বরূপ চিন্তা করিলে তাঁহার কৃপায় এবং নিজের অন্তর্দৃষ্টির বলে, সেই সেই পাপের প্রণোদনা ক্রমেই কমিয়া আইসে । এই উপায়টি অতি সহজ, অতি মধুর ও অতি উপকারী । এক একটি পাপকে বিশেষভাবে ধরিয়া ভগবানের নিকটে তাহা অপসারিত করিবার জন্য প্রার্থনা করিবে । সাধারণভাবে মোটামুটি পাপক্ষালনের প্রার্থনা ওত উপকারী হয় না । ‘আমি পিশাচ, দেখ পৈশাচিক প্রবৃত্তি আমার ভিতরে কিরূপ সর্কনাশ ঘটাইতেছে—সে দিবস কি কাণ্ডটা করিলাম, আজ অমুক সময়ে কি ভাবে কুচিন্তা উপস্থিত হইল । নিষ্কলঙ্ক দেব, আমাকে পবিত্র কর—আমি অমুর, ক্রোধ আমার জীবনকে কিরূপ বিকৃত করিতেছে, অমুক ঘটনায় আমি কি জঘন্য ভাবের পরিচয় দিয়াছি—হে শক্তির আধার, আমার ক্রোধ দূর কর,’—এই প্রণালীতে ভগবানের নিকট এক একটি বিশেষ পাপ ধরিয়া তাহা হইতে মুক্ত হইবার জন্য প্রার্থনা ও তদ্বিরোধী স্বরূপচিন্তা করিলে, সেই পাপ হইতে রক্ষা পাওয়া যায় ; অনেকে আপনার জীবন হইতে ইহার সাক্ষ্য দিতে পারেন । ভগবানের স্বরূপচিন্তন ও তাঁহার নিকটে প্রার্থনা দ্বারা সহস্র সহস্র পাপী পরিত্রাণ পাইয়াছে ।

(৭) ঈশ্বরের সর্বব্যাপিত্ব হৃদয়ঙ্গম করা । ভগবান্ বিশ্বতচ্ছকু,—এমন স্থান নাই যেখানে তাঁহার চক্ষু নাই । কি বাহ্য জগতে, কি অন্তর্জগতে, কোথাও এমন স্থান নাই যে স্থলে তিনি নাই । অতিদূরে যাহা ঘটিতেছে

তাহাও তিনি যেমন দেখিতেছেন, অতি নিকটে যাহা ঘটিতেছে তাহাও তিনি তেমনই দেখিতেছেন । মনুষ্যের চক্ষু হইতে লুকাইতে পারি, কিন্তু তাহার চক্ষু হইতে কিছুতেই লুকাইবার সাধ্য নাই । বাহিরের কার্যাত দেখিতেছেনই ; অন্তরে—হৃদয়ের গভীরতম প্রদেশে কখন কোন চিন্তাটি উদয় হইল মানুষ তাহা জানিল না বটে, কিন্তু তিনি তন্ন তন্ন করিয়া তাহার প্রত্যেকটি দেখিলেন । পাপের শাস্তিদাতা তিনি . তাহার নিকট অন্য সাক্ষীর প্রয়োজন নাই । অন্তর্দর্শী তিনি সমস্ত দেখিতেছেন, প্রত্যেক পাপচিন্তা, পাপবাক্য, পাপকার্য, তিনি পুঙ্খানুপুঙ্খরূপে জানিতেছেন, ধর্মরাজ বিচারপতি পাষণ্ডদলন তিনি, পাপ করিলে নিস্তার নাই, তাহার দণ্ডবিধান তিনি করিবেনই করিবেন, পলায়ন করিয়া কোথায় যাইব ? যেখানেই যাই, ওই বিশ্বতশ্চক্ষু ! নির্জন কাস্তারে, গিরিকন্দরে, সাগর-গর্ভে—যেখানেই যাই ওই বিশ্বতশ্চক্ষু ! কোথায় পলাইব ? কোথায় লুকাইব ? কোথায় মস্তক রাখিব ? বাহিরে বিশ্বতশ্চক্ষু—ভিতরে বিশ্বতশ্চক্ষু—কাহার সাধ্য ঐ চক্ষুর দৃষ্টির বাহিরে যায় ? পাপী ঐ যে নির্জন প্রকোষ্ঠে দ্বাররুদ্ধ করিয়া পাপের আয়োজন করিতেছে—একবার উদ্ধদিকে দেখ—ঐ সমস্ত গৃহের ছাদময় ও কি ? ও কাহার দৃষ্টিবাণ তোমার অন্তস্তল ভেদ করিতেছে ? ঐ দেখ প্রাচীরের প্রত্যেক পরমাণুর ভিতর হইতে ও কাহার দৃষ্টি অগ্নিশূলিঙ্গের গায় তোমার দিকে ধাবমান ? আবার গৃহের মেঝে ঐ কাহার দৃষ্টিতে ছাইয়া গেল ? তুমি যে ঐ কারাগারে বন্দী হইয়া পড়িয়াছ ; কোথায় সে দৃষ্টি নাই ? উর্দ্ধে ঐ দেখ—বিশ্বতশ্চক্ষু, নীচে দেখ, বিশ্বতশ্চক্ষু, দক্ষিণে বিশ্বতশ্চক্ষু, বামে বিশ্বতশ্চক্ষু । কেবল চারিদিকে কেন—ঐ দেখ—তোমার দেহময় ও কি ? প্রত্যেক রোমকূপে ও কাহার দৃষ্টি ?—সমস্ত অস্থি-মজ্জা মাংসময় ও কি দেখিতেছ ? ঐ যে যেখানে ভাবিয়াছিলে কাহারও প্রবেশ করিবার সাধ্য নাই—হৃদয়ের

সমস্তল ভেদ করিয়া ঐ কাহার দৃষ্টি সেই গুহ্যতম গুহার ভিতরে প্রবেশ করিতেছে ? এখন উপায় ? ঐ যে চিন্তার উদয় হইতে না হইতে সমস্ত দেখিয়া লইল ও কাহার দৃষ্টি ? সেই ভীষণ হইতেও ভীষণ বজ্রধারী দণ্ড-বিধাতা ধর্মরাজ যাহার বজ্রাঘাতে তোমার পাষাণ হৃদয় খণ্ড বিখণ্ডিত হইয়া যাইবে—তিনি সমস্ত দেখিয়া লইতেছেন ॥

একোহমস্মীতি চ মন্যসে ত্বং
ন হচ্ছয়ং বেৎসি মুনিং পুরাণং ।
যো বৈদিতা কৰ্ম্মণঃ পাপকন্ম
তস্মাস্তিকে ত্বং বুজিনং করোষি !
মন্যতে পাপকং কৃৎস্না ন কশ্চিৎস্তু মামিতি ।
বিদস্তু চৈনং দেবাশ্চ যশ্চৈবাস্তুরপুরুষঃ ॥

মহাভারত । আদিপর্ব । ৭৪ । ২৮, ২৯ ।

‘তুমি যদি মনে কর আমি একাকী আছি তাহা হইলে সেই যে হৃদয়াভ্যাস্তরস্থিত পুণ্যপাপদর্শী পুরাণ পুরুষ তাঁহাকে তুমি জান না । যিনি একটী একটী করিয়া তোমার সমস্ত পাপকর্ম্ম দেখিয়া লইতেছেন, জানিতেছেন, তুমি তাঁহার সম্মুখে পাপ করিতেছ ? পাপী পাপ করিয়া মনে করে আমার পাপচেষ্টা কেহ জানিল না, কিন্তু তাহা দেবতারাও জানিলেন আর অস্ত্রপুরুষ ধর্মরাজও জানিলেন ।

যাহার এরূপ আলোচনা করিতে করিতে ভগবানের অস্তর্দর্শিত্ব ও সর্বব্যাপিত্ব সর্বদা মনে জাগরুক থাকে, সে কখনও পাপ করিতে সাহসী হয় না ।

(৮) নিজের বল সামর্থ্য চিন্তা করিয়া ভিতরে ব্রহ্মশক্তি উদ্দীপন ও তেজের সহিত পাপদমনে অগ্রসর হওয়া । ‘আমরা সকলেই সর্বশক্তিমানের

সংস্থান, তিনি আমাদিগের পরম সহায়, ইহা চিন্তা করিলে নিতান্ত নির্জীব যে ব্যক্তি, তাহারও প্রাণ ব্রহ্মতেজে পূর্ণ হইবে । ‘আমি দুর্ভেদ্য ব্রহ্মকবচে আবৃত, আমাকে পরাভূত করিবৈ কাম কি ক্রোধ !! আমি কি মৃত ? মহাশক্তিসমুদ্ভূত আমি, আমি কেন ক্ষুদ্র পাপকে ভয় করিব ? প্রবল বাত্যা যেমন তৃণগুচ্ছ উড়াইয়া লইয়া যায়, আমি একবার হুকুম করিলে পাপ তেমনই উড়িয়া যাইবে । আমি কেশরিশাবক হইয়া শৃগালকে ভয় করিব ?’ পুনঃ পুনঃ মনের ভিতরে এই ভাব উপস্থিত করিলে পাপজন্ম অনাম্যাসমাধা হইয়া উঠে । রামপ্রসাদ এইরূপ ভাবে উত্তেজিত হইয়া কাহিয়াছিলেন :—

মন কেনরে ভাবিস্ এত

মাতৃহীন বালকের মত ?

ফণী হয়ে ভেকে ভয় এ যে বড় অদ্ভুত !

ওরে তুই করিস্ কালে ভয় হ’য়ে ব্রহ্মময়ী স্মৃত !!

মহাত্মা কার্লাইল এই ভাবে উজ্জীবিত হইয়াছিলেন বলিয়া, সংসারিক নানা দুঃখ কষ্টকে তৃণজ্ঞানও করেন নাই । কোনরূপ প্রলোভনে তাঁহাকে স্থলিতপদ করিতে পারে নাই । সংসারিক ঘোর বিপদে পড়িয়াছেন, যাহা কিছু সঞ্চয় করিয়াছিলেন ফুরাইয়া গিয়াছে, কাল কি আহার করিবেন তাহার সংস্থান নাই, সত্য হইতে কিঞ্চিন্মাত্র বিচ্যুত হইলেই প্রভূত অর্থের আগম হয়, কিন্তু তিনি ভিতরের ব্রহ্মশক্তির উপর নির্ভর করিয়া বিন্দুমাত্র বিচলিত হইলেন না । যে আপনার ভিতরে সর্বদা ব্রহ্মতেজ প্রজ্জ্বলিত দেখিতে পারি, কোন প্রকারের পাপ কখনও তাহাকে ক্লিষ্ট করিতে পারে না ।

সর্ব প্রকারের পাপদমনের সাধারণ উপায়গুলি বলা হইল । এখন যে কয়েকটি প্রধান কণ্টকের নাম করা হইয়াছে, তাহার এক একটা উন্মূলনের বিশেষ বিশেষ উপায় বলা যাইতেছে ।

কাম ।

(১) কাম যে সর্বনাশ ঘটায় তাহা 'বারংবার মনে করা কর্তব্য । প্রধান প্রধান শরীর-তত্ত্ববিৎ পণ্ডিতগণ একবাক্যে স্বীকার করিয়াছেন যে, রক্তের চরম সারভাগ শুক্ররূপে পরিণত হয় । চিকিৎসাশাস্ত্রবিশারদ ডাক্তার লুই লিখিয়াছেন,—“All eminent physiologists agree that the most precious atoms of the blood enter into the composition of the semen.”

সম্যক পক্ণ্য ভুক্ত্য সারো নিগদিতোরসঃ ।

রসাদ্রক্তং ততো মাংসং মাংসান্মোদঃ প্রজায়তে ।

মেদসোহস্থি ততো মজ্জা মজ্জঃ শুক্রস্য সম্ভবঃ ॥

স্বাশ্বিভিঃ পচ্যমানেষু মজ্জান্তেষু রসাদিষু ॥

ষট্‌ষু ধাতুषু জায়ন্তে মলানি মুনয়ো জগুঃ ॥

যথা সহস্রধাধাতে ন মলং কিল কাঞ্চনে ।

তথা রসে মুহঃ পক্কে ন মলং শুক্রতাং গতে ॥

ভাবপ্রকাশ ।

‘ভুক্তপদার্থ সম্যকরূপে পাক পাইলে তাহার সারকে রস কহে ।

রস হইতে রক্ত, তাহা হইতে মাংস, মাংস হইতে মেদ, মেদ হইতে অস্থি, অস্থি হইতে মজ্জা এবং মজ্জা হইতে শুক্রের উৎপত্তি হয় ।

মুনিগণ বলিয়াছেন,—উদরস্থ অগ্নিদ্বারা পচ্যমান রসে মজ্জা অবধি ছয় ধাতুতে মল জন্মে ; কিন্তু যেমন সহস্রবার দগ্ধ বর্ণে মল থাকে না, তেমনি রস বারংবার পক হইয়া শুক্রে পরিণত হইলে তাহাতে মল থাকে না ।’

যে ব্যক্তি কুচিন্তা ও কুক্রিয়া দ্বারা কামের সেবা করে, তাহার সেই শুক্র

নষ্ট হইয়া যায় । রক্তের পরমোৎকৃষ্টাংশ ব্যয়িত ও নষ্ট হওয়া অপেক্ষা মানুষের অধিকতর কষ্টের কারণ আর কি হইতে পারে ? যিনি ব্রহ্মচর্য্য দ্বারা সেই তেজ রক্ষা করেন, তাঁহার মনের ও শরীরের শক্তি বিশিষ্টরূপে বৃদ্ধি প্রাপ্ত হয় । ডাক্তার নিকল্‌স্‌ এ সম্বন্ধে লিখিয়াছেন,—“It is a medical—a physiological fact, that the best blood in the body goes to form the elements of reproduction in both sexes. In a pure and orderly life this matter is reabsorbed. It goes back into the circulation ready to form the finest brain, nerve and muscular tissue. This life of man, carried back and diffused through his system, makes him manly, strong, brave, and heroic. If wasted, it leaves him effeminate, weak and irresolute, intellectually and physically debilitated and a prey to sexual irritation, disordered function, morbid sensation, disordered muscular movement, a wretched nervous system, epilepsy, insanity and death.” চিকিৎসা শাস্ত্র এবং শারীরবিজ্ঞান সিদ্ধান্ত করিয়াছেন যে শরীরের রক্তের সারাংশই নরনারীর জনপ্রিয় শক্তির মূল উপাদান । যাহার জীবন পবিত্র ও নিয়ত, তাঁহার শরীরে এই পদার্থ মিলাইয়া যায় এবং পুনরায় রক্তের মধ্যে সংকলিত হইয়া অত্যাৎকৃষ্ট মস্তিষ্ক, শাস্ত্র এবং মাংসপেশী গঠিত করিয়া থাকে । মানবের এই জীবনীশক্তি রক্তের মধ্যে পুনরায় গৃহীত হইয়া শরীরের সর্বত্র ব্যাপ্ত থাকিয়া তাহাকে সমধিক মনুষ্যত্বসম্পন্ন, দৃঢ়কার, সাহসী ও উত্তমশীল এবং বীর্য্যশালী করে । আর এই বস্তুর ব্যয় মানুষকে হীনবীর্য্য, চূর্বল এবং চঞ্চলমতি করিয়া ফেলে ; তাহার শারীরিক ও মানসিক শক্তির হ্রাস হয়, রিপূর উত্তেজনা

বলবতী হয়, শরীরযন্ত্রের ক্রিয়া বিপর্যস্ত হয়, ইন্দ্রিয়বৃত্তি বিকৃত হইয়া পড়ে, মাংসপেশীর ক্রিয়া বিশৃঙ্খলভাবে সম্পাদিত হয়, স্নায়বীয় যন্ত্র নিতান্ত হীনশক্তি হইয়া যায় ; মুচ্ছা, উন্মাদ এবং মৃত্যু ইহার অন্তর্বর্তী হইয়া থাকে ।’ ইন্দ্রিয়পরায়ণতার মৃত্যু ও ব্রহ্মচর্য্যে জীবন । শিবসংহিতাও এই মহাতত্ত্বের সাক্ষ্য দিতেছেন,—

মরণং বিন্দুপাতেন জীবনং বিন্দুধারণাৎ ।

মহর্ষি পতঞ্জলি তাঁহার যোগশূত্রে বলিয়াছেন,—

ব্রহ্মচর্য্য-প্রতিষ্ঠায়াং বীৰ্য্যলাভঃ ।

যিনি অবিচলিত ব্রহ্মচর্য্য অবলম্বন করেন, তাঁহার শারীরিক ও মানসিক বীৰ্য্য লাভ হয় ।

ডাক্তার নিকল্‌স্‌ অণ্ড এক স্থলে লিখিয়াছেন,—“The suspension of the use of the generative organs is attended with a noticeable increase of bodily and mental vigour and spiritual life.” ‘জননেন্দ্রিয়ের ব্যবহার স্থগিত রাখিলে শারীরিক ও মানসিক তেজ এবং আধ্যাত্মিক জীবনের বিশেষ উৎকর্ষ লাভ হয় ।’ যিনি পূর্ণ ব্রহ্মচর্য্য অবলম্বন করিয়া থাকেন, তাঁহার সম্বন্ধে সেন্টপল ও স্মার আইজাক নিউটনের দৃষ্টান্ত দেখাইয়া ডাক্তার লুইস বলিয়াছেন, তাঁহার শরীরের পবিত্রতম রক্তবিন্দুগুলি যাহা তেজোরূপে পরিণত হয় প্রকৃতিই তাহার সম্ব্যবহার করিয়া থাকেন—“She finds use for them all in building up a keener brain and more vital and enduring nerves and muscles”—‘প্রকৃতিদেবী সেই রক্তবিন্দুগুলি দ্বারা মস্তিষ্কর শক্তি সূতীকৃতর এবং স্নায়ু ও মাংসপেশী দৃঢ়তর এবং অধিকতর জীবনী শক্তি পরিপূর্ণ করিয়া থাকেন ।’ জ্ঞানসংকলনী তত্ত্বে শ্রীসদাশিব বলিতেছেন,—

ন তপস্তপ ইত্যাহুত্র্যচর্যাং তপোত্তমং ।

উর্করেতা ভবেদ্যন্তু স দেবো নতু মানুষঃ

‘পণ্ডিতগণ তপস্তাকে তপস্তা বলেন না, ত্র্যচর্যাই সর্বশ্রেষ্ঠ তপস্তা ; যিনি উর্করেতা তিনি দেবতা, মানুষ নহেন ।’ যিনি যে পরিমাণে ত্র্যচর্যী হইবেন, তাহার সেই পরিমাণে হৃদয় প্রফুল্ল, মস্তিষ্ক সবল, শরীর শক্তিমান, মন ও মুখশ্রী স্নিগ্ধ ও সুন্দর হইবে ; ও যাহার যে পরিমাণে ত্র্যচর্য্যের অভাব হইবে তাহার সেই পরিমাণে হৃদয় বিষন্ন, মস্তিষ্ক দুর্বল, শরীর নিস্তেজ ও মুখশ্রী রুক্ষ ও লাবণ্যশূন্য হইবেই । কোন কোন ভ্রষ্টচরিত্র ব্যক্তিকে দেখা যায় যে, তাহারা নানা প্রকার অতি পুষ্টিকর দ্রব্যাদি আহার করিয়া বাহিরে শরীর সতেজ রাখিবার চেষ্টা করে, কিন্তু সহস্র চেষ্টা করিলেও প্রকৃতপক্ষে সতেজ রাখিতে সমর্থ হয় না, অন্তঃসারবিহীন হইয়া পড়ে । মানসিক দুর্বলতা সম্বন্ধে ডাক্তার ফ্যালরেট লিখিয়াছেন,— “Debility of intellect and especially of the memory characterizes the mental alienation of the licentious.” —‘ইন্দ্রিয়পরায়ণ ব্যক্তিদিগের মানসিক বিকৃতি, বুদ্ধিবৃত্তির বিশেষতঃ স্মৃতিশক্তির দুর্বলতা দ্বারা লক্ষিত হয় ।’ ইন্দ্রিয়-সংযমের অভাবনিবন্ধন অনেক যুবককে মস্তিষ্কের দুর্বলতা, ধারণাশক্তির অভাব, স্মৃতিশক্তির হ্রাস, মনের উদাস, চিত্তের চাঞ্চল্য, স্নায়ুদৌর্বল্য, অগ্নিমান্দ্য, উদরাময়, হৃৎকম্প, অরুচি, শিরঃপীড়া প্রভৃতি নানাবিধ দৃশ্যিকিংশু রোগে বিশেষ কষ্ট পাইতে দেখা যায় ।

জীলোকাদি প্রলোভনের বস্তু হইতে সর্বদা দূরে থাকিবে । কামদমন করিতে হইলে কুচিন্তার প্রতি খড়গহস্ত হইবে । ভিতরে কুচিন্তাকে স্থান দিলে আর পাণের বাকী রহিল কি ? ইহাই ত পাণের ভিত্তি ।

কুচিন্তা দূর করিতে পারিলে চারিদিক পরিষ্কার হইয়া যাইবে । এমন অনেক লোক আছেন যাহারা কোন কুক্রিয়া করেন না, কিন্তু কুচিন্তা দ্বারা সর্বস্বাস্থ্য হইতেছেন । তাহা দূর করিবার ইচ্ছা আছে কিন্তু কিছুতেই যেন তাহা ছাড়াইতে পারিতেছেন না । এক ব্যক্তি এইরূপ কুচিন্তাপীড়িত হইয়া ডাক্তার লুইসের নিকট চিকিৎসার জন্ত উপস্থিত হন, তিনি তাঁহাকে এই কয়েকটি উপদেশ দেন—

“মনে স্থির সিদ্ধান্ত করিবে যে কুচিন্তা নিতান্তই ভয়ীকর ও অনিষ্টজনক, তাহা হইলে যাই কুচিন্তার উদয় হইবে অমনি চকিত হইবে । চেষ্টা করিয়া তৎক্ষণাৎ অস্ত্র বিষয়ে মনকে নিযুক্ত করিবে । কুচিন্তা দূর করিতে প্রকৃতই ব্যাকুল হইলে মনের ভিতরে এমন একটা ভয় জন্মাইতে পারিবে যে নিদ্রিতাবস্থাও কুচিন্তা উপস্থিত হইলে তৎক্ষণাৎ তুমি জাগ্রত হইবে । (কতকগুলি লোক ইহার সাক্ষ্য দিয়াছে) জাগ্রত অবস্থায় শত্রু প্রবেশ করিলে তৎক্ষণাৎ সচকিত হইবে এবং বিশেষ কষ্ট না করিয়াও দূর করিয়া দিতে সক্ষম হইবে । যদি এক মুহূর্তের জন্তও দূর করিয়া দিতে পারিবে না বলিয়া সন্দেহ হয়, লক্ষ্য দিয়া উঠিয়া অমনি শারীরিক কোন বিশেষ পরিশ্রমের কার্য আরম্ভ করিয়া দিবে । প্রত্যেক বারের চেষ্টাই পরের চেষ্টা সহজ করিয়া দিবে এবং দুই এক সপ্তাহ পরেই চিন্তাগুলি আয়ত্তাধীন হইবে ।

এতদ্ব্যতীত স্বাস্থ্যের বিধিগুলি পালন করিবে । অলস ও অতিরিক্ত-হারী ব্যক্তিগণই ইচ্ছিমলালসা হইতে কষ্ট পায় । খুব পরিশ্রম করিবে কিংবা ব্যায়াম অথবা ভ্রমণ করিয়া দিনের মধ্যে দুই তিন বার বিশেষরূপে ঘর্ম্ম রাহির করিবে । লঘুপাক পুষ্টিকর ও অমৃত্ত্বজনক পদার্থ আহার করিবে । রাত্রি অধিক না হইতে নিদ্রিত হইবে এবং প্রভাতে গাভোথান করিবে । নিজার পূর্বে এবং গাভোথানের সময়ে প্রভূত পরিমাণে শীতল জল পান করিবে এবং নির্মল বায়ুপূর্ণ স্থলে নিজা যাইবে ।”

এই উপদেশ অনুসারে কার্য্য করিয়া সেই ব্যক্তি এবং অনেক ব্যক্তি এই পাপ হইতে মুক্ত হইয়াছেন ।

(২) কামর হস্ত হইতে বাহারা রক্ষা পাইতে চাহেন, তাঁহাদিগের কি কি শরীরস্বকীয় উপায় অবলম্বন করা কর্তব্য, তাহার সংক্ষেপ উল্লেখ করা যাইতেছে । আহাৰাদি সম্বন্ধে কতকগুলি নিয়ম করা উচিত । কাম রজোগুণসমুদ্ভূত ।

কাম এষ ক্রোধ এষ রজোগুণসমুদ্ভবঃ ।

ভগবদ্গীতা । ৩ । ৩৭

সুতরাং রাজস আহার পরিত্যজ্য ।

কটুশ্ললবণাতুাক্তীক্ষুরুক্ষবিদাহিনঃ ।

আহারা রাজসশ্চেষ্ঠা দুঃখশোকাময়প্রদাঃ ।

ভাগবদ্গীতা । ১৭ । ২

অত্যন্ত তিক্ত, অত্যন্ত, অতিশয়, অত্যন্ত, অতি তীক্ষ্ণ (মরীচাদি), অতি ক্রুর, অতি বিদাহী (সর্ষপাদি) পদার্থ রাজস ব্যক্তিদিগের বাঞ্ছনীয় আহার ; ইহার দ্বারা দুঃখ, শোক, রোগ উপস্থিত হয় ।

এইরূপ পদার্থ আহার ত্যাগ করা প্রয়োজন ।

ডাক্তার লুইস ডিম্ব, ককট, মংশ, মাংস, পলাতু, সর্ষপ, মরীচ, লবণ, অতি মিষ্ট ও গুরুপাক পদার্থ এবং অধিক মসলা দ্বারা প্রস্তুত খাদ্য জিতেন্দ্রিয়ত্বসাধনের বিশেষ প্রতিকূল বলিয়াছেন ।

যে পদার্থগুলি আমাদের দেশের বিধবাগণের আহার করিতে নিষিদ্ধ, সেগুলি কামদমনের প্রতিকূল । তাঁহারা ব্রহ্মচারিণী সুতরাং তাঁহাদিগের আহারসম্বন্ধে ঋষিগণ বাহা ব্যবস্থা করিয়াছেন, তাহাই পবিত্রতাসাধনের অনুকূল । বিধবাদিগের খাদ্য কি কি অনুসন্ধান করিয়া তাহাই আহার করা কর্তব্য ।

সৈন্ধবঃ কদলী ধাত্রী পনসাত্র হরীতকী ।

গোক্ষীরং গোম্বতকৈব ধাতুমুদগতিলাষবাঃ ॥

সৈন্ধব, কদলী, আমলকী, পনস্ (কাঁটাল), আত্র, হরীতকী, গোহুন্ধ, গোম্বত, ধাতু, মুগ, তিল ও যব বিশেষ প্রশস্ত । আহারান্তে হরীতকী-ভক্ষণ অতি উপকারী, তাহ্মূলচর্ষণ নিষিদ্ধ । তাহ্মূল উত্তেজক । দালের মধ্যে মুগ, ছোলা ভাল ; মাষকলাই ও মসুর উত্তেজক ।

ডাক্তার লুইস্ বলেন, রাত্রে নিদ্রার পূর্বে ও প্রত্যুষে জল পান উপকারী । অতি নিম্ন জল পান করা বিধেয় ; ফিল্টার করিয়া লওয়া কর্তব্য ।

কোষ্ঠ পরিষ্কার না থাকা তাঁহার মতে বিশেষ অপকারী । রাত্রে ও প্রত্যুষে প্রচুর পরিমাণে জল পান করিলে এই দোষ অনেকটা দূর হয় ।

কঠিন শয্যা ও কঠিন উপাধান উপকারী । তুলার গদি অপকারী । বেশভূষাসম্বন্ধে বিলাসেচ্ছা সম্পূর্ণরূপে ত্যাগ করিবে ।

রাত্রিজাগরণ অপকারী । শয়নের পূর্বে সন্ধ্যাহ পাঠ ও ভগবানে আশ্বাসমাধান করিবে ।

মধ্যে মধ্যে উপবাস উপকারী । একাদশীর উপবাস শরীরের রস-বৃদ্ধির অন্তরায় বলিয়া শরীর ও মনের বিশেষ উপকার সাধন করিয়া থাকে । পূর্ণিমার ও অমাবস্তার রাত্রিতে ভাত না খাওয়া বিধেয় ।

প্রত্যেক দিবস বিশিষ্টরূপে শরীরচালনার দিকে দৃষ্টি রাখা প্রয়োজন । ব্যায়াম কিংবা মুক্তবাতাসে ক্রতপদে ভ্রমণ কামদমনের সহায় । শারীরিক পরিশ্রমে দিনে দুই তিন বার ঘর্ম্ম নির্গত করাইলে অনেক উপকার । হিন্দুযোগীদের আসন, মুদ্রা ও প্রাণায়াম কাম দূর করিবার বিশেষ পন্থা । জিতেন্দ্রিয়ত্বসাধনের জন্তই আর্ধ্যঋষিগণ আসনাদির ব্যবস্থা করিয়াছেন । পদ্মাসন কি সিদ্ধাসন করিয়া প্রাণায়াম করিলে কি উপকার হয়, কিছুদিন অভ্যাস করিলেই সকলে বুঝিতে পারিবেন । এই দুটি আসন ইন্দ্রিয়-

নির্যাতনের প্রকৃষ্ট উপায়, বসিবার যে এগালী তদ্বারাই উহা নিগৃহীত হয় । প্রাণায়াম মনকে স্থল হইতে স্থলের দিকে একাগ্র করিয়া দেয়, সূতরাং নিকৃষ্ট রিপু-উত্তেজনার ঘোর শত্রু । যখনই কোন কুচিন্তা মনে উদয় হয়, তৎক্ষণাৎ পদ্মাসন কি সিদ্ধাসন করিয়া প্রাণায়াম করিলে প্রত্যক্ষ ফল পাওয়া যায় । যাহারা এই উপায় অসাধ্য .কি অকর্তব্য মনে করেন, তাহারা যেমন ঐরূপ চিন্তা উদয় হইবে অমনি অবিলম্বে বিশেষ কোন শারীরিক পরিশ্রমের কার্যে নিযুক্ত হইবেন । ঐরূপ সময়ে উচ্চৈঃস্বরে ভগবানের নাম জপ কিংবা গান করিলে উপকার পাইবেন ।

কৌপীনধারণ দ্বারা ইন্দ্রিয়জয়ের অনেক সাহায্য পাওয়া যায় ।

অনাতুরঃ স্বানিখানি নম্পৃশেদনিমিগুতঃ ।

রোমাণি চ রহস্থানি সর্বথাণোব বিবর্জয়েৎ ।

মহু । ৪ । ১৪৪

‘পীড়িত না হইলে এবং কারণ ব্যতীত স্বীয় ইন্দ্রিয়চ্ছিন্নসকল এবং উপস্থকক্ষাদিগত রোম স্পর্শ করিবে না ।’

শরীরে সঘনক্বে যতগুলি নিয়ম নির্দিষ্ট হইল, মনে ভাল হইবার ইচ্ছা না থাকিলে ইহার কোনটাই কার্যকর হইবে না । পবিত্র হইবার ইচ্ছা লইয়া এই নিয়মামুসারে যিনি কার্য্য করিবেন তিনিই ফল পাইবেন ।

(৩) সর্বদা কোন কার্য্যে ব্যস্ত থাকা কামদমনের প্রকৃষ্ট উপায় । যে ব্যক্তি সর্বদা কার্য্যে ব্যতিব্যস্ত তাহার ইন্দ্রিয়বিকার অতি অল্পই হইয়া থাকে । স্বামী দয়ানন্দ সরস্বতীকে শুনিতে পাই কে জিজ্ঞাসা করিয়াছিল, ‘মহাশয়, আপনার কি কখন ইন্দ্রিয়বিকার উপস্থিত হয় ?’ তিনি নাকি তাহার উত্তরে বলিয়াছেন—‘আমি সর্বদা কার্য্যে ব্যাপ্ত থাকি, তাই আমার নিকট বিশেষ ইন্দ্রিয়বিকার আসিতে পারে না ।’

(৪) আপনার জীবনে যে সমস্ত ঘটনার ভগবানের প্রতি গাঢ়

ভক্তির উদয় হইয়াছে, কিংবা ভয়ে হৃৎকম্প উপস্থিত হইয়াছে অথবা প্রাণ দ্বারা কি পবিত্র ভালবাসার প্রাবৃত হইয়াছে কিংবা জীবনের অনিত্যতা বিশিষ্টরূপে প্রতিভাত হইয়াছে, সেই সমস্ত ঘটনাস্থারক কতকগুলি কথা একখানি কাগজে লিখিয়া যখনই কোন কুচিন্তার উদয় হয়, তখনই তাহা সম্মুখে রাখিলে সেই ঘটনাগুলি মনোমধ্যে যে চিন্তার স্রোত প্রবাহিত করে, তদ্বারা কুচিন্তা দূরীভূত হইয়া যায়। এই উপায়ে অনেক উপকার পাইয়াছেন।

(৫) আর একটি উপায়,— সর্বদা ‘পবিত্রতা’ ‘পবিত্রতা’ জপ করা ; মুখে ও মনের মধ্যে বারংবার ‘পবিত্রতা’ ‘পবিত্রতা’ এই শব্দটি উচ্চারণ করা ; কাগজে এই শব্দটি সর্বদা লেখা, আহারে, বিহারে, পথে, ঘাটে সর্বদা এই শব্দটি মনে আনা ; পবিত্রতার শরীর ও মনসম্বন্ধে কত উপকার হয়, পবিত্রতার বলে মানুষ কিরূপ সুন্দর হয় তাবিষয়ে চিন্তা করা এবং পবিত্রতাসম্বন্ধে সর্বদা আলোচনা করা। পবিত্রতার ভগবদ্ভাবে যে মানুষ সুন্দর হয়, যোগবানিষ্ঠে তাহার দৃষ্টান্ত আছে—শিখিম্বজ রাজার রানী চূড়ালী বৃদ্ধ বয়সে—

স্ববিরেক্ষণাত্যাসবশাদাত্মোদয়েন সা।

শুশুভে শোভনা পুষ্পলতেবাস্তিনবোদগতা ॥

যোগবানিষ্ঠ। নির্ঝাণ। ৭২। ২

পবিত্র কি, সুন্দর কি, ভাল কি—প্রাণের মধ্যে ইহারই বারংবার আলোচনা করার যখন তিনি আত্মপ্রতিষ্ঠ হইলেন, তখন তাঁহার ভিতরে সেই তেজের আবির্ভাব হইল, তখন সেই বৃদ্ধ বয়সে তিনি নবমুকুণিতা পুষ্পলতার স্থায় সৌন্দর্য্যশোভান্বিতা হইলেন।

পবিত্রতা দ্বারা মুখশ্রী কিরূপ সুন্দর হয় কানীতে বা হরিদ্বারে এক একটি বৃদ্ধ সন্ন্যাসীর মুখ দেখিলেই বুঝিতে পারিবেন।

ক্রমাগত ‘পবিত্রতা’ ‘পবিত্রতা’ এই শব্দটা জপ ও পবিত্রতা চিন্তা করিলে, অপবিত্রতা দূরে পলায়ন করে । এইরূপ করিলে কোন কোন সময়ে সুন্দর তামাসা দেখা যায়—আমি যেন বসিয়া আছি, আমার ঈশ্বরে একদিকে একটি অপবিত্র ভাব উঁকি দিতেছে ও মস্তক উন্নত করিবার চেষ্টা করিতেছে, এমন সময়ে আর একদিক হইতে কে যেন ‘পবিত্রতা’, ‘পবিত্রতা’ ধ্বনি করিতে লাগিল, অমনি অপবিত্র ভাবটা জড়সড় হইয়া বায়ুতে বিলীন হইয়া গেল ।

(৬) ‘এই শরীর ভগবানের মন্দির’ মনের মধ্যে পুনঃপুনঃ এইরূপ চিন্তা করিলে কাম প্রবেশ করিতে পারে না । বাহিরের মন্দির যেমন আমরা সর্বদা শুচি রাখিতে যত্নবান হই, এই শরীর তাঁহার মন্দির এইরূপ চিন্তা আসিলে : শরীর ও মন যাহাতে শুদ্ধ থাকে স্বতঃই তাহার জন্ত চেষ্টা জন্মিবে ; এই শরীর, এই মন ভগবানের অধিষ্ঠানে পবিত্র, ইহার ঈশ্বরে যেন কোনরূপ অপবিত্রতা স্থান না পায় সর্বদা এই ভাব মনে জাগরুক থাকিবে । হিন্দুশাস্ত্র ষট্চক্র প্রভৃতি দেখাইয়া সমস্ত শরীরময় ভগবান বিরাজ করিতেছেন, এই ভাবটা উপস্থিত করিয়া সকলকে সতর্ক করিতেছেন । বাইবেলে সেন্টপল পাপীদিগকে সম্বোধন করিয়া সিংহবিক্রমে বলিতেছেন—

“Know ye not, that ye are the temple of God ; and that the spirit of God dwelleth in you ?

If any man defile the temple of God, him shall God destroy ; for the temple of God is holy, which temple ye are.”

“তোমরা কি জান না যে, তোমরা ভগবানের মন্দির এবং ভগবানের শক্তি তোমাদিগের মধ্যে বিরাজ করিতেছেন ?

যদি কেহ ভগবানের মন্দির অপবিত্র করে ভগবান্ তাঁহাকে বিনাশ করিবেন ; কারণ ভগবানের মন্দির পবিত্র এবং তোমরাই সেই মন্দির ।”

ইহা শুনিয়া অপবিত্রতা আহ্বান করিতে কাহার সাহস হয় ? এই ভাবটী মনের ভিতরে সর্বদা কার্য্য করিতে থাকিলে আর পিশাচ নিকটেও আসিতে পারে না ।

(৭) যাহারা কুচিন্তাপীড়িত তাহাদিগের প্রায় সর্বদা লোকের মধ্যে থাকা কর্তব্য, নির্জনে বাস করা কর্তব্য নহে । কিঞ্চিৎ ভক্তির সঞ্চার হইলে নির্জনে বাস করিয়া ভগবানের নাম করা বিশেষ উপকারী, কিন্তু প্রথমাবস্থায় নির্জনে বসিলে কুচিন্তা আসিবার বিশেষ সম্ভাবনা ।

(৮) কোন দার্শনিক কি বৈজ্ঞানিক কি অন্য কোন গভীর বিষয়ের চিন্তায় সর্বদা মগ্ন থাকাও কামদমনের সুন্দর উপায় । এইরূপ বিষয়ের চিন্তা করিতে করিতে মন উর্দ্ধদিকে ধাবমান হয়, নিম্নগামী হইতে চাহে না । আমি একজন পণ্ডিতকে জানি, তিনি উদ্ভিদবিদ্যায় বিশেষ পারদর্শী ; অহর্নিশ প্রায় তাহাতেই ডুবিয়া আছেন । তিনি বলিয়াছেন “আমি কখন আমার জীবনে জীলোকের বিষয় চিন্তা করি নাই ।” হিন্দুশাস্ত্রে একটি উৎকৃষ্ট উপদেশ আছে—

আনুপুংরামুভেঃ কালং নয়েৎ বেদাস্তচিন্তয়া ।

দদ্যাম্নাবসরং কঞ্চিৎ কামাদীনাং মনাগপি ॥

যে পর্য্যন্ত নিদ্রায় অভিভূত না হও এবং যে পর্য্যন্ত মৃত্যুপথে পতিত না হও, সে পর্য্যন্ত সর্বদা বেদাস্তচিন্তায় কালহরণ করিকে, কাম প্রভৃতিকে বিন্দুমাত্রও অবসর দিবে না, বেদাস্তালোচনায়, ‘আমি কে ? জগৎ কি ? তাহার সহিত আমার কি সম্বন্ধ ? পরমাত্মার প্ররূপ কি ?’ এইরূপ সূক্ষ্ম চিন্তায় মন ডুবিয়া গেলে কামাদি দূর হইতে পলায়ন করে । যাহাদিগের নিকটে শরীর নিত্য তুচ্ছ পদার্থ হইয়া দাঁড়ায়, যাহারা দেহকে আশ্রয়চিন্তায়

শত্রু মনে করেন, তাঁহারা কোনরূপ দেহের ভোগাভিলাষ পূর্ণ করিতে ইচ্ছা করেন না। সন্ধ্যাকালে যত্নের পূর্বে জিজ্ঞাসা করা হইয়াছিল ‘তুমি যত্নকে কিঞ্চিৎমাত্রও ভিন্ন করিতেছ না কেন?’ তিনি উত্তরে বলিয়াছিলেন, ‘আমার আনন্দ হইতেছে যে আমার আত্মা অশ্রু দেহ হইতে বিচ্ছিন্ন হইবে। যে দেহ সর্বদা আমার জ্ঞানালোচনার নানা প্রকারে বাধা দিয়াছে, তাহার ইচ্ছাচারিতা আমার মন স্থির করিবার বিশেষ প্রতিকূল ছিল, আজ সেই দেহ যে আর আমার আত্মাকে কোনরূপে স্পর্শও করিতে পারিবে না, ইহাই আমার পক্ষে বিশেষ আনন্দের বিষয়।’ বাস্তবিকই পণ্ডিতগণ দেহ হইতে আত্মাকে যত দূরে রাখিতে পারেন ততই আনন্দিত হন। আমরা সর্বদা দেখিতে পাই কোন বিষয়ের গভীর চিন্তা করিতে গেলে ইচ্ছাবিক্ষেপ সেই চিন্তার নানারূপ বিষয় ঘটায়; যতক্ষণ না শরীরটা সম্পূর্ণরূপে ভুলিয়া যাওয়া যায় ততক্ষণ কোন বিষয়ের চিন্তা পূর্ণমাত্রায় করা হয় না। ভগবানের চিন্তার সমাধি তখন, শরীর আছে বলিয়া জ্ঞান নাই যখন। যে পণ্ডিতের বিষয় এইমাত্র উল্লেখ করা হইয়াছে তাঁহার নিকটে আমাদের কোন ছোটলাট সাহেব উদ্ভিদ বিজ্ঞা অধ্যয়ন করিতে যাইতেন। শুনিয়াছি যে কোন কোন সময়ে একরূপ হইয়াছে যে ছোটলাট সাহেব উপস্থিত হইয়া থবর দিলেন, কিন্তু তিনি উদ্ভিদ বিজ্ঞার আলোচনার এমন সমাধিস্থ হইয়া আছেন যে, দুই তিনবার থবরের পর তাহার শরীর ধরিয়া বিশেষরূপে নাড়া না দিলে তাঁহার বাহ্যজ্ঞান হইত না ও লাট সাহেব তাঁহার দর্শন পাইতেন না। একরূপ বাক্তির উপরে কামের আধিপত্য বিস্তার করা সহজ নহে। জ্ঞান আইজাক নিউটন যে ইহার দোষাভ্যাস হইতে মুক্ত ছিলেন তাহা বোধ হয় সকলেই জানেন।

(২) মাতৃচিন্তা কামদমনের বিশেষ সহায়। এ জগতে মা'র স্থান

মধুর ও পবিত্র নামটী কিছুই নাই। মা বলিতেই প্রাণে কত পবিত্র ভাবের উদয় হয়, মা সকলের নিকটেই পবিত্র, ভালবাসার আধার। যত মা'র বিষয় মনে করিবে ততই অপবিত্র ভাব দূরে যাইবে। মা নামটী এইরূপ পবিত্র বলিয়া ভগবানকে মা বলিয়া ডাকিতে যত আনন্দ হয়, তত আনন্দ আর প্রায় কোন নামেই পাওয়া যায় না। যাহার প্রাণে ভগবানের মাতৃভাব সর্বদা উদ্দীপ্ত থাকে তাঁহার প্রাণ সর্বদা সরস থাকে অথচ কোনরূপ কলঙ্কে কলঙ্কিত হইবার আশঙ্কা থাকে না। জগন্ময় চারিদিকে মাতৃভাবের উন্মেষ হইলে সমস্ত পৃথিবী পবিত্রতামাখা বলিয়া প্রতিভাত হয়। জীলোক দেখিবামাত্র যাহার মাকে মনে পড়ে তাঁহার হৃদয়ে আর অপবিত্র ভাব স্থান পাইবে কি প্রকারে? যিনি জানী, তাঁহার নিকট জীলোক মাত্রেই মাতৃস্বরূপ, জীলোক দেখিলেই তাঁহার চিত্ত পবিত্রতায় পরিপ্লুত হইয়া পড়ে, সে চিত্তে আর কামের অধিকার কোথায়? সকলেই জানেন রামকৃষ্ণ পরমহংস মহাশয়ের সহিত তাঁহার জীর কোনরূপ শারীরিক সংস্ক ছিল না। তিনি বলিয়াছেন—এক দিবস তাঁহার জী তাঁহার সহিত রাত্রি যাপন করিতে ইচ্ছা প্রকাশ করেন এবং তিনি তাহাতে সম্মত হন। রাত্রিতে যখন তাঁহার জী তাঁহার পাদসংবাহন করিতে আরম্ভ করিলেন, তখন তিনি তাঁহার আরাধ্যা দেবতাকে বলিতে লাগিলেন—‘মা, তুমি চালাকি করিয়া আমার জীর মূর্তি ধরিয়া আমার নিকট আসিয়াছ? এস, এস, তুমি আসিবে, তার ভয় কি?’ রাত্রি কাটিয়া গেল, কোনরূপ মন্যভাব অর্ক মুহূর্তের জন্তও তাঁহার হৃদয়ে স্থান পাইল না।

(১০) কোন কোন ব্যক্তি শরীরের জঘন্ত উপলব্ধি করিয়া বিশেষ উপকার পাইয়াছেন। শরীর জঘন্ত তাহা চিন্তা করিলে কাহারও ভোগ-বিলাসের দিকে মন যাইতে পারে না।

অমেধাপূর্ণে কৃমিজালসংকুলে স্বভাবদুর্গন্ধিবিনিমিত্তান্তরে ।

কলেবরে মূত্রপুৰীষভাবিতে রমন্তি মুঢ়া বিরমন্তি পণ্ডিতাঃ ॥

যোগোপনিষৎ ।

‘অপবিত্রতার পরিপূর্ণ, কৃমিজালসংকুল, স্বভাবদুর্গন্ধি, মূত্রপুৰীষপূর্ণ এই কলেবরে মূর্থগণই ভোগের লালসা করিয়া থাকে, পণ্ডিতগণ তাহা ভইতে নিরস্ত হন ।’ নবদ্বার দিয়া যে নানাক্রমে ক্রমাগত মল নির্গত হইতেছে তাহা মনে করিলেই এই শরীরটা কিরূপ বীভৎস তাহা প্রতীয়মান হয় । একে এইরূপ ঘূণাই তাহাতে নিতান্ত অসহ্য, মৃত্যুর পরে শরীরটা কিরূপ দেখায় একবার মনে করিয়া দেখ, ইহার আবার সৌন্দর্য্য কি ? যোগবাশিষ্ঠে রামচন্দ্র বলিতেছেন—

ত্বদ্বাংসরক্তবাম্পান্মু পৃথক্কৃদ্বা বিলোচনং ।

সমালোকয় রমাং চেৎ কিংমুদা পরিমুহ্যসি ॥

যোগবাশিষ্ঠ । বৈরাগ্য ২১ । ২

‘(কোন সুবতীর) চক্ষু, মাংস, রক্ত, বাষ্প, বারি পৃথক করিয়া যদি কোন সৌন্দর্য্য দেখিতে পাও, তবে দেখিতে থাক, নচেৎ মিথ্যা মুগ্ধ হও কেন ?’

উতো মাংসমিতো রক্তমিতোহশ্বনোতি বাসরৈঃ

ব্রহ্মন্ কতিপয়ৈরেন যাতি স্ত্রীনিষচাকুতা ॥

যোগবাশিষ্ঠ । বৈরাগ্য । ২১ । ২৫

‘হে ব্রহ্মন্, স্ত্রীরূপ বিষয়ের সৌন্দর্য্য কয়েক দিবসের মধ্যেই কোন স্থানে রক্ত, কোন স্থানে মাংস ও কোন স্থানে অস্থিগুলি, এইরূপে ভিন্ন হইয়া যায় ।’

যোগোপনিষদে শুকদেব বলিতেছেন :—

ব্রণমুখমিবদেহং পূতিচন্দ্রাবনকঃ
কুমিকুলশতপূর্ণং মূত্রবিষ্ঠানুলেপং ।
বিগতবহ্নিরূপং সর্বভোগাদিবাসং
ক্রমমরণনিমিত্তং কিন্তু মোহপ্রসক্তা ॥
ইদমেব কয়দ্বারং ন পশ্যসি কদাচন,
ক্ষীয়ন্তে যত্র সর্বানি যৌবনানি ধনানি চ ?

‘এই যে শরীর, দেখিতে কি পাও না—ইহা ব্রণমুখ, দুর্গন্ধ চন্দ্রজড়িত শত শত কুমিপূর্ণ, মূত্রবিষ্ঠানুলিপ্ত, ভিন্ন ভিন্ন বয়সে ভিন্ন ভিন্ন রূপ ধারণ করিয়াছে, যদিও সকল প্রকার ভোগের বাস, কিন্তু মোহপ্রসক্তি দ্বারা নিশ্চয়ই মরণের কারণ হইয়া রহিয়াছে ; ইহাই ক্ষয়ের দ্বার, যদ্বারা সর্ব প্রকারের যৌবন ও ধন একেবারে সমূলে বিনষ্ট হয় ?’ এমন শরীরকে ও আর প্রশ্রয় দিতে হয় ! এইরূপ জুগুপ্সিত শরীরকে সুন্দর ভাজিয়া যাহারা তাহাতে মুগ্ধ হয় তাহারা নিতান্ত নির্বোধ । যাহা কতকগুলি রক্ত, মাংস, ক্রেদ প্রভৃতির সমষ্টি তাহাতে যাহার আসক্তি হয় তাহার কচি যৎপরোনাস্তি জঘন্য । ইহাই যাহার নিকট বড় আদরের সামগ্রী, যে ক্রেদ, কলঙ্ক, মল, মূত্র ও শ্লেষ্মার ভিতরে আরামের বস্তু পায়, যে আস্তাকুঁড়কে ফুলবাগান মনে করে, যে বিষ্ঠার কুমির জ্বায় ঘৃণিত বিষয়ের মধ্যে সম্ভরণ করিতে ভালবাসে, তাহাকে পিশাচ বই আর কি বলিব ? এইরূপ পিশাচকে লক্ষ্য করিয়াই শিহ্লন মিশ্র বলিতেছেন :—

সমান্নিষ্যতু চৈর্খনপিপিতপিণ্ডং স্তনধিয়া
মুখং লালান্নিম্নং পিবতি চষকং সাসবমিব ।

কাষ ।

অমেধ্যক্লেদার্জে পথিচ রমতে স্পর্শরসিকো

মহামোহাকানাং কিমপি রমণীয়ং ন ভবতি !

আর যে বস্তুতে এইরূপ আসক্তি জন্মে তাহার শেষ পরিণতি কি তাহা দেখাইবার জন্ত বলিতেছেন :—

কৈতব্ধস্ত্রারবিন্দং ক তদধরমধু কারতাস্তে কটাক্ষাঃ

কালাপাঃ কৌমলাস্তে কচ মদনধনুর্ভঙ্গুরো ক্রবিলাসঃ ?

ইথং খট্টাঙ্গকোটৌ প্রকটিতদশনং মঞ্জুগুপ্তসমীরং

রাগাক্কানামিবোচ্চৈরুপহসতি মহামোহজালং কপালম্ ॥

শাস্তিশতক ।

‘শ্মশানে খট্টাঙ্গের প্রান্তে মহামোহের ফাঁদ একটা যুবতীর মাথার খুলি পড়িয়া রহিয়াছে, দাঁতগুলি বাহির হইয়া রহিয়াছে, বায়ু তাহার ভিতরে প্রবেশ করিয়া কামাক্ষ বাস্তিদিগকে তীব্র উপহাস করিবার জন্ত যেন মধুর গুঞ্জন করিতে করিতে বলিতেছে ‘এই যে মুখপদ্ম তাহা এখন কোথায় ? সেই যে অধরমধু তাহাই বা কোথায় ? সেই সমস্ত বিশাল কটাক্ষ তাহা এখন কোথায় গেল ? সেই সমস্ত কৌমল আলাপ তাহাই বা এখন কোথায় ?’ আর সেই যে মদনধনুর জ্বাল কুটিল ক্রবিলাস তাহাই বা এখন কোথায় গেল ? এই পরিণাম মনে হইলে ভোগবাসনা থাকে কি না একবার চিন্তা করিয়া দেখুন ।

শাক্যসিংহের মহাভিনিম্রমণের পূর্বে তাঁহার মনের গতি পরিবর্তিত করিবার জন্ত কতকগুলি সুন্দরী রমণী তাঁহার প্রমোদপ্রাসাদে নিযুক্ত হইয়াছিল । এক দিবস সেই রমণীগুলি নিজ্জা বাইতেছে এমন সময়ে তিনি তাঁহাদিগকে নিরীক্ষণ করিতে লাগিলেন, দেখিলেন—কাহারও মস্তক

নিতান্ত বিকৃতভাবে পরিকল্পিত হইয়া রহিয়াছে, কাহারও মস্তক বা শরীর এমন ভাবে রহিয়াছে যে দেখিলেই অতি বিকটমূর্তি বলিয়া বোধ হয়, কাহারও বা মুখ হইতে অবিশ্রান্ত লালস্রাব হইতেছে, কাহারও দন্তে কড়মড় শব্দ হইতেছে, কেহ বা স্বপ্নে একরূপ বিকৃত হাসি হাসিতেছে যে তাহা দেখিলেই প্রাণে আতঙ্ক উপস্থিত হয়, কেহ বা এমন বীভৎস ভাব ধারণ করিয়াছে যে তাহা মনে করিলেও ঘৃণা হয় ; এই দৃশ্যগুলি দেখিতে দেখিতে শাক্যসিংহের মনে হইল ‘এ যে শ্মশান, ইহাদিগের সহিত আবার প্রমোদক্রীড়া কি ?’ মনে একেবারে—যাহা কখন বিকৃত হয় না, কাহার সৌন্দর্য্য নিত্যস্থায়ী—সেইদিকে ধাবিত হইল ।

(১১) সর্বোচ্চ ও সর্বোৎকৃষ্ট উপায় কাম দ্বারা কাম দমন । যেমন কোন ব্যক্তি কোন বিশেষ মাদক দ্রব্যের বশবর্তী হইয়া পড়িলে কিংবা কাহারও তাহার বশবর্তী হইবার আশঙ্কা থাকিলে, অন্য কোন মাদক দ্রব্য দ্বারা তাহাকে তাহার হস্ত হইতে রক্ষা করিতে পারা যায়, সেইরূপ যাহার কাম মন্দদিকে ধাবমান হইয়াছে কি হইবার আশঙ্কা আছে তাহাকে কোন উৎকৃষ্ট মিষ্ট বস্তু দ্বারা আকৃষ্ট করিয়া তাহার গতি ভালদিকে ফিরাইতে পারা যায় । যে রসপ্রিয় সে রস চাহিবেই । যদি সে কোন পবিত্র উদ্ভাদক রস না পায় অমনি অপবিত্র রসে ডুবিয়া যাইবে । যে ব্যক্তি কুৎসিত রসপ্রিয় হইয়া পড়িয়াছে সে তৎপরিবর্তে অন্য কোন রস না পাইলে তাহার পক্ষে সে রস ত্যাগ করা কষ্টকর । তবে কুৎসিত রসের পরিবর্তে পবিত্র রস পাইলে এত আনন্দ অনুভব করিতে পারিলে অকিঞ্চিৎকর যে কুৎসিত রস তাহার দিকে টান কমিয়া আসিবে । ভগবৎকীর্তনাদির রস যে পাইয়াছে তাহার পুনঃপুনঃ ঐ রস উপভোগ করিতে ইচ্ছা হয় । উপর্য্যুপরি তাহা উপভোগ করিতে পারিলে কুৎসিত ভাব আপনা হইতেই বিদায় লয় । সর্বদা সৎপ্রসঙ্গের রস পান করিতে

করিতে বিহ্বল হইলে আনন্দেরও সীমা থাকে না, কুতাবও আর নিকটে স্থান পায় না । যাহার মন সেই দিব্যধামের আদিসের আশ্বাদ পাই-
 যাছে তাহার নিকটে আর ষটতুলার আদিস কেমন করিয়া স্থান পাইবে ?
 এদিকের সুরাপানের আমোদের পরে খোঁয়াড়ি, ওদিকের সুরাপানে
 কেবল ঢেউর পরে ঢেউ, আনন্দের পরে আনন্দ; সে আনন্দলহরীর বিরাম
 নাই, শেষ নাই, যত পান করিবে ততই আনন্দ, অনন্তকাল আনন্দ সন্তোগ
 করিবে, এক মুহূর্তের জ্ঞাও অবসাদ আসিবে না ; এদিকের সুরাপানে
 শরীর বিনাশ প্রাপ্ত হয়, ওদিকের সুরাপানে শরীর তেজ ও বীৰ্য্য
 অপূর্বকাস্তি ধারণ করে ; এদিকের সুরাপানে আত্মগানি মর্শ্বাস্তিক দাহ
 উপস্থিত করে, ওদিকের সুরাপানে আত্মপ্রসাদের অমৃতকৌমুদী শরীর ও
 মন মধুময় করিয়া ফেলে । এদিকের কাম দুই দিনের মধ্যে পুষ্পোত্তানকে
 শ্মশানে পরিণত করে, ওদিকের প্রেম মুহূর্তের মধ্যে শ্মশানকে পুষ্পোত্তান
 করিয়া দেয় ; এদিকের কাম দেবতাকে পশু করে, ওদিকের প্রেম পশুকে
 দেবতা করে ; এদিকের কাম শরীর ও মন কলঙ্কিত করিয়া আমাদিগকে
 নৃত্যর হস্তে নিক্ষেপ করে, ওদিকের প্রেম শরীর ও মন পবিত্র করিয়া
 দেবভোগ্য অমৃতসন্তোগের অধিকারী করে ; এদিকের কামে সদা হাহাকার,
 ‘গেল, গেল’ ধ্বনি, ওদিকের প্রেমে নিত্য নব উৎসবানন্দ, ‘জয় জয়’ ধ্বনি ।

• তদেব রম্যং কচিরং নবং নবং তদেব শশস্মানসো মহোৎসবং ।

তদেব শোকার্ণবশোষণং নৃণাং যদুত্তমশ্লোকযশোহনুগীযতে ॥

ভাগবত । ১২ । ১২ । ৫০ ॥

‘প্রিয়তমের যশোগান—যে যে রম্য, কচির, নব নব, ‘নিতুই নব,’
 সে যে নিত্য মনের মহোৎসব, সে যে মনুষ্যদিগের শোকার্ণব শোষণ ;
 আহা ! তেমন কি আর আছে !’

এই বর্গীয় প্রেমের মাহাত্ম্য যিনি বুঝিয়াছেন তিনি কি আর নৈশাটিক কামকে আহ্বান করিতে পারেন ? কাম যতই প্রলোভন নিয়া তাঁহার নিকটে উপস্থিত হউক না, তিনি তাঁহার ভিতরে বিন্দুমাত্র আকর্ষণের পদার্থ দেখিতে পান না ।

প্রাচীন আখ্যায়িকায় জেসন এবং ইউলিমিসের বৃত্তান্ত পাঠ করিলে তাহা হইতে বড়ই সুন্দর উপদেশ গ্রহণ করিতে পারি । ভূমধ্যসাগরের মধ্যে একটি দ্বীপ ছিল, সেই দ্বীপে তিনটী ক্রীলোক বাস করিত, তাহাদিগের বংশীধ্বনি শ্রবণ করিলে এমন লোক ছিল না যে মোহিত না হইত; তাহারা বংশীধ্বনি দ্বারা আকৃষ্ট করিয়া অবশেষে একেবারে সর্বনাশ করিত । তাহাদিগের নাম সাইরেণ । ইউলিমিস্ সেই দ্বীপের নিকট দিয়া যাইতে-ছিলেন; তাঁহার জাহাজের নাবিকগণ সেই বংশীধ্বনি শুনিতে না পারিয়া এইজন্ত তাহাদিগের কাণে মোম ঢালিয়া দিলেন আর স্বয়ং আকৃষ্ট হইয়া সেই দ্বীপে উপস্থিত না হন এইজন্ত আপনাকে রজ্জু দ্বারা দৃঢ়ভাবে মাস্তুলের সহিত বাধিলেন । যাই বংশীধ্বনি কর্ণে প্রবেশ করিতে লাগিল আর সাধ্য কি তিনি আপনাকে রক্ষা করেন । বংশীর স্বরে অস্থির হইয়া পড়িলেন, কত প্রকারে দ্বীপে উপস্থিত হইবার চেষ্টা করিতে লাগিলেন, ভাগ্যে আপনাকে রজ্জু দ্বারা বাধিয়া রাখিয়াছিলেন, প্রাণ ছুট্ ফুট্ করিতে লাগিল, তাঁহার লাঞ্ছনার অবধি রহিল না, যৎপরোনাস্তি কষ্টে কোনরূপে প্রাণ বাঁচাইয়া আসিতে পারিয়াছিলেন । আর জেসন তাঁহার আর্গোনাটিক যাত্রার সময়ে দেখিলেন যে সাইরেণদিগের দ্বীপের নিকট দিয়া তাঁহার যাইতে হইবে, তাহাদিগের বংশীধ্বনি শুনিলে কোনরূপে আপনাকে কি নাবিকদিগকে রক্ষা করিতে পারিবেন না নিশ্চয় বুঝিয়া গারকহুডামনি অরফিউসকে বলিলেন ‘তুমি আমার সঙ্গে চল; যেমন সাইরেণদিগের দ্বীপের নিকটে যাইবে অমনি তুমি গান ধরিবে, দেখি তাহাদিগের বংশী-

ধ্বনি আমাদিগকে কিরূপে প্রলুব্ধ করিতে পারে ?' অরফিউসের গানে পাষণ গলিয়া বাইত, নদীর জলে উজান বহিত, যেখানে অরফিউস গান ধরিতেন সে স্থলে পশু পক্ষী নীরব হইয়া তাঁহার গানে প্রাণটি ঢালিয়া দিয়া চিত্রপুস্তলিকার স্থায় দাঁড়াইয়া থাকিত। সেই অরফিউসকে লইয়া জেসন যাত্রা করিলেন। বাই দেখিলেন সাইরেনদিগের দ্বীপের নিকটবর্তী হইতেছেন, অমনি অরফিউসকে গান ধরিতে অস্বরোধ করিলেন। অরফিউস গান ধরিলেন, সকলের প্রাণে আনন্দ প্রবাহ বেগে বহিতে লাগিল, নাবিকগণ গানের তালে তালে আনন্দে আতিয়া দাঁড় ফেলিয়া চলিলেন। সাইরেনদিগের বংশীধ্বনি যখন তাঁহাদিগের কর্ণে প্রবেশ করিল, তখন অরফিউসের কোকিল কণ্ঠের তুলনার তাহা ভেকের ধ্বনির স্থায় কর্কশ ও বিরস বোধ হইতে লাগিল। তাঁহারা বুক ফুলাইয়া চলিয়া গেলেন, সাইরেনদিগের মোহিনীশক্তি পরাস্ত হইয়া গেল।

যে প্রলোভনে ইউলিসিসের প্রাণ ওষ্ঠাগত হইয়াছিল, সেই প্রলোভন জেসনের নিকট নিতান্ত তুচ্ছ বলিয়া বোধ হইল—একমাত্র অরফিউসের সঙ্গীতই তাহার কারণ। যে ব্যক্তি সর্বদা এইরূপ অরফিউসের সঙ্গীত শ্রবণ করে তাহার নিকটে কামাদির আকর্ষণ নিতান্ত অপকৃষ্ট বলিয়া বোধ হয়। আর আপনার উপরে নির্ভর রাখিয়া নানা উপায় অবলম্বন করিয়া যিনি পাপদলনে অগ্রসর হন, তিনি ইউলিসিসের মত যাতনা ভোগ করেন।

ক নিরোধো বিমূঢ়শ্চ যো নির্বন্ধং কৰোতি বৈ।

স্বারামশ্চৈব ধীরশ্চ সৰ্বদাসাবকৃত্তিমঃ ॥

অষ্টাবক্রসংহিতা।

যে মূৰ্খ ইঞ্জিয়সংঘর্ষের দ্বারা ভগবানের উপরে নির্ভর না করিয়া নিজে

তেজ দেখাইতে যায় তাহার ইন্দ্রিয়দমন হয় কই ? আর যে জানী আত্মাকে লইয়া আনন্দক্রীড়া করেন তাঁহাতে সর্বদা অকৃত্রিম ইন্দ্রিয়নিরোধ দেখা যায় ।

ভগবান্ ও ভগবন্তকৃদিগের সহিত যিনি প্রণয়শৃঙ্খলে আবদ্ধ হইয়া পড়েন, যিনি দিবারাত্র তাঁহার সহিত এবং ভক্তদিগের সহিত প্রেমালাপে মুগ্ধ হইয়া থাকেন, তাঁহার বাড়ীর সাত ক্রোশের মধ্যেও কাম আসিতে সাহস পায় না । হাফেজ যে আদরসে ডুবিয়াছিলেন তাঁহার নিকটে কি কেহ অপবিত্র আদরস উপস্থিত করিতে পারিত ? যিনি হৃদয়ের অভ্যন্তরে ভগবানের বংশীধ্বনি শুনিয়া মহাপ্রেমে মজিয়া গিয়াছেন, তাঁহাকে কি কখন পাপের বংশীধ্বনি আকৃষ্ট করিতে পারে ? যাহার স্বয়ং প্রেমস্বরূপকে লইয়া নৃত্য, গীত, লীলা, কোতুক, তিনিত রসের সাগরে ডুবিতেছেন, ভাসিতেছেন, সন্তরণ করিতেছেন, রসের বিকার আর তাঁহাকে স্পর্শ করিবে কিরূপে ? যিনি নিশ্চল অমৃতরস আশ্বাদন করিতেছেন, তিনি আর মরীচিকা দেখিয়া ভুলিবেন কেন ?

অনেকে ভগবানের নাম করিতে পেচক বদন হইয়া বসেন, যেন ভগবান তাঁহাদিগকে ফাঁসির ছকুম শুনাইবেন । হায়, কি মূর্থ ! তাঁহার জ্ঞান কোতুকী লীলারসামোদী কে ? আমোদের ভাণ্ডার তিনি । তাঁহাকে লইয়া আমোদ করিব না ত কাহাকে লইয়া করিব ? তাঁহা অপেক্ষা ত কিছুই মিষ্টতর নাই, তাঁহার সহবাসস্থলের সঙ্গে কি বাহিরের পৃথিবীর কোন সুখ তুলনীয় ? সেই সুখের যে কণিকামাত্র সংভোগ করিতে পারিয়াছে, সে অবশ্যই বলিবে—“বিষয়স্থখে মন তৃপ্তি কি মানে ? তব চবণামৃত পান পিপাসিত, নাহি চাহি ধনজনমানে ; মধুকর তাজি মধু চায় কি সে জলপানে ?” যে সুরাপায়ী সে একবার এই সুখের বাতাস পাইলে অমনি সুরাপান ত্যাগ করিবে, যে লম্পট সে একবার এই সুখের ছানামাত্র

উপভোগ করিতে পারিলে তৎক্ষণাৎ তাহার অপবিত্র কাম চিরদিনের তরে দূর হইয়া যাইবে। এমন সুখের আনন্দের বিষয় ত আর কিছুই নাই; হইতে পারে না। এই জন্তই কোন সুরাপায়ী রামকৃষ্ণ পরমহংস মহাশয়ের নিকটে যাতায়াত আরম্ভ করিলে যদি কেহ বলিতেন ‘ও যে মদ খায়!’ তিনি উত্তরে বলিতেন ‘আহা থাক না, থাক না, কদিন থাকে।’ অর্থাৎ ‘তাহার সম্মুখে যে সুরা উপস্থিত করিতে আরম্ভ করিয়াছি, সেই সুরার রস পাইলে আর কদিন ঐ সুরা পান করিবে? ঐ সুরা অবশ্য ত্যাগ করিবে।’

নারদ যখন তাঁহার মাতার মৃত্যুর পরে ভগবদশ্রমণে গৃহত্যাগ করিয়া বহির্গত হইলেন, নানাস্থান অতিক্রম করিয়া এক দিবস এক অরণ্যের মধ্যে অশ্বথ বৃক্ষের তলে তাঁহার ধ্যান আরম্ভ করিলেন। ধ্যান করিতে করিতে হঠাৎ ভগবানের রূপ তাঁহার সম্মুখে উপস্থিত হইয়া অমনি অস্তর্ধান হইল। ভগবান্ তখন তাঁহাকে বলিলেন—

কস্তাস্মিন্জন্মানি ভবাম্মাং ত্রক্ষুমিহাইতি ।

অবিপক্ককষায়াণাং দুর্দর্শোহহং কুযোগিনাম্ ॥

ভাগবত । ১ । ৬ । ১১

‘হায়, এ জন্মে তুমি আমাকে দেখিবার যোগা হও নাই, যাহারা কামাদিকে দৃষ্ট করে নাই সেই কুযোগিগণ আমাকে দেখিতে পায় না।’

তবে যে একবার বিদ্যাতের দ্বারা দেখা দিলেন তাহার কারণ—

সকৃদ্যদর্শিতং রূপমেতৎ কামায় তেহনঘ ।

মৎকামঃ শনকৈঃ সাধুঃ সৰ্ব্বান্মুক্তি হচ্ছয়ান্ ॥

ভাগবত । ১ । ৬ । ২৩

‘এই যে একবার দেখা দিলাম এ কেবল তোমার আমার প্রতি কাম

জন্মাইবার জন্ত, আমার প্রতি যে সাধুর কাম জন্মিয়াছে সে বীরে বীরে তাহার হৃদয়ের যত বাসনা সমস্ত বিসর্জন দেয়।’ তাঁহার রূপে আকৃষ্ট হইলে আর কি কোন কামনা থাকিতে পারে ? তাঁহার রূপের ছায়া যেখানে পড়ে, সে স্থলও অতি মনোহর হইয়া দাঁড়ায়। চিরমনোমোহন তিনি, তাঁহার জন্ত সাধুগণ সমস্ত ভুলিয়া পাগল হইয়া যান। আমরাদিগের কাম সেই সৌন্দর্য্যের অনাদি নির্মলের দিকে ধাবিত হউক, কখন যেন পিঁচালের ক্রীড়াভূমি তাহার লক্ষ্যস্থল না হয়।

যে বিশেষ উপায়গুলি বলা গেল, ইহাদের উপরে নির্ভর করিতে ধাইয়া কেহ যেন সাধারণ উপায়গুলি ভুলিয়া না যান। এই উপায়গুলি যেরূপ কার্য্যকারক, পাপ দমনের সাধারণ উপায়গুলি ইহাদিগের অপেক্ষা কিঞ্চিন্মাত্রও কম কার্য্যকর নহে।

পূর্বে যে কামজনিত দশটি দোষের উল্লেখ করা হইয়াছে, সর্বদা আপনাকে তাহাদিগের হস্ত হইতে রক্ষা করিতে যত্ন করিবে। সেই দিকে যেন দৃষ্টি থাকে।

যে প্রকারের দোষই কেন হউক না, সমদোষে দোষীদিগের সহিত তাহার সংসার সম্বন্ধে প্রতিদ্বন্দ্বিতায়, অনেক উপকার আছে। ‘দেখি কে কত দিন কিরূপ পবিত্রতা রক্ষা করিতে পারি ?’ এইরূপ ভাব লইয়া কাহারও সঙ্গে আড়াআড়ি করিলে প্রাণে এমন একটা তেজের আবির্ভাব হয় যে তদ্বারা অনেক দিন ভাল থাকা যায়।

অপর লোককে পবিত্র করিবার চেষ্টা করিতে গেলেও অনেক লাভ আছে। যে অপর কোন ব্যক্তিকে কোন দোষ হঠতে মুক্ত করিতে যত্নবান্ হয়, তাহার অবশ্য আপনার দিকে দৃষ্টি পড়ে; আপনার মধ্যে সেরূপ কোন কলঙ্ক থাকিলে, তাহা অপসারিত করিবার জন্ত আন্তরিক ইচ্ছা হয়। ‘আমি অপরকে যে দোষ দূর করিতে বলিতেছি, আমার ভিতরে সে দোষ

দেখিলে লোকে কি বলিবে ?' অন্ততঃ ইহা মনে করিয়াও সেই দোষ দূর করিবার প্রবৃত্তি জন্মে । এতদ্ব্যতীত অপরের মঙ্গলকামনার কোন দোষের বিরুদ্ধে সর্বদা আলোচনা করিলে, নিজের জীবনে তাহার ফল স্পষ্ট দেখা যায় । তাহার বিরুদ্ধে সর্বদা বলা হয় তাহার প্রতি অবশ্যই বিরক্তি জন্মে, বিরক্তি জন্মিলেই তাহা নাশ করা সহজ হইয়া পড়ে । কিন্তু অপরকে পবিত্র করিতে গিয়া অনেকের সর্বনাশ হইয়াছে । একটি অতি সুন্দর-চরিত্র যুবক বেণাদিগের উদ্ধার করিতে যাইয়া নিজে পতিত হইয়াছেন । মন্দচরিত্র লোকদিগের সংসর্গ বড়ই আপদপূর্ণ ; যে পর্য্যন্ত প্রাণে প্রভূত বলের সঞ্চার না হয়, সে পর্য্যন্ত মন্দ লোকের নিকটে যাওয়া কর্তব্য নহে ; তবে আমি অপেক্ষা অধিকতর দোষী যে, নয় তাহার সঙ্গে মিশিয়া পরস্পর ভাল হইবার চেষ্টা ও সাহায্য করিতে পারি ।

অনেকে বলেন 'গৃহস্থ জিতেক্রিয় হইলে সংসার চলিবে কিরূপে ?' তাহারা মনে করেন গৃহস্থ হইবার জন্তই অজিতেক্রিয় হওয়া প্রয়োজন । হায় ! যে দেশে জিতেক্রিয় ঋষিগণ গার্হস্থ্যশ্রমের বিধিকর্তা, সেই দেশে আজ এই কুৎসিত ভ্রম রাজত্ব করিতেছে ! ইহা অপেক্ষা আর কষ্টের বিষয় কি হইতে পারে ? আৰ্য্যঋষিগণের বিধি এই—'জিতেক্রিয় হইয়া তবে বিবাহ করিও, গৃহস্থ হইও ।' পূর্বে ব্রহ্মচর্য্যশ্রম, পরে গার্হস্থ্যশ্রম । ঈশবের পরেই ব্রহ্মচর্য্য, ব্রহ্মচর্য্য দ্বারা জীবন পবিত্র হইয়া গেলে, গার্হস্থ্য ।

এবং বৃহদব্রতধরো ব্রাহ্মণোহগ্নিরব ফলন্ ।

মহুজুস্তীত্রতপসা দধুকর্মানয়েহিমলঃ ॥

অথানশুরমাবেক্ষ্যান্ যথা জিজ্ঞাসিতাগমঃ ।

গুরবে দক্ষিণাং দত্তা স্নায়াদ্গুর্বমুমোদিতঃ ॥

গৃহং বনং বোপবিশেৎ প্রব্রজেদ্বা দ্বিজোত্তমঃ ।

আশ্রমাদাশ্রমং গচ্ছেদ্বাক্যপা মৎপরম্চরেৎ ॥

গৃহাণী সদৃশীঃ ভার্য্যামুদ্বাহেদজুগুপ্সিতাং । ইত্যাদি ।

ভাগবত । ১১ । ১৭ । ৩৬—৩৯

ভগবান্ ব্রহ্মচর্যাশ্রম বর্ণন করিতে করিতে বলিতেছেন—‘এইরূপে ব্রাহ্মণ ব্রহ্মচারী হইয়া তীব্র তপস্তাধারা কর্ত্ত্বের খলিটিকে (বিষয় বাসনা) সম্পূর্ণরূপে দগ্ধ করিয়া, স্বয়ং সম্পূর্ণ নিষ্কল জিতেন্দ্রিয় হইয়া ব্রহ্মতেজে অগ্নির জ্বালা যখন জলিতে থাকিবেন, তখন ব্রহ্মচর্য্যের পরের কোন আশ্রমে প্রবেশের ইচ্ছুক হইলে বেদের পরীক্ষার উপস্থিত হইয়া, পরে গুরুকে দক্ষিণা দিয়া গুরুর আজ্ঞানুসারে স্থান করিবেন । তৎপর দ্বিজোত্তম তাঁহার ইচ্ছানুসারে, হয় গৃহস্থ হইবেন অথবা বনচারী হইবেন কিংবা পরিত্রাজক হইবেন, ইচ্ছা হইলে এক আশ্রম হইতে অন্য আশ্রমে গমন করিবেন, আর আশ্রমগত প্রাণ হইয়া অথবা আচরণ করিবেন না । যিনি গৃহস্থ হইতে ইচ্ছুক, তিনি অনিন্দিতা আপনার সদৃশী ভার্য্যা বিবাহ করিবেন ।’

বিষয়বাসনা দগ্ধ করিয়া তবে বিষয়ভোগ, জিতেন্দ্রিয় হইয়া তবে জীগ্রহণ । ছাগছাগীর জ্বালা জীবন ধাপন করিবার জন্ত আর্ঘ্য মহাআগণ গার্হস্থ্যাশ্রমের বিধি করেন নাই । মহাভারতে বনপর্বে যখন পড়িলাম সাবিত্রীর পিতা

অপত্যোৎপাদনার্থঞ্চ তীব্রং নিয়মমান্বিতঃ ।

কালে নিয়মিতাহারো ব্রহ্মচারী জিতেন্দ্রিয়ঃ ॥

মহাভারত । বন । ২৯২ । ৮

‘অপত্য উৎপাদনের জন্ত তীব্র নিয়ম অবলম্বন করিলেন, সময়মত নিয়মিতাহার হইলেন, ব্রহ্মচারী হইলেন, জিতেন্দ্রিয় হইলেন’ তখনই

বুঝিলাম প্রকৃত গার্হস্থ্যশ্রম ক'হাকে বলে । সম্ভানোৎপাদনে কি দায়িত্ব একবার চিন্তা করিয়া দেখুন । অজিতেন্দ্রিয় অবস্থায় সেই গুরুতর ব্যাপারে প্রবৃত্ত হওয়া কি সর্বনাশের কারণ হইয়া পড়ে ! জিতেন্দ্রিয় না হইলে গৃহস্থ গৃহস্থই নয় । যে জিতেন্দ্রিয় নয় তাহাতে আর পণ্ডতে প্রভেদ কি ?

আমরা যেন সর্বদা কামদমনের জন্ত আপনারা নানা উপায় অবলম্বন করি, এবং বন্ধুবর্গকে পবিত্রতার পথে অগ্রসর হইবার জন্ত সর্বদা অনুরোধ করি, পরম্পর সর্বদা সহায় হই ; অবশ্য কামকে পরাভূত করিয়া ভগবদ্ভক্তি দ্বারা জীবন ধন্য করিতে পারিব ।

ক্রোধ ।

(১) ক্রোধ হইতে কি কি কুফল উৎপন্ন হয় এবং ক্রোধ দমনে কি উপকার আছে পুনঃ পুনঃ মনে আলোচনা করিয়া 'আমি কখন ক্রোধের বশবর্তী হইব না' এইরূপ দৃঢ় প্রতিজ্ঞা করা কর্তব্য ।

ক্রোধ দ্বারা কোন কোন মনুষ্য, কোন কোন জাতি কিরূপে বিনাশ প্রাপ্ত হইয়াছে, তাহার চিন্তা করিবে ।

• মহাভারতের যুধিষ্ঠির দ্রোপদীকে বলিতেছেন :—

ক্রোধমূলো বিনাশোহি প্রজানামিহ দৃশ্যতে ।

ক্রুদ্ধঃ পাপং নরঃ কুৰ্ব্যাৎ ক্রুদ্ধো হস্তাদ্ গুরুনপি ॥

ক্রুদ্ধঃ পরুষয়া বাচা শ্রেয়সোহিপ্যবমন্ততে ।

বাচ্যাবাচ্যোহি কুপিতো ন প্রজানাতি কহিচিৎ ।

নাকার্য্যমস্তি ক্রুদ্ধস্ত নাবাচ্যঃ বিজ্ঞতে তথা ॥

হিংস্রাং ক্রোধাদবধ্যাংস্ত্ব বধ্যান্ সম্পূজয়েত চ ।

আত্মানমপি চ ক্রুদ্ধঃ প্রেরয়েদ্যমসাদনং ॥

ক্রুদ্ধোহি কার্য্যং শুশ্রোণি ন যথাবৎ প্রপশ্যতি ।

ন কার্য্যং ন চ মর্য্যাদাং নরঃ ক্রুদ্ধোহনুপশ্যতি ॥

মহাভারত । বন । ২৯ । ৩—৬, ১৮

‘ইহলোকে ক্রোধ জীবের বিনাশের মূল ; ক্রুদ্ধ মনুষ্য পাপ কার্য্য করে ; ক্রুদ্ধ ব্যক্তি গুরুকেও বধ করিয়া থাকে ; ক্রুদ্ধ কৰ্কশ বাক্য দ্বারা বাহ্য শ্রেয় তাহার অবমাননা করে ; ক্রোধের বশবর্তী হইলে লোকের আর বাচ্যাবাচ্য জ্ঞান থাকে না ; ক্রুদ্ধ ব্যক্তি না করিতে পারে এমন কন্ম নাই, না বলিতে পারে এমন বাক্য নাই ; ক্রোধের উত্তেজনার দ্বারা তাহাকেও বধ করে, আর বধ্য যে তাহাকেও পূজা করিয়া থাকে ; ক্রুদ্ধ ব্যক্তি আপনাকেও যমালয়ে প্রেরণ করে ; ক্রোধাক্র হইলে কোন কার্য্যের কি ফল তাহা মনে উপস্থিত হয় না, উচিত কার্য্য কি, মর্য্যাদা কিরূপে রক্ষা করিতে হয়, তাহা ক্রুদ্ধ ব্যক্তি দেখিতে পায় না ।’

ক্রোধ মনুষ্যের পরম শত্রু । ক্রোধ মনুষ্যের মনুষ্যত্ব নাশ করে । যে লোমহর্ষণ কাণ্ডগুলি পৃথিবীকে নরকে পরিণত করিয়াছে, তাহার মূলে ত ক্রোধই । ক্রোধ যে মনুষ্যকে পশুভাবাপন্ন করে তাহা একবার ক্রোধের সময় ক্রুদ্ধ ব্যক্তির মুখের প্রতি দৃষ্টি করিলেই স্পষ্টই প্রতীয়মান হয় । যে ব্যক্তির মুখখানি তোমার নিকট বড়ই মধুর বলিয়া বোধ হয়, বাহার মুখখানি সর্বদা হাসিমাখা, তুমি দেবভাবে পরিপূর্ণ মনে কর, দেখিলেই তোমার প্রাণে আনন্দ ধরে না ; একবার ক্রোধের সময় সেই মুখখানির দিকে তাকাইও, দেখিবে সে স্বর্গের সুখের আর নাই ; নরকাগ্নিতে বিকটরূপ ধারণ করিয়াছে, চক্ষু আরক্ত, অধর কল্পিত, নাসিকা

বিস্ফারিত, ঘন ঘন দ্রুত শ্বাস বহিতেছে, সমস্ত মুখ কি এক কালিমার ছায়ায় ঢাকিয়া গিয়াছে, কি এক আত্মরিকভাবে পূর্ণ হইয়াছে, তখন তাহাকে আলিঙ্গন করা দূরে থাকুক, তাহার নিকটেও বাইতে ইচ্ছা হয় না। সুন্দরকে মুহূর্তমধ্যে কুৎসিত করিতে ক্রোধের স্তায় অন্য কোন রিপুই কৃতকার্য হয় না।

ক্রোধে যে সমস্ত রোগের উৎপত্তি হয় তাহা মনে করিতে গেলেও অংকল্প উপস্থিত হয়। চিকিৎসাশাস্ত্রপারদর্শী স্বদেশী ও বিদেশী পণ্ডিতগণ বলিয়াছেন—অপস্মার, উন্মাদ, মূৰ্ছা, নাসিকা, অম্বপিও কি পাকস্থলী ইহাতে রক্তস্রাব, রক্তবমন প্রভৃতি রোগ অনেক সময়ে ক্রোধের অশুচর ইহাতে দেখা যায়। কোন কোন সময়ে ক্রোধের উত্তেজনায় মৃত্যু পর্য্যন্ত ঘটয়াছে। শুনিয়াছি এই বাথরগঞ্জ জেলার কোন প্রসিদ্ধ গ্রামে দুটি স্ত্রীলোক বিবাদ করিতেছিল, একটি অপরটিকে প্রহার করিবার জন্য তাড়াইয়া গিয়াছে, তাড়িত স্ত্রীলোকটি একখানি ঘরে প্রবেশ করিয়া দ্বার বন্ধ করিয়াছে। রুদ্ধ দেখিয়া যে স্ত্রীলোকটি প্রহার করিতে গিয়াছিল সে বারংবার দ্বারে আঘাত করিতে লাগিল, কিঞ্চিৎ পরে বসিয়া পড়িল, সমস্ত শরীর ক্রোধে থরথর কাঁপিতে লাগিল, কণেকের মধ্যে মূৰ্ছা, তাহার কিছুকাল পরেই মৃত্যু। কি ভয়ানক! এক জন ইউরোপীয় ডাক্তার বলিয়াছেন, কিন্তু কারাগারের রিপোর্টে জানা যায় ক্রোধ উন্মাদের এক প্রধান কারণ। ক্রোধের উচ্ছ্বাসের পরে যে আহার করিতে ইচ্ছা হয় না, ক্ষুধা কমিয়া যায়, ইহা বোধ হয় অনেকেই অনুভব করিয়াছেন। ক্রোধের আবেগের সময়ে রক্ত বেরূপ দ্রুতবেগে শরীরের নানা স্থানে সঞ্চালিত হয় তাহা বিশেষ অপকারী। ক্রোধে মস্তিষ্কে আঘাত লাগে, বিশেষরূপে আঘাত লাগিলেই উন্মাদের সূচনা হয়। ক্রোধের ফলে পরিপাক শক্তিরও হ্রাস হয়।

যে ব্যক্তি ক্রোধের বশবর্তী হয় তাহার নিজের সম্বন্ধে কিরূপ ভীষণ কুফল উৎপন্ন হয় তাহার আলোচনা করা গেল, আর যাহার প্রতি পরস্পর-বাক্য প্রভৃতি দ্বারা ক্রোধ প্রকাশ করা হয় তাহার মনে কিরূপ কষ্ট হয় তাহা একবার চিন্তা করুন ।

রোহতে সায়কৈবিক্কং বনং পরশুনা হতং ।

বাচা দুৰুস্তয়া নিক্কং ন সংরোহতি বাক্কতং ॥

মহাভারত । উত্তোগ । ৩৪ । ৭৮

‘বাণবিক্ক কিংবা পরশুছিন্ন বৃক্ষ পুনরায় অকুরিত হয়, কিন্তু দুর্ব্বাক্য দ্বারা বিদ্ধ হইয়া যে হৃদয় ক্ষত হয় তাহা পুনরায় সংকুচিত হয় না ।’

ক্রোধ দুর্ব্বলতা পরিচায়ক, যিনি তেজস্বী তাঁহার মন কখন ক্রোধ দ্বারা বিচলিত হয় না ।

তেজস্বীতি যমাহবৈপণ্ডিতা দৌৰ্ঘদর্শিনঃ ।

ন ক্রোধোহভাস্তুরস্তস্মা ভবতীতি বিনিশ্চিতম্ ॥

মহাভারত । বন । ২৯ । ১৬

‘দৌৰ্ঘদর্শী পণ্ডিতগণ যাহাকে তেজস্বী বলিয়া থাকেন তাঁহার অন্তরে নিশ্চয়ই কখন ক্রোধ হয় না ।

যন্ত ক্রোধঃ সমুৎপন্নঃ প্রজ্ঞয়া প্রতিবোধতে ।

তেজস্বিনঃ তং বিদ্বাংসো মন্যন্তে তদ্বদর্শিনঃ ॥

মহাভারত । বন । ২৯ । ১৭

‘যিনি সমুৎপন্ন ক্রোধকে প্রজ্ঞা দ্বারা বশীভূত করেন, তদ্বদর্শী পণ্ডিতগণ অর্থাৎ তেজস্বী মনে করেন ।’

ক্রোধের কুফল এবং ক্রোধজয়ের মহত্ব চিন্তা করিতে করিতে যিনি

দৃঢ়ভাবে প্রতিজ্ঞা করিবেন ‘আমি কখন ক্রোধের বশবর্তী হইব না’ এবং বারংবার এই প্রতিজ্ঞা মনের ভিতরে আন্দোলন করিবেন, যখনই কোন ক্রোধের অবকাশ উপস্থিত হইবে, তখনই তাঁহার মনে এই প্রতিজ্ঞা জাগরুক হইবে। যিনি ‘আমি অধুনা কাৰ্য্য করিব না’ পুনঃ পুনঃ মনে এইরূপ আলোচনা করেন, সেই কার্য্যের সময় উপস্থিত হইলে প্রায়ই তাঁহার প্রতিজ্ঞা আপনা হইতেই উদিত হয় এবং সেই কার্য্য করিতে বাধা দেয়।

যে ব্যক্তি কিংবা যে বিষয় ক্রোধোদ্বেগের কারণ হয় তাহা হইতে সর্বদা দূরে থাকিবে। যাহার কোন ব্যক্তিকে দেখিলে ক্রোধের উৎপত্তি হয় তিনি সেই ব্যক্তির নিকট হইতে দূরে থাকিবার চেষ্টা করিবেন। যাহার কোন বিষয় লইয়া আলোচনা করিতে গেলে হৃদয়ে ক্রোধসঞ্চার হইবার সম্ভাবনা, তিনি সেই বিষয়ের কোন রূপ সংস্পর্শে যাইবেন না। যখন মন প্রশান্ত হইবে, ক্রোধ পরাস্ত হইয়া যাইবে, তাহার পরে আর সেই ব্যক্তি কি সেই বিষয়ের নিকটে যাইতে কোন বাধা থাকিবে না। যে পরাস্ত তাহা না হইবে সেই পরাস্ত দূরে থাকা বিধেয়।

(২) ক্রোধ দমন করিতে হইলে প্রথম যাহাতে ক্রোধ স্থায়ী না হয় তজ্জন্য চেষ্টা করা কর্তব্য। ক্রোধ স্থায়ী হইতে না পারিলে ক্রমে কমিয়া যায়।

বাইবেলে একটি অতি সুন্দর কথা আছে—‘Let not the sun go down upon your wrath’—‘তোমার ক্রোধ থাকিতে সূর্য্যকে অস্ত যাইতে দিও না,—এই বাক্যটি বড়ই উপকারী। একটি গল্প আছে—
৬টি ইংরাজের মধ্যে কি কারণে বিবাদ হইয়াছিল, দুয়েরই ভয়ানক ক্রোধ হইয়াছিল, অত্যন্ত ক্রোধান্বিত অবস্থায় দুইজন দুই দিকে চলিয়া গেলেন। পরে যখন সন্ধ্যার সময় উপস্থিত, সূর্য্য অস্তগমনোন্মুখ তখন একজন

অপরের গৃহদ্বারে উপস্থিত হইয়া দ্বারে বারংবার আঘাত করিতে লাগিলেন। যাই তিনি আসিয়া দ্বার উন্মুক্ত করিলেন, অমনি তাঁহাকে বলিয়া উঠিলেন ‘তাই, সূর্য্য ত অস্ত যায়, আর কতক্ষণ ?’ তখন উভয়ে পরস্পর আলিঙ্গন করিলেন, ক্রোধ কোথায় চলিয়া গেল। হই। অপেক্ষা আর মধুর দৃষ্ট কি হইতে পারে ? দেখুন ঐ মহাবাক্যটি প্রাণে কিরূপ কার্য্য করিয়াছিল ; এইরূপ কোন কোন মহাবাক্য সর্বদা মনে রাখিলে, বিশিষ্ট উপকার হয় ।

যীশুখ্রীষ্টের একটা উপদেশ আছে ‘যদি তুমি তোমার নৈবেদ্য নিবেদন করিবার জন্য বেদীর নিকটে আনিয়া থাক এবং সেই সময়ে তোমার মনে পড়ে কোন ভ্রাতা তোমার প্রতি কোন কারণে বিরক্ত হইয়াছেন, আগে যাও, তাঁহার সহিত মিলন করিয়া আইস, পরে তোমার নৈবেদ্য নিবেদন করিও ।’ ইহা দ্বারা এক ব্যক্তির কি উপকার হইয়াছিল বলিতেছি :—

‘একস্থানে দুইটা যুবক বাস করিত। একটি স্কুলে পড়িত, অপরটা কোন কলেজের উচ্চশ্রেণীতে পাঠ করিত। একদিবস কোন কারণবশতঃ উভয়ের মধ্যে বিবাদ হয়। পরদিন স্কুলের প্রধান শিক্ষক কোনরূপে তাহা জানিতে পারিয়া তাঁহার স্কুলের ছাত্রটিকে কলেজের ছাত্রটির নিকটে ক্ষমা প্রার্থনা করিতে আদেশ করিলেন। সে বলিল, ‘আমি কোন অপরাধ করি নাই ; যদি করিয়া থাকি, ক্ষমা প্রার্থনা করি ।’ এই বলিয়া সে অভিমানে কাঁদিতে লাগিল। এই ছাত্রটি প্রায় প্রত্যেক দিন অপর যুবকটির বাড়ীতে আসিত। কিন্তু বিবাদ হওয়ার পর হইতে আর সে তাহার নিকট আসে না। ইহাতে অপরটির যারপরনাই কষ্ট হইতে লাগিল। সে যখনই উপাসনা করিতে বসিত তখনই যীশুখ্রীষ্টের এই ‘মহাবাক্যটি তাহার মনে হইত। সে ভাবিত যতক্ষণ না সে অপর যুবকটির সহিত মিলন করিবে ততক্ষণ ভগবান্ তাহার প্রার্থনা

কি সুবস্তুতি গ্রাহ্য করিবেন না ; তিনি প্রেমময়, কদরে বিন্দুমাত্র অপ্রেম থাকি পর্যন্ত ভগবানের নিকট উপস্থিত হইবার অধিকার নাই । ইহাই ভাবিয়া সে অধীর হইয়া পড়িল । এদিকে তাহার অর হইয়াছে সুতরাং সে অপর যুবকটির নিকটে উপস্থিত হইতে পারিল না । যাই অর আরোগ্য হইল অমনি ছুটিয়া তাহার নিকট উপস্থিত—‘ভাই আমা-
দিগের মধ্যো মিলন হওয়া প্রয়োজন, কেন এরূপ অপ্রেমের ভাবকে স্থান দিব ?’ সে নিতান্ত বিরসমুখ হইয়া উত্তর করিল ‘তাহা হইবে না । কাচ ভাঙ্গিলে আর কি তাহা জোড়ান যায় ।’

এই বাক্য শুনিয়া সে দিবস তাহাকে নিরন্ত হইয়া আসিতে হইল, বলিয়া আসিল ‘আমি পুনরায় কাল উপস্থিত হইব ; প্রত্যেক দিন আসিব যে পর্যন্ত না পুনরায় মিলন হয় ।’ তাহার পরদিন পুনরায় তাহার বাড়ীতে উপস্থিত ; কিন্তু এ দিবস আর তাহাকে বাড়ী পাইল না । পরদিন বে স্কুলে সেই যুবকটি পড়িত, সেই স্কুলে একটা সভা ছিল ; ছাত্রদিগের অনুরোধে অপর যুবকটি তথায় উপস্থিত হইল । একটা ছাত্র রচনা পাঠ করিল । তাহার পাঠ শেষ হইলে, যাই সেই রচনা সম্বন্ধে মন্তব্য প্রকাশ করিতে অনুরোধ হইল, অমনি একটি ছাত্র দাঁড়াইয়া বলিল ‘অন্ত আমরা এখানে রচনা শুনিতে কি তৎসম্বন্ধে কোন মন্তব্য প্রকাশ করিতে উপস্থিত হই নাই ; আমাদিগের কোন বন্ধুর অনুরোধে সভায় উপস্থিত হইয়াছি, তাহার নাকি কি বক্তব্য আছে । এই ছাত্রটির বাক্য শেষ হইবা মাত্র অমনি সেই ছাত্রটি উঠিয়া বলিতে লাগিল ইহারা সকলে আমার অনুরোধে এখানে উপস্থিত । সে দিন হরত কেহ কেহ মনে করিয়াছেন, আমি—
বাবুর নিকট ক্ষমা চাহিয়াছি ; তাহা আমি চাহি নাই এবং চাহিবার কোন কারণও নাই ।’ এইরূপ বলিয়া তাহার প্রতি কতকগুলি কটুক্তি করিতে লাগিল । প্রথম শিক্ষক মহাশয় অত্যন্ত বিরক্ত হইয়া তাহাকে

শান্তি দিবেন তাবিলেন, কিন্তু সেই কলেজের ছাত্রটি তাঁহাকে বারংবার নিবেদন করার আর তাহা পারিলেন না। আজ সে দৃঢ় হইয়া বসিয়াছে— মিলন করিবেই করিবে। মিলন না হইলে ভগবানপ্রার্থনা গ্রাহ্য করিবেন না, প্রেমের দেবতা অপ্রেম থাকিতে কোন কথা শুনিবেন না, এইরূপ প্রাণের মধ্যে ভাব হটলে সে কি আর মিলন না করিয়া থাকিতে পারে? কোন কটুক্তিতে আজ আর সে উত্তেজিত নহে, কিছুতেই তাহার মন বিচলিত হইতেছে না। যাই স্কুলের ছাত্রটি বসিল, অমনি কলেজের ছাত্রটি উঠিয়া পুনরায় মিলন প্রার্থনা করিল। স্কুলের ছাত্রটি ঘন ঘন শ্বাস ছাড়িতে ছাড়িতে বলিল “মিলন! মিলন! হইতে পারে না।” “Reconciliation! Reconciliation cannot take place.” এই কথায় বিন্দুমাত্র সংকোচিত না হইয়া কলেজের ছাত্রটি প্রেমের মহিমা বর্ণনা করিতে লাগিল ও তাহার নিকটে কমা চাহিতে লাগিল। তাহার প্রাণস্পর্শী কথাগুলি ক্রমে সকলকেই আকুল করিয়া তুলিল। বক্তা ও শ্রোতা প্রায় সকলেরই চক্ষু অশ্রুজলে পরিপূর্ণ। স্কুলের ছাত্রটি ধীরে ধীরে গাজোথান করিয়া আপনার পুস্তকগুলি টেবিলের উপর হইতে তুলিয়া লইল। তখন কলেজের ছাত্রটি আরও মন্থাস্তিক যাতনা পাইয়া বারংবার “কিঞ্চৎকাল অপেক্ষা কর চলিয়া যাইও না, আমার এই কয়েকটি কথা শুনিয়া যাও, আমাকে কমা কর, নির্দয় হইও না” এইরূপে ককণস্বরে তাহাকে সম্বোধন করিয়া কত কি বলিতে লাগিল। সে মনে করিয়াছিল স্কুলের ছাত্রটি বুঝি আর তাহার কথা শুনিতে চাহে না বলিয়া গাজোথান করিয়া সভা হইতে চলিল, কিন্তু বাস্তবিক তাহা নহে। প্রেম সর্বজয়ী, তাহার সেই মিলনের মিষ্টি কথাগুলি তাহার প্রাণে লাগিয়াছে, আর সে থাকিতে পারিল না, ছুটিয়া বক্তার নিকটে তাহার ছখানি হাত ধরিয়া কাদিতে কাদিতে “আমার কমা করুন” বলিতে বলিতে অহির হইয়া

পড়িল। সে দৃষ্ট স্বর্গের দৃষ্ট। তখন যে কি শোভা হইয়াছিল, তাহা কে বর্ণন করিবে? কলেজের ছাত্রী তৎক্ষণাৎ সে স্থল হইতে প্রস্থান করিলে, সেই দিবস অপরাহ্নে স্কুলের ছাত্রী আবার সেই পূর্বের মত তাহার বাড়ীতে উপস্থিত। তখন কলেজের ছাত্রী হাসিতে হাসিতে বলিতে লাগিল “কাচ নাকি জোড়ান যায় না? মিলন নাকি হইতে পারে না?” দেখুন বীণাশ্রীটির এই মহাবাক্য কতদূর এই ছাত্রটির প্রাণে কার্য্য করিয়াছিল।

(৩) ‘যাহার প্রতি ক্রোধ হইয়াছে, ক্রোধের অবসান হওয়া যাত্রা অমনি তাহার নিকট আত্মদোষ স্বীকার করা, কি তাহার নিকটে ক্ষমা প্রার্থনা করিলে এমনি আপনার প্রতি দিকার আসে যে আর ক্রোধ করিতে ইচ্ছা হয় না। ভৃত্যের প্রতি ক্রোধ করিলে তাহার নিকটেও আপনার দোষ স্বীকার করিতে হইবে। অনেকে ভৃত্যাদিগকে মনুষ্যের মধ্যেই গণনা করেন না। কিন্তু ভগবানের চক্ষে প্রভুও যেমন মনুষ্য, ভৃত্যও তেমনই মনুষ্য। আজ যে ব্যক্তি তোমার চরণ ধোয়াইয়া অতি দীনভাবে জীবিকা নির্বাহ করিতেছে, হয়ত পরকালে তুমি সেই ব্যক্তির চরণ স্পর্শ করিতে পারিলে আপনাকে কৃতার্থ মনে করিবে। অতএব পৃথিবীতে কাহাকেও ক্ষুদ্র মনে না করিয়া সকলের নিকটে আপনার চর্য্যলতা প্রকাশ করিয়া পূণ্যপথে অগ্রসর হইবে।

(৪) নিজের দোষস্বারক কোন কথা লিখিয়া সর্বদা সন্মুখে রাখিলে তদ্বারা উপকার হয়। ‘ওনিয়াছি আমাদিগের’ এই বঙ্গদেশের কোন জেলার একটা প্রধান উকীল অত্যন্ত ক্রোধপরবশ ছিলেন। একদিন একটা বৃদ্ধ ব্রাহ্মণকে অনেক কটুক্তি করিয়া অত্যন্ত অমুতপ্ত হন, এবং এই অমুতাপের সময়ে আপনার গৃহের ভিতরে চারিদিকে কয়েক খণ্ড কাগজে ‘আবার!’ এই কথাটি লিখিয়া রাখেন। ইহার পরে যখনই

ক্রোধের উদয় হইত, যেমন সেই 'আবারের' দিকে দৃষ্টি পড়িত অমনি লজ্জায় অবনত হইয়া থাকিতেন ।

যখনই ক্রোধের উদয় হইবে অমনি আপনার দুর্বলতা স্বরণ করাইয়া দিবে, এইরূপ একটি লোক নিযুক্ত করিলে ক্রোধ হইতে অনেক সময়ে রক্ষা পাওয়া যায় এবং তাহার আধিপত্যের ক্রমে হ্রাস হয় । ক্রোধের সময়ে মানুষ আত্মহারা হয়, সেই সময়ে যদি কেহ আপনার দোষ মৃদু ভাবে স্বরণ করাইয়া দেয় তদ্বারা বিকৃত মনের ভাব প্রকৃতিস্থ হইতে পারে । কিন্তু যে ব্যক্তি এই কার্যে নিযুক্ত হন তিনি কক্ষস্থ ভাবের হইলে উপকার না হইয়া বরং অপকার ঘটবে ; ক্রোধের সময় যদি কেহ কক্ষণ ভাবে কাহারও ক্রোধের দোষ দেখাইয়া দেয় তাহাতে ক্রোধের উপশম না হইয়া বরং বৃদ্ধি পাইবার সম্ভাবনা ।

ক্রোধের সময়ে দর্পণ সম্মুখে থাকিলে আপনার সে সময়ের আশ্চর্যিক মূর্তি দেখিয়া হৃদয়ে আঘাত লাগে এবং তদ্বারা ক্রোধের নিবৃত্তি হইতে পারে ।

(৫) ক্রোধের সময়ে চুপ করিয়া থাকা ক্রোধদমনের আর একটি উপায় । প্রেটো এই উপায় অবলম্বন করিয়া ক্রোধ দমন করিয়াছিলেন । তাঁহার ক্রোধের উদ্বেক হইলে তিনি নীরব হইয়া থাকিতেন, পরে ক্রোধ তিরোহিত হইলে যাহার প্রতি যেরূপ শাস্তি বিধান করা কর্তব্য করিতেন । একদিবস প্রেটো ক্রোধান্বিত হইয়া নীরবে বসিয়া আছেন, একটি বন্ধু তাঁহার নিকটে উপস্থিত হইয়া জিজ্ঞাসা করিলেন 'প্রেটো, কি করিতেছ ?' প্রেটো বলিলেন 'আমি ক্রুদ্ধ ব্যক্তিকে শাসন করিতেছি ।' কোন ব্যক্তিকে কোনরূপ শাস্তি দিতে হইলে ক্রোধের সময় শাস্তি দেওয়া কর্তব্য নহে, সে সময়ে কিছু করিতে গেলেই মাতা স্থির থাকিবে না, ক্রোধের আবেগ থামিয়া গেলে প্রশান্ত হৃদয়ে দণ্ড বিধান করা কর্তব্য ।

ক্রোধের সময়ে স্থান পরিবর্তন উপকারী ।

আমাদের দেশে একটি প্রচলিত উপদেশ আছে—ক্রোধের উদয় হইলে এক শত পর্য্যন্ত গণিয়া ক্রোধ প্রকাশ করিবে । এই উপদেশটিও ক্রোধদমনের সুন্দর উপায় । ১ হইতে ১০০ পর্য্যন্ত গণিতে গেলে ইহার মধ্যেই ক্রোধের বেগ থামিয়া যাইবে । উচ্চৈঃস্বরে ঈশ্বরের নাম জপ করিলেও এইরূপ ফল পাইবে । কোনরূপে মনকে অন্ত্রমনস্ত করিতে পারিলেই উপকার হইবে ।

(৬) উপেক্ষা ক্রোধের ভয়ানক শত্রু । যিনি উপেক্ষা সাধন করিয়া ছেন তাঁহার প্রাণে ক্রোধের তরঙ্গ উখিত হইতে পারে না । ‘অমুক ব্যক্তি আমার নিন্দা করিয়াছে, তাহাতে আমার কি হইয়াছে ? অমুক ব্যক্তি আমার অপমান করিয়াছে তাহাতেই বা কি ?’

সুখং হ্রবমতঃ শেতে সুখঞ্চ প্রতিবুধাতে ।

সুখং চরতি লোকেহস্মিন্নবমস্তা বিনশ্যতি ॥

মন্ত্ৰ । ২ । ১৬৩

অপমানিত যে ব্যক্তি সে সুখে শয়ন করে, সুখে জাগ্রত হয়, সুখে বিচরণ করে, আর যে অপমান করে, সে নাশ পায় । “যে অন্ত্রায় করিয়াছে, সে তাহার ফলভোগী হইবেক । অমুক ব্যক্তি অন্ত্রায় করিয়াছে বলিয়াই আমি কি অন্ত্রায় করিব ? আমি ভগবদ্বিধি অনুসারে নিস্তরঙ্গ হৃদয়ে যাতা করা কর্তব্য তাহা করিব ।” এইরূপ চিন্তা করিলে মন স্থির হইয়া যায়, সুতরাং ক্রোধ পলায়ন করে ।

(৭) কাম, লোভ, অহঙ্কার এবং পরদোষের আলোচনা বত কমাইতে পারিবেন ততই ক্রোধ কমিয়া যাইবে । কাম, লোভ কি অভিমানে আঘাত পড়িলে এবং পরদোষ দর্শন ও কীর্তন করিলে ক্রোধের উদয় হয় ।

লোভাৎ ক্রোধঃ প্রভবতি পরদোষৈরুদীৰ্ঘাতে ।

ক্ষময়া তিষ্ঠতে রাজন্ ক্ষময়া বিনিবৰ্ত্ততে ॥

মহাভারত । শান্তি । ১৬৩ । ৭

ভীষ্মদেব যুধিষ্ঠিরকে বলিতেছেন—‘লোভ হইতে ক্রোধ উৎপন্ন হয় এবং পরদোষ দ্বারা উদীপ্ত হয় ; ক্ষমা দ্বারা নিবদ্ধ ও নিবৃত্ত হইয়া থাকে ।’

ক্ষমা, শান্তি ও দয়ার যত অধিক সাধন হইবে ততই ক্রোধের হ্রাস হইবে। তত্ত্বজ্ঞানের যত বৃদ্ধি হইবে ততই ক্রোধ লঘু হইয়া যাইবে। পরগুণ কীর্তনের বিমল আনন্দরস যত অনুভব করিতে পারিবেন, ক্রোধের বহ্নিশিখা ততই নিকৃষ্ট হইবে।

পরাসূয়া ক্রোধলোভাবন্তরা প্রতিমুচ্যতে ।

দয়য়া সৰ্বভূতানাং নির্দেশাদ্বিনিবৰ্ত্ততে ।

অবজ্ঞদর্শনাদেতি তত্ত্বজ্ঞানাত ধীমতাং ॥

মহাভারত । শান্তি । ১৬৩ । ৮,৯

‘ক্রোধ ও লোভের মধ্য হইতে অসূয়ার আবির্ভাব হয় ; সৰ্বভূতে দয়া দ্বারা তাহা নিবৃত্ত হয়, নীচ ও নিন্দনীয় কিছু দেখিলেও অসূয়া জন্মিয়া থাকে, তত্ত্বজ্ঞানের দ্বারা নিবৃত্ত হয় ।’

যাহা কিছু মন্দ হৃদিনের মধ্যে বিনাশ প্রাপ্ত হইবে, সং যাহা তাহাই থাকিয়া যাউবে, ইহা মনে করিলে অসূয়া দূর হইয়া যায়।

প্রতিকৰ্ত্তুং ন শক্তা যে বলস্বায়াপকারিণে ।

অসূয়া জায়তে তীব্রা কারুণ্যাদ্বিনিবৰ্ত্ততে ॥

মহাভারত । শান্তি । ১৬৩ । ১০

‘যাহারা বলশালী অপকারকের প্রতিকার করিতে সমর্থ না হয়

তাহাদিগের তীব্র অসুখা জন্মিয়া থাকে, কারুণ্যের দ্বারা তাহা নিবৃত্ত হয় । 'যে শত্রু ভগবদ্রুত বলের এইরূপ অপব্যবহার করিল সে নিতান্তই রূপাপাত্ত' এই চিন্তা করিলে অসুখা চলিয়া যায় ।

যাহা বলা হইল ইহা দ্বারা কেহ মনে করিবেন না, তবে অত্যাচার, কি অসত্য, কি অপবিত্রতার কেহ প্রতিবাদ করিবেন না । প্রতিকার না করিতে পারিলেও প্রতিবাদ করিতে হইবে । যেখানে অত্যাচার কি অসত্য কি অপবিত্রতার লেশ মাত্র দেখিতে পাইবেন সেই ধানে তারস্বরে তাহার বিরুদ্ধে চীৎকার করিবেন, যাহাতে তাদ্ধ বিলুপ্ত হয়, তজ্জন্ত প্রাণপনে চেষ্টা করিবেন । অসত্য অত্যাচার ও অপবিত্রতার বিরুদ্ধে পৃথিবী বিকম্পিত করিয়া লইবেন ; সাবধান এইটুকু, যেন কোন প্রকারে আপনার মনে বিকারের উদয় না হয় । প্রশান্তভাবে তরবারি লইয়া পাপের বিরুদ্ধে অগ্রসর হইবেন । শ্রীকৃষ্ণ যে ভাবে অর্জুনকে যুদ্ধ করিতে পরামর্শ দিয়াছেন, সেই ভাবে যুদ্ধ করিতে হইবে । কর্তব্যানুরোধে ভগবদ্বিধির মর্যাদা রক্ষার জন্য আমরা অসত্য, অত্যাচার ও অপবিত্রতার বিরুদ্ধে বদ্ধপরিকর হইয়া সংগ্রামে প্রবৃত্ত হইব, কিন্তু মনের ভিতরে ক্রোধের চিহ্ন মাত্রও থাকিবে না । যে ব্যক্তি এইরূপ সংগ্রামে প্রবৃত্ত না হয় সে অসুরের প্রজা, অসুরমন্দিরীর প্রজা নহে ; সে ভগবদ্বিরোধী !

ক্রোসেফ ম্যাটসিনি বলিয়াছেন :—

"Whensoever you see corruption by your side and do not strive against it you betray your duty." "যখনই তুমি তোমার পাশে কোনরূপ অপবিত্রতা দেখ এবং তাহার বিরুদ্ধে অস্ত্র ধারণ না কর, তখনই তুমি বিশ্বাসঘাতক হইয়া দাঁড়াও ।" যে ব্যক্তি পাপের বিরুদ্ধে দণ্ডায়মান না হয় সে ভগবানের নিকটে বিশ্বাসঘাতক । মহাত্মার্ত্তে কল্প প্রহ্লাদকে বলিতেছেন :—

বিক্ষো ধর্মোহ্যধর্ম্যেণ সত্যং যত্রোপপদ্যতে ।

ন চাস্ত শল্যং কৃন্তুস্তি বিদ্বাংসস্তু সভাসদঃ ॥

অর্দ্ধং হরতি বৈ শ্রেষ্ঠঃ পাদো ভবতি কণ্ঠযু ।

পাদশ্চেচর সভাসৎসু যে ন নিন্দস্তি নিন্দিতম্ ॥

অনেনা ভবতি শ্রেষ্ঠো মুচ্যন্তে চ সভাসদঃ ।

এনো গচ্ছতি কণ্ঠারং নিন্দারহো যত্র নিন্দ্যতে ॥

মহাভারত । সভাপর্ব । ৬৮ । ৭৭-৭৯

“অধম্য কণ্ঠক শেলবিদ্ধ হইয়া ধম্ম সমাজের নিকটে প্রতিকারের প্রার্থনায় উপস্থিত হ’ন—ভোলা তাঁতি একটী নরহত্যা করিল—অধম্য কণ্ঠক ধম্ম বিদ্ধ হইল, অমনি সমাজের নিকট ধম্ম শেলোদ্ধারজ্ঞ উপস্থিত—সমাজস্থ লোকমণ্ডলী জানিয়াও যদি সেই শেল উদ্ধার করিতে সচেষ্ট না হ’ন তাহা হইলে সেই পাপের অর্দ্ধেক সমাজের নেতা যিনি তিনি ভোগ করিবেন, চতুর্থাংশ সমাজের যাহারা সেই নিন্দিত বিষয়ের নিন্দা না করেন তাঁহাদিগের ভাগে পড়িবেক, অপর চতুর্থাংশ যে পাপ করিয়াছিল তাহার স্বক্কে বর্ত্তিবে, ভোলা মোল আনা পাপ করিয়া মাত্র চতুর্থাংশের জ্ঞ দায়ী হইল । যখন নিন্দারহের নিন্দা করা হইবে, অর্থাৎ ভোলাকে উপযুক্ত শাসনের চেষ্টা হইবে,—তখন শ্রেষ্ঠ নিষ্পাপ হইবেন, সমাজস্থ লোকমণ্ডলীও মুক্ত হইবে, সমস্ত পাপ—মোল আনা—ভোলার স্বক্কে পতিত হইবে । সমাজের পাপ দূর করিবার জ্ঞ আমরা যে এতদূর দায়ী তাহা কি আমাদের জ্ঞান আছে ?

(৮) ক্রোধ দমনের জ্ঞ কতকগুলি শারীরিক নিয়ম পালন করা কর্তব্য । যে পদার্থগুলি আহার করিলে ক্রোধের পুষ্টি হয় তাহা সর্বতোভাবে পরিত্যাগ করা বিধেয় । পূর্বেই বলিয়াছি ‘ক্রোধ ব্রজোগণসমুদ্ভব,’

অতএব রাজস আহার বৰ্জনীয় । যাঁহারা ক্ৰোধনশ্ৰুতাব তাঁহারা বাহাতে শরীর শীতল রাখিতে পারেন, বাহাতে পিত্তবৃদ্ধি না হয়, তৎপ্রতি বিশেষ দৃষ্টি রাখিবেন । প্রতিদিন কয়েকবার পায়ে হাঁটু পর্য্যন্ত, হাতে কণ্ঠ পর্য্যন্ত, কাণের পাশ্বে ও ঘাড়ের জল দিলে স্বভাবের উগ্রতা ক্রমে কমিয়া যাইবে । মুসলমানগণ নমাজের পূর্বে যে এইরূপে অঙ্গু করিয়া থাকেন, বোধ হয় মনকে প্রশান্ত করাই তাহার উদ্দেশ্য ।

পূর্বে যে আট প্রকার ক্ৰোধজ দোষ বলা হইয়াছে তাহা হইতে সৰ্ব্বদা আপনাকে রক্ষা করিবেন । ক্ৰোধদমন সম্বন্ধে কোন কোন ব্যক্তি বলিয়া থাকেন, ক্ৰোধ দূর করিলে চলিবে কেন ? সংসারে যে ক্ৰোধের প্রয়োজন, ক্ৰোধ দমন করিলে সংসার কি প্রকারে চলিবে ? সংসারে ক্ৰোধ অপেক্ষা মৃদুতা দ্বারা যে অধিক ফললাভ হয় তাহা বোধ হয় তাঁহারা জানেন না । কোন একটি বালককে মন্দপথ হইতে সুপথে আনিতে হইলে মৃদুতা যেরূপ কার্য্যকর হইবে ক্ৰোধ তেমন কার্য্যকর হইবে না । শিক্ষক মাত্রেই এ সম্বন্ধে সাক্ষ্য দিতে পারেন । কঠোর শাসনে যদি কোন ফল হয়, মধুর শাসনে যে তাহা অপেক্ষা সহস্র গুণ অধিক ফল হয় তাহার কোন সন্দেহ নাই । আবার কোন ব্যক্তি ক্ৰোধান্বিত হইয়া তোমাকে আঘাত করিতে আসিলে তুমি যদি মৃদু হও, দেখিবে তাঁহার ক্ৰোধ তোমার মৃদুতার সম্মুখে পরাস্ত হইয়া যাইবে ।

মৃদুনা দারুণং হস্তি মৃদুনা হস্তাদারুণং ।

নাসাধাং মৃদুনা কিকিৎসাস্তীত্বতরং মৃদু ॥

মহাভারত । বন ২৮ । ৩১

‘মৃদুতা দ্বারা কঠোর ও মৃদু উভয়কেই বশ করা যায়, মৃদুতার অসাধ্য কিছুই নাই ; অতএব মৃদুতা কঠোরতা অপেক্ষাও তীব্রতর ।’ শ্রুতরাং

মৃদুতাকেই অবলম্বন করা কর্তব্য । যখন দেখিতে পাও, মৃদুতা দ্বারা ফল হইবে না, তখন সাধুদিগের জ্ঞান ক্রোধ প্রকাশ করিবে ।

সাধোঃ প্রকোপিতস্ত্যাপি মনো নায়াতি বিক্রিয়াং ।

নহি তাপয়িতুং শক্যং সাগরাস্তৃগ্ণোক্ষয়া ॥

হিতোপদেশ ।

‘সাধু ব্যক্তি প্রকোপিত হইলেও তাঁহার মন কখন বিকৃত হয় না । সাগরের জল তৃণোক্ষা দ্বারা কখন উষ্ণ করা যায় না ।’ সাধুগণ যে ক্রোধের ভাব প্রদর্শন করেন তাহা ক্রোধ নহে, বাহিরে অত্যায়ে শাসনের জ্ঞান ক্রোধের ভাণ মাত্র, তদ্বারা তাঁহাদিগের মনে কোনরূপ বিকার উপস্থিত হয় না ।

প্রয়োজন হইলে সাধুদিগের জ্ঞান অবিকৃতমনে ক্রোধ প্রকাশ করিতে পার । ফোঁস ফোঁস করিতে পার, কখন দংশন করিবে না । এক দিবস দেবর্ষি নারদ বীণা বাজাইতে বাজাইতে বৈকুণ্ঠে চলিয়াছেন, পথে এক সর্পের সহিত সাক্ষাৎ হইল । সর্প তাঁহাকে বিনীতভাবে জিজ্ঞাসা করিল ‘দেবর্ষি মোক্ষের পট্টা কি ?’ দেবর্ষি বলিলেন ‘কাহাকে ও দংশন করিও না, মোক্ষ পাইবে ।’ সর্প তাঁহার উপদেশ পাইয়া নিতান্ত প্রশান্তভাবে জীবন ধাপন করিতে আরম্ভ করিল । রাখালবালকগণ তাহার গায়ে টিল ছুঁড়িতে ছুঁড়িতে তাহাকে অস্থির করিয়া তুলিল ; সে আর মন্তকোত্তোলন করে না । তাহাদিগের অত্যাচারে সমস্ত শরীর কৃতবিকৃত হইয়া গেল, তথাপি তাহাদিগের প্রতি বিন্দুমাত্র ক্রোধের ভাব প্রকাশ করিল না । অতি কষ্টে কাল কাটাইতে লাগিল । তেঁকেয়া পর্য্যন্ত তাহাকে উপহাস করিতে লাগিল । দৈবাৎ নারদ ঋষি পুনরায় এক দিন সেই পথে চলিয়াছেন । সর্পকে দেখিবামাত্র জিজ্ঞাসা করিলেন

‘সর্প, কেমন আছ ?’ সর্প উত্তর করিল, ‘আর ঠাকুর, তোমার উপদেশ লইয়া আমার বাহা হইয়াছে একবার শরীরের দিকে তাকাইয়া দেখ, রাখালবালকদিগের বহুগার আমার প্রাণ ওষ্ঠাগত । ভেঁকেয়া পর্য্যন্ত উপহাস করে । এ ভাবে কিরূপে জীবন কাটাইব ? আমি ত মড়ার ভ্রাতৃ পড়িয়া আছি, আর ইহারা আমাকে কষ্ট দিবারি জন্ত যথেষ্ট ব্যবহার করিতেছে, এখন কি করি ?’ নারদ বলিলেন ‘কেন ? আমি ত তোমাকে কোঁসকোঁস করিতে নিষেধ করি নাই কেবল দংশন করিতেই নিষেধ করিয়াছি ।’ সেই দিন অবধি সর্প পুনরায় কোঁসকোঁস করিতে আরম্ভ করিল, ভয়ে সকল শত্রু দূর হইয়া গেল । পৃথিবীতে কোন কোন সময়ে এইরূপ কোঁসকোঁসের প্রয়োজন হইতে পারে, দংশনের প্রয়োজন হয় না ।

আমরা যেন কখনও কাহাকেও দংশন না করি । ভগবানের রূপায় যেন আমরা হৃদয় হইতে ক্রোধ দূর করিয়া দিতে সক্ষম হই ।

লোভ ।

•

(১) ‘আমার লোভের বিষয়টা কি ? লোভ চরিতার্থ করিলে তাহার স্থখ থাকে কতক্ষণ ? এবং লোভের পরিণাম কি ?’ এইরূপ চিন্তা করিলেই লোভ কমিয়া যাইবে । ভোগের অহিরন্ধ উপলব্ধি করিতে পারিলেই লোভ দূর হইবে ।

অজ্ঞানপ্রভবো লোভো ভূতানাং দৃষ্টতে সঙ্গা ।

অহিরন্ধক ভোগানাং দৃষ্টা জ্ঞান নিবর্ততে ॥

মহাভারত । শান্তি । ১৬৩ । ২০ ।

ভীষ্মদেব যুধিষ্ঠিরকে বলিতেছেন, ‘লোভ অজ্ঞানপ্রভূত, ভোগের অহিরন্ধ দেখিলেই, বুঝিলেই লোভ নিরস্ত হয় ।’

সাধারণতঃ চক্ষু, কণ, নাসিকা, জিহ্বা প্রভৃতি ইন্দ্রিয়গুলির কোন সাক্ষাৎ ভোগ্য বস্তু অথবা ধন, মান, ও বশ লোভের বিষয় হইয়া থাকে । এ বিষয়-গুলি যে নিত্যস্থ অস্থির ও অকিঞ্চিংকর বৈ কিঞ্চিংকাল স্থিরভাবে চিন্তা করে, সেই বুঝিতে পারে । ইন্দ্রিয়ভোগ্য বিষয়গুলির ত কথাই নাই ; বশ, মান সম্বন্ধ প্রভৃতিই বা কি এবং কদিন স্থায়ী । ইহাদিগের অসারত্ব এবং অস্থায়িত্ব প্রকৃষ্টরূপে বুঝিতে পারিয়াই বুদ্ধদেব চন্দককে বলিয়াছিলেন ;—

চন্দক অনিত্যাঃ ধেষতে কামা অথবা অশাশ্বতা বিপরিণামধর্ম্মাণঃ
প্রাক্ততাপলা গিরিনদীবেগতুল্যা অবস্তানবিন্দুবদচিরস্থায়িন উল্লাপনা রিক্ত-
মুষ্টিবদসারাঃ কদলীককবদুর্কলাঃ আমভোজনবহেদনাশকাঃ শরদভ্রনিভাঃ
ক্ষণাভূত্বা ন ভবন্তি অচিরস্থায়িনো বিদ্যাং ইব নভসি বিষভোজনমিব
বিপরিণামহুঃখা মারুতলতেবানুধদাঃ অভিলিখিতাবালবুদ্ধিতিক্রদকবুদ্বদো-
পমাঃ ক্ষিপ্ৰাং বিপরিণামধর্ম্মাণঃ মায়ামরৌচিসদৃশাঃ সংজ্ঞাবিপর্যাসমুখিতাঃ
* মায়াসদৃশান্চিহ্নবিপর্যাসতিথয়িতাঃ স্বপ্নসদৃশাঃ দৃষ্টিবিপর্যাসপরিগ্রহযোগে-
নাশ্তিকরাঃ সাগর ইব হুঃখপূরাঃ লবণোদক ইব তৃষাকুলাঃ স্পর্শিরোদুঃ-
স্পর্শনীয়্য মহাপ্রপাতবৎ পরিবর্জিতাঃ পণ্ডিতৈঃ সময়াঃ সরণাঃ সাদিনবাঃ
সদোষা ইতি জ্ঞাত্বা বিবর্জিতাঃ প্রোক্তৈঃ বিগর্হিতা বিবর্ত্তিঃ জুগুপ্সিতা আর্ষ্যৈঃ
বিবর্জিতা বুধৈঃ পরিগৃহীতা অবুধৈঃ নিষেবিতা বাটলৈঃ ॥

বিবর্জিতাঃ স্পর্শিরা যথা বুধৈর্বিগর্হিতা মীড়ষটা যথাহুগুচিঃ ।

বিনাশকাঃ সর্ববস্তুখন্ত চন্দক জ্ঞাত্বা হি কামান বিজায়তে রতিঃ ॥

সনিতবিত্তর । ১৫ ।

হে চন্দক, এই যে ভোগ্য বিষয়গুলি ইহারা সমস্তই অশ্রব, অনিত্য ; ইহাদিগের পরিণতি নিত্যস্থই হুঃখজনক ; ইহারা ক্ষণস্থায়ী ; চপল ; গিরিনদীর স্থায় বেগে ছুটিয়া বাইতেছে ; শিশিরবিন্দুর স্থায় অচিরস্থায়ী ;

গভীর শোকের উৎপাদনিতা ; একজন হস্তের ভিতরে কিছু না লইয়া মুষ্টি-
বদ্ধ করিয়াছে দেখিলে বোধ হয় যেন মুষ্টির ভিতরে কি পদার্থই আছে,
• কিন্তু মুষ্টি খুলিলেই দেখি:আহা !” সব ফাঁকি তেমনি ফাঁকি ; কদলীবৃক্ষের
কঙ্কের স্থায় চূর্ণল ; কাঁচা জব্য আহারের স্থায় বেদনাদায়ক ; শরৎকালের
মেঘের স্থায় এই আছে এই নাই ; আকাশে বিছাতের স্থায় চঞ্চল, বিষ-
ভোজনের স্থায় হৃৎখে ইহাদিগের পরিণতি ; মালুতায় স্থায় অশুধনা ;
• বালকের আঁকিত চিত্রের স্থায় অসার ; জলবুদ্বদোপম, অতি অল্প সময়ের
মধ্যেই নাশ হইয়া যায় ; মায়াশরীট সদৃশ ; জ্ঞানের বিপর্যায় হইতে উৎপন্ন
হয় ; মায়াসদৃশ চিত্তবিভ্রম উদ্দীপ্ত করিয়া দেয় ; স্বপ্নসদৃশ—জ্ঞানচক্ষুর
• বিপর্যায়হেতু লোকে ইহাদিগের অনুসরণ করিয়া থাকে ; ইহারা সাগরের
স্থায় হৃৎখতরঙ্গপূর্ণ ; লবণাসুর স্থায় তৃষ্ণাবর্জক—যত ভোগ করিবে ততই
লালসার বৃদ্ধি হইবে ; সর্পশিরের স্থায় হৃৎখম্পর্শনীয় ; ভীষণ জলপ্রপাতের
স্থায় পণ্ডিতগণ কর্তৃক পরিবর্জিত ; ভয়, বিবাদ, অভিমান ও দোষ পরিপূর্ণ
বলিয়া প্রাজ্ঞগণ কর্তৃক বিবর্জিত, বিদ্যানগণ কর্তৃক বিগর্হিত, আর্ষগণ
• কর্তৃক জুগুপ্সিত, বুধগণ কর্তৃক পরিত্যক্ত, মূর্খ কর্তৃক পরিগৃহীত, বালবুদ্ধি
ব্যক্তি দ্বারা পরিষেবিত । সর্পমস্তকের স্থায় বুধগণ কর্তৃক বিবর্জিত, মূত্র-
ভাণ্ডের স্থায় বিগর্হিত, হে ছন্দক, সর্বস্থূষের বিনাশক জানিয়া কামের
• বিষয়গুলিতে (আশার) রতি জন্মে না ।

• বুদ্ধদেব যে বিষয়গুলিকে এইরূপ অবস্থা ও সর্বনাশক বলিয়া বর্ণন
করিলেন, তাহাদিগকে সন্ভোগ করিলেই বা তাহার সুখ থাকে কতক্ষণ ?
মহাকবি ভারবি বলিতেছেন—

শ্রুতয়া সুখসংবিত্তিঃ স্মরণীয়াধুনা তনৌ ।

ইতি স্বপ্নোপমান্যদ্বা কামান্নাগাস্তদঙ্গতাং ॥

কিরাতার্জুনীয়ম্ । ১১ । ৩৪ ।

‘আজ যে সুখ অনুভব করিতেছ, কাল আর তাহার অনুভূতি কোথায় ? মাত্র স্মরণ টুকু অবশিষ্ট থাকিবে । ইহা দেখিরা কামের বিষয়গুলিকে স্বপ্নবৎ জানিয়া কখন তাহাদিগের অধীন হইবে না ।’

আর সেই যে ক্ষণস্থায়ী সুখ ইহাই বা কি প্রকারের সুখ ! আপাতমধুর হইলেও পরিণামে যে এ সুখ বিষময় ।

লোভের বিষয়গুলি সম্বন্ধে বুদ্ধদেব বলিতেছেন ‘বিষভোজনমিব বিপরিণামহুঃখাঃ’—বিষ ভোজনের স্তায় হুঃখে ইহাদিগের পরিণতি ।

শ্রদ্ধেয়া বিশ্রলকারঃ প্রিয়া বিশ্রিয়কারিণঃ ।

সুদুস্ত্যাজাস্ত্যাজন্তোহপি কামাঃ কন্টা হি শত্রবঃ ॥

কিরাতার্জুনীয়ম । ১১ । ৩৫ ।

‘কামের বিষয়গুলি আপাততঃ তাহাদিগের প্রলোভনে বিশ্বাস জন্মায় বটে, কিন্তু অবশেষে নিতান্ত প্রতারণা করিয়া থাকে ; আপাততঃ প্রীতি উৎপাদন করে বটে, কিন্তু পরিণামে নিতান্ত অনিষ্টকারক হইয়া দাঁড়ায় ; এগুলি ছাড়িতেছে ছাড়িতেছে মনে করিলেও যেন কিছুতেই ছাড়ান যায় না, ইহারা ঘোর শত্রু ।’

আমাদিগের দেশে কথায় বলে ‘লোভে পাপ, পাপে মৃত্যু ।’ একটু চিন্তা করিলেই ইহা যে কি গভীর সত্য তাহা প্রতীয়মান হইবে ।

লোভাৎ ক্রোধঃ প্রভবতি লোভাৎ কামঃ প্রজায়তে ।

লোভান্মোহশ্চ নাশশ্চ লোভঃ পাপস্য কারণম্ ॥

হিতোপদেশ ।

“লোভ হইতে ক্রোধের উদয় হয়, লোভ হইতে কাম জন্মে, লোভ হইতে মোহ ও বিনাশ উপস্থিত হয় ; লোভই পাপের কারণ ।” লোভ চরিতার্থ করিতে কোন ব্যাঘাত হইলেই ক্রোধের উৎপত্তি হয়, লোভ

হইলেই যে বিষয়ে লোভ হইয়াছে তাহার প্রতি মনের প্রবল টান হয়, সেই টানে মানুষকে একেবারে মোহাক্ষ করিয়া ফেলে, কি প্রকারে সেই বিষয় আরম্ভ করিব ইহা ভাবিতে ভাবিতে আর সদস্য জ্ঞান থাকে না ; তাহা না থাকিলেই নানের কারণ উপস্থিত হয় । ধনলোভ মানলোভ কি যশলোভ মানুষকে এমনই আত্মহারা করিয়া ফেলে যে তাহাতে তাহার বুদ্ধি বিচলিত হয় এবং সে নানা অসুপায় অবলম্বন করিয়া তাহার লোভ পরিতৃপ্ত করিবার জন্ত চেষ্টিত হয় ।

লোভঃ প্রজ্ঞানমাহন্তি প্রজ্ঞা হন্তি হতা ত্রিয়ং ।

হীর্ষতা বাধতে ধর্ম্যঃ ধর্ম্মো হন্তি হতঃ শ্রিয়ং ॥

মহাভারত । উদ্যোগ । ৮১ । ১৮ ।

“লোভ প্রজ্ঞাকে নষ্ট করে, প্রজ্ঞা নষ্ট হইলে হী (লজ্জা) নষ্ট হয়, হী নষ্ট হইলে ধর্ম্য নষ্ট হয়, ধর্ম্য নষ্ট হইলে শ্রী—যাহা কিছু শুভ—সমস্তই নষ্ট হয় ।”

লোভেন বুদ্ধিশ্চলতি লোভো জনয়তে তুষাং ।

তৃষ্ণার্জো দুঃখমাপ্নোতি পরত্রেহ চ মানবঃ ॥

হিতোপদেশ ।

• “লোভের দ্বারা বুদ্ধি বিচলিত হয়, লোভে তৃষ্ণা জন্মে, তৃষ্ণার্জ ব্যক্তি ইহলোক ও পরলোক উভয় লোকেই দুঃখ প্রাপ্ত হয় ।”

যদি বুদ্ধিতাম আমার লোভের বিষয় হস্তগত হইলেই লোভের নিবৃত্তি হইবে তাহা হইলেও না হয় লোভকে চরিতার্থ করিতে উদ্যোগী হইতাম । এষে দেখিতে পাই—প্রত্যেকের জীবনেই দেখিতে পাই—বহুই ভোগ দ্বারা লোভ দূর করিতে চাই ততই লোভাগ্নিকে ইন্ধন দেওয়া হয় । রাজ্য যযাতি বৃদ্ধ প্রাপ্ত হইয়া মনে করিলেন পুনরায় যৌবন আনিতে পারিলে

ভোগ দ্বারা লোভের নিবৃত্তি করিতে পারিবেন। তাঁহার পুত্রদিগের নিকটে যৌবন প্রার্থনা করিলেন। পুরু তাঁহার যৌবন অর্পণ করিলেন। সেই যৌবন লইয়া এক দিন নয়, দুই দিন নয়, সহস্র বৎসর নানা বিষয়ে নানা প্রকারে লোভ চরিতার্থ করিতে লাগিলেন, অবশেষে দেখিলেন এ লোভের শেষ নাই। সহস্রবৎসরান্তে পুত্রকে আহ্বান করিয়া বলিলেন :—

যথাকামং যথাৎসাহং যথাকালমরিন্দম ।

সেবিতা বিষয়াঃ পুত্র যৌবনেন ময়া তব ॥

নজাতু কামঃ কামানামুপভোগেনু শাম্যতি ।

ইবিষা কৃষ্ণবজ্রৈব ভূয় এবাভিবর্দ্ধতে ॥

যৎ পৃথিব্যাং ত্রীহিবৎ হিরণ্যং পশবঃ স্ত্রিয়ঃ ।

একস্তাপি ন পর্যাপ্তং তস্ম্যাতৃষ্ণাং পরিত্যজেৎ ॥

যাদুস্তাজা দুর্মতিভির্যা ন জীর্যতি জীর্যতঃ ।

যোহসৌ প্রাণান্তিকে রোগস্তাং তৃষ্ণাং ত্যজতঃ সুখং ।

পূর্ণং বর্ষসংস্রং মে বিষয়াসকুচেতসঃ ।

তথাপ্যনুদিনং তৃষ্ণা মমৈতেষ্যভিজায়তে ॥

তস্মাদেনামহং ত্যক্তা ত্রাণ্যাধায় মানসং ।

নিবৃন্দে নির্মমো ভূত্বা চরিষ্যামি মৃগৈঃ সহ ॥

মহাভারত । আদি । ৮৫ । ১১—১৬ ।

“হে অরিন্দম পুত্র, যখন মনে ঘেরূপ অভিরুচি হইরাছে কিংবা ঘেরূপ উৎসাহ হইরাছে, যে সময়ে ঘেরূপ বিষয় ভোগ করা যাইতে পারে, তোমার যৌবন লইয়া সেইরূপ বিষয়ই ভোগ করিরাছি। কামভোগ

দ্বারা যখন কামের নিরুত্তি হয় না, বরং অগ্নি যেমন স্বতাহতি পাইলে আরও প্রজ্জ্বলিত হয়, কামও সেইরূপ ভোগ দ্বারা বৃদ্ধি প্রাপ্ত হয় । পৃথিবীতে যত ধাতু, ঘব, স্রবর্ণ, পশু ও ত্রী আছে, তাহা সমস্ত একত্র করিলেও মাত্র একটি ব্যক্তিরও তৃষ্ণা মিটে না, অতএব তৃষ্ণা পরিত্যাগ করিবে । দুর্ন্যতিগণ যাহা ত্যাগ করিতে সমর্থ হয় না, শরীর সম্পূর্ণ জীর্ণ হইয়া গেলেও যাহা কখন জীর্ণ হয় না, সেই যে প্রাণাত্তিকমহারোগ তৃষ্ণা তাহাকে যিনি ত্যাগ করিতে পারেন তিনিই প্রকৃত স্ত্রী । আজ পূর্ণ সহস্র বৎসর বিষয়াসক্তচিত্ত হইয়া রহিয়াছি, তথাপি দিন দিন এই লোভের বিষয়গুলিতে তৃষ্ণা জন্মিতেছে । সুতরাং এই তৃষ্ণাকে ত্যাগ করিয়া ব্রহ্মোত্তে মন স্থির রাখিয়া সুখদুঃখের অতীত ও মমতারহিত হইয়া যুগদিগের সহিত বিচরণ করিব ।”

তৃষ্ণার দ্বারা এমন রোগ আর নাই । যাহার ক্রমাগত লোভের বৃদ্ধি তাহার মনে শান্তি কোথায় ? লোভশূন্য হইয়া বিষয় ভোগ করিলে তবে শান্তি ; নতুবা শান্তির আশা নাই ।

.. আপূর্যামানমচল প্রতিষ্ঠং সমুদ্রমাপঃ প্রবিশস্তি যদ্বৎ ।

তদ্বৎ কামা যঃ প্রবিশস্তি সৰ্ব্বৈঃ স শান্তিমাপ্নোতি ন কামকামী ॥

ভগবদ্গীতা । ২ । ৭০ ।

“যেমন চারিদিকের নদ নদী হইতে ক্রমাগত জল আসিয়া সমুদ্রে পড়িতেছে অথচ তাহাতে সমুদ্রের বিন্দুমাত্র উচ্ছ্বাস নাই, সেইরূপ যিনি কামনার বিষয় উপভোগ করিতেছেন অথচ বিন্দুমাত্র কাম দ্বারা বিচলিত হইতেছেন না, তিনিই শান্তি লাভ করিয়া থাকেন ; ভোগকামনীর ব্যক্তি কখন শান্তি লাভ করিতে পারে না ।”

(২) যদিকে লোভের উৎপত্তি হইবে সেই দিক হইতেই মনকে দূরে লইয়া যাইবে ।

যতো যতো নিশ্চলতি মনশ্চঞ্চলমস্থিরং ।

ততস্ততো নিষমৈতদাত্মনো বশং নয়েৎ ॥

ভগবদ্গীতা । ৬ । ২৬ ।

ভগবান্ অৰ্জুনকে বলিতেছেন—“যেদিকে চঞ্চল, অস্থির মন ধাবিত হইবে সেই দিক হইতেই ইহাকে সংবত করিয়া শীঘ্র বশে আনয়ন করিবে।” ইহা অপেক্ষা আর লোভদমনের উৎকৃষ্টতর উপায় নাই । যখনই কোন একটা বৈষয়িক পদার্থের জন্ত মন বিশেষ চঞ্চল হইবে তখনই তদভিমুখে তাহাকে ধাবিত হইতে না দিলে, তাহার আকাঙ্ক্ষা চরিতার্থ না করিলে লোভ অনেক কমিয়া যায় । কোন খাত্ত দ্রব্য কি কোন পরিধেয় বস্ত্র, কি অন্য কোন পদার্থ যাহা পাইবার জন্ত মন বিশেষভাবে ব্যাকুল হয় তাহা আহরণ করিবে না, তাহা হইলেই লোভ পরাস্ত হইয়া যাইবে । কোন দ্রব্য সাধারণ নিয়মে রাখিতে হয় তাই রাখি, কি কোন পরিধেয় বস্ত্র ভদ্রসমাজে পরিতে হয় বলিয়া পরি এইরূপ ভাবে কোন দ্রব্য উপভোগ করায় দোষ হইবার সম্ভাবনা কম, কিন্তু কোন দ্রব্য দেখিয়া তাদ্ধ রাখিতে কি কোন ক্যাসনের বস্ত্র পরিতে মন বিচলিত হইয়াছে জানিতে পারিলে তৎক্ষণাৎ মনকে শাসন করা প্রয়োজন । আজ আমার বাজী দেখিবার বড় সাধ হইয়াছে তবে কখনই দেখিব না ; আজ আমার কোন সুমিষ্ট দ্রব্য আহার করিতে সাধ হইয়াছে তবে আজ কখনই তাহা আহার করিব না । বশ, মান প্রভৃতি সম্বন্ধেও যখন হৃদয়ে কোন প্রকারের কণ্ডূরন উপস্থিত হইবে, কখনও সেই কণ্ডূরনকে প্রশ্রয় দিবে না ।

যোগবানিষ্ঠে বশিষ্ঠ রামচন্দ্রকে উপদেশ দিতেছেন :—

মনাগভ্রাদিতৈবেচ্ছা চেহস্তব্যানর্থকারিণী ।

অসংবেদনশস্ত্রেণ বিষস্তো বাক্কুরাবলী ॥

যোগবানিষ্ঠ । নিক্সাণ । পূৰ্ব্বাৰ্দ্ধ । ১২৬ । ৮৮ ।

‘বিন্দুমাত্র অনর্থকারিণী ইচ্ছা মনে উদ্ভিত হইলে, এমনি যেমন বিষবৃক্ষের অঙ্গুর উৎপন্ন হওয়া মাত্র ছেদন করা কর্তব্য তেমনই ভাবে অনন্তভূতিরূপ অঙ্গ দ্বারা উহাকে ছেদন করিবে ।’ অর্থাৎ সেই ইচ্ছাকে সম্পন্ন হইতে না দিয়া, বিনষ্ট করিয়া ফেলিবে ।

প্রত্যাহারবড়িশেনেচ্ছামংস্ট্রীং নিযচ্ছত ।

যোগবানিষ্ঠ । নির্বাণ । পূর্বার্দ্ধ । ১২৬ । ১০ ।

‘প্রত্যাহার বড়িশের দ্বারা ইচ্ছা মংস্ট্রকে দমন করিবে ।’

যখন যে দিকে ইচ্ছা ধাবিত হইবে, সেই দিক হইতে তাহাকে টানিয়া ফিরাইয়া আনিতে হইবে ।

যাহাতে আকৃষ্ট হইবে তাহা হইতে যত দূরে থাকিতে পার, ততই ভাল । যাহা হস্তগত হয় নাই তাহা অধিকার করিবার জন্ত চেষ্টা করিবে না, আর যাহা হস্তগত হইয়াছে তাহার আকর্ষণ অনুভব করিলেই, তাহা হইতে দূরে থাকিতে যত্ববান হইবে । প্রলোভনের বিষয় হইতে যত দূরে থাকিতে পারিবে ততই উপকার । এক ক্লপণ প্রত্যেক দিন তিন চারি বার তাহার যুতিকাপ্রোথিত ধনরাশি দেখিত, আর আনন্দে উল্লসিত করিত । এমনি তাহাতে আকৃষ্ট হইয়াছিল যে, যে দিন কোন কারণবশতঃ তাহা দেখিবার অবকাশ হইত না, সেই দিন ছটফট করিত । বাসনানলে আহুতি দিবার জন্ত যে মন্দ উপায় অবলম্বন করিয়াছিল, তাহার সংখ্যা ছিল না । কোন সময়ে নিতান্ত প্রয়োজনে তাহার অগ্নিত্র বাইতে হইয়াছিল । বহুগণ ইতিমধ্যে তাহার সমস্ত ধনভাণ্ডার অপসারিত করিল । ক্লপণ বাড়ী আসিয়া দেখে একটি কপর্দকও নাই । তখন তাহার মনের ভাব যে কি হইয়াছিল, সহজেই বুঝিতে পারেন । শিরে করাঘাত করিয়া উচ্চৈঃস্বরে ক্রন্দন করিতে লাগিল । বহুগণ এই সময়ে আসিয়া তাহার গৃহসামগ্রী বাহা কিছু ছিল, সমস্ত বলপূর্বক লইয়া গেল । অবশেষে তাহার পরিধেয় বস্ত্রখানি

পর্যন্ত কাড়িয়া লইল । কাদিতে কাদিতে হঠাৎ ক্রপণের নির্বেদ উপস্থিত হইল । ‘যাহা গিয়াছে ভালই হইয়াছে, ধনভাগ্য ও অপরাপর বস্তুগুলি যদি আমার হইত তবে আমার থাকিত । আমার কি ? আমার যাহা তাহা ত আমার সঙ্গে চিরকাল থাকিবে । আমার মৃত্যুসময়ে ত কিছুতেই আমার ধনস্তুপ এবং গৃহসম্ভ্রম আমার সঙ্গে যাইত না । লোভের মধ্যে প্রলুব্ধ হইয়া প্রাণটি এই বিষয়গুলিতে বদ্ধ হইয়া রহিয়াছে ; মৃত্যুসময়ে এত ভালবাসার পদার্থ কিছুই সঙ্গে লইয়া যাইতে পারিব না বলিয়া অশেষ যত্ননা ভোগ করিতে হইবে; এবং ইহাদিগের প্রেমে মজিয়া নিতানিন যাহা চিরদিনের সঙ্গী, তাহা হারাইয়া ফেলিয়াছি । হার হার, আমার কি হইবে ? আমার কি হইবে ?’ এইরূপ চিন্তা করিতে করিতে তাহার হৃদয় বৈরাগ্যালোকে আলোকিত হইয়া গেল । আর তাহাকে পায় কে ? সেই দিন হইতে সমস্ত বন্ধন কাটিয়া প্রফুল্লচিত্তে বৈরাগ্যের জয় ঘোষণা করিতে লাগিল । বন্ধুগণ তাহাকে তাহার আদরের ধন ও অস্ত্রান্ত্র পদার্থগুলি প্রত্যর্পণ করিতে লাগিল, আর সে তাহা গ্রহণ করিল না । বন্ধুগণ প্রলোভনের বিষয়গুলি তাহার নিকট হইতে অন্তর করিয়াছিল বলিয়া তাহার এই উপকার হইল, নতুবা লালসাবর্তে যে ডুবিয়াছিল, সেই ডুবিয়াছিল, আর উঠিতে হইত না ।

লোভের বিষয় হইতে সর্বদা দূরে থাকিবে । তাই বলিয়া যে সংসারে কার্য্য করিবে না তাহা নহে । সংসারে থাকিতে হইলে অনেক সময়ে কর্তব্যানুরোধে এমন কার্য্য করিতে হয়, যাহার সঙ্গে সঙ্গে ধন, মান কি শ্রমের উৎপত্তি হইয়া থাকে, কিংবা অল্প ভোগের বিষয় সম্মুখে উপস্থিত হয় । অগৎকর্তার আদেশে কর্তব্য করিতেই হইবে । ‘আমি তাঁহার দাস, তাঁহার কার্য্য করিব ; যশ চাই না, মান চাই না, প্রয়োজনের অতিরিক্ত ধন চাই না ; তবে যশ হইলে, মান হইলে কি অতিরিক্ত ধনাগম হইলে আমি কি

করিব ? হে ভগবন্, আমি যেন ক্ষীণ না হই, আবদ্ধ না হই, আমার হৃদয়ে যেন কোন বিকার উপস্থিত না হয়।' এইরূপ ভাব মনে রাখিয়া লোভের বিষয় সম্বন্ধে উদাসীন হইয়া, নিজের উন্নতি ও পরিবারের উন্নতি ও পৃথিবীর উন্নতিসাধন করিতে সক্ষম হইবে।

(৩) পৃথিবীতে আমরা কতকগুলি কল্পিত অভাব সৃষ্টি করিয়া লোভের আয়তন এত বৃদ্ধি করিয়াছি। একবার স্থিরভাবে যদি চিন্তা করি 'আমার কি না হইলে চৰে না ? আমার কি কি বিষয়ের বাস্তবিকই প্রয়োজন আছে ?' তাহা হইলেই দেখিতে পাই কত অল্প বিষয়ের প্রকৃত প্রয়োজন। চারিদিকে লোভের জাল আমরা যে রূপ ভাবে ফাঁদিয়া বসি তাহাতে আমাদের অভাব কত কম একবার মনে করিলে অবাক হইতে হয়। তোমার কি ভাই, চৰ্মা, চোখ, লেহ, পেয় নানাবিধ সুগন্ধ খাদ্য না হইলে চলে না ? ঐ যে কৃষক, সে ত তোমা অপেক্ষা বলশালী কম নহে ? তোমার কি ভাই ছদ্মফেননিভশয্যা ও মেটের মশারি না হইলে নিদ্রা হয় না ? ঐ যে ফকির, তোমা অপেক্ষা উহার হৃদয়ে শান্তি ত অধিক দেখিতে পাই, ঐ ব্যক্তি ত বৃক্ষমূলে মৃত্তিকালস্যায় তোমা অপেক্ষা সহস্রগুণ সুখে নিদ্রা ধাইতেছে। তোমার বিতল ত্রিতল গৃহ না হইলে উপযুক্ত বাসস্থান হয় না ; কত গৃহস্থ যে দেখিলাম যাহাদিগের চরণধূলি গ্রহণ করিবার তুমি যোগ্য নও, তাঁহারা সামান্ত পর্ণকুটীরে স্বর্গের হাসিতে কুটীর আলোকিত করিয়া পরম আনন্দে বাস করিতেছেন। হয় ত বলিবে 'আমি বড় লোক, আমার অভ্যাস এই, আমি কি প্রকারে এ অভ্যাস ছাড়িব ?' হে অভ্যাসের দাস, ভর্তৃহরি তোমা অপেক্ষা রাজসুখ কি কম ভোগ করিয়াছিলেন ? তিনি কি বলিতেছেন, শ্রবণ কর :—

তুঃপর্য্যকো নিজভুজলতা কন্দুকঃ খং বিতানং ।

দীপশ্চন্দ্রো বিরতিবনিতালকসম প্রমোদঃ ।

দিকাস্তাভিঃ পবনচমরৈর্বীজ্যমানঃ সমস্তাৎ ।

ভিক্ষুঃ শেতে নৃপ ইব ভুবি ত্যক্তসর্ববস্ত্রহোহপি ॥

বৈরাগাশতক ।

দেখ, ভিক্ষু সমস্ত বস্ত্র ত্যাগ করিয়া রাজার গায় শয়ন করিয়াছেন—
যত্নিকা তাঁহার পর্য্যটকের কর্ণা করিতেছে, নিজের হস্ত উপাধান হইয়াছে,
আকাশ চন্দ্রাতপের গায় মস্তকোপরি বিস্তৃত রহিয়াছে, চন্দ্র প্রদীপের গায়
আলো প্রদান করিতেছে, সংসারে অনাসক্তি বনিতার গায় তাঁহার সঙ্গিনী
হইয়াছে, পবনরূপ চামরের দ্বারা দশদিক তাঁহার শরীরে বাজন করিতেছে।’

এই ব্যক্তি ত মুক্তিকায় শয়ন করিয়া রাজার গায় সুখ ভোগ করিতেছে,
আর তুমি কেন ‘এ বস্তুটী না হইলে চলে না, ঐ বস্তুটী না হইলে বাঁচি
কই?’ এইরূপ প্রলাপ বকিতে বকিতে উন্মাদের গায় ইতস্ততঃ ধাবিত
হইতেছ? মহাজনগণ বলিবেন :—

স্বচ্ছন্দবনজাতেন শাকেনাপি প্রপূর্য্যতে ।

অস্ত্য দন্ধোদরস্থার্থে কঃ কুৰ্য্যাৎ পাতকং মহৎ ॥

হিতোপদেশ ।

‘বনজাত শাক প্রভৃতি দ্বারাই যখন ক্ষুধিবৃত্তি হয়, তখন এই দন্ধ
(পোড়া) উদরের জন্ত কে মহাপাতক করিবে?’

আর তোমার ছাগ, মেঘ, মহিষ প্রভৃতি বধ না করিলে আহারের
ব্যবস্থা হয় না। তোমার কি বনজাত শাক, ফলমূল নিরামিষ আহার
করিয়া উদর পূর্ণ হয় না? তাহা অবশ্যই হয়; তবে কি না তুমি কতক-
গুলি কল্লিত অভাব সৃষ্টি করিয়া ‘ইহা না হইলে হইবে না, উহা না হইলে
হইবে না’ এইরূপ চীৎকার করিতেছ। মাত্র বিলাসলিপ্সাটি ত্যাগ করিয়া
অনায়াসলভ্য স্বাস্থ্যজনক খাদ্য আহার, স্বাস্থ্যকর শয্যায় শয়ন, স্বাস্থ্যপূর্ণগৃহে
বসতি করিলে দেখিবে মোত কত সন্তুষ্টি হইবে। মন, প্রাণ, শরীর সুস্থ

রাখিবার জন্ত, কি সংসারে কার্য্য সূচাক্রমে সম্পন্ন করিবার জন্ত আমাদের যে যে বিষয়ের প্রয়োজন তাহা অতি সামান্য, তাহা সংগ্রহ করিতে লোভ বিশেষ প্রসন্ন পার না ।

তোমার কল্পিত অভাব তোমার সর্বনাশের মূল । যে বিষয়গুলির অভাব বোধ করিয়া তুমি অস্থির হইয়া পড়িয়াছ, জিজ্ঞাসা করি, সে গুলিই বা তুমি ভোগ করিবে কদিন ? প্রকৃতপক্ষে

“Man wants but little here below
Nor wants that little long.”

‘এই মর্ত্যভূমিতে মানুষের অভাব অতি কম এবং সেই অভাবও অধিক দিনের জন্ত নহে ।’ এই সত্যটি মনে রাখিয়া ‘এ চাই, ও চাই, তা চাই’ এইরূপ কেবল চাই চাই করিও না । অতি অন্নতেই সন্তুষ্ট হইও ।

সন্তোষামৃততৃপ্তানাং যৎ সুখং শাস্তচেতসাম্ ।

কুতস্তদনলুকানামিতশ্চেতশ্চ ধাবতাম্ ॥

হিতোপদেশ ।

সন্তোষামৃততৃপ্ত শাস্তচিত্ত ব্যক্তিদিগের যে সুখ, ধনলুক ও ‘ইহা চাই, উহা চাই’ বলিয়া বাহারা ইতস্ততঃ ধাবিত তাহাদিগের সে সুখ কোথায় ?

মোহ ।

সকল পাপের মূল মোহ । মোহ এবং অজ্ঞান একই । মোহ বাহার নাম অবিজ্ঞাও তাহার নাম । মোহ বলিতে অনাস্বাদ আশ্ববুদ্ধি বুঝায় । ইহা দ্বারা নষ্টচিত্ত হইয়া যাহা অস্বাদী, অশ্রব, কষ্ট, তাপ ও শোকের উপাদান, তাহাকে স্বাদী, শ্রব, পরমানন্দের নিদান মনে করি, এবং যাহা কখন আমাদের নয়, বাহার প্রতি আমার কিছুই অধিকার নাই তাহাকে

আমার আমার, বলিয়া তাহার অভাবে অহির হইয়া পড়ি । এ দেহ কি আমার ? যদি আমার হইত তাহা হইলে কি ইহার একটি শুভ্র কেশ কৃষ্ণ করিবার আমার অধিকার থাকিত না ? এই গৃহ কি আমার ? যদি আমার হইত তাহা হইলে আমিই কেন চিরদিন ইহাতে বাস করিতে পারি না ? আমার ত কিছুই না, আমার বাড়ীর প্রাঙ্গণের একটি ধূলিকণাও আমার নর, অথচ দিবারাত্র ক্রমাগত চারিদিকে যাহা দেখি তাহাই যেন আমার, এইরূপ মনে উদয় হইতেছে । আমার পিতাও আমার নন, আমার মাতাও আমার নন, আমার স্ত্রীও আমার নন, আমার পুত্রও আমার নন, অথচ প্রাণের মধ্যে সর্বদা কে যেন ‘আমার আমার’ বলিয়া ধ্বনি করিতেছে । যে এই ভ্রম জন্মাইয়া দিতেছে তাহারই নাম মোহ ।

মম পিতা মম মাতা মমেষুঃ গৃহিণী গৃহং ।

এবম্বিধং মমত্বং যৎ স মোহ ইতি কার্ত্তিতঃ ॥

পদ্মপুরাণ ।

‘আমার পিতা, আমার মাতা, আমার গৃহিণী, আমার গৃহ, এইরূপ যে “আমার, আমার” জ্ঞান ইহারই নাম মোহ ।’

মোহ সকল পাপের উৎপাদয়িতা । মোহ না থাকিলে আমার অনিত্য বিবরে কাহারও লোভ হইত না, এই পৃথিবীর ধন মান লইয়া কাহারও গর্ব হইত না, পরস্পরকাতরতা প্রভৃতি দোষ আমাদের জীবন জর্জরিত করিতে পারিত না, কাম অতি জঘন্য অতি বিগর্হিত পিশাচের রক্তভূমিকে স্তবর্ণরূপে রঞ্জিত করিতে পারিত না । সমস্ত পাপই এই মোহ অর্থাৎ অজ্ঞান হইতে জন্মগ্রহণ করে ।

(১) অজ্ঞানকে নাশ করিতে জানই ব্রহ্মত্ব । জ্ঞান জন্মিলে অজ্ঞান আপনা হইতেই দূর হইয়া যায় । সূর্য্যোদয়ে অন্ধকারকে বলিয়া দিতে হয় না “তুমি এখন চলিয়া যাও ।” অন্ধকার আপনা হইতেই বিদায় লয় ।

জ্ঞানস্বৰ্ণের উদয় হইলে মোহাকার আপনা হইতেই বিদায় লয় । জ্ঞান উপার্জন করিতে তত্ত্বচিন্তা ও শাস্ত্রালোচনা আবশ্যক । আমি কি ? আমার কি ? বন্ধন কি ? মোক্ষ কি ? এইরূপ বিষয় লইয়া যত বিচার করিলে ততই মোহ দূর হইয়া যাইবে । “আমার শরীর আমি নহি, বাহ্যতে আমি বদ্ধ হইয়া রহিয়াছি ইহা মারামাত্র” এইরূপ তত্ত্বালোচনার যত অগ্রসর হইবে ততই মোহ বিনাশ করিতে সমর্থ হইবে ।

কৃশোহতিদুঃখী বন্ধোহহং হস্তপদাদি মানহং

ইতি ভাবানুরূপেণ ব্যবহারেণ বধ্যতে ॥

নাহং দুঃখী নঃ মে দেহো বন্ধঃ কন্মান্ময়ি স্থিতঃ ।

ইতি ভাবানুরূপেণ ব্যবহারেণ মুচ্যতে ॥

নাহং মাংসং নচান্দ্রীনি দেহাদন্যঃ পরোহহং ।

ইতি নিশ্চয়বানন্তঃকৌণাবিষ্ঠো বিমুচ্যতে ॥

ক্লান্তিতৈবমবিষ্ঠেয়মনাস্ত্যক্ত্যন্ত্যভাবনাৎ ।

পুরুষেণাপ্রবুদ্ধেন ন প্রবুদ্ধেন রাঘব ॥

যোগবাশিষ্ঠ । উৎপত্তি । ১১৪ । ২২—৩১, ৩৪ ।

• মহর্ষি বাশিষ্ঠ শ্রীরামচন্দ্রকে বলিতেছেন :—“আমি কৃশ, আমি অতি দুঃখী, আমি বদ্ধ, আমি হস্তপদাদিমান্ জীব,” এই ভাবের অনুরূপ ব্যবহার দ্বারা মনুষ্য মোহপাপে বদ্ধ হয় । “আমি দুঃখী নহি, আমার বন্ধন হইবে কিরূপে ?” এই ভাবের অনুরূপ ব্যবহার দ্বারা মনুষ্য মোহনাশ হইতে মুক্ত হয় । “আমি মাংস নহি, আমি অহি নহি, আমি দেহ হইতে ভিন্ন, আমি আত্মা”, এইরূপ নিশ্চয় বোধ দ্বারা বাহ্যর অন্তর হইতে অবিকৃত কল্প পাইয়াছে, তিনি মুক্ত হইয়া থাকেন । হে রাঘব, অনাত্ম বস্তুতে আত্ম-

ভাবনা দ্বারা অজ্ঞান ব্যক্তি অবিচার করনা করিয়া থাকে, জ্ঞানিগণ তাহা করেন না ।

শঙ্করাচার্য্য বলিতেছেন :—

কা তব কাম্ভা কন্তে পুত্রঃ সংসারোহয়মতীব বিচিত্রঃ ।

কন্তু হং বা কুত আয়াতঃ তব্ধং চিন্তয় তদিনং ভ্রাতঃ ॥

মোহমুদগর ।

‘কে তোমার দ্বী ? কে তোমার পুত্র ? এই সংসার অতীব বিচিত্র ।
তুমি কার ? কোথা হইতে আসিয়াছ ? হে ভ্রাতঃ এই তব চিন্তা কর ।’

এইরূপ চিন্তা করিতে করিতে জ্ঞানের উদয় হইলে আর মোহ থাকিতে পারে না । মোহ দূর হইলে পরমানন্দের নিবাস ব্রহ্মনিষ্ঠার উৎপত্তি হয় ।
মহর্ষি বশিষ্ঠ এই জ্ঞানের দ্বারা কিরূপে মোহ নষ্ট হইয়া ব্রহ্মনিষ্ঠার উদয় হয়,
তাহা দেখাইবার জন্য বলিতেছেন :—

ইমাং সপ্তপদাং জ্ঞানভূমিমাকর্ণয়ানঘ ।

নানয়া জ্ঞাতয়া ভূয়ো মোহপঙ্কে নিমজ্জতি ॥

যোগবশিষ্ঠ । উৎপত্তি । ১১৮ । ১ ।

‘হে অনঘ, এই সাতটি জ্ঞানভূমি বলিতেছি, শ্রবণ কর ; ইহা জ্ঞাত
হইলে আর মোহপঙ্কে মগ্ন হইতে হয় না ।’

জ্ঞানভূমিঃ শুভেচ্ছায়া প্রথমা সমুদাহৃত ।

বিচারণা দ্বিতীয়া শ্রাস্তৃতীয়া তন্মুমানসা ॥

সস্তাপস্তিশ্চতুর্থী শ্রাস্ততোহসংস্কৃতিনামিকা ।

পদার্থজাবনী বষ্ঠী সপ্তমী তুর্ঘ্যাগা গতিঃ ॥

যোগবশিষ্ঠ । ১১৮ । ৫ । ৬ ।

শুভেচ্ছা প্রথম জ্ঞানভূমি ; বিচারণা দ্বিতীয় জ্ঞানভূমি ; শুদ্ধমামসা তৃতীয় ;
সন্তাপস্তি চতুর্থ ; অসংসক্তি পঞ্চম ; পদার্থভাবনী ষষ্ঠ ; তুর্যাঙ্গা গতি সপ্তম ।

স্থিতঃ কিং যুঢ় একস্মি যোক্ষ্যেহং শাস্ত্রসজ্জনৈঃ ।

বৈরাগ্যপূর্বমিচ্ছেতি শুভেচ্ছত্যাচাতে বুধৈঃ ॥

যোগবাশিষ্ঠ । উৎপত্তি । ১১৮ । ৮ ।

‘আমি কেন যুঢ়’ হইয়া আছি, আমি বৈরাগ্যের ভাব লইয়া শাস্ত্র-
লোচনা করিব ও সজ্জনের সহিত মিলিব, এই প্রকার যে ইচ্ছা, পণ্ডিতগণ
তাহাকেই প্রথম জ্ঞানভূমি শুভেচ্ছা বলিয়া থাকেন ।”

শাস্ত্রসজ্জনসম্পর্কেবৈরাগ্যাভ্যাসপূর্বকম্ ।

সদাচারপ্রবৃত্তা যা প্রোচ্যতে সা বিচারণা ॥

যোগবাশিষ্ঠ । উৎপত্তি । ১১৮ । ৮ ।

“শাস্ত্রানুশীলন ও সজ্জনসঙ্গতি দ্বারা বৈরাগ্যাভ্যাস পূর্বক সত্য কি ?
অসত্য কি ? স্থায়ী কি ? অস্থায়ী কি ? আত্মা কি ? অনাত্মা কি ? কর্তব্য
কি ? অকর্তব্য কি ? বন্ধন কি ? মোক্ষ কি ? এইরূপ সদাচারপ্রবৃত্ত যে
বিচার, তাহার নাম বিচারণা ॥”

বিচারণা শুভেচ্ছাত্যাং ইন্দ্রিয়ার্থেষ্বরক্ততা ।

যাত্র সা তন্মুতাত্ত্বাৎ প্রোচ্যতে তন্মুমানসা ॥

যোগবাশিষ্ঠ । উৎপত্তি । ১১৮ । ১০ ।

‘প্রথমে শুভেচ্ছা জন্মিলে পরে সদস্য বিচারণা দ্বারা ইন্দ্রিয়ভোগ্য
বিষয়ে যে অরতি জন্মে তাহার নাম তন্মুমানসা’ অর্থাৎ মন তখন আর
বিষয়ের দিকে ধাবিত হইতে চাহে না, মনের স্থলস্থ ঘুচিয়া স্বল্প প্রাপ্তি হয় ।

ভূমিকাত্ৰিতয়াভ্যাসাচ্চেতোহর্থে বিরতের্বশাৎ ।

সত্তাপ্তানি স্থিতিঃ শুদ্ধে সত্তাপত্তিরুদাহৃত্য ॥

যোগবাশিষ্ঠ । উৎপত্তি । ১১৮ । ১১ ।

‘শুভেচ্ছা, বিচারণা ও তনুমানসা এই তিন জ্ঞানভূমি অভ্যাস করিয়া চারিদিকে প্রলোভনের বিষয়ে বিরক্তিবশতঃ যে সময়ে বিমল আত্মাতে মন স্থির হয়, সেই অবস্থার নাম সত্তাপত্তি ।’

দশাচতুষ্টয়াভ্যাসাদসংসর্গফলায় যঃ ।

রূঢ়সত্ত্বচমৎকারাৎ প্রোক্তাসংসক্তি নামিকা ॥

যোগবাশিষ্ঠ । উৎপত্তি । ১১৮ । ১২ ।

‘শুভেচ্ছা, বিচারণা, তনুমানসা ও সত্তাপত্তি এই চতুষ্টয় জ্ঞানভূমি অভ্যাস করার যে চমৎকার সাব্বিক ভাবের উদয় হয়, যাহা দ্বারা বিষয়ে আ সক্তি সমূলে বিনষ্ট হয়, তাহার নাম অসংসক্তি ।’

ভূমিকা পঞ্চকাভ্যাসাৎ স্বাত্মারামতয়া ভূশং ।

আভ্যাস্তুরাণাং বাহ্যানাং পদার্থানাং ভাবনাৎ ॥

পরপ্রযুক্তেন চিরং প্রযত্নেন বিবোধনং ।

পদার্থভাবনা নাম্নী ষষ্ঠী সংজায়তে গতিঃ ॥

যোগবাশিষ্ঠ । উৎপত্তি । ১১৮ । ১৩—১৪ ।

‘শুভেচ্ছা, বিচারণা, তনুমানসা, সত্তাপত্তি ও অসংসক্তি এই পঞ্চ জ্ঞানভূমির অভ্যাস দ্বারা ব্রহ্মেতে নিবৃত্তি লাভ করিলে, ভিতরের ও বাহিরের পদার্থের চিন্তা দূর হইয়া যায় ; এই সমস্ত চিন্তা দূর হইয়া গেলে যে বস্তুর সহিত প্রকৃত আত্মতত্ত্বের চিন্তা হয়, তাহার নাম পদার্থভাবনা ।’

ভূমিষট্‌কচিরাভ্যাসাদেদস্তানুপলব্ধতঃ ।

যৎ স্বাভাবিকনিষ্ঠকং সা জ্ঞেয়া তুৰ্য্যগা গতিঃ ॥

যোগবাশিষ্ঠ । উৎপত্তি । ১১৮ । ১৫ ।

‘পূর্বোক্ত ছয়টি জ্ঞানভূমির অভ্যাসবশতঃ আত্মপর ভেদজ্ঞানে চলিয়া
এগলে ব্রহ্মেতে যে স্বাভাবিকী নিষ্ঠার উদয় হয়, তাহারই নাম তুৰ্য্যগা গতি ।’

• যে হি রাম মহাভাগাঃ সপ্তমীভূমীমাগতাঃ ।

অত্মারামা মহাজ্ঞানন্তে মহৎপদমাগতাঃ ॥

যোগবাশিষ্ঠ । উৎপত্তি । ১১৮ । ১৭ ।

‘হে রামচন্দ্র, যে সকল মহাভাগ জ্ঞানভূমির সপ্তম অবস্থা অর্থাৎ তুৰ্য্যগা
গতি প্রাপ্ত হন, সেই মহাআগণ ভগবানের সহিত ক্রমাগত রমণ করিতে
থাকেন এবং ব্রহ্মপদ লাভ করেন ।’

ইহা অপেক্ষা আর উচ্চতর পদবী কি আছে ? যাহার হৃদয় হইতে
জ্ঞানের প্রভাবে মোহজনিত সঙ্কল তিরোহিত হইয়াছে, তাঁহার কি আর
জ্ঞানের সীমা আছে ?

সঙ্কলসংক্ষয়বশাদ্ গলিতে তু চিন্তে ।

সংসারমোহমিহিকা গলিতা ভবন্তি ॥

স্বচ্ছং বিভাতি শরদৌ ব স্মাগতায়ান্ ।

চিন্মাত্রমেকমজগদ্ব্যমনন্তমন্তঃ ॥

যোগবাশিষ্ঠ । উৎপত্তি । ১২ । ৫৬ ।

‘বাসনা ক্ষয় হইলে যেমন চিন্তের বিকার নষ্ট হয়, অমনি সংসারের
মোহনীর হার বিলীন হইয়া যায়, তখন শরৎকালের আকাশের স্তায় হৃদয়ে
স্বচ্ছ, চিৎস্বরূপ, অদ্বিতীয়, আশ্রয়, অনন্ত জন্মরহিত পরব্রহ্ম দৃষ্ট হন । মেঘ-

নিঃশূন্য বিমল শরদাকাশে যেমন পূর্ণচন্দ্র শোভা পান, তেমনি মোহনিঃশূন্য জ্ঞানীর বিমল হৃদয়ে অদ্বিতীয় ব্রহ্ম শোভা পান ।’

কেহ মনে করিবেন না এ অবস্থার আর সংসারের কার্য্য করিতে হইবে না । ‘মোহ চলিয়া গেলে আর সংসারের কার্য্য কি প্রয়োজন ?’ এমন কথা কেহ ভ্রমেও বলিবেন না । গীতার ভগবান্ শ্রীকৃষ্ণ অর্জুনকে বলিতেছেন—

সক্তাঃ কৰ্ম্মণ্যবিদ্বাংসো যথা কুৰ্ব্বন্তি ভারত ;

কুৰ্য্যাৎপিদ্বাংস্তথা সক্তশ্চিকীৰ্ষুর্লোকসংগ্রহম্ ॥

ভগবদ্গীতা । ৩ । ২৫ ।

‘হে অর্জুন, অজ্ঞাত ব্যক্তি যেমন মোহাভিভূত হইয়া কৰ্ম্ম করিয়া থাকে, জ্ঞানবান্ ব্যক্তি মোহমুক্ত হইয়া লোকসমাজের রক্ষা ও উন্নতির জন্য তেমনি করিবেন ।

আমরা যখন সংসারে প্রেরিত হইয়াছি তখন অবশ্য সংসারের কার্য্য করিব । তবে বশিষ্ঠ রামচন্দ্রকে যে ভাবে সংসারে বিচরণ করিতে বলিয়াছেন সেই ভাবে বিচরণ করিতে হইবে ।

অস্ত্যঃসংত্যক্ত সৰ্ব্বাশো বীতরাগো বিবাসনঃ ।

বহিঃ সৰ্ব্বসমাচারো লোকে বিহর রাঘব ॥

যোগবশিষ্ঠ । উপশম । ১৮ । ১৫ ।

‘হে রাঘব, অস্ত্যরে সকল আশা, আসক্তি ও বাসনা পরিত্যাগ করিয়া বাহিরে সংসারের সমস্ত কার্য্য করিতে থাক ।’

বহিঃ কৃত্রিমসংরস্তো হৃদি সংরস্তবর্জিতঃ ।

কর্তা বহিরকর্তাস্তুলোকে বিহর রাঘব ॥

যোগবশিষ্ঠ । উপশম । ১৮ । ২২ ।

‘হে রাঘব, অন্তরে আবেগবর্জিত হইয়া অথচ বাহিরে কৃত্রিম আবেগ দেখাইয়া, ভিতরে অকর্তা থাকিয়া বাহিরে কর্তা হইয়া সংসারে বিচরণ কর ।’

ভ্যক্ত্যাহংকৃতিরামৃতমতিরাকাশশোভনঃ ।

অগৃহীতকলঙ্কাকো লোকে বিহর রাঘব ॥

যোগবাশিষ্ঠ । উপশম । ১৮ । ২৫ ।

‘হে রাঘব, “আমি করিতেছি,” এই অভিমান পরিত্যাগ করিয়া কার্যের ফলাফল সম্বন্ধে উদাসীন হইয়া প্রশান্তচিত্তে, আকাশ যেমন সর্বত্রই শোভা পাইতেছে কোনরূপ কলঙ্কে কলঙ্কিত হইতেছে না, তুমি সেইরূপ সংসারের সমস্ত কার্যে ব্যাপ্ত অথচ নিষ্কলঙ্ক থাকিয়া বিচরণ কর ।

অয়ং বন্ধুরয়ং নেতি গণনা লঘুচেতসাম্ ।

উদারচরিতানাম্ বন্ধুধৈব কুটুম্বকম্ ॥

হিতোপদেশ ।

‘ইনি বন্ধু, ইনি বন্ধু নহেন, ক্ষুদ্রচিত্ত ব্যক্তি এইরূপ গণনা করিয়া থাকেন, কিন্তু উদার প্রকৃতি ব্যক্তিগণের পৃথিবীস্থ সকলেই কুটুম্ব ।’

(১) কি মধুর উপদেশ ! পৃথিবীর সকলকে বন্ধু ভাবিয়া কর্তৃত্বাভিমান পরিত্যাগ করিয়া ভগবানের বিধি পালনের জন্য সংসারে কর্তৃত্ব করিতে হইবে । বাহিরে যাহাকে শত্রু বলি তাহাকেও বন্ধুভাবে দেখিতে হইবে, কেবল ধর্মের অনুরোধে দুর্নীতির শাসনের জন্য তাহার প্রতিকূলাচরণ করিব । বাহিরে যাহাকে বন্ধু বলি তিনিও সেইরূপ কোন অন্যায়াচরণ করিলে তাহারও অবশ্য প্রতিকূলাচরণ করিব । আমাদের শত্রু—পাপ ও দুর্নীতি, কোন ব্যক্তিবিশেষ নহে ।

(২) “অয়ং বন্ধুরয়ং নেতি” এই কবিতাটির মর্ম্মানুধাবন করিতে মোহ-

দমনের আর একটি সুন্দর উপায় পাওয়া যায়। তত্ত্বজ্ঞানের দ্বারা-
মোহাকার বস্তু দূরীভূত হয়, সার্বজনিক প্রেমের দ্বারা মোহকালকূট
তেমনি নির্বীৰ্য্য হইয়া যায়।

সঙ্কীর্ণতা যেখানে, মোহ সেইখানে ; সঙ্কীর্ণতার বিনাশ হইলে মোহ স্থান
পায় না। আমি কোন এক ব্যক্তি সম্বন্ধে মোহাক্ত ততদিন, যতদিন
তেমন আর একটি না পাই। সঙ্কীর্ণ প্রেমে মোহের জন্ম। যেখানে
আমি এক ব্যক্তি ভিন্ন আর কাহাকেও ভালবাসি না, সেইখানে আমি
তাহার জন্ত চঞ্চল হই। আমরা প্রাণের সহিত ভালবাসিব অথচ
মোহাসক্ত হইব না।

সাধারণতঃ মাতার পুত্রের প্রতি যে ভালবাসা দেখিতে পাই তাহা
প্রায়ই মোহপরিপূর্ণ। কটী মা দেখিতে পাই যে স্বর্গভজাত পুত্র ও
প্রতিবেশী অন্ত্র বালকগুলিকে সমান চক্ষে দেখিয়া থাকেন ! ‘আমার পুত্র’
‘আমার পুত্র’ বলিয়া কাহার পিতা, কাহার মাতা না ব্যতিব্যস্ত ? কোন
পিতা কি কোন মাতাকে যখন দেখিব যে যাই কোন বালককে দেখিতে-
ছেন অমনি তাহাকে ক্রোড়ে তুলিয়া লইতেছেন, আপনার পুত্রের গ্রাম
তাহাকে চুম্বন করিতেছেন এবং আপনার পুত্রের প্রতি ও জাতিনির্কিংশেবে
অন্ত কোন বালকের প্রতি ব্যবহারের বিন্দুমাত্র বৈলক্ষণ্য নাই, তখনই
বলিব এই পিতার এই মাতার প্রাণ হইতে অপত্যস্নেহজনিত মোহ দূরীভূত
হইয়াছে।

পারিবারিক সম্পর্ক ভিন্ন বন্ধুত্বেও মোহের উৎপত্তি হয়। আমি এক
ব্যক্তিকে অত্যন্ত ভালবাসি, তাহার অভাবে প্রাণ যৎপরোনাস্তি ব্যাকুল
হয়, মনের শান্তি দূরীভূত হয়, চিন্তা চঞ্চল হয়, নিয়মিত কর্তব্যকাণ্ডগুলি
করিতে মনোযোগের ক্রটি হয়—ইহা সমস্তই মোহঘটিত। এই রোগের
মহোষধ উদার প্রেম !

যতই বন্ধুর সংখ্যা বৃদ্ধি হয়, যত প্রকৃত প্রেমের বিস্তার হয়, ততই মোহের হ্রাস হইতে থাকে ।

কেহ হয়ত জিজ্ঞাসা করিবেন ‘বন্ধুর সংখ্যা বৃদ্ধি হয় কি প্রকারে ? প্রেমের বিস্তার হয় কিরূপে ?’

পবিত্র প্রেম যত অধিক পরিচালনা করিতে থাকিবেন ততই প্রেমের বৃদ্ধি হইবে । প্রেমের বৃদ্ধি হইলেই প্রাণ মধুময় হয়, ভিতরে প্রাণ মধুময় হইলেই কুংসিত বস্তুও সুন্দর হইতে থাকে । একটি সামান্ত বৃক্ষ প্রেমিক যে চক্ষে দেখেন আমরা সে চক্ষে দেখিতে পারি না । তাঁহার নিকটে নীরস পদার্থ সরস হইয়া দাঁড়ায়, আমাদিগের নিকটে সরস পদার্থও নীরস বলিয়া পরিগণিত হয় । যত তোমার প্রাণে প্রেম বৃদ্ধি পাইবে, তত অপর লোক তোমাকে দেখিয়া আকৃষ্ট হইবে এবং তুমিও তত অপরের প্রতি আকৃষ্ট হইবে । ভগবানের এইই নিয়ম । যতই প্রাণে মধু সঞ্চয় হয়, ততই মানুষ মধুলোভী হয় ; সুতরাং চারিদিকে মধু অন্বেষণ করিতে থাকে ; পৃথিবীতে মধুগর্ভ কুসুমের অন্ত নাট, যে পদার্থের দিকে দৃষ্টিপাত কর, সেই পদার্থেই কিছু না কিছু মধু নিহিত আছে । প্রেমিক ভ্রমর সকল পদার্থ হইতেই মধু আহরণ করেন । নিতান্ত পাপী যে জীব তাহার প্রাণের ভিতরেও ভগবান্ মধু ঢালিয়া রাখিয়াছেন, যে অন্বেষণ করে সেই পায় ।

যত অধিক পরিমাণে প্রাণের ভিতরে অমৃত বসিতে থাকিবে, ততই যে মোহজনিত আসক্তি কমিয়া যাইবে—ইহা ত ব্রুব কথা । যে কোন বিষয় মোহে প্রাণ আচ্ছন্ন করে এবং সঙ্কীর্ণতা আনয়ন করে, সেই বিষয়ে উদারতা যত বৃদ্ধি হইবে, ততই মোহ বিনাশ পাইবে । যাহারা ধর্ম্মমত লইয়া সঙ্কীর্ণ হইয়া পড়িয়াছেন, তাহারাও মোহবিভ্রান্ত হইয়া বিবাদ করিয়া থাকেন, কিন্তু যখনই প্রাণে সার্বভৌমিক উদারতা প্রবেশ করে, তখনই

তাঁহার সকল সম্প্রদায়ের লোককেই আলিঙ্গন করিতে অগ্রসর হন, অমনি মোহের শাস্তি ।

এই বিশ্বজনীন প্রেমপীুষধারার সমগ্র হৃদয় প্রাবিত হইয়াছিল বলিয়া শাক্যসিংহ তাঁহার প্রাণাপেক্ষা প্রিয়তমা সহধর্মিণীকে ত্যাগ করিয়া জগদ্ধকারের জন্ত সর্বত্যাগী হইয়া বাহির হইয়াছিলেন । মহাপ্রেমে মজিয়াছিলেন বলিয়াই ক্ষুদ্র মোহের মস্তকে পদাঘাত করিতে সমর্থ হইয়া ছিলেন । এডুয়িন আরনল্ডের ‘লাইট অব এসিয়া’ নামক মহাকাব্যে শাক্যসিংহ গৃহত্যাগের অব্যবহিত পূর্বে নিশীথসময়ে তাঁহার স্ত্রীকে সম্বোধন করিয়া যে কয়েকটি কথা বলিয়াছিলেন তাহা পাঠ করিলে উদার প্রেমের এই মোহদমনী মহাশক্তির পরিচয় উৎকৃষ্টরূপে উপলব্ধি করিতে পারিবেন । বুদ্ধদেব প্রথমে বলিলেন :—

“I loved thee most

Because I loved so well all living souls.”

‘আমি ব্রহ্মাণ্ডস্থ সমস্ত জীবকে এত ভালবাসিয়াছি বলিয়াই তোমাকে অত্যন্ত ভালবাসিয়াছি ।’ জগতে সমস্ত জীবকে যে ভাল না বাসে তাহার ভালবাসা ভালবাসা নহে, তাহাই মোহ । বুদ্ধদেবের ভালবাসা প্রকৃত ভালবাসা, মোহ নহে । মোহ ব্যক্তিবিশেষ কি বিষয়বিশেষের ক্ষুদ্র পরিসরের মধ্যে নিবদ্ধ থাকে, ভালবাসা জগন্ময় ছড়াইয়া পড়ে । সেই ভালবাসায় মনুষ্যের প্রাণে কি ভাবের উদয় হয়, তাহা তাঁহার নিদ্রিতা স্ত্রীকে সম্বোধন করিয়া পুনরায় শাক্যসিংহ যাহা বলিলেন, তাহার দ্বারাই বুঝিতে পারিবেন ।

“I will depart” ; he spoke, “the hour is come !

“The tender lips, dear sleeper, summon me

“To that which saves the earth but sunders us.”

‘হে নিদ্রাভিত্তিতে প্রিয়তমে, মহাভিনিম্রমণের সময় উপস্থিত, আমার প্রস্থান করিতে হইবে ; বাহাতে সমস্ত পৃথিবী উদ্ধার হইবে অথচ তোমাতে ও আমাতে বিচ্ছিন্ন হইতে হইবে, সেই মহাব্রতসাধনের জন্ত তোমার সুকোমল অধর আমাকে আহ্বান করিতেছে ।’ অর্থাৎ “তোমার প্রতি আমার যে ভালবাসা তাহাই আমাকে বলিতেছে—‘আমার নাম তবে ভালবাসা, যদি তুমি এই যে তোমার হৃদয়ের পরম ‘আনন্দপ্রতিমা, জীবনের চিরসঙ্গিনী, ইহাকেও ত্যাগ করিয়া এই পাপক্লিষ্ট দুঃখজর্জরিত, পৃথিবীকে মোহনিগড় হইতে মুক্ত করিবার জন্ত অগ্রসর হও । যদি ইহার ভালবাসার মুগ্ধ হইয়া এই জগতের মঙ্গলসাধনে ব্রতী না হও, তবে আমার নাম ভালবাসা নহে, আমার নাম মোহ ।”

ছন্দক যখন বলিলেন—‘তুমি ত জগতের প্রেমে মত্ত হইয়াছ, কিন্তু তুমি চলিয়া গেলে তোমার পিতার মনে কি কষ্ট হইবে একবার ভাবিয়া দেখ, তাঁহাকে এবং পরিবারের অপর সকলকে এত ত কষ্ট দিতে প্রস্তুত হইয়াছ, তবে আর তাঁহাদের জন্ত তোমার প্রেম কোথায় ?’ সিদ্ধার্থ উত্তর করিলেন,

“Friend that love is false

“Which clings to love for selfish sweets of love ;

• “But I, who love these more than joy of mine—

“Yea, more than joy of theirs—depart to save

“Them and all flesh if utmost love avail”.

‘হে বন্ধু, সে প্রেম প্রেমই নহে, যে প্রেম নিজের সুখলালসা তৃপ্তির জন্ত প্রেমের আশ্রিতকে কিছুতেই ছাড়িতে চাহে না । আমি কিন্তু আমার পরিবারহ লোকদিগকে আমার নিজের সুখভোগ অপেক্ষা, এমন কি তাঁহাদিগেরও সুখভোগ অপেক্ষাও অধিক ভালবাসি, তাই তাঁহাদিগের

প্রকৃত সুখ বাহাতে হইবে অর্থাৎ তাঁহাদিগকে ভববন্ধন হইতে মুক্ত করিবার জন্ত—তাঁহাদিগকে এবং এই বিষয়ে যত প্রাণী আছে সকলকেই যদি প্রেমের চরমসাধন করিলে সেই বন্ধন হইতে মুক্ত করিতে পারা যায়—তাঁহা করিবার জন্ত চলিলাম।’ মোহকে পদদলিত করিয়া প্রেমের দ্বারা বিশ্বের উদ্ধার করিবার জন্ত প্রেমাবতার শাক্যসিংহ ক্ষুদ্র সংসার ত্যাগ করিয়া মহাসংসারের কার্যে প্রবৃত্ত হইলেন।

ভগবান করুন আমরাও যেন জ্ঞানের আলোকে হৃদয় আলোকিত করিয়া প্রেমামৃতে অপিদমস্তক অভিষিক্ত হইয়া, মোহকে চিরকালের মত বিদায় দিয়া পরিবারে, সমাজে, সমস্ত জগতে তাঁহার প্রিয়কার্য সাধন করিতে করিতে জীবন অতিবাহিত করিতে পারি।

যদ ।

(১) আত্মপরীক্ষার অভাবনিবন্ধন যদের উৎপত্তি । স্থিরভাবে যে ব্যক্তি ‘আমি কি ? আমার জ্ঞান কতটুকু ? আমার ক্ষমতা কতটুকু ?’ চিন্তা করে, সে কখন অহঙ্কারে ক্ষীণ হইতে পারে না। জ্ঞানের অহঙ্কার বাহারা করিয়া থাকেন তাঁহাদিগের মধ্যে কে বলিতে পারেন—আমি কি ? আমার অঙ্গগুলি কি ? কিরূপে সৃষ্ট ? যে ধাতু দ্বারা সৃষ্ট সে ধাতুগুলি কি ? আমরা হস্ত দ্বারা ধরিতে পারি কেন ? চক্ষু দ্বারা দেখিতে পাই কেন ? মনের চিন্তাশক্তি কোথা হইতে আসিল ? আমি কি তাহাই যদি না বুঝিলাম তবে আর ‘আমি আমি’ করিয়া বেড়াই কেন ? যিনি যে বিষয়ের অহঙ্কার করেন তিনি সেই বিষয়ের কি জানেন এবং তাঁহার ক্ষমতার সেই বিষয়ে কতদূর কি করিতে পারিয়াছেন, একবার

প্রশান্তহৃদয়ে করেক মিনিটের অল্প চিন্তা করিয়া দেখুন ; এইরূপে চিন্তা করিয়া বলুন—অহঙ্কারের কোন কারণ পান কি না ?

জানী, তুমি জানের অহঙ্কার করিতেছ—তুমি সকলই জান—প্রথম আমাকে উত্তর দাও তুমি তোমাকে জান কি না ? আশ্চর্য কথা দূরে থাকুক তোমার শরীরের একটি রক্তবিন্দু কি তাহা বলিতে পার ? তুমি যে পদার্থবিজ্ঞান মহাজানী বলিয়া অভিমান করিতেছ, একটি বালুকণা কোথা হইতে আসিল, কি ধাতুতে গঠিত বলিতে পার ? চুম্বক লৌহকে টানে কেন বলিতে পার ? “কে আছে এমন ‘জানী’ এ ভুবনে, চুম্বক লৌহকে টানে কেন, জানে ? এই যে চারিদিকে দৃশ্যমান জগৎ ইহার একটি ধুলিরেণু, একটি জলবিন্দুর প্রকৃত তথ্য যদি বলিয়া দিতে পার, তবে বুঝিব তুমি জানী ।

যাহারা ক্ষমতার বড়াই করেন, তাঁহাদিগের প্রত্যেককে জিজ্ঞাসা করি ‘তোমার কি ক্ষমতা আছে ? তুমি কি করিতে পার ?’

যিনি স্রুবক্ষা তিনি হয়ত বলিবেন ‘আমি বহুতা দ্বারা এ সংসারকে মোহিত করিতে পারি।’ ‘তোমার বহুতাশক্তির কি অষ্টা তুমি ? তোমার বহুতাশক্তির উপরে কি তোমার অধিকার আছে ? যদি থাকিত, তবে সকল সময়ে মনোহারিণী বহুতা করিতে পার না কেন ? কাল তুমি সহস্র সহস্র মনুষ্যকে তোমার বাগ্মিতায় উন্মত্ত করিয়া তুলিয়াছিলে, আজ সেই তুমি সেই স্থলে সেই বিষয়ে বহুতা করিতে উপস্থিত হইয়াছ, আজ কই একটা প্রাণীও ত আকৃষ্ট হইতেছে না !

কবি হয় ত বলিবেন “আমার কবিতা শুনিলে কে না মুগ্ধ হয় ?” তাঁহাকে জিজ্ঞাসা করি—‘এই কবিত্বশক্তি কি তুমি সৃষ্টি করিয়াছিলে, না অপর কেহ তোমাকে দিয়াছেন ? আর এই কবিত্বশক্তির উপরে কি তোমার অধিকার আছে ? কাল সেইত এক মিনিটও চিন্তা না করিয়া

অজস্র মধুময় কবিতা লিখিয়া গেলে, আজ এই যে বসিয়া বসিয়া কত মস্তিষ্ক আলোড়ন করিতেছে, একটা ভাব পাইবার জন্য শতবার উর্দ্ধদিকে তাকাইতেছে, আর এক এক বার জ্বলন্ত করিয়া গভীর চিন্তার মগ্ন হইতেছে, কই তেমনি একটা কবিতাও কেন লিখিতে পারিতেছে না ?

অন্ধবিদ্যাপারদর্শী, তুমি ত বল ‘আমার এমন এক নৈসর্গিক শক্তি আছে যে, আমি অন্ধ শাস্ত্রের অতি জটিল প্রশ্নগুলির অনায়াসে উত্তর করিতে পারি ।’ যদি থাকে শক্তি, তাহার কর্তা কি তুমি ? আর সেই শক্তিই তোমার করায়ত্ত কই ? এক এক সময়ে ত দেখি, তোমার শিষ্যানু-শিষ্য তোমাকে পরাস্ত করিয়া দেয় ।

সমর-বিজয়ী, বিজয় নিশান তুলিয়া বলিতেছে ‘সামরিক কোশল আমার গায় কে জানে ?’ বলি, সেই কোশল শিক্ষা করিবার শক্তি কি তুমি তোমাকে দিয়াছ ? আর সেই শক্তিই কি সর্বদা তোমার আজীবন ? যদি তোমার আয়ত্তাধীন হইত তবে ত প্রত্যেক যুদ্ধেই তুমি জয়ী হইতে ? কাল তুমি লক্ষাধিক সৈন্য জয় করিয়া আসিলে, আর আজ কেন মাত্র তিন শত সেনা তোমার অক্ষৌহিণী পরাভূত করিয়া ফেলিল ?

প্রত্যেক বিষয়ে চিন্তা করিলে দেখিতে পাইব যাহার অহঙ্কার করি তাহা আমার কিছুই নয় এবং তাহার উপরে আমার বিন্দুমাত্র অধিকার নাই । এই হস্ত সম্মুখস্থ পদার্থকে ধরিবার জন্য প্রসারণ করিতেছি, হস্ত ইতিমধ্যে বাতব্যাধি আসিয়া হস্তকে অসাড় করিয়া দিল আর ধরা হইল না । এই জিহ্বা দ্বারা এত বাক্য বলিতেছি, হস্ত আর একটি বাক্য উচ্চারণ করিবার পূর্বে আড়ষ্ট হইয়া যাইবে, আর জিহ্বা আমার আদেশ মানিবে না ।

এই বরিশালে একটা বৃদ্ধ বলিতেন—

“আমি কভু আমার নয়, এক ভাবি আর হয় ।”

কথাটি সম্পূর্ণ সত্য । আমি যদি আমারই হইতাম, তবে আমার ক্ষমতাবীন ঘাড়া করিব ভাবিতাম তাহা ত করিতেই পারিতাম । অনেক সময়ে দেখি ঘাড়া আমি নিশ্চয় করিতে পারিব ভাবিয়াছিলাম, এমন ঘটনাচক্র আসিয়া পড়িল যে আর তাহা করিতে পারিলাম না ।

আমরা ঘাড়া কিছু করি, কি ঘাড়া কিছু বুঝি, কি ঘাড়া কিছু ভাবি তাহা সমস্তই ভগবানের শক্তি লইয়া । আমাদের কোন শক্তি নাই । তিনি যে শক্তি দিয়াছেন তাহা যদি প্রত্যাহার করেন, তবে আমাদের কিছুই করিবার ক্ষমতা থাকে না, আমরা একেবারে উপায়হীন হইয়া পড়ি । তিনি সহায় না হইলে আমাদের একটি তৃণও উত্তোলন করিবার ক্ষমতা হয় না । কেনোপনিষদে একটি আখ্যায়িক। এই তত্ত্বটি অতি মনোহরভাবে প্রকাশ করিতেছে ।

ব্রহ্ম হ দেবভ্যো বিজিগ্যে তস্মহ ব্রহ্মণো বিজয়ে দেবা অমহীযন্ত ত ঐক্ষত্বান্মাকমেবানং বিজয়োহস্মাকমেবানং মহিমেতি ।

ব্রহ্ম দেবাসুরসংগ্রামে জগতের কল্যাণের নিমিত্ত দেবতাদিগকে বিজয়ী করিলেন । সেই ব্রহ্মের জয়েতে অগ্নি, ইন্দ্র, বায়ু প্রভৃতি দেবতাগণ মহিমান্বিত হইলেন এবং মনে করিলেন ‘আমাদিগেরই এ জয়, আমাদিগেরই এ মহিমা ।’ ব্রহ্মকে ভুলিয়া আপনাদিগের শক্তিতে জয় লাভ করিয়াছেন মনে করিলেন ।

তদৈবাং বিজ্ঞৌ তেভ্যোহ প্রাহুর্ষত্ব তন্ন বাজানন্ত কিমিদং যক্ষমিতি ।

সেই অসুখ্যায়ী ব্রহ্ম দেবতাদিগের এই বৃথাভিমান জানিলেন ও তাহা দূর করিবার জন্য তাঁহাদিগের নিকটে অদ্বৃত্ত রূপ ধারণ করিয়া উপস্থিত হইলেন, কিন্তু তাঁহারা এই বরণীয় ব্যক্তি কে তাহা জানিতে পারিলেন না । ইনি যে ব্রহ্ম তাহা জানিতে পারিলেন না ।

তেহগ্নিমক্রবন্ জাতবেদ এতদ্বিজানিহি কিমেতদ্যক্ষমিতি তথেষি ।

দেবতারা ইনি কে জানিতে ইচ্ছুক হইয়া অগ্নিকে বলিলেন ‘হে জাতবেদ, এই বরণীর ব্যক্তি কে তাহা তুমি জানিয়া আইস ।’ অগ্নি বলিলেন ‘তাহাই হউক ।’

তদভ্যাদ্রবং তমভ্যাবদং কোহসীতি অগ্নির্ক। অহমস্মীত্যত্রবীজজাতবেদ। বা অহমস্মীতি ।

অগ্নি তাঁহার নিকট গমন করিলেন । তিনি অগ্নিকে জিজ্ঞাসা করিলেন তুমি কে ? অগ্নি कहিলেন ‘আমি অগ্নি, আমি জাতবেদ ।’

তস্মিন্ধ্বমি কিং বীৰ্যমিত্যপীদং সৰ্ব্বং দহেয়ং বদিদং সৰ্ব্বং পৃথিব্যামিতি ।

তিনি পুনরায় জিজ্ঞাসা করিলেন ‘তোমার কি শক্তি আছে?’ অগ্নি বলিলেন ‘এই পৃথিবীতে যে কিছু বস্তু আছে, আমি সমস্তই দগ্ধ করিতে পারি ।’

তস্মৈ তৃণং নিদধাবেতদহেতি তদুপগ্ৰেয়ান্ন সৰ্ব্বজবেন তন্ন শশাক দগ্ধুং স তত এব নিববৃতে নৈতদশকং বিজ্ঞাতুং যদেতদ্বক্ষ্যমিতি ।

তখন তিনি অগ্নির সম্মুখে একটা তৃণ রাখিয়া বলিলেন ‘তুমি ত্রক্ষাণ্ড দগ্ধ করিতে পার, এই তৃণটী দগ্ধ কর দেখি ।’ অগ্নি তাঁহার সমুদয় শক্তি দ্বারা তৃণটি দগ্ধ করিতে চেষ্টা করিলেন, কিন্তু কিছুতেই দগ্ধ করিতে পারিলেন না । অবশেষে পরাস্ত হইয়া দেবতাদিগের নিকটে আসিয়া বলিলেন ‘এই যে বরণীরূপ, ইনি কে তাহা আমি জানিতে পারিলাম না ।’

অথ বায়ুমক্রবন্ বায়বেতদ্বিজানীহি কিমেতদ্বক্ষ্যমিতি তথেন্তি ।

অনন্তর দেবতাগণ বায়ুকে বলিলেন—‘বায়ু, তুমি জানিয়া আইস এই বরণীর ব্যক্তি কে ।’ বায়ু বলিলেন ‘তাহাই হউক ।’

তদভ্যাদ্রবং তমভ্যাবদং কোহসীতি । বায়ুর্ক। অহমস্মীত্যত্রবীজজাতবেদ। বা অহমস্মীতি ।

বায়ু তাঁহার নিকটে গমন করিলেন । তিনি বায়ুকে জিজ্ঞাসা করিলেন ‘তুমি কে ?’ বায়ু कहিলেন ‘আমি বায়ু, আমি বাতরিখা ।’

তন্নিঃস্বরি কিং বীৰ্য্যামিত্যপীদা সৰ্ব্বমাদদৌঃ যদিদং পৃথিব্যামিতি ।

তিনি পুনরায় জিজ্ঞাসা করিলেন ‘তোমার কি শক্তি আছে ?’ বায়ু .
উত্তর করিলেন ‘এই পৃথিবীতে যত কিছু বস্তু আছে আমি সমুদয় আহরণ
করিতে পারি ।’

তন্মৈ তৃণং নিদধাবেতদাদৎস্বেতি তদুপগ্ৰেয়ার সৰ্ব্বজ্ঞেয়েন তন্ন
শশাকাদাতুং স তত এব নিববৃতে নৈতদশকং বিজ্ঞাতুং যদেতদ্যক্ষমিতি ।

তখন তিনি বায়ুসম্মুখে একটি তৃণ রাখিয়া বলিলেন ‘তুমি ত ব্রহ্মাণ্ডের
সাবিত্রী বস্তু আহরণ করিতে পার, এই তৃণটি আহরণ কর দেখি ।’ বায়ু
তাঁহার সমুদয় শক্তি দ্বারা তৃণটি আহরণ করিতে চেষ্টা করিলেন, কিন্তু
কিছুতেই পারিলেন না । অবশেষে নিরস্ত হইয়া দেবতাদিগের নিকটে
আসিয়া বলিলেন ‘এই বরণীয় ব্যক্তি কে তাহা আমি জানিতে পারি -
লাম না’ ।

অথৈন্দ্রযজ্রবন্ যযবগ্নেতদ্বিজানীহি কিমেতদ্যক্ষমিতি তথেন্তি ।

অনন্তর দেবগণ ইন্দ্রকে বলিলেন—‘ইন্দ্র, এই বরণীয় ব্যক্তি কে
তাহা তুমি জানিয়া আইস ।’ ইন্দ্র বলিলেন ‘তাহাই হউক ।’

তদভ্যদ্রবৎ তস্ম্যান্তিরোদধে ।

ইন্দ্র তাঁহার নিকটে যেমন উপস্থিত হইলেন, অমনি তাঁহার
অস্তর্কান ; ইন্দ্র একেবারে অপ্রস্তুত ।

‘স তন্নিঃস্বৈবাকালে স্ত্রিয়মাজগাম বহুশোভমানামুমাং হৈমবতীং তাং
হোবাচ কিমেতদ্যক্ষমিতি ।

তখন তিনি সুশোভনা স্তবর্ণভূষিতা বিষ্ণুরূপিনী উমাদেবীকে সেই
আকাশে দেখিতে পাইলেন । উপায়াস্তর না পাইয়া তাঁহাকে জিজ্ঞাসা
করিলেন ‘এই যে পূজনীয় মহাপুরুষ যিনি এই মাত্র অস্তর্হিত হই-
লেন, ইনি কে ?’

স। ব্রহ্মেতি হোবাচ ব্রহ্মণো বা এতদ্বিজ্ঞান মহীমধ্বমিতি ততোহৈব
বিদাঞ্চকার ব্রহ্মেতি ।

তিনি বলিলেন ‘ইনি ব্রহ্ম, ইনি তোমাদিগকে জয় দিয়াছিলেন বলিয়া
তোমরা মহিমান্বিত হইয়াছ। তোমরা গর্ব করিয়াছ তোমাদিগের
নিজের শক্তিতে জয়লাভ করিয়াছ। প্রকৃতপক্ষে ইনি শক্তি না দিলে
তোমাদিগের কাহারও কিছুমাত্র শক্তি থাকে না তাহাই দেখাইবার
জন্য ইনি আবির্ভূত হইয়াছিলেন।’ ইত্য তখন জানিলেন—ইনি ব্রহ্ম ।

কাহারও গর্ব করিবার কিছু নাই। সেই ব্রহ্মশক্তি ভিন্ন এই হস্ত
গ্রহণ করিতে পারে না, এই চক্ষু দর্শন করিতে পারে না, এই কণ শ্রবণ
করিতে পারে না, জিহ্বা আশ্বাদন করিতে পারে না, মন মনন করিতে
পারে না, বুদ্ধি স্বকর্য্যসাধনে অক্ষম হয়। সেই শক্তি

শ্রোত্রশ্চ শ্রোত্রং মনসো মনো যদ্বাচো হ বাচঃ

স উ প্রাণশ্চ প্রাণঃ চক্ষুষশ্চক্ষু ॥

কেনোপনিষৎ। ১। ২।

শ্রোত্রের শ্রোত্র, মনের মন, বাক্যের বাক্য, প্রাণের প্রাণ, চক্ষুর চক্ষু ।
সেই ব্রহ্মশক্তির অভাবে প্রাণ, মন, বাহেত্রিয়াদি সমস্ত শক্তিহীন হইয়া
পড়ে ।

কোহ্যোবাশ্চাৎ কঃ প্রাণ্যাৎ যদেষ আকাশ আনন্দো ন স্চাৎ ।

তৈত্তিরীয়োপনিষৎ। ২। ৭। ২।

‘কে বা শরীর-চেষ্টা করিত, কে বা জীবিত থাকিত, যদি আনন্দ-স্বরূপ
আকাশরূপী ব্রহ্ম বিদ্যমান না থাকিতেন ?’

সমস্তই যদি সেই শক্তির উপর নির্ভর করিল তবে আর তোমার
অহঙ্কার করিবার রহিল কি ? মহাজনের মাল লইয়া তোমার গর্ব করিবার

আছে কি ? মহাজন যদি তাঁহার মাল কিরাইরা নেন, তবে তোমার থাকে কি ? তাহা হইলে ত তুমি যে ককির সেই ককির ।

আর কিরাইরা নেওরা থাকুক, তোমার নিকটে তিনি যাহা স্তম্ভ রাখিয়াছিলেন তাহার যদি নিকাশ তুলব করেন, একবার তাবিরা দেখ, তুমি কিরূপ নিকাশ উপস্থিত করিতে পার ? তহবিল তরুণ কর নাই কি ? নিকাশের নামে বল দেখি প্রাণে আতঙ্ক উপস্থিত হয় কি না, তোমার হৃদয়ের শৌণিত শুকাইরা যায় কি না ? আমি ত একটি প্রাণীও দেখিতে পাই না যিনি বলিতে পারেন ‘আমার নিকাশ উপস্থিত করিতে ভয়ের কারণ নাই ।’ কবীর ইহা দেখিয়াই বলিয়াছিলেন :—

চল্‌তি চকি দেখ্‌ কর্‌ দিয়া কবীরা রৌ ।

ছুপাটনকে বিচ আ সাবেত গিয়া ন কো ॥

‘এই যে ব্রহ্মাণ্ডের যাতা ঘুরিতেছে ইহা দেখিয়া কবীর কানিতে লাগিলেন, একটি জীবও এই পেষণযন্ত্রের দুই পাটের ভিতরে পড়িয়া অক্ষত গেল না ।’

তুমি যদি বল ‘আমি অমুক অপেক্ষা কম ক্ষত, আর আমার যাহা গর্কের বিষয় আছে, তাহা অমুকের নাই ।’ ইহার উত্তরে আমি বলিব ‘তুমি অপেক্ষাকৃত কম ক্ষত ইহা বলিবার তোমার অধিকার নাই । এই তুলনা করিবার তোমার ক্ষমতা নাই । প্রথমতঃ, তুমি যাহার সঙ্গে তোমার তুলনা করিতেছ, তাহার অন্তরে কি তুমি প্রবেশ করিয়াছ ? দ্বিতীয়তঃ থাক তাঁহার অন্তঃকরণ, তোমার নিজের অন্তঃকরণই কি তুমি তর তর করিয়া দেখিয়াছ ? আত্মদৃষ্টির অভাবে আমরা যে অনেক সময়ে আপনাদিগের পাপসম্বন্ধে অন্ধ হইয়া বসিয়া থাকি । যখনই অনুসন্ধান করি অমনি কত পাপ হৃদয়ের ভিতরে কিলুবিলা করিতেছে দেখিতে পাই । আমাদিগের

গুরুর বিষয়গুলি কি এবং তাহানিগের মূলে কি—ইহা স্থিরভাবে চিন্তা করিয়া দেখিলে অনেক সময়ে বুঝিতে পারি, বাহা নিরা অহঙ্কার করিতে-
হিলাম তাহা অহঙ্কারের বিষয় নহে, প্রভুত্ব লঙ্ঘার কারণ ।

একটা মুসলমান সাধকের অভ্যস্ত অহঙ্কার হইরাছিল । তিনি প্রত্যেক রজনীতে মনে করিতেন তাঁহাকে একটি উষ্ট্র আসিয়া স্বর্গধামে লইয়া যার । সমস্ত রাত্রি স্বর্গভোগ করিয়া প্রভাতে গাত্রোখান করিয়া দেখিতেন যে তাঁহার নিজের গৃহেই রহিয়াছেন । অনিদ্ নামে একটা সাধু তাঁহার নিকটে উপস্থিত হইয়া বিবরণ জিজ্ঞাসা করিলে, তিনি যে প্রত্যেক নিশিতে স্বর্গে উপস্থিত হইয়া কত সুখভোগ করিয়া আসেন বড়ই জাঁকের সহিত তাহা বলিতে লাগিলেন । অনিদ্ কোরাণের একটি বচনের উল্লেখ করিয়া তাঁহাকে বলিলেন ‘আজ তুমি স্বর্গে উপস্থিত হইলে তিনবার এই বচনটা উচ্চারণ করিবে ।’ তিনি তাহা করিতে স্বীকৃত হইলেন । সেই দিন রজনীতে যেমন স্বর্গে উপস্থিত হইয়াছেন, অমনি সেই বচনটি তিনবার উচ্চারণ করিলেন । তাহা শুনিবামাত্র অঙ্গরা, গায়ক, বাদক, সেবক প্রভৃতি বাহারা তাঁহার সুখভোগের উপকরণ লইয়া আসিয়াছিল, সকলে চীৎকার করিয়া পলায়ন করিল । ভোগ্যপদার্থগুলি ছিন্ন ভিন্ন হইয়া গেল । সেই অহঙ্কারী সাধক একাকী পড়িয়া রহিলেন । চারিদিকে দৃষ্টিপাত করিয়া দেখেন তিনি এক মহাকন্যা স্থানে আসিয়াছেন, রাশি রাশি মৃত্যুহি তাঁহার সম্মুখে স্তূপ হইয়া রহিয়াছে ।

আমরা অনেকে করনার এইরূপ স্বর্গভোগ করি কি না একবার চিন্তা করিয়া দেখুন । বাহিরে চাকচিকা, ধূমধাম, বণ, মান, সুখ্যাতি, ভিতরের পদার্থ বাহির হইয়া পড়িলেই দেখিতে পাই মৃত্যুহি । মোহান্ত মহাশয়, প্রচারক মহাশয়, তুমি শু ধর্মের ডোল হইয়া বসিয়া আছ, কত নিষ্ঠ কত সেবক স্তুতি গান করিতেছে ; একটু নিজের ভিতরে প্রবেশ কর,

দেখিতে পাইবে—তোমার সমস্ত ভেঁকি, তোমার ধ্যান, সমাধি ও প্রচারের মধ্যে ক'কিবাজী, চাতুরী, মূতাহি। তুমি একটি প্রকাণ্ড পট্টবস্ত্রাবৃত মীচুঘট। হাইকোর্টের জজ শ্বাণীছর, তুমিত পদগোরবে অধীর হইয়া পড়িয়াছ, দৈবাৎ কতকগুলি কারণের সম্বারে এ পদে অধিকার করিয়াছ। তোমার পদতলে তোমা অপেক্ষা কত গুণে শ্রেষ্ঠ কত লোক আছে একবার তাকাইয়া দেখ না, তুমি কত লোকের বিচার কর, একবার তোমার নিজের জ্ঞান, বুদ্ধি ও সাধুতা কতটুকু, আপনার নির্জন প্রকোষ্ঠে বসিয়া ভগবানের নাম নিতে নিতে বিচার করিয়া দেখ দেখি, তুমি তোমার বাহা মনে করিয়াছিলে তাহা প্রকৃতই তোমার কিনা—ততখানি তুমি তোমাকে ডিক্রী দিতে পার কিনা। হয় ত, তুমিই বলিয়া উঠিবে 'হায় কিসের গর্ব করিতেছিলাম, আজ যে দেখিতে পাইলাম আমি যেতমস্কর-মণ্ডিত ভস্মরাশিমাত্র—মূতাহি,—মূতাহি।'

আমরা প্রত্যেকেই কতকগুলি মূতাহি বুকের ভিতরে রাখিয়া সেই গুলি স্বর্গভোগের উপাদান মনে করিতেছি। আগাদিগের অহঙ্কারের বিষয় মূতাহি।

আত্মপরীক্ষা দ্বারা স্বীয় দোষগুলি সর্বদা মনের সম্মুখে উপস্থিত করিলে অহঙ্কার চূর্ণ হয়। আমরা আপনাদিগের দোষ না দেখিয়া সর্বদা গুণের দিকে দৃষ্টি করি বলিয়াই অহঙ্কারী হই। আত্মদৃষ্টি দ্বারা একটি একটি করিয়া দোষগুলি ধরিতে হইবে। যে দোষগুলি গুণ বলিয়া মনে করিতেছিলাম স্মৃতিসন্ধানে সেই গুলি টানিয়া বাহির করিতে হইবে এবং স্থল স্থল দোষগুলিরও তালিকা করিতে হইবে। নিজের দোষগুলি সর্বদা মনে থাকিলে অহঙ্কার উপস্থিত হইবার অবকাশ পায় না। বাহ্যিক নিজের দোষগুলি সর্বদা মনে জাগরুক থাকে, সে দীনাশ্রা না হইয়া পারে না। সে ব্যক্তি মহাত্মা কবির দ্বারাজিদের জ্ঞান বলিবে 'একটি ধূলি-

কণাকে জিজ্ঞাসা কর, সে বলিবে যে বারেন্দিদ তাহা অপেক্ষা শ্রেষ্ঠ নহে ।”
 এক দিবস কোন সাধু একটি রাত্ৰা দিয়া বাইতেছিলেন । একজন
 গৃহস্থ ছাদের উপর হইতে কতকগুলি অগ্নির তাহার মস্তকে নিক্ষেপ
 করে । সহচরগণ ক্রুদ্ধ হইয়া সেই গৃহস্থকে আক্রমণ করিতে অগ্রসর
 হন । সাধু তাঁহাদিগকে নিবারণ করিয়া প্রসন্নবদনে বলিলেন ‘তোমরা
 এ কি কর ? বাহার মস্তকে জলন্ত অগ্নি বর্ষণ হওয়া উচিত, তাহার
 মস্তকে কতকগুলি নীতল অগ্নির পতিত হইল, ইহা ত তাহার সৌভাগ্যের
 বিষয় !’ যে ব্যক্তি আপনার দোষগুলি সর্বদা দেখেন তিনি সাধুর দ্বারা
 দীনাশ্রয় না হইয়া পারেন না । তাঁহার হৃদয়ে অহঙ্কারের লেশমাত্র স্থান
 পাইতে পারে না । প্রত্যেকে নিজের কতশত দোষ আছে, একবার
 তালিকা করিয়া দেখুন অহঙ্কার নিকটে আসিতে পারে কি না । যে
 ভাবে আত্মপরীক্ষার পথ প্রদর্শিত হইল, এইভাবে আত্মপরীক্ষা অহঙ্কার
 বিনাশের প্রধান উপায় ।

(২) অহঙ্কারের কুফল চিন্তা করিলে মন তাহা হইতে ভীত হয় ।
 মহাভারতের উদ্যোগপর্বে কৌমারব্রহ্মচারী সনৎকুমার ধৃতরাষ্ট্রকে
 অহঙ্কারের অষ্টাদশ দোষ দেখাইতেছেন :--

মদোহস্তাদশদোষঃ স স্তাৎ পুরা যঃ প্রকীর্তিতঃ ।

লোকদেষাং প্রতিকূল্যামভ্যাসূয়া যুবানচঃ ॥

কামক্রোধো পারতন্ত্র্যং পরিবাদোহথ পৈশুনঃ ।

অর্থহানিবিবাদশ্চ মাৎসর্য্যং প্রাণীপীড়নং ॥

ঈর্ষ্যামোহোহতিবাদশ্চ সংজ্ঞানাশোহভ্যাসুরিতা ।

তস্মাৎ প্রাজ্ঞো ন যাত্তেত সদা হেতুবিগর্হিতম্ ॥

মহাভারত । উদ্যোগপর্ব । ৫৫ । ৯-১১ ।

‘যে ব্যক্তি মন বাঁরা আক্রান্ত হয় সে লোকের বিষয়-ভাজন হয়—
অহঙ্কারী ব্যক্তিকে কেহ দেখিতে পারে না, সে অনেক সময়ে তাহার
অভিमानে আঘাত পড়িবে কি পড়িরাছে কল্পনা করিয়া মানা বিষয়ে
লোকের প্রতিকূল আচরণ করে, কাহারও গুণের প্রশংসা শুনিতে পারে
না, সুতরাং গুণিগণের প্রতি দোষারোপ করিতে বাস্তব হয়, আপনাকে
উচ্চস্থান দিবার অস্ত অস্ত কেহ তাহার সমান আদরণীয় না হইতে পারে,
তজ্জন্ত মিথ্যা কথা বলিতে সঙ্কুচিত হয় না। যে বিষয় লইয়া অহঙ্কার
তাহাতে তাহার নিতান্ত আসক্তি জন্মে, কেহ বিরুদ্ধে কোন কথা বলিলে
ক্রোধে অগ্নিৎ হইয়া উঠে। যে ব্যক্তি অভিमानে ইকন দেয় তাহারই
দাস হইয়া থাকে, পরের দোষকীর্তনে অহঙ্কারীর জিহ্বা নৃত্য করিয়া
থাকে, নানাপ্রকার খলতা আশ্রয় করা তাহার প্রয়োজন হয়, সে অহ-
ঙ্কারের বিষয়গুলি অক্ষুণ্ণ রাখিবার জন্য অনর্থক ব্যয় করে, অপর লোকের
সঙ্গে তাহার বিবাদ অনিবার্য হইয়া পড়ে, পরশ্রীকাতরতা অহঙ্কারীর
সদয়রাজ্য অধিকার করিয়া থাকে; প্রণিপীড়ন তাহার স্পর্ধার বিষয়
হইয়া দাঁড়ায়, জীবন তাহার প্রাণ জর্জরিত হয়, চিত্ত বিভ্রান্ত হইয়া যায়,
লোকের মর্যাদা অতিক্রম করিয়া বাক্য প্রয়োগ করা অহঙ্কারীর একটি
প্রধান লক্ষণ। অহঙ্কারে ক্ষীণ ব্যক্তির কাণ্ডাকাণ্ড জ্ঞান থাকে না এবং
অভ্যাহুতি অর্থাৎ পরদ্রোহনীলতা তাহার মজাগত হইয়া থাকে।

কোন অহঙ্কারী ব্যক্তির জীবন পর্যালোচনা করিলে এই অষ্টাদশ দোষ
প্রত্যক্ষ দেখিতে পাওয়া যায়। এতগুলি দোষ যাহার স্বক্কে আরোহণ
করে তাহার কি সম্বাদ থাকে? অহঙ্কারীর জ্ঞান কুপাপাত্ত আর কেহই
নাই। সে মনে করিতেছে আমি উর্কে উঠিতেছি। কিন্তু বাস্তবিক
ক্রমাগত নিরে পড়িতেছে, তাহার জ্ঞান দুঃখী একগতে কে? তাহার
অবস্থা নিতান্তই শোচনীয়।

অহঙ্কারের অবশ্রুত্বাধী ফল পতন । কিছুতেই অহঙ্কারী উর্ধ্বে উঠিতে পারিবে না । বীণাজীষ্ট বলিয়াছেন, ‘দীনাশ্রায়া ধনু, কারণ স্বর্গরাজ্য তাহাদিগের।’ দীনাশ্রা না হইলে স্বর্গে প্রবেশ করিবার কাহারও অধিকার নাই । একটি সঙ্গীত শুনিয়াছি, ভগবান্ বলিতেছেন :—

‘অহঙ্কারী পানী যারা, আমার দেখা পায় না তারা।

দীনজনের বন্ধু আমি সকলে জানে ।

প্রকৃতই তিনি দীনজনের বন্ধু, অহঙ্কারী ব্যক্তি কখনও তাঁহার দেখা পায় না । যতদিন হৃদয়ে কোন প্রকারের অহঙ্কার স্থান পাইবে, ততদিন ঈশ্বরকে তথায় পাইবে না । একটি মুসলমান সাধক বলিয়াছেন, “যখন প্রভু প্রকাশিত হন আমি থাকি না, এবং আমি উপস্থিত হইলে প্রভু থাকেন না । আমার অপ্রকাশে তাঁহার প্রকাশ, আমার প্রকাশে তাঁহার অপ্রকাশ । এই প্রকার ত্রিশ বৎসর চলিতেছে । আমি যত আর্তনাদ করি, তিনি ততই বলেন ‘হয় আমি থাকিব নয়, তুমি থাকিবে । ‘আমি’ ও ‘তিনি’ এই দুয়ের একস্থলে থাকিবার স্থান নাই । ‘আমি’ বিদায় না হইলে ‘তিনি’ আসিবেন না । যে পর্য্যন্ত ‘আমি’ না যাইবে সে পর্য্যন্ত যতই ধর্মসাধন করুন না কেন স্বর্গের দ্বার অর্গলরুদ্ধ থাকিবে ।” মহাভারতের মহাপ্রাণানিক পর্বে পঞ্চ পাণ্ডবের স্বর্গারোহণের আখ্যান ইহার প্রমাণ । যুধিষ্ঠির, ভীম, অর্জুন, নকুল ও সহদেব স্বর্গের পথে চলিয়াছেন । প্রথম সহদেব ভূতলে পতিত হইলেন । ভীম যুধিষ্ঠিরকে সহদেবের পতনের কারণ জিজ্ঞাসা করিলেন । ধর্মরাজ উত্তর করিলেন :—

আত্মনঃ সদৃশং প্রাজ্ঞং নৈবোহমশ্রুত কখন ।

ভেন দোষেণ পতিতস্তশ্চাদেব নৃপাশ্রজঃ ।

‘এই নৃপনন্দন কোন ব্যক্তিকেই আপনার সদৃশ প্রাজ্ঞ মনে করিতেন না, সেই দোষে পতিত হইলেন ।’

এই বলিয়া ধর্মরাজ ও তাঁহার অবশিষ্ট তিন ভ্রাতা অগ্রসর হইতে লাগিলেন, কিঞ্চিৎকাল পরে নকুল পতিত হইলেন ।

তীর্থ ভিক্ষা করিলেন নকুলের পতনের কারণ কি ? সুধিতির উত্তর করিলেন :—

রূপেণ যৎসমো নাস্তি কশ্চিদিত্যস্তা দর্শনম্

অধিকচ্ছাহমেবৈক ইত্যস্তা মনসি স্থিতং ।

নকুলঃ পতিতস্তস্মাদাগচ্ছ স্বং বৃকোদর ॥

‘ইনি মনে করিতেন ‘রূপে আমার তুল্য কেহ নাই, আমিই সর্বাপেক্ষা অধিক রূপবান্,—সুতরাং পতিত হইয়াছেন ; হে বৃকোদর, তুমি আগমন করিতে থাক ।’

নকুলের পর অর্জুন পড়িলেন । অর্জুন কেন পড়িলেন ভিক্ষা হইলে ধর্মরাজ বলিলেন :—

‘একাহা নির্দেহয়ং বৈ শক্রনিত্যর্জুনোহব্রবীৎ ।

ন চ তৎকৃতনানেষ শূরমানী ততোহপতৎ ॥

অন্যেমেধে ধনুর্গ্রাহানেষ সর্সাস্ত্র ফাঙ্কনঃ ।

তথা চৈতন্ন তু তথা কর্তব্যং ভূতিমিচ্ছতা ॥

এই শোধ্যাতিমানী অর্জুন বলিয়াছিলেন, ‘আমি এক দিবসের মধ্যে শত্রুগণকে দগ্ধ করিয়া ফেলিব,’ তাহা ইনি করিতে পারেন নাই এবং ধনুর্ধারীগণের অগ্রগণ্য ছিলেন বলিয়া অপর ধনুর্ধারীদিগকে অবজ্ঞা করিতেন, তাই ইনি পতিত হইলেন । যিনি আপনার মঙ্গল কামনা করেন, তিনি কখনও এরূপ করিবেন না ।’

পঞ্চ পাণ্ডবের এখন অবশিষ্ট সুধিতির ও তীর্থ, তাঁহারা করেক পদ

অগ্রসর হইতে না হইতেই ভীম পতিত হইলেন । পতিত হইয়া ভীম কারণ জিজ্ঞাসা করিলেন । যুধিষ্ঠির বলিলেন :—

অতিভুক্তক ভবতা প্রাণেন তু বিকথ্যসে ।

অনবেক্ষ্য পরং পার্থ তেনাসি পতিতঃ ক্ৰিভৌ ॥

‘তুমি অতিরিক্ত ভোজন করিতে এবং অস্ত্রের বল গ্রাহ্য না করিয়া আপনার বলের প্রাচ্য করিতে, সেই অস্ত্রই ভূতলে পতিত হইয়াছে ।’

একমাত্র নিরহঙ্কার যুধিষ্ঠির স্বর্গে গমন করিতে সক্ষম হইলেন । ভীম, অর্জুন, নকুল ও সহদেবের গর্বেই পতনের কারণ । ইহাদিগের প্রত্যেকে নানাভাবে বিভূষিত হইয়াও হৃদয়ে অহঙ্কারকে স্থান দিয়াছিলেন বলিয়া স্বর্গ হইতে বঞ্চিত হইলেন । অহঙ্কারের ইহাই অবশ্যস্বাবী ফল । যত স্মৃতি সমস্ত অহঙ্কারে দগ্ধ করিয়া ফেলে ।

অহঙ্কারীর হৃদয়ে বাতনার অন্ত অবধি নাই । ইংরাজিতে একটা প্রবচন আছে ‘Pride is the bane of happiness.’ ‘অহঙ্কার সুখের গরল ।’ যে অহঙ্কারকে প্রশ্রয় দেয়, তাহার প্রাণে সুখ থাকিতে পারে না ।

প্রথমতঃ যে ব্যক্তি আপনাকে উচ্চ মনে করে, তাহার হৃদয়ে এই বিশ্বাস যে অপর সকলে অবশ্য তাহার চরণতলে মস্তক অবনত করিবে ; কিন্তু এই পৃথিবীতে দেখিতে পাই, যতই কেহ অহঙ্কারে পূর্ণ হয়, ততই সকলে তাহাকে অগ্রাহ্য করিতে আরম্ভ করে, সুতরাং অহঙ্কারী আশার যারী সম্মান না পাইয়া অন্তরে জ্বলিতে থাকে ।

দ্বিতীয়তঃ, অহঙ্কারী অপর কোন ব্যক্তিকে আদর ও সম্মান পাইতে দেখিলে, তাহার প্রাণ্য আদর ও সম্মানের লাঘব হইতেছে মনে করিয়া ঈর্ষার অগ্নির হইয়া পড়ে, এবং কিরূপে সে ব্যক্তির প্রতিপত্তি নাশ করিবে বিযপূর্ণহৃদয়ে তাহারই মন্ত্রণা করিতে থাকে ।

তৃতীয়তঃ, কে তাহার স্বরূপ উপযুক্তরূপে বুঝিল না, কে তাহার মহিমাকাহিনীপ্রবণে 'বিমুখ' হইল, কে তাহার বিরুদ্ধে কি বলিল, কে তাহার সঙ্গে তুলনার আপত্তির লক্ষ্য স্বীকার করিল না, কে তাহার সম্মুখে যতদূর অবনত হওয়া উচিত ছিল ততদূর হইল না, ইত্যাদি চিন্তার অহঙ্কারীর নিদ্রা হয় না, প্রাণের শান্তি লোপ পায়।

এরূপ হ্রঃখের জীবন পৃথিবীতে আর কাহার ? অহঙ্কারের এইরূপ কুফল চিন্তা করিয়া সর্বদা আপনাকে তাহার হস্ত হইতে রক্ষা করিবে।

(৩) অহঙ্কারদমনের একটি বিশেষ উপায়—উর্দ্ধদৃষ্টি এবং অপরব্যক্তি-গণের গুণানুসন্ধান ও অত্রাস্তচিত্তে তাহাদিগের সহিত আত্মতুলনা।

যিনি যে বিষয় লইয়া অহঙ্কার করেন না, উর্দ্ধদিকে দৃষ্টি করিলে তাঁহা অপেক্ষা সেই বিষয়ে উচ্চ, অনেক লোক দেখিতে পাইবেন। ধন, মান, জ্ঞান, ধর্ম, শৌর্য, কোন বিষয়েই কেহ বলিতে পারেন না 'আমা অপেক্ষা এ পৃথিবীতে কেহ শ্রেষ্ঠ নাই' এবং কোন বিষয়ে কেহ পৃথিবীতে সর্বাপেক্ষা শ্রেষ্ঠ হইলেও অপর শত শত বিষয়ে তিনি অনেক লোক অপেক্ষা নিকৃষ্ট—হঁহা কে স্বীকার করিতে পারেন ? গ্রীষ্ম গভীর মধ্যে বসিয়া অনেক মনে করেন, আমা অপেক্ষা উচ্চ কেহ নাই, কিন্তু গভীর বাহির হইলে দেখিতে পান তাঁহা অপেক্ষা উচ্চ ব্যক্তির অস্ত নাই। গ্রামে জিনি আপনাকে অতি উচ্চ মনে করেন, কোন নগরে আসিলে তাঁহার উচ্চত্ব ঘুটিয়া যায়, কোন রাজধানীতে উপস্থিত হইলে দেখিতে পান—তিনি সেখানে অতি সামান্য নগণ্য ব্যক্তি ; গ্রামে বসিয়া যে বিষয়ের অহঙ্কার করিতেছিলেন, তাহার ক্ষুদ্রত্ব মনে হইলে মন লজ্জার আঁতুত হয়।

আমরা প্রতিবেশিগণের গুণানুসন্ধান করি না বলিয়া অনেক সময়ে আত্মাদিগকে বড় মনে করি। যাহাকে নিতান্ত নিকৃষ্ট মনে করিতেছি, তাহার ভিতর কি কি গুণ আছে, একবার অনুসন্ধান করিতে আরম্ভ

করিলে 'আমাদিগের মধ্যে নাই অথচ তাহার মধ্যে আছে' এইরূপ এত
 গুণ দেখিতে পাই যে, তাহা দেখিয়া পূর্বে তাহাকে ক্ষুদ্র মনে করিবার
 জন্ত অকৃতপ্ত হইতে হয় । অনেক সময়ে তাহাকে পূর্বে স্পর্শ করা গাপ
 মনে করিতাম, তাহার গুণের দিকে দৃষ্টি করিয়া এমনি মোহিত হইয়া
 গিয়াছি যে, তাহার পাদস্পর্শ করিতে পারিলে জীবন ধন্য মনে করিয়াছি ।
 দোষ না আছে কাহার ? পৃথিবীতে সকলেরই দোষ আছে এবং সকলেরই
 গুণ আছে ; আমাতে যে দোষ নাই তাহা তোমাতে আছে, আবার
 তোমাতে যে গুণ আছে তাহা আমাতে নাই । এ জগতে প্রত্যেক
 মানুষের চরিত্র পর্যালোচনা করিয়া দেখিলে কাহাকেও আমা অপেক্ষা
 অধম বলিব স্থির করিতে পারি না ; সকলেই কোন না কোন বিষয়ে
 আমা অপেক্ষা শ্রেষ্ঠ দেখিতে পাই । কোন ব্যক্তিকে ক্ষুদ্র বলিয়া
 অধিকার ভগবান্ কাহাকেও দেন নাই ।

আমরা অনেক সময়ে অপরের কার্যের মন্দ বুঝিতে না পারিয়া
 দোষারোপ করিয়া থাকি ও তাহা অপেক্ষা আপনাদিগকে শ্রেষ্ঠ মনে করি ।
 কে কি ভাবে কোন্ কার্য করিল তাহা প্রকৃতপক্ষে বুঝি না, কিন্তু উচ্চ-
 কণ্ঠে দোষ ব্যাখ্যা করিতে ক্রটি করি না । তথ্যানুসন্ধান না করিয়া
 দোষ কীর্তন করিয়া বেড়ান আমাদিগের একটি প্রধান রোগ । আমরা
 প্রত্যেকেই বোধ হয় শত শত বার অপরের দোষ দেখাইয়া নিজের
 বাহ্যছবি ঘোষণা করিয়াছি, অবশেষে যখন প্রকৃত ঘটনা প্রকাশ হইয়া
 পড়িয়াছে, তখন মিথ্যা দোষারোপ করিয়াছিলাম চিন্তা করিয়া লজ্জার
 স্রিয়মাণ হইয়াছি । কোন ব্যক্তি অপর এক ব্যক্তিকে হত্যা করিয়াছে
 শুনিয়া কি 'দেখিয়াই তৎক্ষণাৎ তাহাকে হত্যাকারী পাষাণ বলা কর্তব্য
 নহে । বাহাকে তুমি পাষাণ বলিতে উদ্বৃত্ত হইয়াছ, হয়ত তিনি স্বর্ণের
 স্বেদতা । কোন নরনাথ নিঃসহায় একটি সাধবী মহিলার ধর্ম নষ্ট করিতে

উদ্যত হইরাছিল, সাধীকে আর কোম উপারে রক্ষা করিতে না পারিয়া অবশেষে তিনি সেই মরণশয্যাচকে বসননে প্রেরণ করিতে বাধ্য হইরাছিলেন। এই হত্যাকারী, পাপও কি দেবতা! তুমি অমাক হইরা পাপও বলিতে উদ্যত হইরাছিলে। এইরূপ অমসদকে তাপসমালার একটি মনোহর গল্প আছে।

একদা তাপস হোসেন বসোরা নদীর তীর দিয়া বাইতেছিলেন, এমন সময়ে দেখিলেন একজন কাকি কোন ত্রীলোকের সহিত বসিয়া বৃহৎ বোতল হইতে কি পান করিতেছে। ইহা দেখিয়া হোসেন মনে মনে ভাবিতে লাগিলেন, 'এই ব্যক্তি অপেক্ষা অবশ্য আমি শ্রেষ্ঠ, আমি ত ইহার স্তার কোন ত্রীলোকের সঙ্গে বসিয়া সুরাপান কর না।' হোসেন এইরূপ ভাবিতেছেন এমন সময়ে একখানি নৌকা তথায় উপস্থিত হইল, অকস্মাৎ নদীর তরঙ্গাভিঘাতে নৌকাখানি ডুবিয়া গেল। কাকি ইহা দেখিবামাত্র জলে ঝাঁপ দিয়া পড়িল এবং নৌকাঝোহীদিগের মধ্যে ছয় জনকে উদ্ধার করিল। হোসেন দেখিয়া অবাক্। কাকির হৃদয়ের এই স্বর্গীয় ভাব দেখিয়া তিনি তাহাকে অগণ্য ধন্যবাদ করিতে লাগিলেন। অবশেষে তাহার সহিত কথোপকথন করিতে করিতে জানিতে পারিলেন যে, যে ত্রীলোকটি তাহার সঙ্গে বসিয়াছিল, সে তাহার মাতা; ও বোতলের মধ্যে বাহা ছিল তাহা সুরা নয়, নির্মল জল। কাকি বলিল, 'আমি দেখিতেছিলাম, তুমি অন্ধ না চক্ষুমান্; দেখিলাম, তুমি অন্ধ'। হোসেন লজ্জিত হইয়া তাহার চরণ ধরিয়া বলিলেন, 'আমার ক্ষমা কর, সত্য সত্যই আমি অন্ধ। ভাই, তুমি ত ঐ নদীর তরঙ্গ হইতে ছয় জনকে উদ্ধার করিলে, এখন দয়া করিয়া আমাকে অহঙ্কারীদের আশ্রিত হইতে উদ্ধার কর'। এই ঘটনার পরে হোসেন আর কখনও আপনাকে অপরাধী ব্যক্তি অপেক্ষা শ্রেষ্ঠ মনে করিতেন না। একদিন একটা কুকুরকে

দেখাইয়া তাঁহাকে কেহ জিজ্ঞাসা করিয়াছিল ‘তুমি শ্রেষ্ঠ, না এই কুকুর শ্রেষ্ঠ ?’ তিনি উত্তর করিয়াছিলেন, ‘যদি আমার ধর্মজীবন রক্ষা পায় তবে আমি কুকুর অপেক্ষা শ্রেষ্ঠ, অল্পথা, আমার ছাত্র এক শত হোসেন অপেক্ষা কুকুর শ্রেষ্ঠ ।’ আমাদের মধ্যে এমন কে আছেন যিনি বলিতে পারেন, আমার ধর্ম অক্ষত রহিয়াছে ?

(৪) জগতের সহিত সম্বন্ধ ও নিজের দায়িত্ব চিন্তা করিয়া আপনার দুর্বলতা অনুভব করিলে অহঙ্কার সঙ্কুচিত হয় । আপনার শরীর ও মন, পরিবার, সমাজ, বদেশ ও জগৎ সম্বন্ধে আমাদের কি কর্তব্য ও তাহা সম্পাদন করিতে কি কি বিষয় আয়ত্ত করা প্রয়োজন, মনে করিলে হৃদয় অবসর হইয়া পড়ে, লক্ষ লক্ষ খামিয়া যায় । যখন মানবজন্ম গ্রহণ করিয়াছি, ভগবান্ মানবত্ব-সাধনের কতকগুলি শক্তি দিয়াছেন, তখন মানব-নামের উপযুক্ত কার্য্য করিবার জন্ত দায়ী ; তাহা কতদূর করিয়াছি ও কতদূর করিতে পারি, স্থিরচিত্তে ভাবিলে আপনার ক্ষুদ্রত্ব এমনি চক্ষের সমক্ষে উপস্থিত হয় যে, আর অহঙ্কার নিকটেও আসিতে পারে না । কত মহাশক্তিশালী ব্যক্তি—সাগরের জ্ঞান যাঁহাদিগের জ্ঞান, প্রেম কি প্রতাপ—যীর দায়িত্ব চিন্তা করিয়া আপনার শক্তিবিকাশ ও কার্য্যকলাপের দিকে দৃষ্টিপাত করিয়া ‘হায়, আমি কিছুই নই, আমার কিছুই হইল না, কিছুই করিলাম না’ এইরূপ কত খেদোক্তি করিয়া গিয়াছেন, আর তুমি কুপমত্ব হইয়া কোন্ মুখে আপনার ক্ষুদ্র জ্ঞান, ক্ষুদ্র প্রেম ও ক্ষুদ্র প্রতাপের বড়াই করিতে পার ?

যানিলাম, তুমি তোমার দায়িত্বস্বারী কার্য্য করিয়া উঠিতে পার, তাহাতেই বা অহঙ্কারের বিষয় কি ? কর্তব্য কার্য্য করাতে আর পৌরুষ কি ? না করিলে বেদাধাত । পিতার পুত্রের ভরণপোষণ করা কর্তব্য, এইরূপ কর্তব্য করিয়া কি কোন পিতা কখন অহঙ্কার করিয়াছেন ? জী

যে স্বামীর সেবা করেন তাহা কি কখনও তাঁহার অহঙ্কারের বিষয় হইয়া থাকে ? কোন্ পুত্র বৃদ্ধ পিতার অন্নসংস্থাপন করিয়া মনে করেন, বড়ই গৌরবের কার্য্য করিয়াছি ? বাহা কর্তব্য তাহা না করা অজ্ঞান, করিলে গৰ্ব্ব করিবার আছে কি ? জ্ঞান ও প্রেম ধর্ম্মে যতদূর উন্নত হওয়া কর্তব্য, কি জগতের উপকার যতদূর করা কর্তব্য, তাহা করিতে পারি না বলিয়া মনস্তাপ হইতে পারে, করিতে পারিলে তাহার স্পর্ধার বিষয় ত কিছুই দেখি না। আমাদিগকে ভগবান্ যে শক্তিগুলি দিয়াছেন, তাহার উপযুক্ত ব্যবহার না করিলে দণ্ডনীয় হইবার কথা, করিলে মাত্র কর্তব্যসাধন হইল, অহঙ্কারের কিছুই হইল না।

অতীত জীবনে নিজের খলন বা পতন চিন্তা করিলে সকলের দর্শচূর্ণ হয়। এমন কাহাকেও দেখিতে পাই না, যিনি নিজের অতীত জীবন পর্যালোচনা করিয়া সগর্বে ভবিষ্যতের দিকে অগ্রসর হইতে পারেন।

(৫) অহঙ্কারের বিষয়গুলি কদিন স্থায়ী, ইহা চিন্তা করিলে অহঙ্কারের ভ্রাস হয়। পৃথিবীতে যিনি বাহারই অহঙ্কার করুন, মৃত্যু একদিন সমস্ত অহঙ্কার দূর করিয়া দিবে। আর মৃত্যুর নামই বা লইবার প্রয়োজন কি ? মৃত্যুর পূর্বে ত দেখিতে পাই কত জ্ঞানী মূর্থ হইয়া গেল, কত ধনী পথের ডিখারী হইল, কত মানী অপমানিত হইল, কত প্রতাপী পরপদানত হইয়া রহিল। এতাপে অধিতীয় নেপোলিয়ান বোনাপার্ট সেন্টহেলেনায় বন্দী হইয়া রহিলেন, মানদণ্ড কার্ডিনাল্ উল্গী বৃদ্ধ বয়সে কত অপমান সহ করিলেন, জ্ঞানীর শিরোমণি অগস্ত কোমৎ বিকৃতমস্তিষ্ক হইয়া পড়িলেন। ধনী দরিদ্র হওয়ার দৃষ্টান্তের ত অন্ত নাই। রূপ ত ছদ্মিমেই বিকল্প হইয়া যায়। অহঙ্কারের এমন বিষয় দেখি না, বাহার হিরণ্যে বিশ্বাস করা যাইতে পারে, তবে আর কি লইয়া অহঙ্কার করিবে ?

(৬) যে স্থলে আপনার গুণকীর্তন হয় সে স্থল হইতে এতদূর করা

সর্বতোভাবে বিধেয়। শ্রীর গুণগান শ্রবণ অহঙ্কারের প্রধান পোষক। সাধুগণ যে স্থলে আপনাত্মার গুণের আলোচনা শ্রবণ করেন, সে স্থল হইতে দূরে গমন করেন।

নিজের দোষকীর্তন মহোপকারী। ‘আমার অমুক অমুক বিষয়ে অহঙ্কার আছে’ লোকের নিকটে যত প্রকাশ্যভাবে বলিবে ততই অহঙ্কার মস্তক লুকাইবার চেষ্টা করিবে। দীনতা অবলম্বন করিয়া লোকের নিকট অহঙ্কারের বিষয় খাপন করিয়া তাঁহাদের নিকট হইতে সমুচিত দণ্ড প্রার্থনা, অহঙ্কারদমনের মহৌষধ। এক দিবস একটি সাধক তাপস বায়েজিদের নিকটে উপস্থিত হইয়া বলিলেন, আমি ত্রিশ বৎসর প্রতিদিন রোজাপালন করিতেছি ও রাত্রি জাগরণ করিয়া তপশ্চা করিতেছি, তথাপি জীবনের আধ্যাত্মতত্ত্বের কোন আভাস পাইতেছি না, ইহার কারণ কি?’ বায়েজিদ উত্তর করিলেন। ‘ত্রিশ বৎসর কেন ত্রিশ শত বৎসরও এইরূপ সাধন করিলে কিছু ফল পাইবে না।’ তিনি বলিলেন ‘কেন’? বায়েজিদ বলিলেন, ‘যেহেতু তুমি আপন জীবন এক প্রকার আচ্ছাদনে আবরণ করিয়া রাখিয়াছ।’ সেই সাধক জিজ্ঞাসা করিলেন, ‘ইহার প্রতিবিধান কি?’ বায়েজিদ বলিলেন, ‘যাও’ মস্তক মুণ্ডন কর, সৌন্দর্য-উদ্দীপক যাহা কিছু আছে অঙ্গ হইতে উন্মোচন কর। এই পরিচ্ছদ পরিত্যাগ করিয়া কখন পর। নগরের যে স্থলে তোমাকে সকলে চিনে এইরূপ কোন পল্লীতে যাউয়া ব’স ও কতকগুলি জীড়ার দ্রব্য নিকটে রাখ। বালকদিগকে আহ্বান করিয়া বল ‘যে আমার গলার একটা ধাক্কা দিবে, তাহাকে একটি খেলনা দিব, যে দুইটি ধাক্কা দিবে তাহাকে দুইটি খেলনা দিব। এইভাবে বালকদিগের দ্বারা অর্কচক্র পাইতে পাইতে নগরের প্রত্যেক পল্লী ভ্রমণ করিবে। যে গ্রামে তোমার বিশেষ অঙ্গমান হইবে, সেই গ্রামে বসতি করিবে। ইহাই তোমার সম্বন্ধে মহৌষধ।’ বাস্তবিক

অহঙ্কারের ইহা অশেখা উৎকৃষ্টতর ঔষধ নাই । গর্বের পরিচ্ছন্ন দূর করিয়া দীনভাবে সর্বসমক্ষে আপনার দোষ কীৰ্ত্তন করিতে করিতে বাহাদিগের নিকটে অহঙ্কার করিরাছ, তাহাদিগের নিকট হইতেই তাহিলা আস্থান করিলে অহঙ্কার দূরে পলারন করে । হরত সরলভাবে কাহারও নিকটে নিজের দোষ বলিতে বলিতে মনে অহঙ্কার হইবে, 'আমি কি সরল ! বাহার নিকটে আমি আমার দোষগুলি বলিতেছি সে আমাকে কত সরল মনে করিতেছে ।' যদি এইরূপ ভাব হয়, অমনি এভাবটিও তাহার নিকটে প্রকাশ করিয়া ফেলিবে । ক্রমাগত এইরূপ করিলে অহঙ্কার প্রাণের ভিতরে থাকিবার আর সুবিধা পাইবে না, হৃদয় নির্মল হইবে, জীবন ধন্য হইবে ।

অহঙ্কার দমনের জন্য কতকগুলি বিশেষ উপায় বলিলাম, কিন্তু কেহই যেন সকল প্রকারের পাপ জন্ম সম্বন্ধে যে সাধারণ উপায়গুলি বলা হইয়াছে তাহা বিস্মৃত না হন । অহঙ্কারকে পরাস্ত করিবার জন্য সেই গুলিও স্মরণে মনে রাখিবেন ।

মাৎস্য ।

(১) অপরের প্রতি প্রেমের বিস্তার মাৎস্যের পরম ঔষধ । যে বাহাকে ভালবাসে সে কখনও তাহার ক্রী দেখিয়া কাতর হইতে পারে না ; ভালবাসার পাত্রের ক্রী দেখিলে আনন্দেরই বুদ্ধি হয়, কখন প্রাণে মাৎস্য হান পাইতে পারে না । অতএব বাহার ক্রী দেখিলে কাতর হই, তাহার সঙ্গুণ প্রভৃতি আলোচনা করিয়া যদি কোন প্রকারে হৃদয়ে তাহার প্রতি ভালবাসার ভাব আনিতে পারি, তবে কখনও তাহার প্রতি মাৎস্যের দ্বারা ক্রিষ্ট হইব না । এইরূপে যতই ভালবাসা অপর

লোকের উপরে ছড়াইয়া পড়িবে, ততই মাৎসর্যের দ্বাস হইবে। এইরূপ বাহাদিগের প্রতি কোনরূপ মাৎসর্যের তার দ্বারে উপস্থিত হই, তাহাদিগের সহিত সর্বতোভাবে সৌহার্দ্যস্থাপনের চেষ্টা করা কর্তব্য।

(২) সঙ্কীর্ণতা মাৎসর্যের প্রধান পোষক। যে মনে করে সুখ, সম্ভ্রম, সম্পদ বাহা কিছু ছিল, অমুক ব্যক্তি ভোগ করিয়া লইল, আমার জন্য ত কিছুই রহিল না; সে পরের সুখ, সম্ভ্রম, সম্পদ দেখিলে প্রাণে কষ্ট পাইতে পারে; কিন্তু বাহার মনে হয় এই প্রকাণ্ড পৃথিবী পড়িয়া রহিয়াছে, অন্তর্জগতে ও বহির্জগতে লোকের সুখী, সম্ভ্রান্ত অথবা সম্পদ-শালী হওয়ার পথের অন্ত নাই, প্রত্যেকেরই পৃথিবীতে কোন না কোন প্রকারের শ্রেষ্ঠ হইবার অধিকার আছে, তাহার দ্বারে মাৎসর্য রাজত্ব করিতে পারে না। যত উদারতা বৃদ্ধি তত মাৎসর্যের নাশ।

(৩) পরনিন্দা মাৎসর্যের প্রধান সহচর। প্রাণের ভিতরে যত মাৎসর্যের অধিকার বিস্তৃত হয়, তত পরনিন্দার জিহ্বা নৃত্য করিতে থাকে। পরনিন্দার অভ্যাস ও প্রবৃত্তি যত কমাইতে পারিবেন, মাৎসর্যও তত আঘাত পাইবে। পরনিন্দার অভ্যাস ও প্রবৃত্তি দমনের জন্য দুইটি উপায় উৎকৃষ্ট। (১) নিম্নক আপনার স্বীয় জীবনের দোষগুলি সর্বদা মনের সম্মুখে রাখিবেন। যে ব্যক্তি আপনার দোষগুলি সম্বন্ধে সর্বদা জাগ্রত, সে ব্যক্তি পরের নিন্দা করিতে কখনও আগ্রহ প্রকাশ করিতে পারে না। আপনার দিকে তাকাইয়া তাহার সুখ ওকাইয়া যায়, সে আর পরের দোষের আলোচনা করিবে কি? (২) পরের দোষাত্মকসকল না করিয়া পরের গুণাত্মকসকল করিতে করিতে তাহাদিগের গুণকীর্তন করিবার প্রবৃত্তি ও অভ্যাস যত বৃদ্ধি পাইবে, পরনিন্দার প্রবৃত্তি তত কমিয়া যাইবে। সর্বদা পরের গুণকীর্তন বাহারা করেন, সেইরূপ লোকের সংসর্গ এ সম্বন্ধে, বিশেষভাবে উপকারী। নিতান্ত নিম্নে

পাপীয় জীবনেরও গুণানুসন্ধান করিয়া তাহার গুণকীর্তন করিলে প্রাণ আনন্দে পূর্ণ হয়। যাহার মিন্দা করিতে তোমার মন উৎসুক হইবে তাহার চরিত্রে ক্রমাগত গুণানুসন্ধান করিতে থাকিবে, কতকগুলি গুণ পাইবেই পাইবে, বহুবাক্যবদিগের মধ্যে তাহার সবক্ষে যখনই আলাপ হইবে তখনই সেই গুণগুলির বিশেষ উল্লেখ করিবে ও তাহার মহত্ব ঘোষণা করিবে। এইরূপ করিতে থাকিলে ক্রমেই পরনিন্দার ইচ্ছা দূর হইবে ও পরগুণালোচনার অপূর্ণ আনন্দ অনুভব করিতে পারিবে।

(৪) যাহাতে প্রাণে ভাল হইবার জন্ত প্রগাঢ় আবেগ জন্মে, তৎসমুদয় চেষ্টা করা কর্তব্য। ভাল হইতে যাহার বলবতী ইচ্ছা আছে, জেরা তাহার ভিতরে কার্য্য করিবার অবকাশ পায় না। ভাল হইবার জন্ত যাহার হৃদয় ব্যাকুল হয়, তিনি সর্বদা পরের গুণকাহিনী শুনিয়া, পরের ভাল দেখিয়া, আপনাকে উন্নত করিবার চেষ্টা করেন, পরের দিকে কুদৃষ্টিতে তাকাইবার তাহার সময় থাকে না ও পরের মন্দ চিন্তা যে নিজের ভাল হইবার পথে কণ্টক, তাহা তিনি বিশেষভাবে হৃদয়ঙ্গম করিতে পারেন। যে অপর কোন ব্যক্তির প্রতি জেরাবৃত, তাহার মন সর্বদা সেই ব্যক্তির অনিষ্ট করিবার জন্ত ধাবিত হয়, তাহার আর ভাল হইবার অবসর থাকে কোথায়? যাহার হৃদয়ে ভাল হইবার ইচ্ছা প্রবল, তিনি পরের ভাল দেখিলে অমনি সেই ভালটুকু নিজের জীবনে আয়ত্ত করিতে সচেষ্ট হন, তাহার মনে অপরকে অবনত করিয়া আপনার সমান না করিয়া, নিজে উন্নত হইয়া অপরের সমান হইবার জন্ত যত্ন হয়। যে ব্যক্তি মাৎস্যের দাস, সে নিজের উন্নতি ভুলিয়া পরের অবনতি কামনা করে; যাহার প্রাণে মাৎস্য নাই, তিনি মনে করেন ‘অন্যকে’ নাযাইয়া আমার সমান না করিয়া আমি কেন উঠিয়া তাহার সমান না হই?’ তাহার জেরার নাম তনিত্তও লজ্জা হয়।

(৫) মাৎসর্যের কুকল চিন্তা মাৎসর্যাদমনের প্রধান উপায়। যে ব্যক্তি জৈষাধিতে আপনার প্রাণটি আহতি দেয়, তাহার অবস্থা শোচনীয়। বাহা দেখিলে মনুষ্যের প্রাণ আনন্দে উৎকুর হইয়া জৈষা তাহাই দেখিয়া বৎপরোনাস্তি যজ্ঞা পাইতে থাকে। সৌন্দর্য্য, সুখ, বাহস, সদ্গুণ দেখিলে কাহার না মনে আনন্দের সঞ্চার হয়? জৈষীর প্রাণে তাহাই নরকারি প্রজ্জলিত করিয়া দেয়। ভাল বাহার নিকটে মন্দ, সুখ বাহার নিকটে বিষ, স্বর্গ বাহার নিকটে নরক, পূর্ণচন্দ্রের আলোক বাহার নিকটে অমানিশার অন্ধকার, তাহার যে কি দুঃখের অবস্থা তাহাকে বর্ণনা করিবে? সহস্র ব্যক্তি একমনের গুণগান করিয়া আপনাদিগকে ধন্ত মনে করিলে, জৈষীর কর্ণে যেই সেই ধ্বনি প্রবেশ করিল, অমনি তাহার প্রাণ যাতনায় ছুটফুট করিতে লাগিল—বল ইহার জ্ঞান হতভাগ্য কে আছে?

বাহার দোষ চিন্তা ও দোষ দর্শনই ব্যবসায়, সে যে কিরূপ হতভাগ্য তাহা মনে করিলেও প্রাণ শিহরিয়া উঠে। যে ব্যক্তি চন্দ্রে কলঙ্ক ভিন্ন আর কিছু দেখে না, কুমুমে কীট ভিন্ন আর কিছু ভাবিতে পারে না, মৃণালে কণ্টক ভিন্ন আর কিছু বুঝে না, তাহার জ্ঞান দুঃখী এ জগতে আর কে? জৈষীর প্রাণ সর্বদা মেঘাচ্ছন্ন, কণ্টকাকীর্ণ, ক্রোধপূর্ণ। ভগবান্ সকলকে জৈষীর হস্ত হইতে রক্ষা করুন।

জৈষা হলাহলের জ্ঞান অহি পর্য্যন্ত অর্জ্জরিত করিয়া ফেলে, জৈষীর দিবানিশি প্রাণে অসুখ। সর্বদা তাহার প্রাণে কষ্ট। তাহার স্বাস্থ্য ভঙ্গ হয়, মন দুর্বল হইয়া পড়ে, কর্তব্য কার্য্য করিতে ইচ্ছা হয় না, ক্রোধের স্বাচ্ছন্দ্য চলিয়া যায়।

এ জগতে বিবাদ বিসম্বাদ প্রায় জৈষামূলক দেখিতে পাই। কত কত ব্যক্তি, কত কত জাতি, জৈষানলে দগ্ধ হইয়া গিয়াছে।

(৬) আর একটি কথা মনে রাখিলে ঈর্ষাকে হৃদয়ে স্থান দিতে অনেকেরই লজ্জা বোধ হইবে। লর্ড বেকন বলিয়াছেন, ‘যাহার নিজের গুণ নাই সে অপরের গুণ দেখিয়া ঈর্ষান্বিত হয়। যাহার অপরের গুণ আরও করিবার ভরসা নাই, সেই অপরকে টানিয়া নামাইয়া তাহার সমান করিতে চেষ্টা করে।’ বাস্তবিক নিতান্ত নিকট ব্যক্তি ভিন্ন কেহ ঈর্ষাকে স্থান দিতে পারে না। যাহার নিজের ভাল হইবার শক্তি নাই, অথচ পরের ভাল সহ্য হয় না, এরূপ ব্যক্তিই ঈর্ষাপরতন্ত্র হইয়া থাকে। যে ভাল হইতে পারে সে অপরের ভাল দেখিয়া অবশ্য ভাল হইয়া তাহার সমান হইবার চেষ্টা করে, সে অপরের কখনও কোন মন্দ কামনা করে না; আর যে আপনার মধ্যে ভাল হইয়া অপরের সমান হইবার শক্তি দেখিতে পায় না, তাহার মনে ইচ্ছা হয় যে, সেই ব্যক্তি ক্রমে নিম্নে আসিয়া তাহার সমান হউক। দুর্বল, ইতর হৃদয় ঈর্ষার ভিত্তি—ইহা যাহার উপলব্ধি হইবে, তিনি কখনও ঈর্ষার বশবর্তী হইবেন না।

উচ্ছ্বলতা ।

(১) মন নিয়ন্ত্রিত না হওয়ার উচ্ছ্বলতার উৎপত্তি। যাহাতে মন নিয়ন্ত্রিত হয় তাহারই চেষ্টা করিলে উচ্ছ্বলতার হ্রাস হয়। মন নিয়ন্ত্রিত করিবার প্রধান উপায়—কোন ব্রত কি কতকগুলি নিয়ম অবলম্বন করিয়া অটুটভাবে তাহা রক্ষা করার অনবরত চেষ্টা করা। দৈনিক কোন সময় কি কার্য কতকগুলি কিরূপে করিতে হইবে, স্থির করিয়া কিছুকাল সেই নিয়মগুলি অবিচলিতভাবে রক্ষা করিলে মন সংযত হইবে, উচ্ছ্বলতা দূর হইবে। যখন যাহা মনে হইল তখন তাহা করিলাম, কোন কার্য করিবার জন্ত একটি সময় নির্দিষ্ট করিয়াছিলাম, কিন্তু অপর কোন কার্য-সুরোধে তাহা অবহেলা করিলাম; কোন সময় কোন কার্য করা হইবে তাহার স্থিরতা নাই, এইরূপ ভাবে যাহারা জীবন যাপন করেন, তাহা-নিগের উচ্ছ্বলতা দূর হওয়া সুকঠিন। দৈনিক কার্যপ্রণালী নির্ধারণ

করিয়া অক্ষতভাবে তাহা পালন করা নিতান্ত প্রয়োজনীয়। কর্তব্য সাধনের নির্দিষ্ট সময়ে তাহা করিতে হইবে, এই ভাব সর্বদা মনে জাগরুক রাখিতে হইবে। অন্য অপরাহ্ন ৮ ঘটিকার সময়ে আমার কোন একটি নির্দিষ্ট কর্তব্য কার্য করিতে হইবে, ৭ টার সময়ে কাহারও সহিত আয়োদ প্রয়োদ কিংবা কোন প্রকার সঙ্গীত ও সংকীৰ্তনে এমনি উন্মত্ত হইয়া পড়িলাম যে, ৮টার সময়ে আর তাহা করা হইল না—ইহা অপেক্ষা উচ্ছ্বলতাবর্ধক কিছুই নাই। সংকীৰ্তনাদিতে উন্মত্ত হইয়া আপনার কর্তব্য ভুলিয়া যাওয়া বাঞ্ছনীয় নহে। কেহ হয়ত বলিবেন ‘ভগবানের নাম করা অপেক্ষা কি তোমার কর্তব্যসাধন গুরুতর হইয়া পড়িল ?’ আমি তাহার উত্তরে বলিব, “কর্তব্যসাধনও যে ভগবদ্‌মহিমা প্রচার তাহা ভুলিয়া গিয়াছেন ?” কর্তব্যসাধন অপেক্ষা সঙ্গীৰ্তন বিন্দুমাত্র শ্রেষ্ঠতর নহে, যাহাতে স্বেচ্ছাক্রমে কর্তব্যসাধন করা যাইতে পারে, সঙ্গীৰ্তনাদি মনকে প্রফুল্ল ও ভক্তিপূর্ণ করিয়া তাহারই সহায়তা করিয়া থাকে। তবে যাহারা শ্রীচৈতন্যের ন্যায় সঙ্গীৰ্তনাদিই জীবনের একমাত্র কর্তব্য স্থির করিয়াছেন, তাঁহাদিগের কথা স্বতন্ত্র। আমাদের এই দেশের কোন একজন বিখ্যাত ভগবদ্ভক্তের সহিত এক দিবস সন্ধ্যার প্রাক্কালে কেহ সাক্ষাৎ করিতে গিয়াছিলেন, পরস্পর ভগবৎকথা আরম্ভ করিলে উভয়েরই প্রাণ উন্মত্ত হইয়া উঠিল। উভয়েই সেই প্রসঙ্গে মুগ্ধ হইয়া পড়িলেন ; উভয়েরই ইচ্ছা যে অন্ততঃ রাত্রি এক প্রহর পর্যন্ত সেই প্রাণোন্মাদিনী কথা চলিতে থাকে, কিন্তু ইতিমধ্যে সন্ধ্যা উপস্থিত। সন্ধ্যার সময়ে যিনি সাক্ষাৎ করিতে গিয়াছিলেন কাহারও প্রতি কর্তব্যানুরোধে তাঁহার বিদায়গ্রহণ করা প্রয়োজন হইয়া পড়িল। নিতান্ত ইচ্ছার বিরুদ্ধে ভক্তের নিকট বিদায় প্রার্থনা করিলেন, ভক্তের তাঁহাকে ছাড়িবার ইচ্ছা নাই। কিন্তু কর্তব্য মনে করিয়া তিনি তাঁহাকে বিদায় দিলেন এবং বলিলেন, ‘তুমি যে কর্তব্যানুরোধে এই নেশা ত্যাগ করিয়া যাইতে প্রস্তুত হইলে, ইহাতে আমি যৎপরোনাস্তি প্রীত হইলাম।’

কার্যপ্রণালী নির্ধারণ করিয়া তাহা সবদে যাহারা পালন করিয়াছেন,

তদ্বোধো বৈরাগিনী ক্রান্তিন অতি উজ্জ্বল দৃষ্টান্ত । তিনি নিজের জীবন-চরিতে তাঁহার যে সমস্ত দৈনিক কার্যপ্রণালী দেখাইয়াছেন, তাহা হইতে অনেক শিক্ষা পাওয়া যায়।

ক্ৰান্তিনের দৈনিক কার্যপ্রণালী

সময়	
প্রাতঃকাল ।	৫
প্রশ্ন । আমি আজ কি সংকার্য করিব ?	<p>গাত্ৰোত্তোলন ।</p> <p>৬ প্রাতঃকৃত্যসমাপন । ঈশ্বরের নিকটে প্রার্থনা ।</p> <p>৭ কর্তব্য হির করা । পাঠ । প্রাতের আহার ।</p>
	<p>৮</p> <p>৯</p> <p>১০</p> <p>১১</p>
	কার্য ।
মধ্যাহ্ন ।	<p>১২ পাঠ ; জমাখরচের হিসাব দেখা ; বি-</p> <p>১ প্রহরের আহার ।</p>
অপরাহ্ন	<p>২</p> <p>৩</p> <p>৪</p> <p>৫</p>
	কার্য ।
সন্ধ্যাকাল ।	৬
প্রশ্ন । আমি আজ কি সংকার্য করিয়াছি ?	<p>৭ জব্যাদি বথা স্থানে রাখা, সন্ধ্যার আহার,</p> <p>৮ গান, বাস্ত, আমোদ, প্রমোদ, আলাপ</p> <p>৯ দিনের কর্তব্যসম্বন্ধে আত্মপরীক্ষা ।</p>
	<p>১০</p> <p>১১</p> <p>১২</p> <p>১</p> <p>২</p> <p>৩</p> <p>৪</p>
রাত্রি ।	নিদ্রা ।

এই কার্য প্রণালী অবলম্বন করিয়া আমাদেরও স্ব স্ব অবস্থা ও সাংসারিক কার্য অনুযায়ী একটি কার্যপ্রণালী প্রস্তুত করিয়া তাহার অনুসরণ করা কর্তব্য । দৃঢ়ভাবে ইহা করিলে উচ্ছৃঙ্খলতা দূর হইবে ।

(২) যে গুণগুলি দ্বারা হৃদয় প্রস্তুত না করিলে ভগবদ্ভক্তির উদয় হয় না, সেইগুলি আরম্ভ করিবার পথে উচ্ছৃঙ্খলতা ঘোর অন্তরায় । উচ্ছৃঙ্খলতার দাস বলিয়া আমরা কোন্ গুণটী কতদূর জীবনে পরিণত করিয়াছি, তাহা দৈনিক আত্মপরীক্ষা দ্বারা জানিষ্ট চেষ্টা করি না । ফ্রাঙ্কলিন কতকগুলি গুণের তালিকা প্রস্তুত করিয়া কোন্ দিবসে কোন্টী কিরূপ অক্ষুণ্ণ রহিল, কোন্ দিবসে কোন্টী হইতে বিচ্যুত হইলেন, তাহা দেখিবার জন্ত একটি সুন্দর নিয়ম করিয়াছিলেন । তাঁহার সেই উপায়টী সকলেরই অনুকরণীয় । তদ্বারা উচ্ছৃঙ্খলতা দূর করিয়া চিত্ত সদৃগুণালঙ্কৃত করিবার পথ প্রশস্ত হইবে । তিনি ত্রয়োদশটি গুণের নাম করিয়া তাহার এক একটি গুণসাধনের জন্ত এক একটি সপ্তাহ নির্দিষ্ট রাখিতেন । সে সপ্তাহে সেই গুণের প্রতি বিশেষভাবে দৃষ্টি রাখিতেন, কিন্তু তাই বলিয়া অপর গুণগুলি সম্বন্ধে উদাসীন হইতেন না ।

* একখানি ক্ষুদ্রপুস্তকের এক এক পৃষ্ঠায় বড় বড় অক্ষরে এক একটি গুণের নাম থাকিত । সেই পৃষ্ঠায় এক সপ্তাহের সাতটি দিনের নাম লিখিয়া পার্শ্বে কতকগুলি গুণের নাম লিগিতেন, যে সপ্তাহের উপরে যে গুণটির নাম বড় অক্ষরে লেখা থাকিত, সেই সপ্তাহে তাহার প্রতি বিশেষ ভাবে লক্ষ্য থাকিত । সন্ধ্যার সময়ে আত্মপরীক্ষা করিয়া যে দিন যে গুণটী সম্পূর্ণরূপে রক্ষা করিতে পারেন নাই, সেই দিনের নামটীর নীচে সেই গুণটির সম্মুখে একটি ক্ষুদ্র কৃষ্ণবর্ণ চিহ্ন অঙ্কিত করিতেন । তাঁহার স্বরচিত 'জীবনচরিত' হইতে এই পুস্তকের একটি পৃষ্ঠায় নমুনা দেওয়া যাইতেছে—

পরিমিত পানাহার ।

রবি	সোম	মঙ্গল	বুধ	বৃহস্পতি	শুক্র	শনি
পরিমিত পানাহার ।						
বাক্ সংযম ।	*		*		*	
মৃদুখণ্ড ।	*			*	*	+
কর্তব্যসাধনে দৃঢ়-প্রতিজ্ঞতা ।	*				*	
মিতব্যয়িতা ।					*	
পরিশ্রম ও সময়ের সন্ধ্যায় ।		*				
অকণ্ঠতা ।			*			
ভাষণসংযম ।						
বৈধা ও তিতিক্কা ।						
ইন্দ্রিয়সংযম ।						
বিনয় ।						

(৩) উচ্ছ্বলতার এক প্রধান কারণ নিরকুশভাবে বিহার।
যাহাদিগের কেহ নেতা ও শাস্তা নাই, তাহারা নিতান্ত উচ্ছ্বল হইয়া

থাকে। তাই কোন ভক্তিতাজন শ্রেষ্ঠ ব্যক্তির আদেশানুসারে চলা উচ্ছৃঙ্খলতানামার একটি প্রধান উপায়। সৈনিক যেমন সৈন্তাধ্যক্ষের আদেশের সম্পূর্ণ অধীন থাকে, তাহার বিলম্বিত ব্যতিক্রম করে না, তেমনি কোন শ্রেষ্ঠ ব্যক্তির আজ্ঞাধীন হইয়া সর্বদা তাঁহার আদেশানুসারে কার্য করিলে উচ্ছৃঙ্খলতা কমিয়া যায়। বেচ্ছাচার দমন করা নিতান্ত আবশ্যিক।

(৪) আটকসাধন অর্থাৎ প্রতিদিন নির্নিবেদিতরূপে এক দিকে অনেকক্ষণ তাকাইয়া থাকা অভ্যাস করিলে ও প্রাণারাম করিলে মনের উচ্ছৃঙ্খলতার হ্রাস হয়। যে যে উপায়ে একাগ্রভাব বৃদ্ধি পায়, তাহা সমস্তই উচ্ছৃঙ্খলতানাশক।

(৫) এই সৌরজগৎ কিরূপ বিধিনির্দিষ্ট নিয়মাধীন থাকিয়া সুশৃঙ্খলভাবে চলিতেছে, তাহা চিন্তা করিলে উচ্ছৃঙ্খল জীবন নিরমিত হয়। চারিদিকে এই প্রকাণ্ড বিশ্ব কি সুন্দর সুশৃঙ্খলভাবে চলিতেছে—সূর্য্য প্রত্যেক দিন নির্দিষ্ট সময়ে উদিত হইতেছে, নির্দিষ্ট সময়ে অস্ত যাইতেছে, চন্দ্রের যোগ কলা নির্দিষ্ট নিয়মানুসারে বৃদ্ধি পাইতেছে এবং ক্ষয় পাইতেছে; অস্ত্রান্ত গ্রহনক্ষত্রাদি যাহার যে দিন যে ভাবে যতটুকু চলিবার নিয়ম, সে সেই দিন সেইভাবে ততটুকু চলিতেছে; গ্রীষ্ম, বর্ষা, শরৎ, হেমন্ত, শীত, বসন্ত ছয়ঋতু নির্দিষ্ট চক্রে ঘুরিতেছে, অগ্নি নির্দিষ্ট নিয়মে তাপ দিতেছে, বায়ু নির্দিষ্ট নিয়মে বহিতেছে, মেঘ নির্দিষ্ট নিয়মে সঞ্চারিত হইতেছে—ইহা চিন্তা করিলে নির্দিষ্ট নিয়ম ভাগ করিয়া কণহীন তরুণীর স্থায় কে আপনার জীবনকে উচ্ছৃঙ্খল করিবে? যিনি কিঞ্চিৎকিঞ্চিৎ অসুধাবন করিয়া দেখেন, তিনিই দেখিতে পান, সমস্ত ব্রহ্মাণ্ডময় একটি সুন্দর বিধি কার্য করিতেছে, সেই বিধির নিকটে ঈশ্বর অবনত করিয়া যিনি আপনার জীবন নিরমিত করেন—তিনিই ভাগ্যবান; তাঁহার যত বয়স

বুঝি পার, তিনি ততই আনন্দ সঞ্চয় করিতে থাকেন । আর যিনি তাহা না দেখিয়া তরসভাড়িত কাঠখণ্ডের দ্বারা আগনার জীবন উদ্ধৃৎল করিয়া কেলেম, তিনি হতভাগ্য, তাঁহার যত বয়স বুঝি পার, ততই তিনি অশুভাপে দগ্ধ হইতে থাকেন ও ভবিষ্যৎ অন্ধকারময় দেখিয়া হতাশ হইয়া পড়েন । আমরা যেন সকলে উদ্ধৃৎলতা দূর করিয়া এ জীবনের উদ্দেশ্য সাধন করিতে পারি ।

সাংসারিক হুঁচিঙা ।

যাহাদিগের অন্তঃকরণ সাংসারিক হুঁচিঙার সর্বনা উদ্ভিন্ন থাকে, তাহাদের তত্ত্বসাধন সহজ নহে । সর্বতোভাবে সাংসারিক হুঁচিঙা দূর করা কঠিন ।

(১) অভাববোধ ও লোকনিন্দা তর যত কম হইবে, তত সাংসারিক হুঁচিঙা দূর হইবে । আমি পূর্বেই বলিয়াছি পৃথিবীতে মানুষের প্রকৃত অভাব অতি কম, আমাদের কল্পিত অভাবই আমাদের সর্বনাশের মূল । যাহা না হইলে দিন চলে না, এমন পদার্থের সংখ্যা অতি অল্প আমাদের ইহা মনে হয় না । ‘আমার এ বস্তুটি না হইলে কিরূপে চলিবে ? ও বস্তুটি না হইলে লোকসমাজে কিরূপে উপস্থিত হইব ?’ ইহা চিন্তা করিয়াই আমরা অস্থির হইয়া পড়ি । যে ব্যক্তি মনে করেন ‘দিন একরূপ চলিয়া যাইবেই, এ পৃথিবীতে খাটিতে আসিয়াছি, খাটিতে থাকি ; অন্নসংস্থান যাহার করিবার, তিনি করিবেনই ; লোকসমাজের অশুরোধে অভাব কল্পনা করা মূর্খের কার্য’ — তাঁহার হৃদয়ে সাংসারিক হুঁচিঙা প্রবেশ করিতে পারে না । আমাদের দেশে দেখিতে পাই সহস্র সহস্র লোক আপনার জীব উপযুক্ত গহনা কিরূপে যোগাড় করিবেন,

এইরূপে পথহারা পাছ একজন,
 নিশিতে করিতেছিল কামনে রোদন !
 এমনত সময়ে তারে এমন সময়,
 জলদ গল্গীয়ে নাদে ডেকে কেহ কয়,—
 ‘হে পথিক, চুপ কর, করো না রোদন,
 একবার এসে মোরে কর দরশন ।
 বটে তুমি, শীতে অতি যাতনা পেতেছ
 কিন্তু তবু যুক্তিকার উপরে রয়েছ :
 পড়িয়াছি আমি এই কুপের ভিতরে,
 রহিয়াছি ছুটি চাক ধরিয়া ছকরে ;
 গলাবধি জলে ডোবা সকল শরীর,
 রাখিয়াছি কোনরূপে উচু করি শির ।
 দেও তুমি ঈশ্বরেরে কৃতজ্ঞ অন্তরে
 ধন্যবাদ, পড়নি যে কুপের ভিতরে ।”

উর্দ্ধদিকে দৃষ্টি করিয়া বাহারা আপন হইতে বড়, তাঁহাদিগের দামিহ ও বিপদের আশঙ্কা কত অধিক, তাহা ভাবিলেও আপনার ছরবহা-জনিত দুঃখতাপের লাঘব হয় ।

(৪) বাহারা সাংসারিক ছশ্চিন্তাপীড়িত, তাঁহারা কখন নির্জনে থাকিবেন না । নির্জনে থাকিলে চিন্তার বৃদ্ধি হয় । সাধু সন্তুষ্টচিত্ত ব্যক্তিদিগের সংসর্গে যত অধিক থাকিবেন, ততই তাঁহাদিগের উপকার হইবে । এমন লোক পৃথিবীতে দেখিতে পাইতেছি, বাহার কল্যাকার আহ্বারের সংস্থান নাই, কিন্তু তথাপি মুখখানি হাসিমাখা । এইরূপ লোকের দৃষ্টান্ত যত মনে রাখিবেন, ততই সাংসারিক ছশ্চিন্তা দূর হইবে ।

(৫) সাংসারিক ছশ্চিন্তা গবন্ধে বীণাত্রীট তাঁহার শিষ্যদিগকে বে

উপদেশ দিয়াছিলেন, তাহা অপেক্ষা উৎকৃষ্টতর কিছুই 'নাই'। তোমরা তোমাদিগের জন্ত, 'কি আহার করিব, কি পান করিব?' কিবা তোমাদিগের শরীরের জন্ত 'কি পরিধান করিব?' এইরূপ চিন্তা করিও না। আহার অপেক্ষা, জীবন এবং পরিধেয় বস্ত্র অপেক্ষা কি শরীর গুরুতর নহে?

“আকাশচারী পাখিদিগকে দেখ, ইহারা বীজ বুনে :না, ফসল কাটে না, গোলা করিয়া ধাও রাখে না, তথাপি তোমাদিগের স্বর্গীয় পিতা ইহাদিগকে আহার করাইয়া থাকেন। তোমরা কি ইহাদিগের অপেক্ষা অনেক পরিমাণে শ্রেষ্ঠতর নও?

“তোমাদিগের মধ্যে কে ভাবিয়া ভাবিয়া শরীর এক হাত বাড়াইতে পার?

“পরিধেয় বস্ত্রের জন্তই বা চিন্তা কর কেন? স্থলপদ্যগুলির বিষয়ে চিন্তা কর, তাহারা কি একায়ে জন্মায়; তাহারা পরিশ্রম করে না, কাপড় বুনে না, তথাপি তোমাদিগকে বলিতেছি সোলেমান বাদশা তাঁহার সাজসজ্জার চরম সীমাও ইহাদিগের একটিরও স্থান সাজিতে পারেন নাই।

“তাই, হে অবিশ্বাসিগণ, ভগবান্ যদি মাঠের সামান্য ঘাস, যাহা আজ আছে কাল তুন্দুরের ভিতরে নিকশিত হইবে, তাহাই সাজাইলেন, তবে কি তোমাদিগকে আরও বেশী করিয়া সাজাইবেন না?

“অতএব তোমরা কি আহার করিব? অথবা কি পান করিব? এইরূপ চিন্তা করিও না; কারণ তোমাদিগের স্বর্গীয় পিতা জানেন, তোমাদিগের এই সকল বিষয়ের প্রয়োজন আছে।

“তোমরা প্রথমে ভগবানের রাজ্য এবং তাঁহার ধর্মবিধানের অন্বেষণ কর; সমস্ত পদার্থ (আহার্য, পরিধেয় সামগ্রী) তোমাদিগকে আধ্যাত্মিক বিষয়ের সঙ্গে সঙ্গে দেওয়া যাইবে।

“অতএব কল্যকার চিন্তা করিও না।”

পাটওয়ারি বুদ্ধি ।

পাটওয়ারি বুদ্ধি দ্বারা প্রণোদিত মানুষ ভগবানের সহিত রক্ষা করিতে অগ্রসর হয় । পাটওয়ারি বুদ্ধি তাঁহাতে যোল আনা প্রেম দিবার প্রধান বিরোধী । সাধুভাবে হউক, অসাধুভাবে হউক, বৈষয়িক স্বার্থ সমগ্র বজ্রায় রাখিয়া সাধু বলিয়া লোকের মধ্যে প্রতিপত্তি হয়, পাটওয়ারি বুদ্ধি ইহারই ফন্দি দেখাইয়া দেয় । যাহারা পাটওয়ারি বুদ্ধি অনুসরণ করিয়া চলেন, তাঁহারা বোধ হয় মনে করেন, ভগবান্ তাহাদিগের চাতুরী ভেদ করিতে পারিবেন না । ভাবের ঘরে চুরি করিয়া চতুরতা দ্বারা পোষাইয়া দেওয়া ক্ষুদ্রবুদ্ধি মনুষ্যের নিকটেই চলে না, ভগবানের নিকটে তাহা কিরূপে চলিবে ? God ও Mammon উভয়কে যে বুদ্ধিমান সন্তুষ্ট করিতে যান, তিনি নিতান্তই নিকোঁদ । ভগবানকে লইয়া সংসার করা পৃথক্ কথা, কিন্তু ভগবান্ হৃদয়ের এক বিভাগে, বিষয় অপর বিভাগে, এইরূপে যে বুদ্ধিমান্ আপনার হৃদয় ভাগ করিতে সত্বান হন, তিনি নিতান্ত মূর্থ ।

“না দিলে প্রেম যোল আনা, কিছুতে আমার মন উঠেনা,

সংসারের উচ্ছিষ্ট প্রেম দিস্ না আমারে ।

যে দেয় প্রেম ক’রে ওজন সে ত প্রেমিক নয় কখন,

সংসারের বণিক সে জন, থাকে সংসারে ।”

কেহ কেহ বলেন “একদিকে বিষয়কার্যের অনুরোধে যে পাপ করিয়া থাকি, অপরদিকে পরোপকার প্রভৃতি দ্বারা যে পুণ্য উপার্জন করি, উভয়ে কাটাকাটি হইয়া পুণ্য অতিরিক্ত থাকিবে, তাহারই ফলে দিব্য-ধামের অধিকারী হইব ।” ইহারা একমণ তুঙ্গে এক ‘ছটাক গোমুত্র’ নিক্ষেপ করিয়া বলিতে পারেন, কাটাকাটি হইয়া অবশ্য ৩৯ সের ১৫ ছটাক

বিত্ত হু হু পাইবেন। একটি জলপূর্ণ পাত্রে যুখে কাক আঁটিয়া বলিতে পারেন যখন কাক আঁটিয়াছি তখন তলার সামান্য এক আঁটি ছিঁড় থাকিলেও জল পড়িবার সম্ভাবনা নাই। সাধন সম্বন্ধে যত্ন বাহা বলিয়াছেন ধর্মরাজ্যে সকল বিষয়েই তাহা মনে রাখা প্রয়োজন।

ইন্দ্রিয়গাত্ত সর্বেষাং বস্তুকং ক্ষরভীন্দ্রিয়ং।

ভেনাস্ত ক্ষরতি প্রজ্ঞা দৃতেঃ পাত্ৰাদিবাদকম্ ॥

মত্। ২। ৯৯

‘সমুদয়’ ইন্দ্রিয়ের মধ্যে যদি একটি ইন্দ্রিয়ের স্থলন হয়, তদ্বারাই মনুষ্যের প্রজ্ঞা নষ্ট হয়। কোন জলপূর্ণ পাত্রে একটি ছিঁড় থাকিলে তদ্বারা সমুদয় জল বাহির হইয়া যায়।

ভগবানের রাজ্যে গড়ে ধর্ম করা চলে না। বিলাতে এক ব্যক্তি গড়ে ধর্ম করিতেন। স্বকীয় সাংসারিক স্বার্থের জন্য অজ্ঞান অবৈধ উপায় অবলম্বন করিতে ক্রটি করিতেন না, অনেক প্রকারের পাপকার্য্য করিতেন, অথচ রবিবারে গির্জায় নিয়মমত উপস্থিত হইতেন এবং গরীব দুঃখীকে নানা প্রকার প্রভূত পরিমাণে সাহায্য করিতেন। বন্ধুবান্ধবদিগের নিকটে বলিতেন ‘যদিও ভাই সংসার রক্ষার জন্য পাপ করিয়া থাকি, তা যখন প্রত্যেক রবিবারে নিয়মমত গির্জায় যাই এবং অনেকের অনেক প্রকারে সাহায্য করিয়া থাকি, তখন পরিজ্ঞান সম্বন্ধে আমার কোন ভয় নাই, গড়ে আমার ধর্ম ঠিক আছে, কাটাকাটি হইয়া পুণ্যই অতিরিক্ত হইবে এবং তাহারই বলে পরিজ্ঞান পাইব।’ এই ব্যক্তি একদিন একটি গরু চরাইবার স্থান বেড়া দিয়া ঘিরিবার জন্য ঝটলওবাসী একটি কন্ট্রাক্টর নিযুক্ত করিলেন। কন্ট্রাক্টরটি কয়েক দিন কাজ করিয়া এক দিন ইহার নিকটে আসিয়া বলিল ‘মহাশয়, আমার প্রাপ্য টাকা দিন, বেড়া দেওয়া হইয়াছে।’ নিযোক্তা জিজ্ঞাসা করিলেন ‘কেমন হইয়াছে?’ কন্ট্রাক্টর

বলিলেন ‘গড়ে খুব ভালই হইয়াছে।’ নিযোক্তা ইহার অর্থ বুঝিতে পারিলেন না, বলিলেন ‘চল দেখে আসি।’ বেড়ার নিকটে গিয়া দেখেন বেড়ার চারিদিকে ঘিরিয়া দেওয়া হইয়াছে সত্য, কিন্তু স্থানে স্থানে একাঙ ফাঁক, গরু, সেই ফাঁক দিয়া অনায়াসে বাহির হইয়া যাউতে পারে। কন্ট্রাক্টরকে জিজ্ঞাসা করিলেন ‘এ কেমন বেড়া দেওয়া হইয়াছে মাঝে মাঝে যে ফাঁক রহিয়াছে, আমার গরুত এ ফাঁকের ভিতর দিয়া বাহিরে চলিয়া যাইবে?’ কন্ট্রাক্টর বলিলেন তাহা কেন যাইবে, ফাঁকের দুদিকে তাকাইয়া দেখুন না, যদিও মাঝে মাঝে ফাঁক আছে কিন্তু উহার দুদিকে দ্বিগুণ ত্রিগুণ করিয়া বেড়া বাধিয়া দিয়াছি, গড়ে ঠিক আছে, ঐ ফাঁকটুকু কি দুদিকের অতিরিক্ত বেড়া দ্বারা পোষাইবে না? মহাশয়, গড়ে ঠিক আছে।’ কন্ট্রাক্টর ও নিযোক্তার মধ্যে মহাতর্ক উপস্থিত। অবশেষে কন্ট্রাক্টর বলিলেন, ‘মহাশয়, আমিও আপনি যাহা বলিতেছেন তাহাই জানিতাম, ফাঁক রাখিয়া দুদিকে চতুগুণ বেড়া দিলেও কোন লাভ নাই, আপনার গড়ে ধর্ম্য করার কথা শুনিয়া আমিও গড়ে বেড়া দিয়াছিলাম; আপনি আপনার ধর্ম্যের ঘরের ফাঁক বন্ধ করুন, আমিও আমার ফাঁক বন্ধ করিয়া দিতেছি।’ নিযোক্তার পাটওয়ারি বুদ্ধি চূর্ণ হইয়া গেল। আমরা কেহ যেন ধর্ম্যের রাজ্যে এইরূপ গড়ে ভাল কাজ করিতে না যাই। ধর্ম্য অধর্ম্য কাটাকাটি হইতে পারে না। গরু মারিয়া ব্রহ্মণকে জুতা দান করিলে কোন লাভ নাই।

কেহ কেহ পাটওয়ারি বুদ্ধির দাস হইয়া মনে করেন, প্রয়োজনানুসারে দ্ব্যর্থবিশিষ্ট কথা বলায় দোষ নাই। একটি বালক স্কুলে উপস্থিত হয় নাই, কিন্তু স্কুলের কার্য আরম্ভ হইবার পূর্বেই স্কুলগৃহে যাইয়া বাড়ী আসিয়াছে। অভিভাবক জিজ্ঞাসা করিলেন “স্কুলে গিয়াছিলি?” বালক উত্তর করিল “গিয়াছিলাম।” এই উত্তর কেহ কেহ সমর্থন করিয়া থাকেন। কিন্তু

ভগবান বাণ্য দেখেন না, তিনি দেখেন মনের ভাব । “Equivocation is cousin german to a lie,” স্বার্থবটিত কথা মিথ্যা কথার মাসতুতো ভাই । “A lie that is half the truth is ever the blackest of lies” যে মিথ্যা অর্ধেক সত্য তাহা অপেক্ষা অধিক মিথ্যা আর নাই ।

পাটওয়ারি বুদ্ধির প্রাণ—হিসাব । ধন, মান, যশ, প্রতিপত্তি কিসে বৃদ্ধি হয় অথবা কিসে অক্ষুণ্ণ থাকে, ভগবানকে ভুলিয়া ক্রমাগত তাহার হিসাব করা পাটওয়ারি বুদ্ধির কার্য্য । বাহার পাটওয়ারি বুদ্ধি নাই, তিনি ভগবানকে লক্ষ্য রাখিয়া সংসারের কার্য্য করিয়া যান । রামকৃষ্ণ পরমহংস মহাশয় বলিতেন ‘বাপু, তোমরা ত সংসারের কাজের জন্য বিখ্যাসী লোককে আম্মোক্তারনামা লিখে দাও ; তবে ভগবানকে একখানি আম্মোক্তারনামা লিখে দিয়ে নিশ্চিতভাবে সংসারে থাক ।’ এই ভাবে সংসারে থাকিলে প্রকৃত সংসারে থাকা হইল । ইহার সঙ্গে ধন, মান, যশ, কিছুই অভাব থাকে না । পাটওয়ারি বুদ্ধি দ্বারা ধন, মান, যশ সম্বন্ধে যেরূপ হিসাব হয় তাহাতে প্রাণের আশ মিটে না, কেবল হিসাব হয়, হৃদয়ে সুখশান্তি থাকে না । পরমহংস মহাশয় পাটওয়ারি বুদ্ধির একটা বড় সুন্দর দৃষ্টান্ত দিতেন :—এক আমবাগানে দুই ব্যক্তি উপস্থিত হইয়াছেন । বৃক্ষের শাখায় শাখায় সুন্দর সুন্দর আম পাকিয়া ঝুলিয়া রহিয়াছে । একজন ঐ বাগানটিতে জমি কত, সেই জমিতে কতগুলি বৃক্ষের স্থান রহিয়াছে, প্রত্যেক বৃক্ষের কতগুলি শাখা, প্রত্যেক শাখায় কতগুলি আম, ইহার হিসাব করিতে বসিয়া গেলেন ; অপর ব্যক্তি যেমন বৃক্ষের নিকটে গিয়াছেন অমনি আম পাড়ছেন আর খাচ্ছেন । বাহার বাগান, তিনি নির্দিষ্ট সময়ের জন্য ইহাদিগকে বাগানে অধিকার দিয়াছিলেন, যেমন সেই সময় অতীত হইয়াছে, অমনি মালী আসিয়া দুইজনকে বাগানের বাহিরে বাইতে বলিল—‘তিনি আম খাইতেছিলেন, তিনি আম মিটাইয়া খাইয়াছেন,

অমনি বাহিরে বাইতে প্রস্তুত ; যিনি হিসাব করিতেছিলেন, তাঁহার হিসাব শেষ হয় নাই সুতরাং বাহিরে বাইতে প্রস্তুত নন, ক্রমে বিবাহ, অবশেষে গলাধাক্কা । বাহাদিগের পাটওয়ারি বুদ্ধি প্রবল, তাহারা এইরূপ ক্রমাগত সাংসারিক বিষয়ে হিসাব করিতে থাকে, হিসাব শেষ হইবার পূর্বে মৃত্যু আসিয়া উপস্থিত হয় । আর, ইহারা কেবল ‘হায় কি করিলাম,’ ‘হায় কি করিলাম,’ বলিয়া ক্রন্দন করিয়া থাকে । ইহারা প্রথমে আপনাদিগকে বড় চতুর মনে করে, পরে দেখিতে পায় ইহাদিগের জ্ঞান নির্বোধ কেহ নাই ।

যাহাতে স্বার্থপরতার হ্রাস হয়, মনের ঘোর যায়, কোটিল্য দূর হয়, প্রাণ সরল হয়, চতুরতার ইচ্ছা চলিয়া যায়, তাহারই উপায় অবলম্বন করিলে পাটওয়ারি বুদ্ধি নষ্ট হয় ।

(১) বালকদিগের সঙ্গে মেশা, প্রাণ সরল ও নিশ্চিত্ত করিবার একটি প্রধান উপায় । কূটবুদ্ধি বিষয়ী লোকদিগের সঙ্গে ত্যাগ করিয়া সরলপ্রাণ বালকদিগের সঙ্গে যত মিশিবেন, তত পাটওয়ারি বুদ্ধি বিনষ্ট হইবে । এ পৃথিবীতে যাহাদিগের নাম প্রাতঃস্মরণীয়, তাহারা সকলেই বালকদিগের সহিত মিশিতেন । সকলেই জানেন, যীশুখ্রীষ্ট কেমন মধুরভাবে বলিয়াছিলেন “ক্ষুদ্র বালকবালিকাদিগকে আমার নিকটে আসিতে দাও ; স্বর্গরাজ্য ইহাদিগেরই ।”

,পরমহংস তৈলঙ্গস্বামী বালকদিগকে বড় ভালবাসিতেন । তাহাদিগের সঙ্গে মিশিয়া নামাংকরের খেলা খেলিতেন । একখানি ছোট গাড়ী ছিল ; কখন তিনি তাহাতে বসিতেন, বালকগণ গাড়ীখানি টানিত । আবার কখন তাহারা বাসিত, তিনি টানিতেন । যোগিগণ বালকদিগের সঙ্গে মিশিয়া চরিত্র বালকের জ্ঞান করিয়া লন । রামকৃষ্ণ পরমহংস মহাশয়ের কিরূপ বালকের জ্ঞান চরিত্র ছিল, যিনি তাঁহাকে দেখিয়াছেন তিনিই জানেন । যখন বাহা মনে হইত বলিয়া ফেলিতেন, লোকভয়ে তিনি

কিছু লুকাইতেন না । সমাজের অঙ্গুরোধে, কি লোকভয়ে আমরা অনেক সময়ে যেরূপ কপটতা অবলম্বন করি, তাহার লেশমাত্রও তাঁহাতে ছিল না । মহাদেব জ্ঞানসফলিনী তত্ত্ব বলিয়াছেন :—

বালভাবস্থায় ভাবো নিশ্চিত্তো যোগ উচ্যতে ।

বালকের শ্রায় ভাব হইলে, নিশ্চিত্ত হইলে, যোগ পরিপক্ব হয় ; এই ভাবের যত বৃদ্ধি হয় পাটওয়ারি বুদ্ধি তত বিনাশ প্রাপ্ত হয় ।

(২) প্রাণ-খুলিয়া বহুদিগের সঙ্গে মেশা ও কথা বলায় পাটওয়ারি বুদ্ধি কমিয়া আইসে ।

(৩) প্রকৃতির সুন্দর সুন্দর দৃশ্য দর্শন ও পবিত্র মনোহর সঙ্গীতশ্রবণ অর্থাৎ যাহাতে হৃদয় আনন্দে পূর্ণ হয় ও প্রশস্ত্য লাভ করে তাহাই এ বিষয়ে বিশেষ উপকারী । চক্রদর্শন, পুষ্পোদ্ভানে বিচরণ, নদীবক্ষে ভ্রমণ, গিরিশৃঙ্গে আরোহণ প্রভৃতি প্রাণ উদার ও সরল করিবার উৎকৃষ্ট উপায় ।

(৪) যাহারা এ পৃথিবীর শিরোমণি, তাঁহাদিগের জীবন আলোচনা করিলেই দেখিতে পাইব, তাঁহারা যদি পাটওয়ারি বুদ্ধির দাস হইতেন তাহা হইলে কখন জগৎপূজা হইতে পারিতেন না ; নিঃস্বার্থ উদার ও সরল বলিয়াই তাঁহারা দেবতার শ্রায় ভক্তিভাজন হইয়াছেন । তাঁহাদিগের চরিত্রানুশীলন যত করিবে ততই পাটওয়ারি বুদ্ধির প্রতি ধ্বংস জন্মিবে ।

• (৫) লোকনিন্দাভয় ত্যাগ করা নিতান্ত প্রয়োজন । লোকনিন্দাভয়ে আমরা অনেক সময়ে পাটওয়ারি বুদ্ধির অনুসরণ করিয়া থাকি । সমাজের প্রতিপত্তির আকাঙ্ক্ষা পাটওয়ারি বুদ্ধির প্রধান উত্তেজক । লোকনিন্দাভয় দূর করিয়া যে ব্যক্তি সোজানুজি বিবেকের আদেশানুসারে কর্তব্যের পথে অগ্রসর হন তাঁহার পাটওয়ারি বুদ্ধি থাকিতে পারে না, অথচ তাঁহার সম্মান ও খ্যাতি হইয়া থাকে ।

বহ্বালাপের প্রযুক্তি ।

বহ্বালাপ মনকে তরল করে । যোগিগণ তাই মৌনব্রত অবলম্বন করিয়া থাকেন । ক্রমাগত বক্ বক্ করিলে হৃদয়ের তেজ কমে, ভাবের গাঢ়তা কমিয়া যায় । যে ব্যক্তি যে পদার্থটা বড় ভালবাসে, সে সেই পদার্থটা কখন বাজারে উপস্থিত করিতে ইচ্ছা করে না । যাহা সর্ব্বা-
পেক্ষা মধুর তাহা প্রাণের ভিতরে লুকাইয়া রাখিতে ইচ্ছা করে ।

“হৃদয়ের অন্তস্তলে যে মণি গোপনে জলে
সে মাণিক কখনও কি বাজারে বিকায় ?”

এই জন্ত গুরুমন্ত্রপ্রকাশ নির্বদ্ধ । পিথাগোরাস বাক্‌সংযমের একান্ত আবশ্যকতা বিশেষরূপে হৃদয়ঙ্গম করিয়াছিলেন বলিয়াই নিয়ম করিয়া ছিলেন যে কোন ব্যক্তি পূর্ণ তিন বৎসর মৌনব্রত অবলম্বন না করিলে তাঁহার শিষ্য হইতে পারিত না ।

সংযতবাক্ না হইলে ভক্ত হওয়া যায় না । ভক্তের লক্ষণের মধ্যে গীতার ১২শ অধ্যায়ে শ্রীকৃষ্ণ বলিয়াছেন, ‘যে ব্যক্তি মোনী সে আমার প্রিয়’ ।

তুল্যানিন্দাস্তুতিমোনী সন্তুষ্টো যেন কেনাচিৎ ।

অনিকেতঃ স্থিরমতির্ভক্তিমান্ মে প্রিয়ো নরঃ ॥

যে ব্যক্তি বহ্বালাপী তাহার সব কাঁকা । অতএব সংযতবাক্ হইতে হইবে । একটি মুসলমান সাধক বলিতেন—‘রসনারূপ উৎসকে বন্ধু করা আবশ্যক, তাহা হইলে কস্তুরের উৎস খুলিয়া যাইবে ।’

(১) যিনি বহ্বালাপী তাঁহার সংযতবাক্ হইবার জন্ত মৌনব্রত অবলম্বন করা কর্তব্য । সপ্তাহের মধ্যে এক দিবস বিশেষ প্রয়োজন না হইলে মোটেই কথা কহিব না, এইরূপ কোন নিয়ম অবলম্বন করা ভাল ।

(২) বহুযোগী অধিকাংশ সময়ে নির্জনে থাকিতে চেষ্টা করিবেন ।
নির্জনে কিছু দিন থাকিলে বহুযোগের অভ্যাস কমিয়া যাইবে ।

(৩) ক্রান্তিলিন কতকগুলি নির্দিষ্ট গুণ সাধন করিবার জন্য একটি তালিকা করিয়া ~~কোন~~ কোন দিন কতদূর সাধন করিলেন তাহা দেখিবার জন্য যে উপায় অবলম্বন করিয়াছিলেন পূর্বে দেখাইয়াছি, সেই উপায় অবলম্বন করিলে অনেক উপকার হইবে ।

কুতর্কেচ্ছা ।

যে বিষয়গুলি সম্বন্ধে কখনও কোন মীমাংসা হইবার সম্ভাবনা দেখা যায় না, সেইরূপ বিষয় লইয়া অথবা অসম্ভবভাবে তর্ক করার নাম কুতর্ক । কুতর্ক ভক্তির নিতান্ত প্রতিকূল । কুতর্কে হৃদয় শুষ্ক হইয়া যায় ও বুদ্ধি বিচলিত হয় । যিনি প্রাণ সরল ও বুদ্ধি স্থির রাখিতে ইচ্ছা করেন, তিনি কখন কুতর্ক করিবেন না । রামানন্দ রায় জ্ঞানান্তিম্যানী তার্কিক ও গেমিকহৃদয় ভক্তের সুন্দর তুলনা করিয়াছেন :—

অরসজ্জ কাক চুষে জ্ঞাননিম্বফলে ;
রসজ্জ কোকিল খায় প্রেমাম্রমুকুলে ।
অভাগিয়া জ্ঞানী আশ্বাদয়ে গুরুজ্ঞান ;
কৃষ্ণপ্রেমামৃত পান করে ভাগ্যবান্ ।

চৈতন্যচরিতামৃত ।

বাস্তবিক “ভক্তিতে মিলয়ে কৃষ্ণ, তর্কে বহুদূর ।”

তর্ক দ্বারা কখনও ঈশ্বর উপলব্ধি করিতে পারে না । ঈশ্বর মনুষ্য-বুদ্ধির অতীত বিষয় । তিনি ‘অপ্রাপ্য, মনসা সহ ।’

অন্তীতি ক্রবতোহশ্রুত কথন্তুহুপলভ্যতে ?

কঠোপনিষৎ বলিতেছেন ‘আছেন তিনি, এই বলা ব্যতীত আর তাঁহাকে উপলব্ধি করিবে কি প্রকারে ?’ আমাদের মনের অনবগম্য বিষয় লইয়া তর্ক করিয়া কেহ কেহ ক্রিষ্ট হইয়া গিয়াছেন । কবির মিল্টন এইরূপ বিষয় সম্বন্ধে তর্ক করা নিতান্তই অসঙ্গত দেখাইবার জন্য সম্রতানের অমুচরদিগকে এই প্রকারের অতি কুট বিষয়ে ঘোর তार्কিক সাজাইয়াছেন । তাহারা তর্কবাহের ভিতর ঘুরিতে ঘুরিতে বুদ্ধিহারা হইয়া গেল । In wandering mazes lost, নন্দ তাঁহার ‘ভক্তিসূত্রে’ এইজন্ত লিখিয়াছেন—

“বাদো নাবলম্ব্যঃ” ।

‘কখনও তর্ক করিবে না’ । কুতর্ক কণ্ঠ্যনে কেহ কেহ অস্থির হইয়া পড়েন । কলিকাতায় ছাত্রনিবাসগুলিতে এই রোগ বিশেষ প্রবল । এই রোগাক্রান্ত বালকদিগের প্রধান কর্তব্য যে স্থলে এইরূপ কুতর্ক হইবার সম্ভাবনা থাকে সেই স্থল হইতে দূরে থাকা ।

সঙ্গীত, সঙ্গীতন, ভক্তিগ্রন্থ পাঠ ও সদালোচনা দ্বারা মন যত সরল হয়, কুতর্কেচ্ছা ততই কমিয়া যায় । কুতর্কপ্রিয় ব্যক্তিদিগের সঙ্গীতাদি দ্বারা শ্রাণ সরস করিবার চেষ্টা করা কর্তব্য ।

ধর্মাডম্বর ।

ধর্মাডম্বর আমাদের একটি প্রধান রোগ । বাহিরে ধর্ম্যভাব দেখাইতে আমাদের বড়ই যত্ন । আমরা যতটুকু ধর্ম্যসাধন করিতে পারি, তাহার দশ গুণ দেখাইবার জন্য ব্যস্ত হই । লোকে ভক্ত বলুক, সাধু বলুক, ধার্মিক বলুক, এই ইচ্ছাটা বড়ই বেশী । ইহা দ্বারা বাহ্যিক ধর্ম্যভাব অবলম্বন

করিবার ইচ্ছা বলবতী হয়, তিতরে ধর্মভাবের ক্রমেই ক্রাস হয়, মনে অনেক প্রকার বিকার উপস্থিত হয়। এই কপটতার ঔষধ কপটতা। কেশবচন্দ্র সেন ব্রাহ্মদিগকে এই বিষয়ে একটি মধুর উপদেশ দিয়াছিলেন। তিনি তাঁহাদিগকে সঙ্ঘোজন করিয়া বলিয়াছিলেন, “পৃথিবীর কপটধূর্তদিগের অন্তরে কাল ; কিন্তু সাধুবেশ পরিয়া বাহিরে দেখার ভাল। হে ব্রাহ্ম-ভক্তগণ, তোমাদিগের অন্তরে থাকুক ভাল, বাহিরে দেখুক কাল। তোমরা প্রাণের জ্বিতরে অমৃত প্রচ্ছন্ন করিয়া রাখ। * * হে ব্রাহ্মসাধক, আত্মতৃষ্ণা এবং চিত্তশুদ্ধির জন্য বঁদ তুমি উপবাস করিয়া থাক, তবে বৎসিকিৎ আহার করিয়া এমনই ভাবে মুখের অবসন্নতা ঢাকিয়া রাখিবে যেন কেহ না জানিতে পারে তুমি উপবাস করিয়াছ। * * লোকের নিকটে কল্যাণ আপনাকে সাধু বলিয়া পরিচয় দিতে চেষ্টা করিও না। একটু সামান্য বাহ্যিক লক্ষণ দেখিলেই লোকে কাহাকেও শাক্যের জ্ঞান বৈরাগী, কাহাকেও জৈনার জ্ঞান পাপীর বন্ধু, কাহাকেও গৌরানন্দের জ্ঞান ভক্ত মনে করে। যাহার অন্তরে কিছুমাত্র বৈরাগ্য নাই, তাহার স্বক্কে একথও ক্ষুদ্র গৈরিক বস্ত্র দেখিলে, সর্বত্যাগী বৈরাগী সন্ন্যাসী বলিয়া লোকে তাহার পদধূলি গ্রহণ করে। যাহার পাঁচ পয়সা সঞ্চয় নাই লোকে তাহাকে লক্ষপতি বলে, পৃথিবীর এই রীতি। হে ব্রাহ্ম মানব, লোকের স্তুতি নিন্দার উপর কিছুমাত্র নির্ভর করিও না। ধর্মরক্ষা করিবার জন্য তুমি যে সকল কষ্ট বহন কর, তাহা জানাইবার জন্য তুমি কাঁদিয়া দ্বারে দ্বারে বেড়াইও না। উপবাস করিয়া গৃহে বসিয়া থাক, যেন লোকে না জানিতে পারে যে তুমি উপবাস করিয়াছ। * * আমরা একদিন নিজহস্তে রাখিয়া থাইলাম, অথবা এক দিন একটী উপদেশের ফল থাইলাম না, অমনি সেই ব্যাপার সংবাদপত্রে প্রকাশিত হইল এবং চারিদিকে স্ত্রী, পুত্র, আত্মীয় কুটুম্ব প্রতিবেশী সকলে বলিয়া উঠিল ইহাদের

কি বৈরাগ্য ! ঈশ্বরের প্রতি ইহাদের কি গভীর অহুরাগ ! হে ব্রহ্মভক্ত-
গণ, সাবধান এ সকল কথার প্রবঞ্চিত হইও না, যখনই এই প্রকার
কথা শুনিবে তখনই কাণে হাত দিবে।

* * হে ব্রহ্মভক্ত, তুমি আত্মসংগোপন কর, তুমি কোন প্রকার
বাহ্যিক লক্ষণ দেখাইয়া লোকের প্রশংসা কিংবা অহুরাগ পাইতে ইচ্ছা
করিও না। * * যদি তুমি মানুষের নিকটে তোমার ধর্মের পরিচয় দিতে
চেষ্টা কর, তাহা হইলে তোমার নিজের অনিষ্ট এবং জগতের অনিষ্ট
হইবে।” বীণুখট তাঁহার শিষ্যদিগকে এইরূপ কপটতা শিক্ষা
দিয়াছিলেন। লোকে টের না পায় এই ভাবে দান, ঈশ্বরের নিকট
প্রার্থনা এবং উপবাস করিতে উপদেশ দিয়াছিলেন। আমি পূর্বেই
বলিয়াছি—যাহা আদরের জিনিষ, কেহ তাহা কখনও বাজারে উপস্থিত
করিতে ইচ্ছা করে না। ধর্ম যাহার প্রিয় তিনি কখনও বাজারে ধর্ম ধর্ম
করিয়া ধার্মিক বলিয়া পরিচয় দিতে ইচ্ছা করেন না। তাঁহার কার্য-
কলাপে, বাক্যে, চিন্তায় আপনা হইতে ধর্মভাব প্রকাশ হইয়া পড়ে।
আগুন চাপিয়া রাখা যায় না। ধর্মও চাপিয়া রাখা যায় না। অহুরাগীর
নয়ন দেখলে চেনা যায়। সুতরাং ধার্মিক ধরা পড়েন, কিন্তু তিনি কখনও
আত্মাদিগের দ্বায় চেষ্টা করিয়া ধর্মভাব দেখান না। পাছে লোকে টের
পায় এই ভয় বোধ হয় অনেক সাধু সন্ন্যাসী একস্থলে ত্রিরাত্রির অধিক
বাস করেন না। এই বরিশালে একটি সাধু আসিয়াছিলেন, কিছুদিন
নদীতীরে ছদ্মবেশে পড়িয়াছিলেন, তখন পর্য্যন্ত কেহ তাঁহাকে সাধু বলিয়া
জানিতে পারেন নাই, দ্বারে দ্বারে গান করিয়া বেড়াইতেন, কালকগুলি
তাঁহাকে পাগল ভাবিয়া তাঁহার পশ্চাৎ পশ্চাৎ হৈ হৈ করিয়া বেড়াইত ;
যখন ধরা পড়িলেন, আমরা তাঁহার মহত্ব বুঝিতে পারিলাম, সকলে তাঁহার
আদর করিতে আরম্ভ করিলাম, তাহার পর মাত্র দুই দিন এখানে ছিলেন।

ধর্মীড়ম্বর ।

এই নগর ভাগ করিবার সময় এক ব্যক্তি তাঁহাকে জিজ্ঞাসা করিয়াছিলেন ‘কেন যাইতেছেন ?’ তিনি উত্তরে বলিয়াছিলেন, ‘জ্বরগা গরম হইয়াছে আর থাকিতে পারি না’ ; অর্থাৎ লোকে তাঁহাকে জানিতে পারিয়া চারিদিক গরম করিয়া তুলিয়াছে; আর তাঁহার ধাক কৰ্ত্তব্য নহে। সাধুগণ অনেকটী লুকাইয়া থাকিতে ভালবাসেন। “শূণ্য ঘড়ার শব্দ বেশী”। যাঁহাদিগের ভিতরে কিছু নাই তাহারাই আড়ম্বর করিয়া বেড়ায়, ধর্মীড়ম্বর শূণ্যজ্ঞানের পরিচায়ক।

অগাধজলসঞ্চারী বিকারী নৈব রোহিতঃ ।

গন্তুং যজলমাত্রেন সফরী ফরকরায়তে ॥

সফরীর কখন চাকলা যায় না, স্মরণ্য সে অগাধ জলের মীনে মত কখনও ভক্তিসিদ্ধি মাঝে ডুবিয়া থাকিতে পারে না। একটি অগাধ জলের মীনের গল্প বলিব :—কোন স্থলে একটি ভক্তিমতী রাজকুমারী ছিলেন। তাঁহার স্বামী রাজকুমার কখনও ‘রাম’ নাম নিতেন না। রাজকুমারী পরম ভক্ত, স্বামী রাম নাম লন না বলিয়া তিনি বড়ই প্রাণে কষ্ট পাইতেন। অনেক কাকুতি মিনতি করিয়া স্বামীকে রাম নাম করিতে অনুরোধ করিতেন। স্বামী কিছুই উত্তর করিতেন না। রাজকুমারী তাঁহার স্বামীকে স্মৃতি দিবার জন্ত রাসের নিকটে দিবারাত্র প্রার্থনা করিতেন। এক দিবস প্রাতে রাজকুমারীর আনন্দ ধরে না, তিনি দেওয়ানকে ডাকিয়া বলিলেন, ‘আজ আমার আনন্দের সীমা নাই, কেন তাহা বলিব না, আজ নগরময় আনন্দোৎসব হউক, সহস্র সহস্র ব্রাহ্মণ ভোজন হউক, নহবৎ বাজিতে থাকুক, সহস্র সহস্র ভিখারী বিদায় হউক, আমার এই আদেশ আপনি পালন করুন। কারণ জিজ্ঞাসা করিলে আমি কিছুই বলিব না।’ দেওয়ান আদেশ পাইয়া বক্রোবস্ত করিলেন, নগরময় আনন্দকোলাহল উখিত হইল, সকলেই বলেন ‘মাইকা হকুম’, কেন যে এত আনন্দ হইতেছে কেহই জানেন না। রাজকুমার ত আনন্দসংঘট

হাকৈজ বলিরাহেন :—‘সেই মোৰে পুতুলেৰ স্তাৰ স্তম্ভৰ যে তোমাৰ
প্ৰিয়তম তাহাকে লইয়া যেখানে জনমানব নাই, এমন কোন লুকান
স্থলে স্থখে ব’স এবং সেইখানে প্ৰাণেৰ সাধ মিটাইয়া তাহাৰ নিকট
হইতে নব চুবন গ্ৰহণ কৰিতে থাক ।’

বাজাৰে ধৰ্ম্মেৰ ঢোল বাজাইতে ডক্ক কখনও ভালবাসেন না । তিনি
অতি নিৰ্জনে, যেখানে পৃথিবীৰ সাড়া শব্দটী নাই, সেই স্থানেৰ অন্তঃস্থলে
তাঁহাৰ প্ৰিয়তমকে নিকটে বসাইয়া প্ৰাণ খুলিয়া বলেন—

ইচ্ছা কৰে তোমাৰ নিৰে দিবানিশি থাকি ।

গোপনে লুকিয়ে তোমাৰ প্ৰাণে পূৰে রাখি ॥

ধৰ্ম্মাডম্বৰ নিষিদ্ধ বলিয়া কেহ যেন মনে না করেন, তবে আমাদিগেৰ
ধৰ্ম্মকথা বলা কৰ্ত্তব্য নহে । ৰাজকুমাৰেৰ প্ৰাণেৰ মত যাহাদিগেৰ প্ৰাণ
ভক্তিপূৰ্ণ নয়, তাঁহাৰা পৰম্পৰা ধৰ্ম্মকথা না বলিলে কতদূৰ ধৰ্ম্মভাব
ৰাখিতে পাবেন বলিতে পাৰি না । আমাদিগেৰ ভক্তিশূন্য প্ৰাণে ভক্তি
সঞ্চাৰেৰ জন্তুই ধৰ্ম্মকথাৰ প্ৰয়োজন । তবে সাবধান থাকিতে হইবে যে,
আডম্বৰেৰ জন্তু, বাহিৰে দেখাইবাৰ জন্তু, ধৰ্ম্মকথা না কহি, কি ধৰ্ম্মভাব
অবলম্বন না কৰি । আৰ যাহাৰা প্ৰকৃত ভক্ক তাঁহাদিগেৰও অপৰেৰ
প্ৰাণে ভক্তি জন্মাইবাৰ জন্তু ধৰ্ম্মকথা বলা কৰ্ত্তব্য । তাঁহাৰা না বলিলেও
তাঁহাদিগেৰ ভাবভক্তি এবং চক্ৰেৰ দৃষ্টিও ধৰ্ম্মভাব প্ৰচাৰ কৰিয়া থাকে ।
ৰাজকুমাৰী বিশেষৰূপে দৃষ্টি কৰিলে বোধ হয় তাঁহাৰ স্বামী যে পৰমভক্ক
তাঁহা বুঝিতে পাৰিতেন ।

লোকভয় ।

আর একটি প্রধান কণ্টকের নাম করিয়া এ বিষয় শেষ করিব। লোকভয় ভক্তিপথের বিশেষ প্রতিবন্ধক। 'আমরা' অনেক সময়ে লোক-নিন্দার ভয়ে অনেক সংকার্ষ্য হইতে বিরত থাকি। লোকনিন্দার ভয়ে মনুষ্যস্বহীন হইয়া পড়ি। লোকনিন্দাতীক্ষ হইলে যে মানুষ কি নির্বোধ হয়, তাহার একটি দৃষ্টান্ত দিতেছি—আমাদিগের এই বঙ্গদেশের কোন একটি প্রধান নগরে একজন শিক্ষক ছিলেন। ইনি লোকনিন্দাকে বড় ভয় করিতেন। একদিন তিনি নিজের বাড়ীতে কূপ হইতে জল তুলিতেছিলেন, এমন সময়ে কয়েকটি বন্ধু তাঁহার সহিত সাক্ষাৎ করিতে গিয়াছেন। যেমন তাঁহারা নিকটস্থ হইলেন, অমনি শিক্ষক মহাশয় দড়ি ও ঘটিটী আন্তে আন্তে কূপের ভিতর ছাড়িয়া দিলেন। তাঁহারা জিজ্ঞাসা করিলেন, 'মহাশয়, কি করিতেছিলেন?' ইনি উত্তর করিলেন এমন কিছু নয়, কূপটীর জল কেমন আছে দেখিতেছিলাম।' এ ভদ্রলোক লোক-নিন্দাভয়ে ঘটিটী হারাইলেন। আমরা অনেক সময়ে লোকনিন্দাভয়ে আমাদিগের ইহলোক ও পরলোকের সর্বপ্রধান সম্বল পরমার্থ পর্যন্ত কূপজলে নিক্ষেপ করিয়া থাকি। ভগবানের নাম কীর্তন করিতে কি দুঃদণ্ড তাঁহার বিষয় আলোচনা কি একাকী বসিয়া চিন্তা করিতে ইচ্ছা হইয়াছে, যেই মনে হয় কেহ কেহ উপহাস করিবে, কি উৎপীড়ন করিবে, অমনি তাহা হইতে সঙ্কুচিত হই।

সাধুভাবে চলিতে গেলে এ পৃথিবীতে অনেক সময়ে নিন্দাভাজন হইতে হয়, নানারূপ কষ্টে পড়িতে হয়। আমি কোন এক ব্যক্তিক জানি তিনি সরকারী কোন পদপ্রার্থী হইয়াছিলেন, নিরম আছে—২৫ বৎসর বয়স অতীত হইলে সরকারী কার্যে প্রবেশ করিবার অধিকার

থাকে না, তাঁহাকে তাঁহার বয়স জিজ্ঞাসা করা হইলে, তিনি তাঁহার প্রকৃত বয়স ২৬ বৎসর বলিয়াছিলেন। অনেকে তাঁহাকে সত্য কথা বলার 'পাগল' বলিতে লাগিল। যাহারা মানুষ অপেক্ষা ভগবানকে অধিক ভয় করেন, তাঁহারা প্রায়ই আমাদিগের মধ্যে পাগল বলিয়া পরিচিত হন। যাহারা কোন কুনীতি কি কুপ্রথা অথবা কু আচার সংস্কার করিতে যান, তাঁহারা কত কষ্ট পাইয়া থাকেন, পৃথিবীর প্রধান প্রধান সংস্কারকদিগের জীবনী আলোচনা করিলেই দেখিতে পাইবেন। যিশুখ্রীষ্ট পাপের বিরুদ্ধে ভগবদ্বিধি প্রচার করিয়াছিলেন বলিয়াই ক্রুশ হত হইয়াছিলেন। আজও চৈতন্যকে কেহ কেহ ভণ্ড পাষণ্ড বলিয়া থাকে। কোন কোন সময়ে দেখিতে পাই পিতা মাতা পর্যাস্ত সন্তানকে সাধু হইতে দেখিলে, তাহার বিরুদ্ধে নানা উপায় অবলম্বন করেন। ইহা অপেক্ষা আর দুঃখের বিষয় কি আছে !

কিন্তু যিনিই কেন বিরুদ্ধবাদী হউন না, যাহারা প্রকৃত সাধু তাঁহারা ভগবৎপক্ষে বিশ্বাস স্থাপন করিয়া কখনও বিচলিত হন না। ধর্মের জন্য যে কত মহাত্মা পাষণ্ডদিগের অত্যাচারে প্রাণ বিসর্জন করিয়া এই পৃথিবীকে ধন্য করিয়াছেন, তাঁহাদিগের দৃষ্টান্ত মনে হইলেও জীবন পবিত্র হয়। তাঁহাদিগের পদানুসরণ করিতে গেলে প্রাণ পর্যাস্ত পূর্ণ করিতে হইবে, লোকনিন্দার কষ্ট ত কিছুই নয়। রামপ্রসাদ গাহিতেন :—

“জয় কালী জয় কালী বল

লোক বলে বলবে পাগল হ'ল”।

ভক্তমাজেরই এই কথা। আমাদিগের ত প্রাণনাশের আশঙ্কা নাই, তবে মানুষ হই একটি কথা বলিবে ইহার ভয়ে কি পরমার্থ ত্যাগ করিব ? যিনি ভগবানের মিলনস্থখ সংস্কার করিতে ইচ্ছুক, তিনি আর লোকের কথা প্রায় করিবেন কেন ? একটি ভক্ত পরমানন্দে উৎফুল্ল হইয়া বলিয়াছিলেন—

তেরি মেরি দোস্তী লাগল লোক সব বদমনামী কিয়া ।

লোক সব্‌কো বক্‌নে দিজে তুম্‌মে হাম্‌নে কাম কিয়া ॥

“তোমাতে আমাতে বন্ধুত্ব হইয়াছে, লোক গুলি নিন্দা করিতেছে ; বলুক তাহাদিগের যাহা ইচ্ছা হয়, তুমি আমি কাজ হাসিল করিয়াছি । তুমি আমি যাহা কর্তব্য তাহাই করিয়াছি—পরস্পর যে বন্ধুত্বস্বত্রে আবদ্ধ হইয়াছি অতি উত্তম হইয়াছে, যাহার যাহা বলিতে ইচ্ছা হয়, বলুক না, আমাদিগের তাহাতে কি আসে যায় ?”

রাধিকা যখন দেখিলেন কৃষ্ণের প্রতি যে তাঁহার বিস্তৃত প্রেম তাহা লইয়া তাঁহার ননদিনী বড়ই উৎপাত আরম্ভ করিয়াছেন, একদিন বলিয়া উঠিলেন—

‘ননদিনি বল্‌গে যা তুই নগরে ।

ডুবোছে রাই কলকিনী কৃষ্ণকলকসাগরে ॥

এই ভাব লইয়া ভক্তিপথে অগ্রসর হইতে হইবে । লোক পাগল বলুক, নির্বোধ বলুক, আর মতলবি বলুক, আর গায়ে ধুলা দিক্, কি অশ্রু রকমে উৎপীড়ন করুক, কিছুই গ্রাহ্য করিবে না ।

(১) লোক ভয় দ্বারা আমরা কতদূর ক্ষতিগ্রস্ত হইতেছি ও সমাজকে কতদূর ক্ষতিগ্রস্ত করিতেছি একবার চিন্তা করা কর্তব্য । কোন ব্যক্তি আদালতে মোহরির কার্য্য করিতেছেন, মাসিক ২০ টাকার অধিক বেতন পান না ; তিনিও মনে করেন ‘আমি নিজে বাজার করিলে লোকে কি বলিবে ? একটি চাকর না রাখিলে চলে না ।’ মাসিক ৪ টাকা বেতনে একটি চাকর রাখেন, তাহার আহারের ব্যয় আর ৪ টাকা, বাকী ১২ টাকার পরিবারের ভরণপোষণ হইতে পারে না ; সুতরাং তাঁহার নিকটে কোন কার্য্য উপস্থিত হইলেই দেখিতে পাই তিনি কখনও ভালামী, কখনও দাখিলী, কখনও দশনী, কখনও বা

জলখাবার চাহিয়া বামহস্ত প্রসারণ করিয়া থাকেন। উৎকোচগ্রাহীদিগের মধ্যে অনেকের মুখেই শুনিতে পাইবেন, ‘মহাশয়, করি কি ? ভদ্রলোকের’ সম্মান। যে বেতন পাই তাহা তা জানেন। একটি ব্রাহ্মণ, কি একটি চাকর না রাখিলে লোকে বলিবে কি ? এদিকে ব্রাহ্মণ, চাকর রাখিতে হইলে বলুন দেখি, পরিবারের ভরণপোষণ চলে কিরূপে—কাষে কাষেই আর কি করি ? এই ভদ্রলোকের সম্মান ‘লোকে বলিবে কি’ ভাবিয়া ধর্ম্ম জলাঞ্জলি দিতেছেন। কেমন বুদ্ধিমান !

- অনেক সময়ে ‘লোকে বলিবে কি’ ভাবিয়া যৎপরোনাস্তি কুৎসিৎ আমোদপ্রমোদ, কি কুৎসিৎ কার্য্যে যোগ দিতে আমরা কুণ্ঠিত হই না।
- গ্রামের মধ্যে কোন আশ্রয়ের বাড়ীতে থেমটা নাচ, কি কোন কুৎসিৎ অভিনয় হইবে। আমি এইরূপ আমোদ প্রমোদের বিরুদ্ধে হই একটা বক্তৃতাও করিয়াছি, কিন্তু কি করি, নিমন্ত্রণপত্র আসিয়াছে—না গেলে, লোকে কি বলিবে ? বিশেষ সেই আশ্রয়টীও হয়ত কিঞ্চিৎ হুঃখিত হইবেন, স্মৃতরাং যাওয়াই প্রয়োজনীয় ; এইরূপ চিন্তা করিয়া আমরা
 - অনেক সময়ে মন্দ বিষয়ে যোগদান করিয়া নিজের চিত্তও কলুষিত করিয়া থাকি। কোন ব্যক্তি বালাবিবাহের ঘোর শত্রু, কিন্তু ‘লোকে কি বলিবে’ ইহাই ভাবিয়া আপনার পুত্র কি কন্যার ভবিষ্যৎ মঙ্গলের দিকে দৃষ্টিপাত না করিয়া তাহাদিগের অন্নবয়সে বিবাহ দিয়া তাহাদিগের ঘোর অনিষ্টসাধন করিলেন। এইরূপ লোকভয়ে আপনার ও পরের ক্ষতি করার অনেক দৃষ্টান্ত সংগ্রহ করা যাইতে পারে।

(২) মহৎ ব্যক্তিদের জীবন আলোচনা করিয়া তাঁহারা যাহা খাঁটি বুঝিয়াছেন তাহাই করিয়া গিয়াছেন, ‘লোকভয়কে তৃণজ্ঞান করেন নাই’ এই ভাবটি হৃদয়ে যত দৃঢ় করিতে পারিবেন ততই লোকভয় দূর হইবে। ধর্ম্মের জন্ত, সত্যের জন্ত, তাঁহারা যে হৃদমণীর তেজ দেখাইয়াছেন

তাহার একটি 'ফুলিক' কাহারও জীবনে পড়িলে তাহার লোকভর থাকিতে পারে না। সুতরাং সেই মহাত্মাদিগের চরিত্র পুনঃ পুনঃ আলোচনা করা কর্তব্য।

(৩) আর একটি বিষয় মনে রাখিলে হ্রোকভর অনেক কমিয়া যাইবে। পৃথিবীতে সহস্র সহস্র দৃষ্টান্ত দেখিতে পাই, যাহারা প্রথমে কোন সন্ধিস্থে বিরোধী হইয়াছিলেন; তাহারাষ্ট শেষে সেই বিষয়ের অত্যন্ত পক্ষপাতী হইয়া পড়িয়াছেন। ধর্মের, সত্যের, বাহা ভাল তাহার চিরকালই জয় হয়। এই জীবনে অনেকবার দেখিয়াছি যে যাহারা কোন ব্যক্তির নিন্দা না করিয়া জলগ্রহণ করিত না, এমনই ঘটনাচক্রে আসিয়া পড়িল যে, তাহারাষ্ট আবার নিজেদের ভুল বুঝিয়া সেই ব্যক্তির পরমবন্ধু হইয়া দাঁড়াইল। অনেক 'সল' (Saul) এই পৃথিবীতে 'পলে' (Paul) পরিণত হয়। অনেক শত্রুও মিত্র হইয়া পড়ে। কোন বিষয়ে কি কোন ব্যক্তিসম্বন্ধে পিতা খজাধারী ছিলেন, পুত্র সেই বিষয়ে কি সেই ব্যক্তির পরম ভক্ত হইলেন, কোন সংস্কারের ই'তবৃত্ত দেখিলেই এইরূপ পিতা ও পুত্র শত শত দেখিতে পাইবেন। সুতরাং কোন সন্ধিস্থের কার্য্য করিতে আরম্ভ করিলে নিম্নকগণ 'কি' তাহাদিগের সম্ভানগণ এক দিন অবশ্য দলভুক্ত হইবেন, যিনি ইহা মনে করেন তিনি কখন কতকগুলি লোক আপাততঃ বিরোধী হইয়াছে দেখিয়া নিরুদ্ভয় হইতে পারেন না।

মনে করুন এই পৃথিবীতে কেহই আপনার, পক্ষসমর্থন করিবে না তাহাতেই বা কি? যাহা সত্য, যাহা ধর্ম, তাহা যে ভগবানের অনুমোদিত সে বিষয়ে ত কোন সন্দেহ নাই। ধরুন, একদিকে ভগবান্ আর একদিকে সমস্ত পৃথিবী; তৌলে কোন্ দিক্ গুরুতর বোধ হয়? আপনি কোন্ দিকে যাইবেন?

এখান কষ্টকগুলির মাঝ করা হইল ও তাহা দূর করিবার উপায়

যথাসাধ্য বলা হইল। উপায়গুলির মধ্যে সকলেই বোধ হয় লক্ষ্য করিয়াছেন মনের কার্য্যই অধিক। কুচিন্তা সূচিন্তা দ্বারা, কুভাব সূভাব দ্বারা, দমন করা প্রয়োজন। সকল পাপেরই উৎপত্তি মনে এবং মন উহাদের বিনাশসাধনে অক্ষম। যোগবাশিষ্ঠে বশিষ্ঠদেব শ্রীরামচন্দ্রকে মন দ্বারা মনকে জয় করিতে হইবে দেখাইবার জন্ত বলিয়াছেন—

মন এব সমর্থঃ স্ত্যাহ মনসো দৃঢ়নিগ্রহে ।

অরাজাঃ কঃ সমর্থঃ স্ত্যাদ্রাজ্ঞো রাঘবনিগ্রহে ?

যোগবাশিষ্ঠ । উৎপত্তি । ১১২ । ১৯ ।

‘মনকে দৃঢ়রূপে শাসন করিতে একমাত্র মনই সমর্থ; হে রাম, যে ব্যক্তি স্বয়ং রাজা নয় সে কি কখন কোন রাজাকে শাসন করিতে সমর্থ হয়?’

যে বৃত্তিগুলি অধোমুখী হইয়াছিল মনের দ্বারা তাহাদিগকে উর্দ্ধমুখী করিতে হইবে। ইন্দ্রিয়বৃত্তিগুলি বাহিরে বিষয়ভূমিতে বিচরণ করিতেছিল, সূচিন্তা দ্বারা তাহাদিগকে অন্তর্মুখ করিতে পারিলেই কণ্টক উন্মূলিত করা হইল।

মনস্তোবেদ্রিয়াণাত্র মনস্তাশ্বানি যোজয়েৎ

সর্বভাববিনিমুক্তং ক্ষেত্রজং ব্রহ্মাণি শৃসেৎ ॥

বহিমুখানি সর্বাণি কৃৎস্না চাভিমুখানি বৈ ।

এতদ্ধানং তথা জ্ঞানং শেষস্তু গ্রন্থনিস্তরঃ ॥ দক্ষ ।

‘সমস্ত বহিমুখ ইন্দ্রিয়গুলিকে অন্তর্মুখ করিয়া মনেতে যোজনা করিবে, মনকে আশ্বার যোজনা করিবে, বাহিরের সমস্ত ভাব হইতে মুক্ত আশ্বাকে ব্রহ্মতে স্থাপন করিবে—ইহাই ধ্যান, ইহাই জ্ঞান, বাকী যাহা কিছু, কেবল গ্রন্থের বৃদ্ধিমান্ত্র।’ ভগবদগীতার শ্রীকৃষ্ণ অর্জুনকে বলিতেছেন—

যদা সংবহতে চায়ং কূর্নোহঙ্গানৌষ সর্বশঃ ।

ইন্দ্রিয়ানীন্দ্রিয়ার্থেভ্যস্তস্য প্রজ্ঞা প্রতিষ্ঠিতা ॥ গীতা । ২ । ৫৮ ।

‘কচ্ছপ যেমন আপনার অঙ্গগুলি বাহির হইতে ভিতরে গুটাইয়া লয়, সেইরূপ যখন কেহ ইন্দ্রিয়ের বিষয় হইতে ইন্দ্রিয়দিগকে ভিতরে টানিয়া লয়, তখন তাঁহার জ্ঞান প্রতিষ্ঠিত হয় ।’

তাই বলিয়া কেহ মনে করিবেন না, তবে কাজ কৰ্ম্ম ত্যাগ করিতে হইবে । কৰ্ম্ম ত্যাগ করিতে হইবে না । ইন্দ্রিয়বৃত্তিগুলির অন্তর্মুখ করিয়া কৰ্ম্ম ত্যাগ করিতে হইবে ।

ব্রহ্মণ্যাধায় কৰ্ম্মাণি সঙ্গং তাক্রুণী কৰোতি যঃ ।

লিপাতে ন স পাপেন পদ্যপত্রমিবাস্তসা ॥

ভগবদ্গীতা । ৫ । ১০ ।

‘যে ব্যক্তি বিষয়াসক্তিবহীন হইয়া ব্রহ্মতে আত্মসমর্পণ করিয়া সমস্ত কৰ্ম্ম করিতে থাকেন, পদ্যপত্রে যেমন জল দাঁড়াইতে পারে না, তেমনি তাঁহার হৃদয়ে পাপ দাঁড়াইতে পারে না ।’

যে উপায়গুলি বলা হইল হইদিগের দ্বারা কণ্টক দূর অর্থাৎ শম দম সাধন হইলে মানুষ শান্ত দান্ত হয় । শান্ত না হইলে দান্ত, সখ্য প্রভৃতি ভক্তিরসের অধিকারী হওয়া যায় না ।

উপসংহারে কণ্টকগুলি সম্বন্ধে আর একটি কথা বলা প্রয়োজনীয় । ইহারা অনেক সময়ে ছদ্মবেশে উপস্থিত হয় । অনেক সময়ে পাপ পুণ্যের বেশ ধরিয়া আইসে । সরতান গরদের ধূতি পরিয়া তিলক কাটিয়া পরম বৈষ্ণববেশে উপস্থিত হইয়া আমাদিগকে কুমন্ত্রণা দেয় । সর্বদা সতর্ক হইতে হইবে, এই সময়ে তাহার কুহকে ভুলিয়া না যাই । কোন ব্যক্তি কোন অস্তায় কার্য্য করিয়াছে, কি অপবিত্র বাক্য বলিয়াছে এবং তাহার জন্ত বিন্দুমাত্র অনুতপ্ত নহে, আপনি তাহার প্রতিবাদ করা কিংবা

তাহাকে শাস্তি দেওয়া নিতান্ত কর্তব্য মনে করিলেন, হয় ত কেহ বলিয়া উঠিলেন—ক্ষমা কর, অত প্রতিবাদ করিলে কি চলে ? পৃথিবীতে এরূপ কতই হইতেছে, ইহার বিরুদ্ধে ক্রোধ করিলে লাভ কি ? একটু ক্ষমা চাই । এস্থলে যিনি পাপের বিরুদ্ধে দণ্ডধারণ করিতে নিষেধ করিয়া ক্ষমার দোহাট দিলেন, তিনি প্রকৃতপক্ষে পাপকে প্রশ্রয় দিলেন । তিনি হয়ত বুঝিতে পারেন নাই, ক্ষমার বেশে পাপ তাঁহাকে অধিকার করিয়াছে । কোন ব্যক্তিকে জার্নেন সে বড় কষ্টে পড়িয়াছে, কিন্তু তাহাকে নগদ টাকা দান করিলে তাহার অপব্যবহার করিবে, এস্থলে যিনি দয়ার্জি হইয়া পুণ্য ভাবিয়া তাহাকে নগদ টাকা দান করিবেন তিনি জানিবেন পাপ পুণ্যবেশ ধারণ করিয়া তাঁহাকে প্রবঞ্চিত করিয়াছে । কোন সময়ে কাম কি ক্রোধের বশবর্তী হইয়া কোন কার্য করিয়া পরে মনকে প্রবোধ দিয়া থাক ‘ইহা ত উত্তমই করিয়াছি, ইহা না করিলে আমার কর্তব্য কার্যের ক্রটি হইত ।’ এস্থলে পাপ পুণ্য বলিয়া পরিচিত হইবার জন্ত নানারূপ তক উপস্থিত করিয়াছে । ছদ্মবেশী পাপ সম্বন্ধে এইরূপ অনেক দৃষ্টান্ত দেওয়া যাইতে পারে । মনের চারিদিকে অতি সতর্ক এবং বুদ্ধিমান প্রহরী রাখিতে হইবে, যেন পাপ কোন প্রকারে কোনরূপ চতুরতা অবলম্বন করিয়া হৃদয়ে প্রবেশ করিতে না পারে ।

ভক্তিপথের সহায় ।

ভক্তিলাভ করিতে হইলে কি কি উপায় অবলম্বন করা কর্তব্য তাহার আলোচনা করা যাইতেছে । যাহার খাণে প্রকৃত ভক্তির উদয় হইয়াছে, তাঁহার আর সহায়ের প্রয়োজন কি ?

তালবৃন্তেন কিং কার্যং লব্ধে মলয়মারুতে ?

যিনি মলয়মাকৃত সন্তোষ করিতে পারিতেছেন, তাঁহার আর তালবৃন্তে প্রয়োজন কি ?

যাহাদের প্রাণে ভক্তির উদয় হয় নাই, তাঁহাদিগের প্রথমে আৰ্ত্ত, জিজ্ঞাসু কিংবা অর্থার্থী ভক্ত হইবার জন্ত চেষ্টা করিতে হইবে। শান্তিন্য বলিয়াছেন, “মহাপাতকিনাং স্বাৰ্ত্তো”। মহাপাতকিদিগের আৰ্ত্তভক্তিতে অধিকার আছে। এইরূপ নিম্ন শ্রেণীর ভক্ত হইতে পারিলে, পরে উচ্চ শ্রেণীর ভক্ত হওয়া যায়। যিনি প্রাণে রাগাধিকারি অর্থাৎ ভক্তির অঙ্গুর দেখিতে পান, তিনি ত পরম ভাগ্যবান।

কেহ হয়ত বলিবেন, আৰ্ত্ত কি জিজ্ঞাসু অথবা অর্থার্থী ভক্ত হইবার জন্ত আবার চেষ্টা কি ? বিপদে পড়িলেই ত আমরা আৰ্ত্ত ভক্ত হই, প্রাণের ভিতরে ত স্বতঃই জিজ্ঞাসার ভাব আছে, অর্থের প্রয়োজন হইলেই ত অর্থার্থী ভক্ত হই।

সকল সময়ে বিপদ বুঝি কই ? আমরা যে ভবরোগে আক্রান্ত, পাপে জর্জরিত, তাহা কি আমরা বুঝি ? বুঝিলে এ দশা থাকিত না।

যে বিষয়ে জিজ্ঞাসার ভাব মনে আসিলে জীবন ধন্য হইয়া যায়, সে বিষয়ে জিজ্ঞাসা প্রাণের ভিতরে আসে কোথায় ? আমাদের মধ্যে কে ভগবদ্ভক্ত জানিতে ব্যাকুল ? ‘কত টাকা আসিল ? কে আমাকে বলিল ? আমার পরিবারের কে কেমন আছে ?’—এই প্রশ্ন জিজ্ঞাসা করিতে আমরা যতদূর প্রস্তুত, ‘ভগবানের স্বরূপ কি ? আমাদের সহিত তাঁহার কি সম্বন্ধ ? আমাদের পরিত্রাণের উপায় কি ?’ এইরূপ প্রশ্ন আমাদের ক’জনেও মনে হয় ?

অর্থার্থী ভক্ত হই বা আমরা হইতে পারিরাছি কই ? প্রকৃত অর্থ কি তাহা কি আমরা বুঝি ? আমাদের মধ্যে ত কেবল প্রার্থনা শুনি—‘পুত্রং দেহি ধনং দেহি ভাগ্যং ভগবতি দেহি মে।’ তাও কি প্রাণের সহিত

‘দেহি’ বলি ? যাহার নিকটে প্রার্থনা করি তিনি যে শুনিতেছেন—ইহাই কি দৃঢ়রূপে বিশ্বাস করিয়া থাকি ? ইহার যে কোন প্রকারের ভুল হইতেই

আত্মচিন্তা

প্রধান উপায় ।

(১) প্রত্যেক দিবস যদি ভাবিয়া দেখি ‘কি অবস্থায় জীবন যাপন করিতেছি ? সংকার্য্য কত করিতেছি ? অসংকার্য্যই বা কত করিতেছি ? পাপের সহিত কিরূপ সংগ্রাম চলিতেছে ?’—এইরূপ ভাবিতে গেলেই শরীর শিহরিয়া উঠিবে, কি ঘোর বিপদে পড়িয়াছি, বুঝিতে পারিব । আমাদেরই গায় এমন দুর্দশাপন্ন জীব ত আর দেখিতে পাঠ না, এমন মূর্থ জীব ত বুঝি আর নাই । আগুনে ঝাঁপ দিলে পুড়িয়া মরিব, ইহা জানিয়া শুনিয়া কোন্ জীব মানুষের গায় আগুনে আত্মসমর্পণ করিয়া থাকে ?

অজানন্ দাহান্তিঃ বিশতি শলভো দীপদহনং

ন মীনোহপি স্ত্রীয়া বৃতবড়িশমশ্রুতি পিণিতং ।

বিজানন্তোহপোতান্ বয়মিহবিপজ্জালজটিলান্

ন মুঞ্চামঃ কামানহহ ! গহনো মোহমতিমা ॥

শাস্তিশতক ।

‘পতঙ্গ জানে না পুড়িয়া মরার জালা কি, তাই প্রদীপের অগ্নির মধ্যে প্রবেশ করে ; মৎস্যও জানে না যে, যে মাংসখণ্ড আহার করিতেছে তার ভিতরে মৃত্যু রহিয়াছে, তাই সে বড়িশসংযুক্ত মাংসখণ্ড গিলিয়া ফেলে ; কিন্তু আমরা জানি যে আমাদেরই ভোগের বিষয়গুলি বিপদ-পরিপূর্ণ, ভোগ করিতে গেলেই সর্বনাশ হইবে, তথাপি ইহাদিগকে ত্যাগ করি না ; হায় হায়, মোহের কি ভয়ানক ক্ষমতা !’

ইচ্ছিন্নমুখ, বিষন্নমুখ ভোগ করিতে করিতে আমাদেরই দশা যে কি

হইয়াছে, তাহা কি একবার কেহ চিন্তা করিয়া দেখেন ? কত উচ্চ অধিকার লইয়া জন্মগ্রহণ করিয়াছিলাম, আর এখন কি অবস্থায় পতিত ! আমাদিগের ছরবস্থার কি পার আছে ? হায়, হায়, ইন্দ্রিয়সেবা যে একেবারে আমাদিগের সর্বনাশের পথে উপস্থিত করিয়াছে—আর সে কি এক ইন্দ্রিয়ের সেবা ! চক্ষু, কণ, নাসিকা, জিহ্বা, শ্রবণ প্রভৃতি এমন একটা ইন্দ্রিয় নাই, যাহার লালসা চরিতার্থ করিতে বিন্দুমাত্র ক্রটি হইতেছে । ফল যাহা হইবার তাহাই হইতেছে ।

কুরঙ্গ মাতঙ্গ পতঙ্গ ভৃঙ্গ মীনাঃ হতাঃ পঞ্চভিরের পঞ্চ ।

একঃ প্রমাদী স কথং ন হন্যতে যঃ সেবতে পঞ্চভিরের পঞ্চ ?”
গরুড়পুরাণ ।

‘কুরঙ্গ, মাতঙ্গ, পতঙ্গ, ভৃঙ্গ ও মীন ইহারা পঞ্চেন্দ্রিয়ের এক একটির পৃথক পৃথক সেবা করিয়া প্রাণ হারাইল । মাত্র এক ইন্দ্রিয়ের পৃথক সেবাতেই যদি এই সর্বনাশ ঘটে, তাহা হইলে যে একই সময়ে সমবেত পঞ্চেন্দ্রিয়ের সেবা করিয়া থাকে সে কেন প্রাণ হারাইবে না ?’ হরিণ ব্যাধের বংশীধ্বনিতে মোহিত হইয়া কর্ণের তৃপ্তির জন্য অধীর হয়, শ্রবণেন্দ্রিয়ের লালসা চরিতার্থ করিতে জ্ঞানশূন্য হইয়া বাগুরায় পড়িয়া আপনার সর্বনাশ ঘটাইয়া থাকে । যাহারা হস্তী ধরিয়া থাকে, তাহারা তাহাদিগের সঙ্গে গৃহপালিত হস্তী লইয়া যায়, বন্য হস্তী গৃহস্থের হস্তীর অঙ্গসঙ্গের জন্য অত্যন্ত ব্যাকুল হয়, দৃষ্টিেন্দ্রিয়ের সুখানুভবের আশায় উন্মত্ত হইয়া তাহার নিকটে আসিয়া শুণ্ডে শুণ্ডে মিলাইয়া ক্রীড়া করিতে আরম্ভ করে, অবশেষে চিরদিনের জন্য বন্দীভাবে মৃতপ্রায় হইয়া থাকে । পতঙ্গ অগ্নিশিখা দেখিয়া তাহার সৌন্দর্য্যে এমনি আকৃষ্ট হইয়া পড়ে যে, তাহার ভিতরে প্রাণটা আহুতি দিয়া তবে স্থির হয় । চক্ষুর বাসনা তৃপ্ত করিতে গিয়া পরিণামে এই লাভ ! ভৃঙ্গ পদ্মগন্ধে মুগ্ধ হইয়া পদ্মকোরকের

মধ্যে ডুবিয়া থাকে, যেমন সন্ধ্যা হয় পাপড়িগুলি মুদিয়া যায়, পরদিন সকালে দেখ, ভুজটি মরিয়া রহিয়াছে। নাসিকা ভ্রূদের মৃত্যুর কারণ। মৎস্ত জিহ্বার ভোগেচ্ছা দ্বারা পরিচালিত হইয়া যেমন বড়িশবিক খাত্ত গিলিয়া ফেলে, অমনি কত যন্ত্রণা পাইয়া মৃত্যুমুখে পতিত হয়। কুরঙ্গ কর্ণের সেবা করিয়া নাশ পাইল, মাতঙ্গ স্বকের সেবা করিয়া মৃতবৎ হইয়া রহিল, পতঙ্গ চক্ষুর সেবা করিয়া বিনষ্ট হইল, ভুজ নাসিকার সেবা করিয়া মরিল, মৎস্ত জিহ্বার সেবা করিয়া প্রাণ হারাইল। মাত্র এক একটি ইন্দ্রিয়ের সেবা করিয়া যদি ইহাদিগের এই ফল হইল, বাহারা পূর্ণমাত্রায় পঞ্চেন্দ্রিয়ের সমবেত সেবা করিয়া থাকে তাহাদিগের কি দশা হয় একবার ভাবিয়া দেখুন।

“স কথং ন হন্যতে যঃ সেনতে পঞ্চাভিরের পঞ্চ ?”

ইন্দ্রিয়গুলির ভোগবাসনায় ইন্ধন দিয়া যে একেবারে সর্বস্বান্ত হইলাম ! ইহারা যে এক একটা এক এক দিক হইতে দস্যুর ত্রায় আমাদিগের সর্বস্ব লুণ্ঠন করিয়া লইল ! ইহারা আমাদিগকে কিরূপ দুর্দশাগ্রস্ত করিয়াছে, আত্মচিন্তা দ্বারা যিনি বুঝিতে পারিবেন তিনিই অশ্রুজলে বক্ষঃস্থল ভাসাইয়া ভগবান্কে বলিবেন :—

“জিহ্বৈকতোহচ্যুত বিকর্ষতি মাণ্ডিত্ত্বা

শিশ্নোহন্যতস্তদুদরঃ শ্রবণং কুতশ্চিৎ ।

শ্রাণোহন্যতশ্চপলদৃক্ ক চ কন্মুশক্তি

বহ্ন্যাঃ সপত্ন্যা, ইব গেহপতিং লুনস্তি ।”

ভাগবত । ৭ । ৯ । ৩৯ ।

‘হে অচ্যুত, দেখ দেখ, এই যে জিহ্বা এত যে ইহার বাসনা পূরাইলাম, তথাপি ইহার তৃপ্তি হইল না ; দেখ, এ আমাকে একদিকে টানিতেছে,

উপন্থ আর একদিকে টানিতেছে, উদর অপর একদিকে, কণ, নাসিকা, চক্ষু প্রত্যেকে এক এক দিকে টানিতেছে ; কোন ব্যক্তি বহু বিবাহ করিলে যেমন তাহার ক্রীগুলি তাহাকে নানাদিক হইতে টানিয়া উৎপীড়ন করে, আমাকে যেমনি এই ইন্দ্রিয়বৃত্তিগুলি উৎপীড়ন করিতেছে !’
রামপ্রসাদ এই অবস্থা মনে করিয়াই গাহিয়াছিলেন—

“পাঁচ ইন্দ্রিয়ের পাঁচ বাসনা, কেমন করে ধর করিব ?”

এই অবস্থা যিনি বুঝিতে পারিয়া ইহা হইতে মুক্ত হইবার জন্য ভগবানকে ডাকিতে থাকেন, তিনিই প্রকৃত আত্মভক্ত ।

জিজ্ঞাসু ভক্ত হইতে হইলেও আত্মচিন্তা প্রধান উপায় । যিনি নির্জনে বসিয়া আপনার বিষয় চিন্তা করেন, তাঁহারই মনে এই প্রশ্নগুলি উপস্থিত হয় ‘আমি কি ? কোথা হইতে আসিলাম ? কি জন্য আসিলাম ? কে পাঠাইলেন ? তিনি কিরূপ ? তাঁহার সহিত আমার কি সম্বন্ধ ? পিতা, মাতা, আমার কে ? তাঁহারা আমাকে এত ভালবাসেন কেন ? জগতে এত ভাই বন্ধু কে আনিয়া দিল ? অগ্নি আমার উত্তাপ দেয় কেন ? বায়ু আমার শরীর শীতল করে কেন ? জল আমার তৃষ্ণা নিবারণ করে কেন ?’ এইরূপ শত শত প্রশ্ন উপস্থিত হইয়া মনকে তত্ত্বচিন্তার দিকে অগ্রসর করিয়া দেয় । একটু চিন্তা করিলেই এক প্রেমময় শক্তি যে জগন্ময় কার্য্য করিতেছেন তাহা স্পষ্ট উপলব্ধি হয় । এই শক্তি উপলব্ধি হইলেই যত ইহার বিষয়ে চিন্তা হয়, ততই ইহার দিকে আকৃষ্ট হওয়া এবং ইহার প্রতি ভক্তিপূর্ণ হওয়া অবশ্যস্বাবী ।

অর্থার্থী ভক্ত হইতে হইলেও আত্মচিন্তা প্রধান উপায় । আত্মচিন্তা দ্বারা নির্গম করিতে হইবে ‘আমার কিসের অভাব, আমি কি চাই ।’ অভাব ও প্রার্থনার বিষয় স্থির হইলে, দেখিতে পাইব যাহা কিছু অভাব এবং যাহা কিছু প্রার্থনার বিষয় তাহা সমস্ত প্রাণ খুলিয়া বলিতে এক জন

ভিন্ন কাহারও নিকটে পারা যায় না। সিকি পরসাই হইতে নির্বাণ মুক্তি পর্য্যন্ত যাহা চাই, তাহা সমস্ত বলিতে এক জন বই আর নাই। তখন সেই একজনকেই সমস্ত বলিতে প্রবৃত্ত হইব, তাহাতেই ভক্তির প্রথম সিঁড়ি পত্তন হইবে।

এই ভাবে আর্ত কি অর্থার্থী হইলেত কথাই নাই, সামান্য বিপদ অর্থাৎ তন্দ্র, ব্যাধ, রোগাদি প্রণীড়িত হইয়া আর্ত, অথবা সামান্য বিষয়-মুখ সম্বন্ধে অর্থার্থী হইয়া হৃদয়ের সহিত ভগবানের নিকটে প্রার্থনা আরম্ভ করিলেই দেখিতে পাইব হয় প্রার্থনা পূর্ণ হইতেছে, নতুবা যাহা প্রার্থনা করিতে আরম্ভ করিয়াছিলাম তাহা অকিঞ্চিংকর বোধ হইতেছে। তামস ভক্তও যদি একাগ্রমনে ডাকিতে আরম্ভ করে, তাহার প্রাণেও এই ভাবনাটি উপস্থিত হইবে। যে ব্যক্তি যে কামনা করিয়াই ডাকুক, ডাকিলেই

“ক্ষিপ্রং ভবতি ধর্ম্মাত্মা শম্ভুচ্ছাস্তিঃ নিগচ্ছতি।”

অতি শীঘ্র ধর্ম্মাত্মা হইয়া যায় এবং নিত্য শাস্তি প্রাপ্ত হয়। চৈতন্য মহাপ্রভু সনাতনকে বলিলেন, বুদ্ধিমান ব্যক্তি ভোগের কামনা, কি মোক্ষের কামনা এইরূপ কোন কামনা করিয়া কৃষ্ণকে ডাকিতে আরম্ভ করে, পরে কৃষ্ণচরণ প্রাপ্ত হয়।

“অনু কামী যদি করে কৃষ্ণের ভজন,

না মাগিলেও কৃষ্ণ তারে দেন স্বচরণ।

কৃষ্ণ কহে “আমা ভ'জে মাগে বিষয় সুখ ;

অমৃত ছাড়ি বিষ মাগে এত বড় মূর্থ !

আমি বিজ্ঞ এষ্ট মূর্খে বিষয় কেন দিব ?

স্বচরণামৃত দিয়া বিষয় ভুলাইব।”

স্বয়ং বিধন্তে ভক্ততামনিচ্ছতা ।

মিচ্ছাপিধানং নিজপাদপল্লবম্ ॥

শ্রীমদ্ভাগবত ৫ । ১২ । ২৭ ।

‘যে তাঁহার পাদপল্লব চাহে নাই, তাঁহাকেও সকল বাসনা :দূর হইয়া যায় যাহা দ্বারা, এমন যে তাঁহার পাদপল্লব, তাহা স্বয়ংই প্রদান করেন ।

কাম লাগি কৃষ্ণ ভ’জে পায় কৃষ্ণ রসে ;

কাম ছাড়ি দাস হ’তে হয় অভিলাষে ।

এব রাজসিংহাসন পাইবার প্রার্থী হইয়া ভগবানকে ডাকিতে আরম্ভ করেন, অবশেষে কৃষ্ণরস পাইয়া তাঁহার “কাম ছাড়ি দাস হইতে” অভিলাষ জন্মিল ।

প্রার্থনা করিতে করিতে একটু ভাবের সঞ্চার হইলেই আরাধনা আরম্ভ হয় । প্রথমে নিজের স্বার্থের জন্য প্রার্থনা বই আর কিছুই থাকে না, যখন ভগবানের নিকট প্রার্থনা করিতে করিতে একটু অহুসারের ভাব আসে, তখন তাঁহার জ্ঞতি ও মহিমা কীর্তন করিতে বড় ইচ্ছা হয় । তাঁহার জ্ঞতিগান শুনিলে প্রাণে বড়ই আনন্দ হয়, মন তাঁহার মহিমা কীর্তনের বিষয় আবেষণ করিতে থাকে ; যত এইরূপ ইচ্ছার বৃদ্ধি হয় ততই তাঁহার মহিমা এবং স্বরূপ প্রতিভাত হইতে থাকে, হৃদয় আনন্দে ভরপুর হইয়া তাঁহার জয়ধ্বনি করিতে থাকে । ভাব আরও গাঢ় হইলে জ্ঞতি, মহিমাগীতি, স্বরূপকীর্তন প্রভৃতি ও বাহিরের জিনিষ বলিয়া মনে হয় ; তখন ইচ্ছা করে—সমস্ত কামনা বিদায় দিয়া নিকটে বসিয়া কথাটা না কহিয়া কেবল সেই সুন্দর মোহন রূপরাশি দেখিতে থাকি । ইহার নাম ধ্যান, কেবল স্বরূপচিন্তা, নীরবে স্বরূপচিন্তা । এই অবস্থায় ‘সতাং শিবসুন্দররূপভাতি হৃদিমন্দিরে, অবাচ্ছ হইয়ে অধীর মন শরণ লইবে

শ্রীপদে ।’ যখন প্রেম আরও গাঢ় হইয়া দাঁড়ায় তখন সমাধি অথবা লয় ।
আর নিকটে বসি নাই ধ্যান করিতে করিতে প্রাণ এমনি উন্মত্ত হইয়া
পড়ে যে পতঙ্গ যেমন অগ্নিতে কাঁপ দেয় তেমনি জীব তাঁহার রূপাঘাতে
কাঁপ দেয় । ধ্যান পর্য্যন্তও ‘ঐ তুমি, এই আমি’ ; সমাধিতে আর ‘এই
আমি’ নাই কেবল ‘তুমি’ ; ‘আমি’ ‘তুমির’ ভিতরে ডুবিয়া যায় । অথবা
‘তুমি’ ‘আমি’ জ্ঞানের লোপ হইয়া এক অনির্বচনীয় সত্তার উপলব্ধি হয় ।

চৈতন্যোক্ত পঞ্চসাধন

চৈতন্য সনাতনকে ভক্তিসাধন সম্বন্ধে যে উপদেশ করিয়াছিলেন
তাহাতে বলিয়াছিলেন—

সংসঙ্গ, কৃষ্ণসেবা ভাগবত, নাম,
ব্রজে বাস, এই পঞ্চ সাধন প্রধান ।
এই পঞ্চ মধ্যে এক স্বল্প যদি হয়,
সুবুদ্ধি জনের হয় কৃষ্ণপ্রেমোদয় ॥

চৈতন্যচরিতামৃত ।

শ্রীকৃষ্ণ গোস্বামী তাঁহার ভক্তিরসামৃতসিক্তে বলিয়াছেন—

দূরহাস্তুত বৌর্যে।হস্মিন্ শ্রদ্ধা দূরেহস্তু পঞ্চকে ।
যত্র স্নেহোহপি সম্বন্ধঃ সন্ধিয়াৎ ভাবজন্যম্ ॥

‘দূরহ ও আশ্চর্য্য, প্রভাবশালী এই পঞ্চ বিষয়ে শ্রদ্ধা দূরে থাকুক
অত্যন্তমাত্র সম্বন্ধ হইলেও সম্বন্ধি ব্যক্তিদিগের ভাব জন্মিতে পারে ।

সাধুসঙ্গ ।

কুসঙ্গ যেমন ভক্তিপথের কণ্টক, সংসঙ্গ তেমনি ভক্তিপথের সহায় ।
যেমন একদিকে অসংশয় সঙ্কে, ভক্তিশাস্ত্র বারংবার দুই হাত তুলিয়া
বলিতেছেন—

সঙ্গং ন কুর্যাদসতাং শিশ্নোদরতৃপাং কচিৎ ।

তস্মানুগন্তমশ্রুক্ষে পততাক্কানুগোহক্ৰবৎ ।

ভাগবত । ১১ । ২৬ । ৩ ।

‘যাহারা অসৎ, ইন্দ্রিয়পরায়ণ, কখন তাহাদিগের সঙ্গে বাস করিবে
না, এইরূপ কোন ব্যক্তির সঙ্গ করিলে অকের অনুবর্তী যেমন ঘোর
অন্ধকারে পতিত হয়, তেমনি অন্ধকারময় নরকে পতিত হইবে ।’

সত্যং শৌচং দয়া মোনং বুদ্ধিহ্রীঃ শ্রীর্ষণঃ ক্রমা ।

শমো দমো ভগশ্চেতি যৎসঙ্গাদ্ যাতি সংক্ষয়ম্ ॥

ভাগবত । ৩ । ৩১ । ৩৩ ।

‘অসংসঙ্গে সত্য, শুদ্ধি, দয়া, মোন, বুদ্ধি, লজ্জা, যশ, ক্রমা, শম, দম,
ঐশ্বর্য্য সকলই নষ্ট হয় ।

তেষশাশ্বেষু মূঢ়েষু খণ্ডিতাশ্বসাদুসু ।

সঙ্গং ন কুর্য্যাচ্ছোচ্যেযু যোষিৎক্ৰীড়ামৃগেষু চ ॥

ভাগবত । ৩ । ৩১ । ৩৪ ।

‘অসংযতেন্দ্রিয়, মূঢ়, দেহাশ্ববুদ্ধি, অসাধু, যোষিৎক্ৰীড়ামৃগ অতএব
নিতান্ত শোকের পাত্র যাহারা, তাহাদিগের সঙ্গ করিবে না ।’

বরং হতবহুলা পিঞ্জরাস্তব্যাবস্থিতিঃ ।

ন শৌরিচিন্তাবিমুখজনসংবাসবৈশম্যম্ ॥

কাত্যায়নসংহিতা । ভক্তিরসামৃতসিদ্ধি ।

‘অগ্নিদাহ যথো, লৌহময় পিঞ্জরে অবস্থান করাও ভাল, তথাপি ভগবচ্ছিত্তাবিমুখ ব্যক্তিদিগের সংসর্গে বাস করা কর্তব্য নহে ।’

তেমনি অপরদিকে ভক্তিশ্রীভ সন্থকে সংসর্গের মহিমা উচ্চরবে কীর্তন করিতেছেন—

ভক্তিস্তু ভগবন্তু সঙ্গেন পরিজায়তে ।

বৃহন্নারদীয়পুরাণ । ৪ । ৩৩ ।

ভক্তি ভগবন্তু সঙ্গ হইতে জন্মিয়া থাকে ।

রবিচ্চ রশ্মিজালে দিবা হস্তি বহিস্তমঃ ।

সন্তুঃ সূক্তিমরীচ্যোঘৈচ্চাস্তুধ্বাস্তুংহি সর্বথা ॥

বৃহন্নারদীয়পুরাণ । ৪ । ৩৭ ।

‘সূর্য্য কিরণমালা দ্বারা বাহিরের অন্ধকার নাশ করেন ; সাধুগণ তাঁহাদিগের সছিত্তিক্রপ কিরণজালের দ্বারা সর্বতোভাবে তিতরের অন্ধকার নাশ করেন ।’

সতাং প্রসঙ্গান্মমবীৰ্য্যাসম্বিদো ভবন্তি হৃৎকর্ণরসায়নাঃ কথাঃ ।

তজ্জ্ঞানাদাশ্বপবর্গবজ্রানি শ্রদ্ধা রতিভক্তিরনুক্ৰমিষ্যতি ॥

ভাগবত । ৩ । ২৫ । ২৫ ।

ভগবান্ বলিতেছেন—

‘সাধুদিগের সংসর্গে আমার শক্তিসম্বন্ধীয় হৃদয়ও কর্ণের সুখজনক কথা হইতে থাকে, সেই কথা সন্তোগ করিলে শীঘ্রই যুক্তির পথে ক্রমে ক্রমে, শ্রদ্ধা, রতি ও উপর হইয়া থাকে ।’

প্রহ্লাদ কহিয়াছেন—

নৈবাং মতিস্তাবদুক্রমাজ্জিহ্মুঃ স্পৃশত্যানর্থাপগমো চদর্থঃ ।

মহীয়সাং পাদরজোহতিষেকং নিকঞ্চনানাং ন বৃণীত যাবৎ ॥

ভাগবত । ৭ । ৫ । ৩২ ।

‘যে পর্য্যন্ত অকিঞ্চন বিষয়াভিমানহীন সাধুদিগের পদধূলি দ্বারা অভিষিক্ত না হইবে, সেই পর্য্যন্ত কাহারও মতি, সংসারবাসনানাশের উপায় যে ভগবানের চরণপদ্ম, তাহা স্পর্শ করিতে পারিবে না ।’

কিন্তু সাধু কাহার কিক্রমে জানিব ? ভগবান্ তাহাদিগের লক্ষণ বলিতেছেন—

সন্তোহনপেক্ষামাচ্ছিত্তাঃ প্রণভাঃ সমদর্শনাঃ ।

নির্মমা নিরহংকারানির্দ্বন্দ্বা নিম্পরিগ্রহাঃ ॥

ভাগবত । ১১ । ২৬ । ২৭ ।

‘সাধুগণ কিছুই অপেক্ষা রাখেন না, তাঁহারা আভাগতচিত্ত, প্রণত, সমদর্শন, নির্মম, নিরহংকার, নির্দ্বন্দ্ব, এবং নিম্পরিগ্রহ ।

তিতিক্ষবঃ কারুণিকাঃ সুহৃদঃ সর্বদেহিনাং ।

অজাতশত্রবঃ শাস্তাঃ সাধবঃ সাধুভূষণাঃ ॥

ভাগবত । ৩ । ২৫ । ২১ ।

‘ঈশসহনশীল, দয়াদ্রুহদয়, সকল জীবের সুহৃৎ, অজাতশত্রু, শাস্ত ও সুশীল ।’

‘কেহ কেহ বলিয়া থাকেন একরূপ আদর্শ ব্যক্তি কোথায় পাইব ? বড়ই দুর্লভ । আমার কিন্তু মনে হয় বিশিষ্টরূপে এই ভাব জীবনে দেখাইয়াছেন, একরূপ মহাত্মা একটু অব্বেষণ করিলেই পাওয়া যায় । রামকৃষ্ণ পরমহংস মহাশয়, কি নবদ্বীপে চৈতন্যদাস বাবাজীর দর্শন অনেকেই অনায়াসে লাভ করিতে পারিতেন । এখনও সাধুর যে বিশেষ অভাব আছে আমি মনে করি না, তবে আমাদের চরণদর্শনের ইচ্ছার বিশেষ অভাব আছে স্বীকার করি । গাজীপুরের পাহাড়ী বাবা, কি কালীর ভাস্করানন্দ স্বামীকে দর্শন করা বড় দুষ্কর নহে । আর সাধুগণ

প্রায় সর্বত্রই আগমন করিয়া থাকেন, যিনি তাঁহাদিগকে দেখিতে ইচ্ছা করেন, তিনি দেখিতে পান ।

আদর্শ সাধু অনেক না পাইলেও পূর্বোন্নিখিত ভাবগুলি কথঞ্চিৎ পরিমাণে জীবনে আয়ত্ত করিয়াছেন, একরূপ সাধু অনেক দেখিতে পাইবেন । যাহার জীবনে ঐ ভাবগুলি যতদূর স্ফুট দেখিতে পাইবেন, তাঁহাকে ততদূর সাধু মনে করিতে হইবে । এইরূপ সাধুদিগের সঙ্গ করিলেও জীবন অনেক দূর অগ্রসর হইবে । যিনি প্রাণের সহিত ভগবৎকথা বলেন, আমাদিগের তাঁহারই চরণধূলি গ্রহণ করা কর্তব্য । একরূপ ব্যক্তির নিকট উপস্থিত হইলেই ফল পাইব । “সঙ্গ শুণে বং ধরবেই” নিশ্চয় ।

সাধুসঙ্গে কি উপকার হয়, জগাই মাধাইএর উদ্ধার তাহার চূড়ান্ত দৃষ্টান্ত । নারদও সাধুসঙ্গে নবজীবন লাভ করেন । তিনি এক দাসীর পুত্র ছিলেন । তিনি সাধুদিগের সেবার প্রভুকর্তৃক নিযুক্ত হইয়াছিলেন । সাধুসেবার কি ফল তাহা তিনি ব্যাসদেবকে বলিয়াছেন—

উচ্ছিন্নলেপানমুমোদিতোদ্বিজৈঃ সক্রৎস্বভূষণে তদপাস্তকিস্মিৎ ।
এবং প্রবৃত্তস্য বিশুদ্ধচেতস স্তুত্বম্ এবাভ্যরুচিঃ প্রজায়তে ॥

ভাগবত । ১ । ৫ । ২৫ ।

‘ব্রাহ্মণগণের অনুমতি লইয়া আমি তাঁহাদিগের উচ্ছিন্ন অন্ন ভোজন করিতাম, তদ্বারা আমার পাপ দূর হইল ; এইরূপ করিতে করিতে বিশুদ্ধচিত্ত হওয়ায় তাঁহাদিগের যে পরমেশ্বরভজন ধর্ম, তাহাতে আমার মনে রুচি জন্মিল ।’

তত্রাস্বহং কৃষ্ণকথাঃ প্রগায়তা মনুগ্রাহেণাশৃণবং মনোহরাঃ ।

তাঃ শ্রদ্ধয়ামেহমুপদং বিশৃণ্বতঃ প্রিয়শ্রবশ্চক্ষমমাতবদ্রুচি ॥

.. ভাগবত । ১ । ৫ । ২৬ ।

‘তঁাহারা যে অনুগ্রহপূর্বক মনোহর কৃষ্ণকথা গান করিতেন, প্রতিদিন প্রকার সহিত তাহা শুনিতে শুনিতে যাঁহার কথা শুনিতে মধুর সেই ভগবানে আমার কৃতি জন্মিল ।’

ইথং শরৎপ্রারম্ভিকারতুহরে বিশ্বণুতোমেষুসবং যশোহমলং ।
সংকীৰ্ত্ত্যমানং মুনিভির্মহাত্মাভি ভক্তিঃ প্রবৃত্তাত্মরজস্তমোপহা ॥

ভাগবত । ১ । ৫ । ২৮ ।

‘এইরূপে শরৎ ও প্রারম্ভিকালে মহাত্মা মুনিগণ কর্তৃক সংকীৰ্ত্ত্যমান হরির অমল যশ প্রাতঃকালে, মধ্যাহ্নে ও সন্ধ্যাহ্নে শুনিতে শুনিতে আশাতে রজস্তমনাশিনী ভক্তির উদয় হইল ।’

ভক্ত হরিদাস যখন বেনাপোলের বনে সাধন করেন, তখন তঁাহার বৈরাগ্যধর্ম নাশ করিবার জন্ত রামচন্দ্র খান একটা বেষ্ঠা নিযুক্ত করিয়া ছিলেন । বেষ্ঠা হরিদাসকে প্রলুব্ধ করিবার অভিপ্রায়ে তঁাহার দ্বারে বসিয়া থাকে, তিনি ভগবানের নাম কীৰ্ত্তন করিতে থাকেন । বেষ্ঠার আশা— নাম জপ শেষ হইলে তঁাহার সর্বনাশ করিবার খানের নিকটে ফিরাবে । নাম কীৰ্ত্তন করিতে করিতে হরিদাসের রাত্রি ভোর হইয়া যায় । এক রাত্রি গেল । বেষ্ঠা দ্বিতীয় রাত্রে উপস্থিত । দ্বিতীয় রাত্রিও কীৰ্ত্তনে শেষ হইল । তৃতীয় রাত্রে উপস্থিত । এ রাত্রিও কীৰ্ত্তন করিতে করিতে শেষ হইয়া গেল । এই তৃতীয় রাত্রি শেষ হইতে না হইতে বেষ্ঠা হরিদাসের চরণে পড়িয়া কাদিতে কাদিতে বলিতে লাগিল ‘আমি পাপীয়াসী আমার পাপের সংখ্যা নাই, তুমি আমাকে কৃপা করিয়া নিস্তার কর ।’ সেই শুভ প্রভাতে বেষ্ঠার জীবনে সাধুসঙ্গের মহিমা বিঘোষিত হইল ।

অম্পূর্ণ কুলটা ক্রমে—

প্রসিদ্ধ বৈষ্ণবী হৈল পরম মহাত্মী ;
বড় বড় বৈষ্ণব তার দর্শনেতে যাস্তি ।

আমরা ও শু সাধুসঙ্গের মহিমা কত প্রত্যক্ষ করিলাম । রামকৃষ্ণ পরমহংসদেবের চরণরেণু যে কত পাপীর জীবন পরিবর্তিত করিয়া দিয়াছে, অনেকে তাহার সাক্ষ্য দিতে প্রস্তুত ।

সাধুদিগের দর্শন অভাবে পরম্পরের একত্র মিলিত হইয়া ভগবদাশোচনা ও ভগবৎকীর্তন করা কর্তব্য । সবাক্ষে এক স্থানে বসিয়া ভগবদ্বিষয়ে বিচার, ভগবানের নাম এবং গুণগান করাও সাধুসঙ্গ । তদ্বারা জীবন ভক্তিপথে উন্নতি লাভ করে ।

কৃষ্ণসেবা ।

কৃষ্ণসেবা বলিতে অনেক বুঝায় । চৈতন্যদেব অপর এক স্থলে ভক্তির পঞ্চ প্রধান সাধন বলিতে কৃষ্ণসেবার পরিবর্তে “শ্রীমূর্তির প্রকার সেবন” বলিয়াছেন । শ্রীমূর্তির সেবার যে ভক্তির সঞ্চার হয় তাহার অনেক দৃষ্টান্ত দেওয়া যাইতে পারে । শ্রীমূর্তি বলিতে অবশ্য চৈতন্য কৃষ্ণমূর্তিকেই লক্ষ্য করিয়াছিলেন, কিন্তু যিনি যে দেবতার উপসাক তিনি সেই দেবতার মূর্তি সেবা করিলেই ভক্তিলাভ করিবেন । রামপ্রসাদ, রাজা রামকৃষ্ণ, রামকৃষ্ণ পরমহংসদেব কালী মূর্তির পূজা করিতে করিতে ভক্তিলাভ করিয়াছিলেন । ভক্তির সঞ্চার হইলে কখন পরমহংসদেব সেই মূর্তি ‘সুবাসিত পুষ্প ন্যাশাদি দ্বারা মনের সাধে সুসজ্জিত করিতেন, কখনও দেবীর চরণকমলে কমলকুসুম অথবা বিধববাস্ত্রাপনপূর্বক অপূর্ব চরণশোভা সন্দর্শন করিয়া আনন্দসারে নিমগ্ন হইতেন । কখন বা রামপ্রসাদের, কখন কমলাকান্তের ও সমরাস্তরে নরেশচন্দ্র প্রভৃতি শক্তিসাধকগণের বিরচিত শক্তিবিশয়ক গীতগুলি গান করিতেন । কখনও কৃতাজলিবদ্ধ হইয়া সরোদনে বলিতেন “মা, আমার দয়া কর মা, তুই মা রামপ্রসাদকে দয়া করিলি, তবে আমার কেন দয়া করবি না মা ? মা, আমি শত্রু জানি না, মা, আমি

পণ্ডিত নই মা, আমি কিছুই জানি না, আমি কিছুই জানিতে চাই
ও না, তুই আমার দয়া করবি কি না বল ? মা, আমার প্রাণ যায় মা,
আমায় দেখা দেও ; আমি অষ্ট সিদ্ধি চাই না, মা ; আমি লোকের নিকটে
মান চাই না, মা ; লোকে আমার জাহুক, মাহুক, গণুক, এমন সাধ নাই
মা, তুই আমার দেখা দে ।” অহা ! কি মধুর, কি উচ্চ ভাব ! কালী পূজা
করিতে করিতে জীবন ধন্য হইয়া গিয়াছে, নিকাম ভক্তি অজস্রধারে
সুরধুনীর স্রাব প্রবলবেগে হৃদয়ের ভিতরে বহিয়া যাইতেছে । রামপ্রসাদ
এইরূপে কালী পূজা করিতে করিতে এক দিন ভাবে বিভোর হইয়া
গাহিয়াছিলেন :—

“আপনি পাগল, পতি পাগল, মাগো আরো পাগল আছে । রামপ্রসাদ
হয়েছে পাগল চরণ পাবার আশে ॥”

স বৈমনঃ কৃষ্ণপদারবিন্দয়োৰ্বচাংসি বৈকুণ্ঠগুণানুবর্ণনে ।
করৌ হরেমন্দিরমার্জনাदिषু শ্রুতিঞ্চ কারাচ্যুতসংকথোদয়ে ॥

ভাগবত । ৯ । ৪ । ১৮ ।

‘তিনি কৃষ্ণপদারবিন্দচিস্তায় মন, বৈকুণ্ঠগুণানুবর্ণনে বাক্য, হরির মন্দির
মার্জনাदिতে কর ও অচ্যুতের সংপ্রসঙ্গশ্রবণে কণ নিযুক্ত করিলেন ।’

মুকুন্দলিঙ্গালয়দর্শনে দৃশৌ তদভূত্যাগাত্রস্পর্শেহঙ্গমঙ্গং
ব্রাণঞ্চ তৎপাদসরোজসৌরভে শ্রীমতুলস্তা রসনাং তদর্পিতে

ভাগবত । ৯ । ৪ । ১৯ ।

‘কৃষ্ণমূর্তির দর্শনে চক্ষুর, ভক্তগাত্রস্পর্শে অঙ্গ, কৃষ্ণপাদপদ্মে অর্পিত
তুলসীর গন্ধে নাসিকা ও তাঁহাকে নিবেদিত অন্নাদিতে রসনা নিযুক্ত
করিলেন ।’

পাদৌ হরেঃ ক্ষেত্রে পদানুসর্পণে শিরো হৃষীকেশপদাভিবন্দনে ।

কামঞ্চ দাস্তে নতু কামকাম্যয়া যথোক্তগল্লোকজনশ্রয়া রতিঃ ॥

ভাগবত । ৯ । ৪ । ২০ ।

‘হরির ক্ষেত্রে পাদচারণার পাদদ্বয় ও হৃষীকেশের চরণে শ্রীগণেশের জন্ত মস্তক নিযুক্ত করিলেন এবং ভোগাবিষয়গুলি ভোগলিপ্সু না হইয়া ভগবানের দাসভাবে ভোগ করিতে লাগিলেন । ভগবদ্ভক্তগণকে যে ভক্তি আশ্রয় করিয়া থাকে, সেই শ্রেষ্ঠতম ভক্তিলাভের জন্ত এইরূপ করিতে লাগিলেন ।’

এইরূপ করিতে করিতে

গৃহেষু দারেষু স্ততেষু বন্ধুষু বিপোক্তমশ্রমদ্বন্দ্বনবাজিপত্তিষু ।

অক্ষয়রত্নাভরণায়ুধাদি স্বনস্ত্রকোশেষকরোদসম্মতিঃ ॥

ভাগবত । ৯ । ৪ । ২১ ।

‘গৃহ, স্ত্রী, পুত্র, বন্ধু, হস্তী, রথ, অশ্ব, সৈন্য, অক্ষয় রত্নাভরণ, অস্ত্রাদি, অনন্তভাণ্ডার কিছুতেই আর তাঁহার আসক্তি রহিল না ।’

ক্রমে পরমা ভক্তি তাঁহার হৃদয় অধিকার করিল, মন একমাত্র হরি-পাদপদ্মে লগ্ন হইয়া রহিল ।

আমাদিগের গ্রামে রামকৃষ্ণ নামে একটি রজকবিগ্রহ ছিলেন । তিনি তাঁহার বাড়ীতে স্থাপিত রাজরাজেশ্বর নামে একটী কৃষ্ণমূর্তির সেবা করিতেন । ইঁহায়ই সেবা করিতে করিতে ভক্তিলাভ করিয়াছিলেন । এক দিবস বেলা পূর্বাহ্ন ১০ কি ১১ ঘটিকার সময়ে রামকৃষ্ণের বাড়ীতে বড়ই জাঁকাল সঙ্কীর্ণনের ধ্বনি শুনিতে পাইলাম । মনে করিলাম, আজ রামকৃষ্ণের বাড়ী কোন বিশেষ উৎসব আছে । বড়ই কৌতূহলাক্রান্ত হইয়া তাঁহার বাড়ীতে গেলাম । •তথায় বাহা দেখিলাম তাহা কখন ভুলিব

না। গিয়া দেখি, রামকৃষ্ণের একটি অন্নব্রহ্মা পৌত্রী রাজরাজেশ্বরের মন্দিরের সম্মুখে মৃত্তিকায় শয়ান, তাহাকে ঘিরিয়া এক এক বার রাজরাজেশ্বরের মন্দির প্রদক্ষিণ করিয়া কতকগুলি লোক প্রাণ ঢালিয়া উচ্চরবে কীর্তন করিতেছে। রামকৃষ্ণের দুই চক্ষুে অবিরলধারে অশ্রুজল ঝরিতেছে, তিনি এক একবার মেয়েটিকে রাজরাজেশ্বরের প্রসাদ খাওয়াইতেছেন, ও এক একবার অনিমিষনয়নে রাজরাজেশ্বরের দিকে তাকাইয়া কৃতাজলি হইয়া বলিতেছেন দোহাই রাজরাজেশ্বরের, নিতে হয়, এখনি নাও; এখন এস্থল বৃন্দাবন, এখন তোমার নাম কীর্তন হইতেছে, এখন ত এস্থল বৃন্দাবন, নিতে হয়, এই কীর্তন থামিবার পূর্বে নাও; আর না নিতে হয়, রেখে যাও। তোমার যেমন ইচ্ছা। কিন্তু নিতে হ'লে দোহাই তোমার, এই সময়ে নাও, বৃন্দাবন থাকিতে থাকিতে নাও।' মেয়েটি কলেরা রোগাক্রান্ত। তাহাকে রাজরাজেশ্বরের সম্মুখে শোয়াইয়া প্রসাদ খাওয়াইতেছেন এবং রাজরাজেশ্বরের দোহাই দিতেছেন দেখিয়া আমি অবাক হইয়া রহিলাম। অনেকক্ষণ কীর্তনের পরে কন্যাটিকে গৃহে ফিরাইয়া লইয়া গেলেন। অপরাহ্নে রামকৃষ্ণ আমাদেরিগের বাড়ী আসিয়াছিলেন, তাঁহার মুখে শুনিলাম মেয়েটি আরোগ্যলাভ করিয়াছে।

পূজা, হোম, যজ্ঞ, প্রভৃতি সরল সাধকের পক্ষে ভক্তিলাভের বিশেষ উপায়।

যাঁহার মূর্তিতে বিশ্বাস স্থাপন করিতে পারেন না, কিংবা যাঁহাদিগের ধর্মমত মূর্তিপূজার বিরোধী, তাঁহাদিগের মধ্যে প্রকৃতির মধ্যে ভগবান্কে উপলব্ধি করিয়া তাঁহার চিন্তা, লীলাকীর্তন প্রভৃতি করাই কৃষ্ণ-সেবা। বিশ্বময় ভগবানের আশ্চর্য্য রচনাকোশল ও বিধির খেলা দেখিলে কাহার না প্রাণ তাঁহাতে ডুবিয়া যায়? মহর্ষিগণ প্রকৃতিময় তাঁহারই শক্তি দেখিয়া ইন্দ্র, বরুণ, সূর্য্য অগ্নি, জল প্রভৃতি ভিন্ন ভিন্ন নামে সেই শক্তির অর্চনা

করিয়াছিলেন। বেদ এই প্রকট শক্তির স্তম্ভভূত্রে পরিপূর্ণ। যাঁহারা সেই মহাবিগ্ণের পদানুসরণ করিয়া প্রকৃতির ভিতরে ভগবলীলা দেখিবার জন্য একান্ত মনে চেষ্টা করিবেন, তাঁহারাষ্ট ভগবদ্ভক্তি লাভ করিয়া কৃতার্থ হইতে পারিবেন। প্রতীচ্য সাধুগণের মধ্যে কবি ওয়ার্ডসওয়ার্থ যেরূপ প্রকৃতির মধ্যে ভগবানকে উপলব্ধি করিয়াছিলেন, এরূপ কাহাকেও দেখিতে পাই না। তিনি কি ভাবে প্রকৃতির ভিতর দিয়া ভগবানের সহিত সন্নিহিত হইতেন, তাহা তাঁহার অঙ্কিত পরিব্রাজকের ছবি দ্বারাষ্ট প্রতীয়মান হইবে।

“He beheld the sun
Rise up, and bathe the world in light ! He looked—
Ocean and earth, the solid frame of earth
And ocean’s liquid mass, in gladness lay
Beneath him—Far and wide the clouds were touched.
And in their silent faces could he read
Unutterable love. Sound needed none,
Nor any voice of joy ; his spirit drank
The spectacle ; sensation, soul and form.
All melted into him ; they swallowed up
His animal being ; in them did he live,
And by them did he live ; they were his life.
In such access of mind, in such high hour
Of visitation from the living God,
Thought was not ; in enjoyment it expired.
No thanks he breathed, he proffered no request ;
Rapt into still communion that transcends
The imperfect offices of prayer and praise,
His mind was a thanks-giving to the power
That made him ; it was blessedness and love.

পরিভ্রাজক প্রভাতের অরুণরবি, সূর্য্যাস্তম্নাত বসুন্ধরা মহাশাগবে
অম্বরশি, সূবর্ণকিরণরঞ্জিত মেঘমালা প্রভৃতি প্রকৃতির মনোহর দৃশ্য
দেখিতে দেখিতে ভগবৎপ্রেমে ডুবিয়া গেলেন, ব্রহ্মসঙ্কোচে তাঁহার চিত্তবৃত্তি
নিরুদ্ধ হইল । ওয়র্ড্‌সওয়ার্থের প্রাণ এষ্টরূপে প্রকৃতি দর্শন করিতে করিতে
ভগবানে ডুবিয়া থাকিত ।

বিশ্বময় ভগবদ্বিগ্রহ উপলব্ধি করিয়াই প্রাচীন আৰ্য্যঋষিগণ প্রকৃতিকে
ভগবানের বিরাটরূপ কল্পনা করিয়াছিলেন । শ্রীমদ্ভাগবতে ভগবৎপ্রাপ্তির
জন্য যে যে উপায় বলা হইয়াছে, তন্মধ্যে একটি প্রধান উপায়—
খং বায়ুমগ্নিঃ সলিলং মহীং চ জ্যোতীংষি সত্বানি দিশো দ্রুমাঙ্গীন্ ।
সরিৎ সমুদ্রাংশ্চ হরে শরীরং যৎকিঞ্চভূতং প্রণমেদনশ্চ ॥

ভাগবত । ১১ । ২ । ৪১ ।

‘আকাশ, বায়ু, অগ্নি, জল, পৃথিবী, নক্ষত্রাদি, ভূতগণ, দিক্ সকল, সরিৎ-
সমুদ্র, যাহা কিছু সৃষ্টে পাদার্থ সমস্ত হরির শরীর মনে করিয়া প্রণাম করিবে ।’

আমরা যেন চেতন, অচেতন, উদ্ভিদ সমস্ত প্রকৃতির ভিতরে “দেখিতে
পাই ‘তমেব ভাস্করমুভাতি সর্বং, তস্ত ভাষা সর্বমিদং বিভাতি’—সেই
জ্যোতির্ময়ের জ্যোতি সকলেই অনুকরণ করিতেছে, তাঁহারই আলোকে
যাহা কিছু দেখিতে পাই সমস্তই আলোকিত হইতেছে । ‘জলে হরি,
স্থলে হরি, চন্দ্রে হরি, সূর্য্যে হরি, অনলে হরি, অনিলে হরি, হরিময় এই
ভূমণ্ডল ।’ আমরা যেন ভক্তিতে গদগদ হইয়া ভগবানকে বলিতে পারি—

“এক ভানু অমৃত কিরণে, উজলে যেমতি সকল ভুবন তোমার প্রীতি
হইয়ে শতধা, বিচরণে সতীর প্রেম, জননী হৃদয়ে করে বসতি । অত্রভেদী
অচল শিখর, ঘন নীল সাগরবর, যথা যাই তুমি তথা ; রবির কিরণে
তব গুহ্য কিরণ, শশাঙ্কে তোমারি জ্যোতি, তব কান্তি মেঘে ; সজ্জন
নগর, বিজ্ঞান গহন, যথা যাই তুমি তথা” ।

ভাগবত ।

ধর্মগ্রন্থ পাঠ ও শ্রবণ বিশেষ উপকারী । ভগবানের স্বরূপবর্ণন, লীলাকীর্তন, শক্তিপ্রচার ও ভক্তদিগের কাহিনী যে সকল গ্রন্থে প্রচুর পরিমাণে পাওয়া যায়, সেইগুলি অধ্যয়ন ও শ্রবণ করিলে মন ভক্তিপথে অগ্রসর হইতে থাকে । চৈতন্য এই জন্যই ভাগবতকে একটি প্রধান সাধন বলিয়াছেন । জগতের ইতিহাস ও বিজ্ঞান প্রভৃতিও ভগবানের লীলা এবং মহিমা দেখাইয়া হৃদয়ে ভক্তির উদ্রেক করিয়া দেয় বলিয়া ভাগবতের মধ্যে গণ্য । গালেন নামক একটি বিখ্যাত যুরোপীয় পণ্ডিতের ভগবানে বিশ্বাস ছিল না, তিনি মানবদেহ তত্ত্ব আলোচনা করিতে করিতে মনুষ্যশরীরের আশ্চর্য্য গঠন ও শ্বাস, অগ্নি, মজ্জা, মাংসপেশী প্রভৃতির রচনাচাতুরী দেখিয়া ভগবদ্ভক্তিতে পূর্ণ হইয়া ভগবানের মহিমা সম্বন্ধে একখানি অতি সুন্দর গ্রন্থ রচনা করিয়াছিলেন । যাহাদিগের সংসঙ্গ করিবার সুযোগের অভাব, ভাগবত কথঞ্চিৎ পরিমাণে তাঁহাদিগের সেই অভাব পূরণ করিতে সক্ষম ।

নাম ।

নামকীর্তন, শ্রবণ ও জপ ভক্তিপথের প্রধান সহায় । নামের মহিমা গৌরাক্ষ ধেরূপ কীর্তন করিয়াছেন, এমন আর কেহ করিয়াছেন কি না জানি না । তিনি বারংবার বলিয়াছেন—

হরেন্নাম হরেন্নাম হরেন্নামৈব কে বলং ।

কলৌ নাস্ত্যেব নাস্ত্যেব নাস্ত্যেব গতিরশ্রুত্বা ॥

স্ববুদ্ধি বারকে পাপমোচনের উপদেশ দিবার সময়ে বলিয়াছেন—

‘এক নামাত্মা সে তোমার পাপদোষ ধারে,

আর নাম লইতে কৃষ্ণচরণ পাইবু ।’

একদিন কোন সভায় হরিদাস ঠাকুর পাণ্ডিতগণের সহিত নামের মহিমা সম্বন্ধে আলোচনা করিতেছিলেন—

কেহ বলে ‘নাম হইতে হয় পাপক্ষয়’ ;

কেহ বলে ‘নাম হইতে জীবের মোক্ষ হয় ।’

হরিদাস কহে ‘নামের এ দুই ফলে নহে ;

নামের ফলে কৃষ্ণপদে প্রেম উপজন্মে ।

আনুভূতিক ফল নামের—মুক্তি, পাপনাশ ;

তাহার দূষ্টান্ত যৈছে সূর্য্যের প্রকাশ’ ।

চৈতন্যচরিতামৃত ।

শ্রীমদ্ভাগবতের একাদশ স্কন্ধে ঋষভনন্দন কবি জনক রাজাকে বলিয়াছিলেন—

এবং ব্রতঃ স্বপ্রিয়নামকীৰ্ত্ত্য। জাতানুরাগো দ্রুতচিত্ত উচৈঃ ।

হসত্যথ রোদিতি রৌতি গায় তুন্মাদবম্ ত্যতি লোকবাহুঃ ॥

ভাগবত । ১১ । ২ । ৪০ ।

“ভগবানের নাম ও লীলাকীৰ্ত্তনরূপ ব্রত যিনি অবলম্বন করিয়াছেন, তাহার সেই প্রিয়তম ভগবানের নাম কীৰ্ত্তন করিতে করিতে হৃদয়ে অনুরাগের উদয় ও চিত্ত দ্রবীভূত হয়, সুতরাং তিনি কখন উচৈঃস্বরে হাস্ত করেন, কখন রোদন করেন, কখন ব্যাকুলিতচিত্তে চীৎকার করেন, কখন গান করেন এবং কখন উন্মাদের স্থায় নৃত্য করেন ।’

নাম কীৰ্ত্তন করিতে করিতে ক্রমে প্রেমের সঞ্চার হয় এবং পাপের নাশ হয় ।

অংহঃ সংহরেদখিলং সকৃদয়াদেব সকল লোকশ্চ ।

তংগিরিব তিমিরজলধেজয়তি অগ্ন্যগ্নলং হরের্নামঃ ॥

পদ্মাবলী ।

‘একবার মাত্র যে নাম ‘উদয় হইলে সকল লোকের অধিন পাপ দূর হয়, পাপতিমিরজলধির তরণীর গ্ৰায় সেই যে জগন্মঙ্গল হরিনাম তাহা অমরযুক্ত হইতেছে ।’

চেতোদর্পণমার্জিতনঃ ভবমহাদাবাগ্নিনির্কাপণং ।

শ্রেয়ঃ কৈরবচস্পিকাবিতরণং বিজ্ঞাবধুজীবনম্ ॥

আনন্দানুধিবর্জনং প্রতিপদং পূর্ণামৃতান্বাদনং ।

সর্বাত্মানুপনং পরং বিজয়তে শ্রীকৃষ্ণসংকীর্তনম্ ॥

পঞ্চাবলী ।

‘শ্রীকৃষ্ণসংকীর্তনে চিত্তদর্পণ মার্জিত হয়, চিত্তের সমস্ত কলঙ্ক দূর হয় ; যে বিষয়বাসনা মহাদাবাগ্নির গ্ৰায় আত্মাদিগকে নিরস্তুর দগ্ধ করিতেছে সেই বিষয়বাসনা নির্কাপিত হয় ; চক্রেয় জোৎস্নায় যেমন কুমুদ ফুটিয়া উঠে, শ্রীকৃষ্ণসংকীর্তনে সেইরূপ আত্মার মঙ্গল প্রস্ফুটিত হয় ; ব্রহ্মবিজ্ঞা অমর্যাম্পগুরুপা বধূর গ্ৰায়, বধু যেমন অন্তঃপুরের অন্তঃপুরে অবস্থিতি করেন, ব্রহ্মবিজ্ঞাও তেমনি হৃদয়ের অতি নির্জ্বল প্রকোষ্ঠে লুকাবৃত থাকেন, সাধারণের নিকট প্রকাশ করিবার বিষয় নহে, গুহ্যতিগুহ্য, শ্রীকৃষ্ণসংকীর্তন সেই ব্রহ্মবিজ্ঞার জীবনস্বরূপ ; ইহা দ্বারা ‘আনন্দসাগর উথলিয়া উঠে ; ইহার প্রতিপদে পূর্ণামৃতের আন্বাদন ; ইহাতেই মানুষ রসে ডুবিয়া আত্মহারা হইয়া যায় ।’

বহুবাক্য একত্র হইয়া প্রতিদিন কোন সময়ে নাম সংকীর্তন করার গ্ৰায় আনন্দের ব্যাপার আর নাই । সত্য সত্যই তখন আনন্দসাগর উথলিয়া উঠে, প্রাণে শান্তি পাওয়া যায়, বিষয়বাসনা অন্ততঃ সেই সময়ের জন্য তিরোহিত হয় । ক্রমাগত নামসংকীর্তন করিলে অবশ্যই মানুষ পরমপদলাভ করিয়া কৃতার্থ হয় ।

কিরূপে নামকীৰ্ত্তন করিতে হইবে তৎসম্বন্ধে গৌরাজ তাঁহার ভক্ত-
ষিগকে উপদেশ দিয়াছেন—

তৃণাদপি স্তনীচেন তরোরপি সহিসুনা ।

অমানিনা মানদেন কীৰ্ত্তনীয়ঃ সদা হরিঃ ॥

‘তৃণ হইতেও নীচ এবং বৃক্ষ হইতেও সহিসু হইয়া নিজে অভিমান
ভাগ করিয়া, পরকে সম্মান দিয়া সদা হরিনাম কীৰ্ত্তন করিবে ।’

ভগবানের কোন্ নামে তাঁহার কি শক্তি উপলব্ধিত হইতেছে,
নামসংকীৰ্ত্তনের সময়ে তাহার চিন্তা করা প্রয়োজনীয় ; তাহা না করিলে
কীৰ্ত্তনে লাভ কি ? কেবল আমোদের জন্য কীৰ্ত্তন হইলে সে কীৰ্ত্তন বৃথা ।

নাম যপ করিতে হইলেও নামের অর্থ ও শক্তি জানিয়া লইতে হইবে ।
যিনি যে নাম মন্ত্রস্বরূপ জপ করিবেন, তাহার অর্থ ও শক্তি তাঁহার পক্ষে
জানা আবশ্যক ।

মম্বার্থং মম্বচৈতন্যং যো ন জানাতি সাধকঃ ।

শতলক্ষ প্রজপ্তোহপি তস্য মম্বো ন সিধাতি ॥

মহানিৰ্ব্বাণতন্ত্র । ৩ । ৩১ ।

‘যে সাধক মম্বের অর্থ কিম্বা মম্বের শক্তি জানেন না, তিনি শত-
লক্ষবার জপ করিলেও তাঁহার মম্ব সিদ্ধ হইবে না ।’

উপযুক্ত গুরুর নিকটে কোন নামে দীক্ষিত হইলে জীবনের অনেক
উপকার হয় । আর যিনি উপযুক্ত গুরু দ্বারা উপনিষ্ট তিনি ভাগ্যবান ।
যিনি উপযুক্ত গুরু পান নাই তাঁহারও যে নামে শ্রদ্ধা হয় ব্যাকুলভাবে
তাহা জপ করা কর্তব্য । ভগবান্ এরূপ লোককে সময়ে উপযুক্ত গুরু
মিলাইয়া দেন ।

কিরূপভাবে জপ করিতে হইবে তাহা সম্বন্ধে ঋষিগণ উপদেশ করিয়াছেন

প্রণবো ধনুঃ শরোহ্যাত্মা ব্রহ্ম তল্লক্ষ্যমুচ্যতে ।

অপ্রমত্তেন বেদ্বাং শরবস্তদ্ব্যয়ো ভবেৎ ॥

মুক্তকোপনিষৎ । ২ । ৪ ।

‘প্রণব ধনুঃরূপ, আত্মা শররূপ, ব্রহ্ম তাহার লক্ষ্য । হির প্রশান্ত চিত্তে প্রণবধনুতে টঙ্কার দিয়া নিজের আত্মা দ্বারা ব্রহ্মলক্ষ্য বিদ্ধ করিতে হইবে।’ শর যেমন বিদ্ধ পদার্থের ভিতরে তন্নয় হইয়া যায়, আত্মাও তেমনি ব্রহ্মেতে তন্নয় হইয়া যাইবে । ‘চাক্ষুর্ল্যবিহীন’ হইয়া প্রণব জপ করিতে করিতে আত্মাকে ব্রহ্মেতে ডুবাইয়া ফেলিবে ।

জপের মাহাত্ম্যপ্রচারস্থলে মনু বলিয়াছেন—

বিধিষজ্জাপযজ্ঞো বিশিষ্টোদশভিগুণৈঃ ।

উপাংশুঃ স্মৃচ্ছতগুণঃ সাহস্রো মানসঃ স্মৃতঃ ॥

মনুসংহিতা । ২ । ৮৫ ।

দশপৌর্ণমাসাদি বিধিষজ্জ হইতে জপ দশ গুণ শ্রেষ্ঠ, উপাংশু জপ শত গুণ শ্রেষ্ঠ, মানস জপ সহস্র গুণ শ্রেষ্ঠ ।

জপ তিন প্রকার—প্রথম উচ্চরবে ; দ্বিতীয় উপাংশু, নীচরবে অতি নিকটস্থ অপরাব্যক্তি যাহা শুনিতে পার না ; তৃতীয় মানস অর্থাৎ মনে মনে জপ ।

জপোনৈব তু সংসিধ্যোদ্ভ্রাক্ষণো নাত্র সংশয় ।

কুর্যাদশ্রমবা কুর্য্যান্মৈত্রো ব্রাক্ষণউচ্যতে ।

মনুসংহিতা । ২ । ৮৭ ।

‘ব্রাক্ষণ যাগাদি করুন বা না করুন একমাত্র জপ দ্বারাই সিদ্ধ হইতে পারেন, এ বিষয়ে সন্দেহ নাই ।’

যাগাদি না করিয়াও একমাত্র জপ দ্বারাই সিদ্ধ হওয়া যায় । জপের জন্ত তিনটি সময় প্রশস্ত—

(১). ব্রাহ্মসুহৃৎ ।

সাধকগণ এই সময়টির বিশেষ পক্ষপাতী । মুসলমান সাধক কবিগণ বলেন এই সময়ে প্রভাতসমীরণ ভগবানের নিকট । ইহাতে ভক্তদিগের নিকটে স্বর্গের সংবাদ লইয়া আইসে এবং ভক্তদিগের নিকট ইহাতে ভগবানের নিকটে সংবাদ লইয়া যায় ।

(২) প্রদোষ ।

(৩) নিশীথ ।

যে যে স্থান প্রশস্ত তাহার তালিকা দিতেছি—

পুণ্যক্ষেত্রং নদীতীরং গুহা পর্বতমস্তকং ।

তীর্থপ্রদেশাঃ সিন্ধূনাং সঙ্গমঃ পাবনং বনম্ ।

উদ্যানানি বিবিধানি বিশ্বমূলং তটং গিরেঃ ।

দেবতায়তনং কূলং সমুদ্রশ্চ নিজং গৃহং ।

সাধনেষু প্রশস্তানি স্থানাশ্চেতানি মন্ত্রিণাং ।

অথবা নিবসেত্তত্র যত্র চিত্তং প্রসীদতি ॥

কুলার্ণব তত্র ।

‘পুণ্যক্ষেত্র, নদীতীর, গুহা, পর্বতশৃঙ্গ, তীর্থস্থান, একাধিক নদীর মিলনস্থান, পবিত্র বন, নির্জল উদ্যান, বিশ্বমূল, গিরিতট, দেবতার মন্দির, সমুদ্রের কূল, নিজের গৃহ, অথবা যে স্থলে চিত্ত প্রসন্ন হয় ।’

স্নেহে অর্থাৎ ধর্মদেবী, ছুটেচরিত্র ব্যক্তি, হিংস্রক পশু অথবা সর্পের ভয় যে স্থলে আছে, কুলার্ণবতন্ত্রানুসারে একরূপ স্থলে অপ নিষিদ্ধ । হেতু সকলেই সহজে বুঝিতে পারিতেছেন ।

মনের সহিত ক্রমাগত অপ করিলে কি লাভ হয়, কবির তাহা আপনার জীবনে বুঝিতে পারিয়াছিলেন । তিনি তাহার দোহার তাহা প্রকাশ করিয়াছেন—

কবির তুতু করতে তু ভূয়া, মুখমে রহি নহ ।

ওয়ারোঁ তেরে নাম পর, জিং দেখতে ত তু ॥

‘কবির তুমি তুমি করিতে তুমি হইয়া গেল, আর কবির আঘাতে নাই, বলিহারি তোমার নামে ! যে দিকে দেখি সেই দিকেই তুমি ।’

কবির তুতু করতে তু ভূয়া, তুখমে রহে সমায় ।

তোম্হি মাছি মিল্ রহাঁ, আব মন অনৎ ন যায় ।

‘কবির তুমি তুমি করিতে তুমি হইয়া গেল, তোমাতেই মগ্ন হইয়া রহিল, তোমাতে আঘাতে মিলাইয়া গেল, এখন আর মন অন্য দিকে যায় না ।’

জপ করিতে করিতে সাধক এই অবস্থা প্রাপ্ত হন, ভগবানে ডুবিয়া যান, চারিদিকে তাঁহাকে ভিন্ন কিছুই দেখিতে পান না ; সমস্ত ব্রহ্মাণ্ডময় ভগবৎকৃতি হইতে থাকে ।

তীর্থে বাস ।

তীর্থভ্রমণ অথবা তীর্থে বাস করিলে হৃদয়ে ভক্তির ভাব জাগ্রত হয় ।
তীর্থকে পুণ্যস্থল বলে কেন ?

প্রভাবাদ্ভুতাত্মমেঃ সলিলশ্চ ত তেজসা ।

পরিগ্রহান্মুনীনাঞ্চ তীর্থানাং পুণ্যতা শ্রুতা ॥

কাশীখণ্ড ।

ভূমির কোন অদ্ভুত প্রভাব, জলের কোন অদ্ভুত তেজ, কিংবা মুনিদিগের অমুষ্ঠানজন্য তীর্থ পুণ্যস্থল বলিয়া কীৰ্ত্তিত হয় ।’

জাম্ববতীতীর্থে গিরিনিঃশ্রুত বহুশিখা, সীতাকুণ্ডে জলের উষ্ণ প্রসবণ, কেদারনাথে তুষারমণ্ডিত গিরিশৃঙ্গ, হরিধারে রমণীসলিলা ভাগীরথী দর্শন করিলে কাহার না প্রাণ ভক্তিরসে আপ্ত হয় ? আর

বন্দাবনে শ্রীকৃষ্ণকে স্মরণ করিয়া, নবদ্বীপে গৌরাজের লীলা মনে করিয়া, বৃদ্ধগয়ায় বুদ্ধদেবের বোধিবৃক্ষমূলে বসিয়া, অযোধ্যায় রামচন্দ্রের কীর্তিচিহ্ন দেখিয়া কাহার না হৃদয়ে পবিত্র ভাবের উদয় হয় ? কেবল সাধু-স্মৃতির কথাই বা বলিব কেন ? তীর্থস্থলে মহাপুরুষগণের সজ্জতি পাইয়া যে কত লোক কৃতার্থ হইয়াছে, তাহা মনে করিলেও প্রাণে ভক্তির সঞ্চার হয় ।

আত্মনিবেদন ।

ভগবান্কে লাভ করিবার একটি প্রধান উপায়—
কায়েন বাচা মনসেন্দ্রিয়ৈর্বা বুদ্ধাত্মনা বাসুস্ততশ্চভাবাৎ ।
করোতি যদ্যৎ সকলং পরশ্চৈ নারায়ণায়েতি সমর্পয়েত্তৎ ॥

ভাগবত । ১১ । ২ । ৩৬ ।

‘কায়, বাক্য, মন, ইন্দ্রিয়, বুদ্ধি ও চিত্ত দ্বারা যাহা যাহা করা হয়, সমস্ত পরাৎপর নারায়ণেতে অর্পণ করিবে ।’

গীতায় ভগবান্ অর্জুনকে বলিয়াছেন—

যৎকরোষি যদশ্বাসি যজ্জুহোষি দদাসি যৎ ।

যতপশ্বসি কোন্তেয় তৎকুরুষ মদর্পণম্ ।

ভগবদ্গীতা । ৯ । ২৭ ।

‘কার্য্য, আহার, যজ্ঞ, দান, তপশ্চা, যাহা কিছু কর, সে সমস্ত, হে অর্জুন, আমাতে অর্পণ করিও ।’

যে ব্যক্তি কার্য্য, বাক্য, চিন্তা, সমস্ত ভগবানেতে অর্পণ করিতে চেষ্টা করে, তাহার প্রাণ পবিত্র ও ভক্তিপূর্ণ হইবেই ।

‘যাহা কিছু করি, বলি, ভাবি, তাহা সমস্তই তাহার অঙ্গ, তাহাকে

নিবেদন না করিয়া কোন কার্য করিব না, কোন বাক্য বলিব না, কোন চিন্তাকে মনে স্থান দিব না, যদি একবার এইরূপ ভাব হৃদয়ের ভিতরে দৃঢ় করিয়া লইতে পারি, তবে আপনার হইতে প্রাণ ভুক্তিতে উন্নতি যাইবে । সকল বিষয়েতে তাঁহাকে অরণ করিতে গেলে মানুষ তাঁহাতে আকৃষ্ট না হইয়া থাকিতে পারে না ।

ভক্তিপথের কয়েকটি প্রধান সচায়ের নাম করা হইল । এখন, ভগবান্ উদ্ধবকে ভক্তিনাভের উপায়সম্বন্ধে যে উপদেশ করিয়াছেন তাহার উল্লেখ করিয়া এই বিষয়টি শেষ করিব ।

শ্রদ্ধামৃতকথায়াং মে শশ্বদ্ভদ্রানুকীৰ্ত্তনং ।

পরনিষ্ঠা চ পূজায়াং স্তুতিভিঃ স্তবনং মম ॥

আদরঃ পরিচর্যায়াং সৰ্ব্বাঙ্গৈরভিবন্দনং ।

মন্তুপূজাত্যাধিকা সৰ্ব্বভূতেষু মন্যতিঃ ॥

মদর্থেষুস্বেচ্ছা চ বচসা মদগুণেরণং ॥

ময্যর্পণং চ মনসঃ সৰ্ব্বকামবিসৰ্জ্জনং ॥

মদর্থৈর্হর্থপরিভাগো ভোগস্ত চ সুখস্ত চ ।

ইচ্ছাং দত্তং হৃতং জপ্তং মদর্থং যদব্রতং তপঃ ॥

এবং ধর্মৈর্মনুষ্যাণামুদ্ধবাত্মনিবেদিনাং ।

মায় সংজায়তে ভক্তিঃ কোহন্যেথোহস্তাবশিষ্যতে ॥

ভাগবত । ১১ । ১৯ । ২০—২৪ ।

‘আমার অমৃত কথার শ্রদ্ধা, সর্বদা আমার অনুকীৰ্ত্তন, আমার পূজায় নিষ্ঠা, স্তুতি দ্বারা আমার স্তব, আমার পরিচর্যায় আদর, সর্বদা দ্বারা আমার অভিনন্দন, আমার ভক্তদিগের বিশেষভাবে পূজা, সর্বভূতে আমাকে উপলব্ধি করা, আমার জন্ত অস্বচ্ছন্দতা, বাক্যদ্বারা আমার গুণ-

কখন, আমাতে মন সমর্পণ, অল্প অভিজ্ঞাববর্তন, আমাকে পাইবার জন্ত অর্থ, ভোগ ও সুখ পরিত্যাগ এবং আমার জন্তই যজ্ঞ, দান, হোম, জপ, ত্রুত ও তপস্বী—হে উদ্ধব, এইরূপে যাহারা আমাতে আত্মনিবেদন করেন, তাঁহাদিগের এই সকল ধর্ম দ্বারা আমাতে ভক্তি জন্মে ; এমন ব্যক্তির আর কি অর্থের অভাব থাকে ?

ভগবান বলিলেন—এই উপায়গুলি অবলম্বন করিলে আমাতে ভক্তি জন্মে, আমাতে যাহার ভক্তি জন্মে, তাহার আর কিম্বের অভাব থাকে ? সে ত কৃতার্থ হইয়া যায় ।’

একাগ্রতাসাধন ।

সকল প্রকার সাধনের জন্তই একাগ্রতার বিশেষ প্রয়োজন । একাগ্রতা না থাকিলে কোন প্রকারের সাধনা দ্বারাই কৃতকার্য হওয়া যায় না । চিত্তবিক্ষেপ সাধনের প্রধান অন্তরায় । আত্মচিন্তা করিতে বসিয়াছি, চিত্তবিক্ষেপ আসিয়া মনকে অপর একদিকে লইয়া গেল, আত্মচিন্তার গাঢ়ত্ব চলিয়া গেল, যে টুকু জমাইয়াছিলাম ফাঁক হইয়া গেল, এইরূপ ভাব আমাদের জীবনে অনেক সময়ে দেখিতে পাইয়াছি । কোন সাধু মহাপুরুষের নিকটে বসিয়া তাঁহার উপদেশ শুনিতেছি, ইতিমধ্যে বাড়ীর বেগুন ক্ষেতের কথা মনে পড়িয়া গেল ; সাধুর উপদেশ বায়ুতে বিলীন হইতে লাগিল, শ্রোতা তাঁহার বাণীতে অন্তঃপুরের কোণে বসিয়া বিষয়ের ভাবনার ছবিয়া রহিলেন ; এরূপ চিত্তচাঞ্চল্য বোধ হয় সকলেই অনুভব করিয়াছেন । নাম জপ করিতে আরম্ভ করিয়াছি, মালা হস্তে ঘুরিতেছে, জিহ্বা নড়িতেছে, কিন্তু মন কোন প্রকার থাকানা উন্মুল করিতে বসিয়াছে ; সংকীর্ণন হইতেছে, ভাব খুব জমাট বাধিয়াছে, ইহারই মধ্যে ফাঁকে মন

একবার কোন মোকদ্দমার কাগজপত্র যোগাড় করিয়া আসিল ; বৃন্দাবনে গোবিন্দজীর মন্দিরে ভাবে পূর্ণ হইয়া আরতি দেখিতেছি, ইতিমধ্যে খিড়কীর পুকুরটা সংস্কার করিবার বন্দোবস্ত হইয়া গেল ; শয়নের সময়ে ভগবানকে একটীবার ডাকিয়াছি, তিনি উপস্থিত হইয়াছেন, কিন্তু আমি কোথায় ? আমি হয় ত তখন একটা তেঁতুল বৃক্ষের ছইটী পত্র নিয়া সরিকের সঙ্গে মহাবাগ-যুদ্ধে প্রবৃত্ত হইয়াছি, এইরূপ চিত্তবিক্ষেপ স্বর্গের পথে অগ্রসর হইবার প্রধান শত্রু ।

ভক্তিসাধনের যে উপায়গুলি বলা হইয়াছে, তাহা দৃঢ়ভাবে অভ্যাস করিতে করিতে ইহা অনেকটা কমিয়া যায় । মহর্ষি পতঞ্জলি চিত্তবিক্ষেপ দূর করিবার আটটি প্রধান উপায় বলিয়াছেন—

১। তৎপ্রতিষেধার্থমেকতত্ত্বাভ্যাসঃ । যোগসূত্র ।

চিত্তবিক্ষেপ করিবার জন্য কোন একটি আপনার অভিমত-তত্ত্ব অভ্যাস অর্থাৎ তাহাতে পুনঃ পুনঃ মনের নিবেশ করিবে । ক্রমাগত একটিনার বিষয়ে প্রতিদিন পুনঃ পুনঃ মনের অভিনিবেশ করিতে চেষ্টা করিলে একাগ্রতা জন্মে, চিত্তবিক্ষেপ প্রশমিত হয় ।

২। মৈত্রীকরুণামুদিতোপেক্ষাণাং সুখদুঃখ-

পুণ্যাপুণ্যবিষয়াণাং ভাবনাতশ্চিত্তপ্রসাদম ।

সুখীর প্রতি ঈর্ষা না করিয়া সৌহার্দ্য, দুঃখীর প্রতি ঔদাসীন্ধ্য না দেখাইয়া কৃপা, পুণ্যবানের প্রতি বিদ্বেষ না করিয়া তাঁহার পুণ্যের অনুমোদনে হর্ষ ও অপুণ্যবানের প্রতি অনুমোদন কি ঘেঁষ না করিয়া উপেক্ষা সাধন করিলে চিত্ত শ্রুঙ্খল হয়, চিত্ত শ্রুঙ্খল থাকিলে বিক্ষেপ দূর হয় । রাগ, ঘেঁষাদি বিক্ষেপ উৎপাদন করে, মৈত্রী করুণা প্রভৃতি দ্বারা ঘেঁষাদি সমূলে উন্মূলিত হইলে মনের প্রশান্ততা জন্ম, প্রশান্ততা হইতে একাগ্রতার উৎপত্তি ।

৩। প্রাচছদিন-বিধারণাতাং বা প্রাণশ্চ ।

প্রাণায়াম মন একাগ্র করিবার উপায় । সমস্ত ইন্দ্রিয়বৃত্তিগুলি প্রাণের (দেহস্থ বায়ুর) বৃত্তির উপরে নির্ভর করে বলিয়া এবং মন ও প্রাণের স্ব স্ব ব্যাপারে পরস্পরের একযোগ থাকায় সমস্ত ইন্দ্রিয়বৃত্তিনিরোধ দ্বারা প্রাণকে জয় করিতে পারিলে মনের একাগ্রতা জন্মে ।

প্রাণায়াম শিক্ষা করিতে হইলে উপবৃত্ত গুরু নিকটে শিক্ষা করা কর্তব্য । গুরু ভিন্ন শিক্ষা করিলে অনিষ্ট হইতে পারে ।

৪। বিষয়বতী বা প্রবৃত্তিকংপন্ন। স্থিতিনিবন্ধনী ।

- নাসাগ্রে চিত্ত ধারণ করিলে দিব্য গন্ধজ্ঞান, জিহ্বাগ্রে রসজ্ঞান, তাষাগ্রে রূপজ্ঞান, জিহ্বামধ্যে স্পর্শজ্ঞান, এবং জিহ্বামূলে শব্দজ্ঞান জন্মে ; এইরূপ জ্ঞান জন্মিলে চিত্ত একাগ্র হয় ।

এই উপায়টি যাহারা যোগশিক্ষা করিয়াছেন তাঁহারা বুঝিতে পারেন ।

৫। বিশোক। বা জ্যোতিষ্মতী ।

শোকশূন্য এবং সাত্বিকভাবে পূর্ণ হইলে চিত্ত স্থির হয় । যিনি পবিত্র সাত্বিকভাব সাধন করিতে করিতে রজোভাবকে দূর করিতে পারিয়াছেন এবং কিছুতেই শোক করেন না, তাঁহার চিত্তবিক্ষেপ থাকিতে পারে না ।

৬। বীতরাগবিষয়ং বা চিন্তম্ ।

যাহারা বিষয়বাসনাকে ত্যাগ করিয়াছেন তাঁহাদিগের চিত্তসম্বন্ধে চিন্তা করিলে একাগ্রতাসাধন হয় । সাধুদিগের বিক্ষেপ-বিহীনচিত্ত যাহার চিন্তার বিষয় হয়, তিনি অবশ্যই ঐ চিন্তা দ্বারা বিক্ষেপ হইতে মুক্ত হন ।

৭। স্বপ্ননিদ্রাজ্ঞানাবলম্বনং বা ।

স্বপ্ন অথবা নিদ্রা জ্ঞানকে অবলম্বন করিলে চিত্ত স্থির হয় । সুন্দর কোন স্বপ্ন চিন্তার বিষয় করিলে অথবা কি সুখে ঘুমাইরাছি কিছুমাত্র বিক্ষেপের বিষয় ছিল না, এইরূপ বারংবার চিন্তা করিলে চিত্ত স্থির থাকে ।

৮। যথাশ্রিত্যধ্যানাদ্বা ।

যাহাতে মনের শ্রীতি জন্মে এমন কোন বস্তুর ধ্যান করিলে চিত্ত একাগ্র হয় । বাহিরে চক্ৰাদির, অভ্যন্তরে নাড়ীচক্ৰাদির ক্রমাগত ধ্যান করিলে চিত্ত স্থির হয় । কোন প্রিয় বস্তু চিন্তা করিতে শ্রাণ বড়ই সূখী হয়, মন তাহা ছাড়িতে চাহে না, তাহাতে মন বসিতে বসিতে চিত্তের একাগ্রতা জন্মে । কোন ব্যক্তি কি বস্তুর প্রতি ইন্দ্রিয়লালসাজনিত আকর্ষণ থাকিলে তাহার ধ্যানে চিত্ত স্থির হওয়া দূরে থাকুক বরং বিক্ষেপেই জন্মিবে ।

নির্মল ভালবাসার পাত্র যাহা তাহারই চিন্তা দ্বারা একাগ্রতা সাধন হয় । এ বিষয়ে একটি গল্প আছে—একটি ছাত্র গুরুর নিকটে বেদাধ্যয়ন করিতে গিয়াছিল । গুরু দেখিলেন, বেদপাঠের সময় ছাত্রটির মন স্থির থাকে না, বারংবার এদিক ওদিক যায় । ছাত্রটিকে জিজ্ঞাসা করিলেন, ‘তোমার মন এদিক ওদিক যায় কেন ?’ ছাত্রটি বলিল, ‘আমার একটি অভ্যস্ত প্রিয় মহিষ আছে, তাহারই কথা মনে পড়ে, স্মৃতরাং চিত্ত স্থির করিতে পারি না ।’ গুরু বলিলেন, ‘তবে তুমি বেদপাঠ ক্ষান্ত রাখিয়া কিছুকাল তোমার প্রিয় মহিষটির বিষয় চিন্তা কর ।’ ছাত্রটি একান্তে বসিয়া তাহারই চিন্তা আরম্ভ করিল । কিছুদিন পরে গুরু এক দিবস একটা শূদ্র দ্বারের অপর পার্শ্বে বসিয়া ছাত্রটিকে ডাকিলেন, ‘তুমি এদিকে এস, পুনরায় তোমার বেদাধ্যয়ন আরম্ভ হইবে ।’ ছাত্রটি আসিল । গুরু দেখিলেন, এপর্যন্ত চিত্ত স্থির হয় নাই, আবার ছাত্রটিকে মহিষের ধ্যান করিতে আদেশ করিলেন । ছাত্র পুনরায় তাহার প্রিয় মহিষের ধ্যানে বসিল । কয়েকদিন পরে আবার গুরু সেই দ্বারের অপর পার্শ্বে বসিয়া তাহাকে ডাকিলেন ; ছাত্র এইবার উত্তর করিল, ‘আমি কিরূপে আপনার নিকটে উপস্থিত হইব ? আমার শূদ্র দ্বারে বাধিবে’ । গুরু বুঝিলেন,

মহিষে ইহার সমাধি হইয়াছে, চিত্ত স্থির হইয়াছে । ছাত্রকে বলিলেন
'এস, এস, তোমার শৃঙ্গ বাধিবে না, আমি তাহার প্রতিবিধান করিব ।'
ছাত্র গুরুর নিকটে আসিলেন বেদপাঠ আরম্ভ হইল । মহিষের ধ্যানে,
শিষ্যের এমন একাগ্রতাসাধন হইয়াছে যে অতি অল্পকালের মধ্যে তিনি
বেদে বিখ্যাত পণ্ডিত হইয়া পড়িলেন ।

আটকসাধন চিত্ত স্থির করিবার একটি প্রধান উপায় । উপসংহারে
ভক্তির সাধনসম্বন্ধে একটি কথা বলা প্রয়োজন । সাধনের জন্ত যে
উপায়গুলি বলা হইল তাহা অবলম্বন করিয়া কেহ মনে করিবেন না যে
তাহা দ্বারা ভগবানকে লাভ করিবার দাবি জন্মিল বা সাধক তাঁহার
স্বকীয় ক্ষমতা দ্বারা ভগবানকে বন্ধ করিতে পারিবে । মানুষ ভগবানকে
পাইবার জন্ত বাহাই করুক না, কিছুই প্রচুর নহে । ক্ষুদ্র মনুষ্য
তাহার ক্ষুদ্র শক্তি লইয়া এমন কি করিতে পারে যাহার দ্বারা অনন্তশক্তি-
মান্ ভগবান্ তাহার বশ হইবেন? তবে কিনা ভক্তবৎসল আপনা হইতেই
ভক্তের অধীন হইয়া পড়েন । একদিন যশোদা শ্রীকৃষ্ণকে রজ্জু দ্বারা
বন্ধন করিতে প্রয়াস পাইয়াছিলেন । বন্ধন করিতে গিয়া দেখিলেন যে
রজ্জু দুই অঙ্গুলি নূন হইয়া পড়িল ; তখন আরও রজ্জু সংগ্রহ করিলেন,
তাহাও দুই অঙ্গুলি নূন হইল ; ক্রমান্বয়ে গৃহে যত রজ্জু ছিল, একত্র
করিয়া বন্ধন করিতে চেষ্টা করিতে লাগিলেন ; আশ্চর্য্য এই, সকল রজ্জুই
দুই অঙ্গুলি কম হইয়া পড়িল কোন মতেই কৃষ্ণকে বন্ধন করিতে সক্ষম
হইলেন না । যশোদা এবং অন্যান্য গোপীগণ নিতান্তই বিস্মিত হইলেন ।

স্বমাতুঃশিষ্যগাত্রায়া বিস্মস্তকবরশ্রজঃ ।

দৃষ্ট্বা পরিশ্রমং কৃষ্ণং কৃপয়াসীৎ সবন্ধনে ॥

ভাগবত । ১০ । ২ । ১৮ ।

‘মাতার গাত্র বর্ষাক্ত ও কবরীর মালা বিস্তৃত হইয়া পড়িল । ‘তাহার
পরিশ্রম দেখিয়া কৃষ্ণ কৃপাপরবশ হইয়া আপনা হইতেই বন্ধ হইলেন ।’

এবং সংদর্শিতাহুজ্জ হরিণা ভূতাবশ্যতা ।

স্ববশেনাপি কৃষ্ণেন যশোদং সেশ্বরং বশে ।

ভাগবত । ১০ । ৯ । ১৯ ।

‘এইরূপে কৃষ্ণ দেখাইলেন যে, যদিও এই ব্রহ্মাও এবং ব্রহ্মাণ্ডাধিপতি
• তাহার অধীন এবং তিনি কাহারও অধীন নহেন, তথাপি তিনি সর্বদা
তাহার ভূত্যের অধীন বটেন ।’

• তাহাকে কেহ সাধনা দ্বারা, স্বীয় ক্ষমতা দ্বারা বশ করিতে পারেন না,
কিন্তু যিনি তাহার দাস হন তাহারই তিনি দাস । যে মনে করে আমি
তাহাকে সাধন ও ক্ষমতা দ্বারা বশ করিব সে নিতান্ত ভ্রান্ত । যিনি তৃণ
হইতেও নীচভাব সাধন করিতে থাকেন এবং মনে করেন তাহার কৃপা
ভিন্ন সাধন দ্বারা তাহাকে পাইবেন না, তিনিই তাহাকে লাভ করেন ;
• ভগবান্ তাহার সাধনের পরিশ্রম দেখিয়া তাহাকে কৃপা করেন ।

ভক্তির ক্রম ও ভক্তের লক্ষণ ।

যাহারা ইচ্ছা ভগবৎকৃপা উপলব্ধি করিয়া কৃতার্থ হইয়া যান, তাহা-
দিগের কথা শ্রুতান্ত্র ; সেইরূপ ভাগ্যবান্ কজন তাহা বলিতে পারি না ।
সাধারণতঃ আমাদিগের জ্ঞান লোকের ভক্তিলভের জন্ত নানাবিধ উপায়
অবলম্বন করা কর্তব্য । ভক্তিবীজ-বপনের উপযুক্ত ক্ষেত্র কিরূপে
প্রস্তুত করিতে হয় তাহা বিষয়ে আলোচনা করা হইয়াছে । এখন ভক্তি কি
ভাবে পরিপক্ব হয়, ভক্তের জীবনে ক্রমে কি কি লক্ষণের বিকাশ হয়,
তাহা বুঝিতে চেষ্টা করিব ।

শ্রীমদ্ভাগবতের একাদশ স্কন্ধে দেখিতে পাই, রাজর্ষি জনক কর্তৃক পৃষ্ঠ হইয়া মহাভাগবত ঋষভনন্দন হরি ভগবদ্ভক্তদিগকে অতি উত্তম, মধ্যম, ও অধম এই তিন শ্রেণীতে বিভক্ত করিয়া অধমের লক্ষণ বলিতেছেন—

ভার্চয়োগেন হরয়ে পূজাং যঃ শ্রদ্ধয়েহতে—

ন তদ্বক্তৃষুচান্যেষু সঃ ভক্তঃ প্রকৃতঃ স্মৃতঃ ॥

ভাগবত । ১১ । ২ । ৪৭ ।

‘যিনি শ্রদ্ধাপূর্বক প্রতিমাতে হরিপূজা করেন, কিন্তু হরিভক্তি কি অন্য কাহারও পূজা করেন না, তিনি প্রকৃত ভক্ত, অর্থাৎ তাঁহার প্রাণে ভক্তি জন্মিয়াছে, ক্রমে উত্তম হইবে ।’

যাঁহার প্রতিমা পূজা করেন, তাঁহাদিগের মধ্যে যাঁহাদিগের ঈশ্বরে কিঞ্চিৎ শ্রদ্ধার ভাব জন্মিয়াছে,— তাঁহার নাম করা ও তাঁহার জন্য উপবাস করার কিঞ্চিৎ প্রবৃত্তি জন্মিয়াছে, কিন্তু ঈশ্বরভক্ত কিংবা অন্য কাহার প্রতি শ্রদ্ধা জন্মে নাই—তাঁহারা এই শ্রেণীর নিকৃষ্ট ভক্ত ।

এই শ্রেণীর ভক্তদিগের স্বার্থানুরোধে মনকর্ষা করিতে বড় আটকায় না, তবে কখনও মনে একটু আধটু বাধে । এখনও মানুষের প্রতি ভাল ভাব হয় নাই, অহঙ্কারটি সুন্দর আছে, শত্রুদিগকে জয় করিবার ভাবটি বিলক্ষণ আছে, ক্রোধ, লোভ, মোহ আছে, কেবল ভগবানে একটু শ্রদ্ধা হইয়াছে, ফেত্রটি অতি অল্প পরিমাণে প্রস্তুত হইয়াছে মাত্র ।

মধ্যমের লক্ষণ :—

ঈশ্বরে তদধীনেষু বালিশেষু দ্বিসংস্থ চ ।

প্রেমমৈত্রীকূপোপেক্ষা যঃ করোতি স মধ্যমঃ ॥

ভাগবত । ১১ । ২ । ৪৬ ।

‘যিনি ঈশ্বরে প্রেম, ভক্তদিগের সহিত বন্ধুত্ব, মূর্খ ব্যক্তিদিগের প্রতি কৃপা, শত্রুদিগকে উপেক্ষা করেন, তিনি মধ্যম ভক্ত ।’

এবার কেজটি পূর্বাপেক্ষা অনেক প্রস্তুত হইয়াছে । ইহঁদের প্রকার স্থলে অনুরাগ উপস্থিত হইয়াছে ; ভক্তদিগের প্রতি ভালবাসার সঞ্চার হইয়াছে, সাধুসঙ্গ করিতে প্রাণের টান হইয়াছে ; মূর্খদিগের প্রতি পূর্বে য়ণার ভাব ছিল, এখন রূপার ভাব আসিয়াছে ; শত্রুদিগের সম্বন্ধে পূর্বে প্রাণ ঘেঘহিংসার জর্জরিত ছিল, এখন উপেক্ষা ঘেঘহিংসার স্থল অধিকার করিয়াছে । এখনও সকলের প্রতি সমান ভাব আসে নাই । এখন পর্য্যন্তও ভগবদ্ভক্তির প্লাবনে সমস্ত একাকার করিয়া ফেলে নাই ।

উত্তমের লক্ষণ :—

ন যশ্চ স্বঃপর ইতি বিতেন্মাত্মনি বা ভিদা ।

সর্বভূতসমঃ শান্তঃ স বৈ ভাগবতোত্তমঃ ॥

ভাগবত । ১১ । ২ । ৫২ ।

‘যাঁহার আত্মপর ভেদ নাই, বিস্তাদিতে আমার এবং পরকীর বলিয়া ভেদজ্ঞান নাই ; সর্বভূতে সমজ্ঞান, যিনি ইন্দ্রিয় ও মন সংযত করিয়াছেন, তিনি উত্তম ভক্ত ।’

সর্বভূতেষু যঃ পশ্যন্তুগবন্তাবমাত্মনঃ ।

ভূতানি ভগবত্যাশ্রয়েষ ভাগবতোত্তমঃ ॥

ভাগবত । ১১ । ২ । ৪৫ ।

‘যিনি সর্বভূতে আত্মহ ভগবন্ভাবে এবং সমস্ত পদার্থ ভগবানেতে অধিষ্ঠিত দেখিতে পান, তিনি উত্তম ভক্ত ।

গৃহীত্বাপীন্দ্রিয়ৈরর্থান্ যো ন দ্বেষ্টি ন হৃষ্যতি ।

বিক্ষোর্মায়ামিদং পশ্যন্ স বৈ ভাগবতোত্তমঃ ॥

ভাগবত । ১১ । ২ । ৪৮ ।

‘এই সংসারের কাণ্ড কারখানা বিকুর মায়া বুদ্ধিয়া যিনি ইন্দ্রিয় দ্বারা

ভোগ্য বিষয়গুলি গ্রহণ করিয়াও কিছুতেই উৎসাহও হন না, কষ্টও হন না, তিনি উত্তম ভক্ত ।’

দেহেন্দ্রিয় প্রাণমনোধিয়াং যো জন্মাপায়ক্ষুদ্রতর্ষক্চৈছুঃ ।

সংসারধর্মৈরবিমুহমানঃ স্মৃত্যাহরের্ভাগবতপ্রধানঃ ॥

ভাগবত । ১১ । ২ । ৪৯ ।

‘যিনি হরিকে স্মরণ করিয়া দেহ, ইন্দ্রিয়, প্রাণ, মন ও বুদ্ধির, জন্ম, মৃত্যু, ক্ষুধা, ভয়, পিপাসা, কষ্ট প্রভৃতি সংসারধর্ম কর্তৃক বিমুহমান হন না, তিনি উত্তম ভক্ত ।’

ন কামকর্ম্মবীজানাং যস্য চেতসি সম্ভবঃ ।

বাসুদেবৈকনিলয়ঃ স বৈ ভাগবতোত্তমঃ ॥

ভাগবত । ১১ । ২ । ৫০ ।

‘যাহার চিত্তে বাসনাজনিত কর্ম্মের বীজ জন্মাইতে পারে না, একমাত্র বাসুদেবের প্রতি সম্পূর্ণ নির্ভর করিয়া যিনি থাকেন, তিনি উত্তম ভক্ত ।’

ন যস্য জন্মকর্ম্মভ্যাং ন বর্ণাশ্রমজাতিভিঃ ।

সজ্জতেহশ্মিন্নহংভাবো দেহে বৈ স হরেঃ প্রিয়ঃ ॥

ভাগবত । ১১ । ২ । ৫১ ।

‘জন্ম, কর্ম্ম, বর্ণ, আশ্রম ও জাতি উপলক্ষ করিয়া যাহার দেহে আশ্রয়-বুদ্ধি হয় না, তিনি হরির প্রিয়, তিনি উত্তম ভক্ত ।’

ত্রিভুবনবিভবহেতবেহপাকুণ্ডস্মৃতিরজিতাশ্মুরাদিভির্বিমুগ্যাৎ ।

ন চলতি ভগবৎপদারবিন্দান্নবনিমিষাঙ্কিমপি যঃ স বৈষণ্ডবাগ্রাঃ ॥

ভাগবত । ১১ । ২ । ৫৩ ।

‘নিমিষাঙ্ক মাত্র ভগবৎপদারবিন্দ হইতে মনকে দূর করিলে ত্রিভুবনের সমস্ত ঐশ্বর্য্যের অধিকারী হইতে পারেন ; এইরূপ প্রলোভন পাইয়া

যিনি ভগবানের পাদপদ্ম ভিন্ন আর জগতে কিছুই তার নয় মনে রাখিয়া
সেই হরিগতপ্রাণ দেবতাদিগের দুর্লভ ভগবচ্চরণপদ্ম হইতে নিমিষার্থের
জন্তও মন বিচলিত করেন না, তিনিই ভক্তপ্রধান ।

ভগবত উরুবিক্রমাংশ্রিশাখানখমণিচন্দ্রিকয়ানিরস্ততাপে ।

হৃদিকথমুপসীদতাং পুনঃ স প্রভবতি চন্দ্র ইবোদিতৈহর্কতাপঃ ॥

ভাগবত । ১১ । ২ । ৫৪ ।

‘ভগবান হরির শ্রীচরণের নখমণির জ্যোৎস্না দ্বারা যে ভক্তহৃদয় হইতে
কামাদি তাপ দূরীভূত হইয়াছে, সেই হৃদয়ে আবার বিষয়বাসনা কিরূপে
স্থান পাইবে ? রাত্ৰিতে একবার চন্দ্র উঠিলে কি আর রবির তাপ
কাহাকেও ক্লিষ্ট করিতে পারে ?’

বিস্মৃজতি হৃদয়ং ন যশ্চ সাক্ষাৎকিরিবশাভিহিতোপাহর্ষৌঘ নাশঃ ।

প্রণয়রশনয়াধুতাংশ্রিপদ্মঃ স ভবতি ভাগবত প্রধান উক্তঃ ॥

ভাগবত । ১১ । ২ । ৫৫ ।

যাঁহার নাম অবশে উচ্চারিত হইলেও পাপতরঙ্গ বিনষ্ট হয়, সেই হরি,
তাঁহার চরণপদ্ম প্রণয়রজ্জু দ্বারা বদ্ধ হওয়ায় যাঁহার হৃদয় তাগ করিয়া যান
না, তিনি ভক্তপ্রধান বলিয়া উক্ত থাকেন ।’

ভগবদ্গীতার ভগবান্ অর্জুনকে ভক্তের লক্ষণ বলিতেছেন—

অদেষ্টা সর্বভূতানাং মৈত্র করুণ এবচ ।

নির্মমো নিরহঙ্কারঃ সমদুঃখস্তমঃ ক্ষমী ॥

সন্তুষ্টঃ সন্ততঃ গোপী যতাক্ষা দৃঢ়নিশ্চয়ঃ ।

ময্যাপিতমনোবুদ্ধির্যো যন্তকৃতঃ স মে প্রিয়ঃ ॥

ভগবদ্গীতা । ১২ । ১৩, ১৪ ।

‘যিনি সর্বভূতে অদেষ্টা ; যাঁহার কাহারও প্রতি কোন রূপ ঘেঘের

ভাব নাই, যাঁহার সর্বভূতে মৈত্রী ও করুণা, যাঁহার ‘আমার’ ‘আমার’ জ্ঞান নাই, যিনি নিরহঙ্কার, যাঁহার নিকটে সুখদুঃখ সমান, যিনি ক্রমাশীল, যাঁহার হৃদয়ে সর্বদা সন্তোষ বিরাজিত, যিনি যোগী, সংযতাত্মা, দৃঢ়নিশ্চয় এবং যিনি আমাতে মন ও বুদ্ধি অর্পণ করিয়াছেন, এমন যে আমার ভক্ত তিনি আমার প্রিয় ।’

যস্যানোদিজতে লোকে লোকান্নোদিজতে চ যঃ ।

হর্ষামর্ষভয়োদ্বৈগৈর্মুক্তো যঃ স চ মে প্রিয়ঃ ॥

ভগবদগীতা । ১২ । ১৫ ।

‘যাঁহা হইতে কেহ উদ্বিগ্ন হন না, এবং যাঁহাকে কেহ উদ্বিগ্ন করিতে পারে না, হর্ষ, ক্রোধ, ভয় ও উদ্বেগ হইতে যিনি মুক্ত, তিনি আমার প্রিয় ।’

অনপেক্ষঃ শুচিদম্ উদাসীনো গতবাণঃ ।

সর্ববাস্তুপরিভ্যাগী যো মন্তুঃ স মে প্রিয় ॥

ভগবদগীতা । ১২ । ১৬ ।

‘যাঁহার কিছুই অপেক্ষা নাই (কোন বস্তু সম্বন্ধেই ‘ইহা না’ হইলে আমার চলিবে না’, এরূপ জ্ঞান নাই,) যিনি শুচি, কস্মিৎ, অনাসক্ত, ক্রেশমুক্ত, যিনি সমস্ত বাসনা পরিত্যাগ করিয়াছেন এমন যে আমার ভক্ত তিনি আমার প্রিয় ।’

যো ন হৃষ্যতি ন দ্বেষ্টি ন শোচতি ন কাঙ্ক্ষতি ।

শুভাশুভপরিভ্যাগী ভক্তিমান্ যঃ স মে প্রিয়ঃ ॥

ভগবদগীতা । ১২ । ১৭ ।

‘যিনি কিছুতেই হৃষ্ট হন না, অথচ কোন বস্তুর প্রতি দ্বেষও নাই, যিনি কোন বস্তু না পাওয়ার শোক করেন না কিংবা কোন বস্তুর আকাঙ্ক্ষা করেন না, যিনি সফল কি কুফল কিছুই অপেক্ষা রাখেন না, এমন যে ভক্তিমান তিনি আমার প্রিয় ।’

সমঃ শত্রৌ চ মিত্রে চ তথা মানাপমানয়োঃ ।

শীতোষ্ণশুষ্কদুঃখেষু সমঃ সঙ্গবিবর্জিতঃ ॥

তুল্যানিন্দাস্তুতির্মোনী সন্তুষ্টো যেন কেনচিৎ ।

অনিকেতঃ স্থিরমতির্ভক্তিমান্ মে প্রিয়ো নরঃ ॥

ভগবদ্গীতা । ১২ । ১৮, ১৯ ।

‘যাঁহার নিকটে শত্রু ও মিত্র, মান ও অপমান, শীত এবং উষ্ণ, শুষ্ক ও ছুখ সমান, যিনি সঙ্গহীন, যাঁহার নিন্দা ও স্তুতি সমান, যিনি অধিক কথা বলেন না, যাঁহা পান তাহতেই সন্তুষ্ট, যিনি সর্বদা এক স্থানে থাকেন না, যিনি স্থিরমতি, এমন যে আমার ভক্ত, তিনি আমার প্রিয় ।’

যে তু ধর্ম্যামৃতমিদং যথোক্তং পযূঁপাসতে ।

শ্রদ্ধাধান্য মৎপরমা ভক্তান্তেষুতীন মে প্রিয়াঃ ॥

ভগবদ্গীতা । ১২ । ২০ ।

‘এই যে ধর্ম্যামৃত বলা হইল, শ্রদ্ধার সহিত আমাগত প্রাণ হইয়া যাঁহারা এইরূপ আচরণ করেন, সেই ভক্তগণ আমার অতীব প্রিয় ।’

শ্রেষ্ঠতম ভক্তদিগের সর্বোৎকৃষ্ট লক্ষণ :—

ন কিঞ্চিৎ সাধবো ধীরা ভক্তা হোকাস্তিনো মম ।

বাঞ্ছন্ত্যপি ময়া দত্তং কৈবল্যমপুনর্ভবম্ ॥

ভাগবত । ১১ । ২০ । ৩৪ ।

ভগবান উদ্ধবকে বলিতেছেন—

‘যে সকল সাধু ধীর ব্যক্তিগণ আমার একান্ত ভক্ত তাঁহারা কিছুই বাঞ্ছা করেন না, এমন কি আমি যদি তাঁহাদিগকে মোক্ষ দিতে চাই, তাহাও তাঁহারা বাঞ্ছা করেন না ।’

ন পারমেষ্ঠ্যং ন মহেন্দ্রধিক্যং ন সার্বভৌমং ন রসাদ্বিপত্যং ।
ন যোগসিদ্ধৌ ন পুনর্ভবং বা ময্যার্পিতাভ্যুচ্ছতিমধিনাশ্রুৎ ॥

ভাগবত । ১১ । ১৪ । ১৪ ।

‘আমার ভক্ত কি ব্রহ্মার পদ, কি ইন্দ্রপদ, কি সার্বভৌম পদ, কি পাতালের আধিপত্য, এমন কি যোগসিদ্ধি কি মোক্ষও চাহেন না ; আমা ভিন্ন তাঁহার আর কোন বস্তুতেই অভিলাষ নাই ।’

একটি কথা মনে রাখিবেন, শ্রেষ্ঠতম ভক্ত হইলে যে সংসার ত্যাগ করা প্রয়োজন তাহা কোথাও নাই । কেবল পাইলাম এই— যাঁহারা সর্বোত্তম ভক্ত তাঁহারা কখনও বিষয়বাসনাকে চিন্তে স্থান দেন না ; কখন সংসারধর্মকর্তৃক বিমোহিত হন না ; তাঁহাদের নিকটে শত্রু, মিত্র, মান, অপমান, স্তুতি নিন্দা সমান ।

ভগবদ্গীতায় ভগবান অর্জুনকে সংসার ত্যাগ করিতে উপদেশ দেন নাই, বরং যাহাতে সংসারের কার্য্য ত্যাগ না করেন তাহাই উপদেশ দিয়াছিলেন ; তবে বিষয়বাসনাহীন হইয়া শত্রুমিত্র, নিন্দাস্তুতি ও মান অপমান সমান জ্ঞান করিয়া গৃহধর্ম পালন করিতে হইবে, দৃঢ়ভাবে বারংবার ইহাই বলিয়াছেন । শ্রীকৃষ্ণ দুর্য্যোধনের বিরুদ্ধে যে অর্জুনকে যুদ্ধ করিতে উপদেশ দিয়াছেন তাহা ধর্মরক্ষার জন্ত, শত্রুতাসাধনের জন্ত নহে । ধর্মরক্ষার জন্ত আমাদের অগ্রাগকে, অধর্মকে শাসন করিতে হইবে, অনেক সময়ে অনেকের বিরুদ্ধে দণ্ডধারী হইতে হইবে, কিন্তু চিন্তাটি অবিকৃত রাখা চাই ; ঘেঁষ, হিংসা, ক্রোধ যেন কোনরূপে হৃদয়ে স্থান না পায় ।

এখন প্রকৃত ভক্ত কিরূপে ভক্তশ্রেষ্ঠ হয় তাহাই বিবৃত করিতে হইতেছে । পূর্বেই বলিয়াছি গীতায় ভগবান বলিয়াছেন—দুরাচার ব্যক্তি ও অনন্তচেতা হইয়া আমাকে ভজনা করিতে আরম্ভ করিলে শীঘ্রই

সে ধর্মীয়া হইয়া যায় এবং নিত্য শান্তি প্রাপ্ত হয় । শ্রীমদ্ভাগবতে ভগবান্ উদ্ধবকে বলিতেছেন—

বাধ্যমানোহপি মন্তুক্তো বিষয়েরজিতেন্দ্রিয়ঃ ।

প্রায়ঃ প্রগল্ভয়া ভক্ত্যা বিষয়ের্নাভিভূয়তে ॥

ভাগবত । ১১ । ১৪ । ১৮ ।

‘আমার অজিতেন্দ্রিয় ভক্ত বিষয়ভোগ কর্তৃক আবদ্ধ হইলেও আমার প্রগল্ভা ভক্তির গুণে বিষয় কর্তৃক অভিভূত হয় না ।’

যথাগ্নিঃ স্তম্ভদ্বাচ্চিঃ করোতোধাংসি ভস্মসাৎ ।

যথা মদ্বিময়া ভক্তিরুদ্ধবৈনাংসি কৃৎস্নশঃ ॥

ভাগবত । ১১ । ১৪ । ১৯ ।

‘যেমন অগ্নি উর্দ্ধশিখা হইয়া প্রজ্বলিত হইলে কাষ্ঠাদি ভস্মসাৎ করে, তেমনি হে উদ্ধব, মদ্বিময়িনী ভক্তি প্রদীপ্ত হইয়া একবারে সমস্ত পাপ বিনষ্ট করে ।’

ভগবানে যত ভক্তির বৃদ্ধি হয় ততই পবিত্রতার বৃদ্ধি হয় । সর্বত্রই দেখিতে পাই যাঁহার প্রতি কিঞ্চিন্মাত্র ভক্তির সঞ্চার হয়, তাঁহারই অনুকরণ করিতে স্বতঃই ইচ্ছা জন্মে । যাঁহার ভগবানে ভক্তি হয় তাঁহার অস্তরে ক্রমে তাঁহার স্বরূপ প্রকাশ পাইয়া থাকে, এবং উত্তরোত্তর মধুর হইতে মধুরতর হইয়া দাঁড়ায় । ভগবান্ ‘শুদ্ধ অপাপবিদ্ধ ।’ যাঁহার নিকটে তাঁহার এই স্বরূপটি মধুর বোধ হইয়াছে তাঁহার কি আর কলঙ্কিত হইতে ইচ্ছা করে ? যাঁহার নিকটে যাহা মিষ্ট বোধ হয়, সে তাহা আশ্রয় করিতে চেষ্টা করিবেই । সুতরাং যাঁহার মধ্যে যতটুকু ভক্তির সঞ্চার হইয়াছে তাঁহার ততটুকু ভগবানের ভাবগুলি আশ্রয় করিতে ইচ্ছা অবশ্যই হইবে । এবং এই পথে মানুষ যত অগ্রসর হয় ততই ভগবানের গুণগুলি অনুকরণ করিবার স্পৃহা বলবতী হয়, ক্রমে পাপবাসনা, বিষয়কামনা দূর

হয় । সেই আনন্দস্বরূপকে এক তিল ভালবাসিতে আরম্ভ করিলেই
প্রাণে সুখ উথলিয়া উঠে, এবং সেই সুখের সম্পূর্ণ বিপরীত যে পাপলালসা
ও বিষয়তৃষ্ণা তাহা নিতান্ত তিক্ত বলিয়া বোধ হয়, সুতরাং সে দিকে মন
যাইতে চাহে না । যত ভক্তির বৃদ্ধি ততই পাপনাশ অবশ্যস্বাবী ।

গীতায় ভগবান্ অৰ্জুনকে বলিয়াছেন—

দৈবী হ্রেষা গুণময়ী মম মায়া দুৰত্যায়া ।

মামেব যে প্রপদ্যন্তে মায়ামেতাং তরন্তি তে ॥

ভগবদ্গীতা । ৭ । ১৪ ।

‘এই যে দৈবী ত্রিগুণাশ্রয়ী ও হস্তর আমার মায়া (যাহা দ্বারা সংসার
মুগ্ধ হইয়া রহিয়াছে) যাহারা ভক্তিপূৰ্ব্বক আমাকে ভজনা করে তাহারা
এই মায়াজাল ছিন্ন করে ।’

ধন পাইলে যৈছে সুখভোগফল পায় ;

সুখভোগ হইতে দুঃখ আপনি পলায় ।

তৈছে ভক্তিফলে কৃষ্ণপ্রেম উপজায়,

প্রেমে কৃষ্ণানন্দ পাইলে ভবনাশ পায় ।

চৈতন্যচরিতামৃত ।

হরিভক্তি হৃদয়ের মধ্যে এমন একটি শক্তি জাগ্রত করিয়া দেয় যে
অবিद्या সমূলে নাশ পায় ।

কৃতানুযাত্রা বিদ্যাভিহরিভক্তিরনুত্তমা ।

অবিদ্যাং নির্দহতাশু দাবদ্ধালেব পরাগৌম ॥

পদ্মপুরাণ ।

‘দাবানল যেমন সর্পিণীকে ভস্মীভূত করে, তেমনি হরিভক্তি সংশক্তি-
গুলি জাগ্রত করিয়া অবিদ্যাকে দহন করে ।’

এইরূপে যত পাপ অবিদ্যা দূর হয় ততই ভগবৎপদে নিষ্ঠা হইতে

থাকে, যতই নিষ্ঠার বৃদ্ধি হয় ততই তাঁহার বিষয় শ্রবণ কীর্ত্তন মননে রুচি ক্রমে ; যত রুচি অধিক হয় ততই আসক্তি হয়, আসক্তি হইলেই ভাব, ভাব হইলেই প্রেমের উদয় হয় ।

শ্রীকৃষ্ণ গোষামৌ তাঁহার ভক্তিরসামৃতসিকুতে লিখিয়াছেন—

আদৌ শ্রদ্ধা ততঃ সঙ্গস্ততোহগ ভজনক্রিয়া ।

ততোহনর্থনিবৃত্তি স্যাৎ ততো নিষ্ঠা রুচিস্ততঃ ॥

অথাসক্তি স্ততোভাবস্ততঃ প্রেমাভ্যুদয়তি ।

সাধকানাময়ং প্রেমঃ প্রাদুর্ভাবে ভবেৎ ক্রমঃ ॥

‘প্রথমে শ্রদ্ধা, তাহা হইতে সাধুসঙ্গ, পরে ভজন (প্রকৃত ভক্ত বাহা করিয়া থাকেন) ভজনের ফল অনর্থনিবৃত্তি (পাপ অবিত্যা দূর হওয়া), অনর্থনিবৃত্তি হইলেই নিষ্ঠার উৎপত্তি অর্থাৎ ভগবানের চরণে চিত্ত একাগ্র হয়, সেই চরণে চিত্ত একাগ্র হইলেই তাঁহার মধুরতা বিশেষভাবে উপলব্ধি হইতে থাকে এবং শ্রবণ কীর্ত্তন মননাদিতে রুচি হয়, রুচি হইলেই ক্রমে আসক্তি হয়, আসক্তি হইতে ভাব, ভাব হইতে প্রেমের উদয় হয় ; সাধকগণের প্রেমোদয়ের এই ক্রম বলা হইল ।’

প্রেমস্তু প্রথমাবস্থা ভান ইতাভিধায়তে ।

ভক্তিরসামৃতসিকু ।

প্রেমের প্রথম অবস্থাকে ভান বলে ।

শুদ্ধসত্ত্ববিশেষাত্মা প্রেমসূর্যাংশুসাম্যভাক্ ।

রুচিভিশ্চিদ্রুমাস্থ্যাকৃদসৌ ভান উচ্যতে ॥

ভক্তিরসামৃতসিকু ।

‘যাহা শুদ্ধ সত্ত্বগুণ দ্বারা আত্মাকে ভূষিত করে, যাহা প্রেমরূপ সূর্য্যাকিরণের সাদৃশ্য ধারণ করে, যাহা রুচির প্রভাবে চিত্ত নির্মল করে, তাহারই নাম ভান ।’

যাহার প্রাণে ভাবের অঙ্কুর জন্মিয়াছে তিনি কি কি লক্ষণ দ্বারা উপলক্ষিত হন ঐরূপগোশ্বামী তৎসম্বন্ধে বলিতেছেন—

কাস্তিরব্যর্থকালত্বং বিরক্তির্মানশূন্যতা ।

আশাবন্ধসমুৎকণ্ঠা নামগানে সদা রুচিঃ ॥

আসক্তিস্তদ্ গুণাখ্যানে প্রীতিস্তদ্বসতিস্থলে ।

ইত্যাদয়োহনু ভাবাঃ স্মার্তাতভাবাকুরে জনে ॥

‘যাহার ভাবাকুর জন্মিয়াছে তাহার ভিতরে কাস্তি, অব্যর্থকালত্ব, বিরক্তি, মানশূন্যতা, আশাবন্ধ, সমুৎকণ্ঠা, নামগানে সদারুচি, ভগবানের গুণাখ্যানে আসক্তি ও তাহার বসতিস্থলে প্রীতি প্রভৃতি গুণ দেখা যায় ।

কাস্তি কি ?

ক্লেভহেতাবপি প্রাপ্তে কাস্তিরক্ষুভিতাত্মতা ।

‘ক্লেভের হেতু অর্থাৎ রোগ, শোক, বিপদ প্রভৃতি উপস্থিত হইলেও যে চিন্তের অক্লেভিত ভাব তাহার নাম কাস্তি ।’

সর্বদা ভগবানকে স্মরণ মনন প্রভৃতির নাম অব্যর্থকালত্ব ।

ভগবানকে ছাড়িয়া যে সময় যায় তাহাই ব্যর্থ যায় ; তাই যাহার ভিতরে ভাব জন্মিয়াছে তিনি যে কোন কার্যোই লিপ্ত থাকুন না, আহার বিহার, সংসারের সমস্ত কার্যো সর্বদা ভগবানকে মনে রাখেন, স্মরণে তাহার কোন সময় ব্যর্থ যায় না ।

বিরক্তিরিন্দ্রিয়ার্থানাং স্মাদরোচকতা স্বয়ম্ ।

ইন্দ্রিয়ভোগ্য বিষয়গুলির প্রতি যে অরোচকতা তাহারই নাম বিরক্তি ।

যাহার ভিতরে ভাব জন্মিয়াছে, তাহার চিন্তে ভোগলিপ্সা থাকিতে পারে না, তিনি ভগবানের দাসস্বরূপে মাত্র যতদূর কর্তব্য ততদূর ইন্দ্রিয়ের বিষয় ভোগ করিয়া থাকেন ।

“মানিশূন্যতা ।” এইরূপ লোকের ভিতরে অভিমান থাকিতে পারে না ।

আশাবন্ধো ভগবতঃ প্রাপ্তিসম্ভাবনা দৃঢ়া ।

আমি ভগবানকে নিশ্চয় পাইব এইরূপ যে দৃঢ় আশা তাহার নাম
'আশাবন্ধ' । এই আশায় প্রাণ ভাগাইয়া রামপ্রসাদ গাহিয়াছিলেন :—

“যদি ডুবল না, ডুবায়ে বা, ওরে মন নেয়ে ।

মন হাল ছেড় না, ভরসা বাধ, পারবে যেতে বেয়ে ॥”

পঞ্জাবের বিখ্যাত সাধু স্বামী রামতীর্থ আশাবন্ধে কি দৃঢ়ত্ব দেখাইয়া
ছেন !—

আসন জমায়ে বৈঠে হাঁয় দর সে ন জায়েঙ্গে ।

মজলু বনেঙ্গে হম তুম্‌হেঁ লৈলী বনায়েঙ্গে ॥

কুফন বাঁধে ছয়ে শিরপর কিনারে তেরে আ বৈঠে ।

ন উঠ্ঠেঙ্গে সিবায় তেরে, উঠ্ঠালে জিস্‌কা জী চাহে ॥

বৈঠে হাঁয় তেরে দর পৈ তো কুচ্‌ করকে উঠ্ঠেঙ্গে ।

ইয়া ওসল হী হোজায়গী, ইয়া মরকে উঠ্ঠেঙ্গে ॥

‘আসন জমাইয়া বসিয়াছি, দ্বার হইতে যাইব না, আমি হইব মজলু’, তোমাকে বানাইব লৈলী ; (‘মজলু’র অর্থ ‘পাগল’ ; লৈলী নামে একটি জীলোককে দেখিয়া এক ব্যক্তি প্রেমে উন্মত্ত হইয়াছিল, তজ্জন্ত তাহাকে ‘মজলু’ বলা হইত) । আমি মাথায় কফন বাঁধিয়া তোমার নিকটে বসিয়াছি (মৃত ব্যক্তিকে যে বস্ত্র দ্বারা আবৃত করা হয়, তাহাকে ‘কফন’ বলে, অর্থাৎ মরিবার জন্ত প্রস্তুত হইয়া আসিয়াছি) তোমাকে ছাড়িয়া উঠিব না, যাহাকে ইচ্ছা উঠাইয়া নাও (আমাকে পারিবে না) ।

তোমার ঘারে বসিয়া আছি, কিছু করিয়া তবে উঠিব ; হয়, তোমার সঙ্গে
মিলন হইয়া যাইবে, নয় মরিয়া উঠিব ।’

সমুৎকণ্ঠা নিজাভীষ্টলাভায় গুরুলুপ্ততা ..

আপনার অভীষ্ট লাভার্থে যে অত্যন্ত লোভ, তাহার নাম সমুৎকণ্ঠা ।

নামগানে সদাকুচিঃ ।

তাঁহার গুণাখ্যানে আসক্তি ।

তদসতিস্থলে প্রীতি । ভগবানের বসতিস্থল ত স্থানমাত্রেই ।

প্রথমে ভক্তের তীর্থাদিতে প্রীতি হয়, পরে যত ভগবানের সর্বব্যাপিহ
হৃদয়ঙ্গম হইতে থাকে, তত সর্বস্থলেই তাঁহার বাস প্রতীতি হইতে থাকে,
সুতরাং অবশেষে বিশ্বময় প্রীতির বিস্তৃতি হয় ।

যে ভাগ্যবান ব্যক্তির হৃদয়ে ভাবাস্কুর জন্মে তিনি পূর্বোন্নিখিত গুণ-
গুলির দ্বারা অলঙ্কৃত হন এবং ভগবানের স্মরণ কীর্তন মননাদিতে তাঁহার

সাস্ত্রিকাঃ স্বল্পমাত্রাঃ স্মারত্ৰাশ্চপুলকাদয়ঃ ।

ভক্তিরসামৃতসিদ্ধি ।

অশ্রুপুলকাদি সাস্ত্রিক ভাবগুলির অল্পমাত্রা উদয় হয় ।

তে স্তম্ভশ্বেদরোমাঞ্চাঃ স্বরভেদোহথ বৈপথুঃ ।

বৈবৰ্ণ্যমশ্রু প্রলয় ইত্যেষ্টৌ সাস্ত্রিকাঃ স্মৃতাঃ ॥

ভক্তিরসামৃতসিদ্ধি ।

সাস্ত্রিক ভাব আট প্রকার—স্তম্ভ, শ্বেদ, রোমাঞ্চ, স্বরভেদ, কম্প,
বৈবৰ্ণ্য, অশ্রু ও প্রলয় ।

স্তম্ভো হর্ষভয়াশ্চর্য্যাবিষাদামর্ষসম্ভবঃ ।

তত্র বাগাদিরাহিত্যং নৈশ্চলশূন্যতাদয়ঃ ॥

‘হর্ষ, ভয়, আশ্চর্য্য বিষাদ এবং অমর্ষ (ক্রোধ) হইতে শুভ্র উৎপন্ন হয়, শুভ্র হইলে বাক্যাদি বলিবার শক্তি থাকে, না, শরীর নিশ্চল হয় এবং বাহিরের ইন্দ্রিয়ব্যাপার নিরুদ্ধ হয় ।’

হর্ষ, ভয়, বিষয় প্রভৃতি নানা কারণে হইতে পারে । হুই একটি দৃষ্টান্ত দিতেছি । ভগবানের মধুরত্ব মনে করিলেই হর্ষ হইতে পারে । ভয় হইতে পারে, তাঁহার লীলাকৌশল দেখিয়া । বিষাদ হইতে পারে, তাঁহার বিরহচিন্তনে । অমর্ষ হইতে পারে, তাঁহার নিন্দুকের প্রতি ; কিংবা অনেক ডাকিলাম তথাপি কৃপা হ’ল না, ইত্যাদি ভাবিয়া তাঁহার নিজের প্রতি হইতে পারে ।

স্বেন্দো হর্ষভয়ক্রোধাদিজঃ ক্লেদকরস্তনোঃ ।

‘হর্ষ, ভয় ও ক্রোধাদি জনিত শরীরে যে ক্লেদ হয় তাহার নাম স্বেন্দ (ঘর্ম্ম) ।’

রোমাঞ্ঝোহয়ং কিলার্শ্চর্য্যোহর্ষোৎসাহভয়াদিজঃ ।

রোম্ভামভ্যাদগমস্তত্র গাত্রসংস্পর্শনাদয়ঃ ॥

‘বিস্ময় হর্ষ উৎসাহ ও ভয়াদি হইতে রোমাঞ্চ হয় ।’

বিষাদবিস্ময়ামর্ষহর্ষভীত্যাদিসম্ভবঃ ।

বৈস্মর্য্যাঃ স্বরভেদঃ স্রাদেষ গদ্গদিকাদিকৃৎ ॥

বিষাদ, বিস্ময়, ক্রোধ, আনন্দ ও ভয়াদি হইতে ‘স্বরভেদ হয়, স্বরভেদ হইতে বাক্য গদ্গদ হইয়া থাকে ।’

বিত্রাসামর্ষহর্ষাদৈর্বেপধুর্গাত্রলৌল্যকৃৎ

‘ত্রাস, ক্রোধ, ও হর্ষাদি হইলে ‘কম্প হয়, তদ্বারা গাত্রের চাঞ্চল্য জন্মিয়া থাকে ।’

বিষাদরোষভীত্যাদৈবৈবৰ্ণং বর্ণবিক্রিয়া ।

ভাবজৈরত্র মালিন্যং কাশ্যাদ্যাঃ প্রকীৰ্ত্তিতাঃ ॥

‘বিষাদ, ক্রোধ ও ভয়াদি হইতে যে বর্ণবিকার জন্মে তাহার নাম বৈবৰ্ণ্য ; ভাবজ বাক্তিগণ কহেন, ইহাতেই মলিনতা ও কুশতাদি হইয়া থাকে ।’

হর্ষরোষবিষাদাদৈরশ্রুনেত্রে জলোদগমঃ ।

হর্ষজ্জেশ্রুণি শীতত্বমোক্ষাং রোষাদিসম্ভবে ।

সর্বত্র নয়নকোভরাগসংমার্জনাদয়ঃ ॥

‘হর্ষ, ক্রোধ ও বিষাদাদি দ্বারা যে নেত্রে জলোদগম হয় তাহার নাম অশ্রু । হর্ষজনিত অশ্রু শীতল এবং রোষাদিজনিত অশ্রু উষ্ণ । সর্বত্র অকার অশ্রু দ্বারা নয়নের চাক্ষুণ্য ও রক্তিমতা এবং সংমার্জন ঘটিয়া থাকে ।’

প্রলয়ঃ স্মৃথদুঃখাভ্যাক্ষেপ্টাজ্ঞাননিরাকৃতিঃ ।

অত্রানুভাবাঃ কথিতা মহীনিপাতনাদয়ঃ ॥

‘স্মৃথ কিং দুঃখ হইতে যে ইন্দ্রিগ্ৰেষ্ঠা এবং জ্ঞান একেবারে লোপ পায় তাহার নাম প্রলয়, ইহাতে ভূমিতে পতন ইত্যাদি লক্ষণ সকল বর্ণিত হইয়া থাকে ।’

এই যে আট প্রকার সাত্ত্বিক ভাব বলা হইল, যাহার হৃদয়ে ভাবাকুর হইয়াছে তাহাতে এই ভাবগুলি সমস্ত সমগ্র বিকাশ পায় না, তবে উহাদিগের কিঞ্চিৎ প্রকাশ পাইয়া থাকে ।

শ্রীরূপ গোস্বামী এই সাত্ত্বিক ভাবগুলি বিকাশের চারিটি স্তর দেখাইয়াছেন :—

ধুমায়িতাস্তেজ্বলিতা দীপ্তা উদ্দীপ্তসংজ্ঞিতাঃ ।

বুদ্ধিং যথোত্তরং যাস্তুঃ সাত্ত্বিকাঃ স্মাশ্চতুর্বিধাঃ ॥

‘ইহারা উত্তরোত্তর বুদ্ধি প্রাপ্ত হইতে হইতে ধুমায়িত, জলিত, দীপ্ত ও উদ্দীপ্ত এই চারিপ্রকার অবস্থা প্রাপ্ত হয় ।’

অদ্বিতীয়া অমৌ ভাবা অথবা সদ্বিতীয়কাঃ ।

ঐষদ্বাক্তা অপহোতুং শক্যা ধুমায়িতা মতাঃ ॥

‘যখন একটি কি দুইটি মাত্র ভাব অত্যন্ত প্রকাশ পায় এবং তাহা গোপন করিতে পারা যায় তখনকার ভাবের অবস্থাকে ধুমায়িত বলে ।’
দৃষ্টান্ত দিয়াছেন :—

আকর্ণয়ন্নঘহরামঘবৈরিকীর্তিঃ

পদ্মাগ্রমিশ্রবিরলাশ্রয়ভূৎ পুরোধাঃ ।

যম্ভা দরোচ্ছ্ৰসিতলোমকপোলমৌষৎ

প্রস্বিন্ননাসিকমুবাহ মুখারবি ন্দম্ ॥

‘পাপবৈরী শ্রীহরির পাপনাশিনী কীর্তি শ্রবণ করিতে করিতে যাগকর্তা পুরোহিতের চক্ষুর পদ্মাগ্রে অন্ন অশ্রুমিশ্রিত হইল এবং তাঁহার কপোল পুলকিত ও নাসিকা ঘম্মাক্ত হইল ।’

তে দ্বৌ ত্রয়ো বা যুগপদ্যাস্তুঃ স্বপ্রকটাঃ দংশাম্ ।

শক্যাঃ কৃচ্ছ্ৰেণ নিহোতুং জ্বলিতা ইতি কীর্তিতাঃ ॥

‘যখন দুই কি তিন সাত্ত্বিক ভাব এক সময়ে প্রকাশ পায় এবং তাহা অতি কষ্টে গোপন করিতে পারা যায়, তখনকার ভাবের অবস্থাকে জ্বলিত বলে ।’

ইহার দৃষ্টান্ত দিয়াছেন ।—

নিরুদ্ধং বাম্পাস্তঃ কথমপি যয়া গদগদগিরো
ত্রিয়া সন্তো গূঢ়াঃ সখি বিষটিতো বেষথুরপি ।
গিরিজ্যোৎস্যাং বেণৌ ধ্বনতি নিপুণৈরিঙ্গিতনয়ে
তথ্যাপ্যাহাংক্রে মম মনসি রাগঃ পরিজনৈঃ ॥

‘হে সখি, গিরিগহ্বরে সঙ্কেতদূর স্বরূপ বেণুর শব্দ হইলে যদিও আমি বাম্পরাশি রোধ এবং লজ্জানিবন্ধন গদগদ বাক্য গোপন করিয়া ছিলাম কিন্তু গাত্রকম্প নিবারণ করিতে পারি নাই, তাই বুদ্ধিমান পরিজনবর্গ আমি কৃষ্ণানুরক্তা হইয়াছি এইরূপ সন্দেহ করিয়াছিলেন।’

প্রোঢ়াং ত্রিচতুরাং ব্যক্তিং পঞ্চ বা যুগপদগতাঃ ।

সংনবিতুমশক্যাস্তে দীপ্তা ধীরৈরুদাহতাঃ ॥

‘যখন বুদ্ধিপ্রাপ্ত তিন চারি অথবা পাঁচ সাত্বিকভাব এক সময়ে প্রকাশ পায় এবং তাহা যখন সম্বরণ করিবার শক্তি থাকে না, সেই ভাবের অবস্থাকে পণ্ডিতগণ দীপ্ত বলেন ।’

দৃষ্টান্ত—

ন শক্তিমুপবীণনে চিরমধস্ত কম্পাকুলো
ন গদগদনিরুদ্ধবাক্ প্রভুরভূতপল্লোকনে ।
ক্ষমোহজনি ন বীক্ষণে বিগলদশ্রুপূরঃ পুরো
মধুদ্বিষি পরিষ্ফুরতাবশমূর্ত্তিরাসীন্মুনিঃ ॥

‘নারদঋষি সন্মুখস্থ শ্রীকৃষ্ণকে দর্শন করিয়া একরূপ বিবশাক্ত হইলেন যে, কম্পনিবন্ধন বীণাবাদনে অশক্ত হইয়া পড়িলেন, কণ্ঠরোধহেতু বাক্য গদগদ হওয়াতে স্তব করিতে পারিলেন না, চক্ষু অশ্রুপূর্ণ হওয়ায় দর্শন করিবার ক্ষমতা রহিল না।’

একদা ব্যক্তিমাণসাঃ পঞ্চষট্ সর্ব এবা

আরুঢ়াঃ পরমোৎকর্ষমুদীপ্তা ইতি কীর্তিতাঃ ॥

‘যখন পাঁচ ছয় অথবা সমস্ত ভাবগুলি এক সময়ে একট হইয়া পরমোৎকর্ষ প্রাপ্ত হয়, তখন সেই ভাবের অবস্থাকে উদীপ্ত বলে ।’

জগন্নাথদেবের রথাত্রে যখন চৈতন্য মহাপ্রভু নৃত্য করিয়াছিলেন তখনকারি তাঁহার ভাব মনে করুন ।

উদ্গু নৃত্যে প্রভার অদ্ভুত বিকার ;

অষ্ট সাধিক ভাব উদয় সমকাল ।

মাংস ত্রণ সহ রোমবৃন্দ পুলকিত ;

শিমুলীর বৃক্ষ ঘেন কণ্টকে বেষ্টিত ।

একেক দন্তের কম্প দেখিতে লাগে ভয় ;

লোকে জানে দস্ত সব খসিয়া পড়য় ।

সর্বদে প্রবেদ ছুটে তাতে রক্তোদগম ;

জ জ, গ গ, জ জ, গ গ, গদ গদ বচন ।

জলযন্তুধারা যৈছে বহে অশ্রুজল,

আশপাশলোক যত ভিজিল সকল ।

দেহকাণ্ডি গোর, কভু দেখিয়ে অরুণ ;

গোর কান্তি দেখি ঘেন মল্লিকাপুষ্পসম ।

কভু শুভ্র, প্রভু কভু ভূমিতে লোটায় ।

শুককাষ্ঠসম পদ হস্ত না চলয় । চৈতন্যচরিতামৃত ।

গোরাঙ্গের শরীরে অষ্ট সাধিক ভাব সমস্ত যুগপৎ প্রকাশ পাইতেছে ।

যখন হৃদয় প্রেমে ডুবিয়া যায় তখন এইরূপ ভাব প্রকাশ পায়, যখন মাত্র ভাবের অঙ্কুর জন্মে তখন এই সাধিক ভাবগুলির কিছু কিছু আভাস

দেখা: যার অর্থাৎ ধূমানিত অবস্থার উদয় হয় । ভাব যখন গাঢ় হইয়া প্রেমে পরিণত হয়, তখন উত্তরোত্তর সাদৃশ্য ভাবগুলি জলিত, দীপ্ত ও উদ্দীপ্তাবস্থা প্রাপ্ত হয় ।

ভাব হইতেই প্রেমের উদয় হয় । ভাবের চালনা হইলে প্রেম উপস্থিত হয় ।

প্রেম ।

সম্যাক্ মন্থণিতম্বাস্তো মমত্বাতিশয়াঙ্কিত ।

ভাবঃ স এব সান্দ্রাত্মা বুধৈঃ প্রেমা নিগচ্ছতে ॥

ভক্তিরসায়তসিদ্ধুঃ ।

‘যাহা দ্বারা অস্তঃকরণ সম্যাকরূপে নির্মল হয়, যাহা অতিশয় মমতাবূদ্ধ, এবং যাহা অতিশয় ঘনীভূত, এইরূপ যে ভাব তাহাকে পণ্ডিতগণ প্রেম কহিয়া থাকেন ।’

অনন্যমমতা বিধৌ মমতা প্রেমসঙ্গতা ।

ভক্তিরিত্যুচ্যতে ভীষ্মপ্রহ্লাদোদ্ধবনারদৈঃ ॥

নারদপঞ্চরাত্র ।

‘অন্য কোন বিষয়ে মমতা না থাকিয়া একমাত্র বিষ্ণুতে যে প্রেমযুক্তা মমতা তাহাকেই ভীষ্ম, প্রহ্লাদ, উদ্ধব, নারদ প্রভৃতি ভক্তি বলিয়াছেন ।’

সকলেরই মনে আছে, নারদ ভক্তির সংজ্ঞা দিয়াছেন—‘স কঠৈশ্চ পরম প্রেমরূপা’ ; শাণ্ডিল্য বলিয়াছেন ‘স পরানুরক্তিরীশ্বরে ।’

যাহারা প্রেমিক অর্থাৎ ভাগবতোক্তম ভক্তশ্রেষ্ঠ তাঁহাদিগের হৃদয় কিরূপ নির্মল হয়, চরিত্রে কি কি গুণের দ্বারা উপকৃত হয় এবং

সর্বভূতের প্রতি কিরূপ ভাব হয় তাহা শ্রীমদ্ভাগবতে জনকরাজাকে ঋষভনন্দন হবি যাহা বলিয়াছেন, তাহা হইতে উদ্ধৃত করিয়া দেখাইয়াছি । এখন ভগবানের সহিত তাঁহাদিগের কিরূপ সম্পর্ক দাঁড়ায়, তাহাই ভক্তিগ্রন্থ হইতে বলিব ।

এইমাত্র বলিলাম ভাব গাঢ় হইয়া শ্রেমে পরিণত হইলে ভগবানের স্মরণ, মনন, কীর্তনাদি দ্বারা সাত্ত্বিক ভাবগুলি ক্রমশঃ জলিত, দীপ্ত ও উদ্দীপ্তাবস্থা প্রাপ্ত হয় ।

এই ভাবগুলি লক্ষ্য করিয়া মহর্ষি শাণ্ডিল্য তাঁহার ভক্তিমামাংসায় লিখিয়াছেন—

তৎপরিশুদ্ধিঞ্চ গম্যা লোকবল্লিস্বেতাঃ ।

শাণ্ডিল্যসূত্র ।

যেমন সাধারণতঃ কোন ব্যক্তির প্রতি কাহার কিরূপ অনুরাগ তাহা প্রিয় ব্যক্তি সম্বন্ধীয় কথা হইলে অনুরাগীর অশ্রুপুলকাদি ভাবের বিকার দ্বারা জানা যায়, ভগবান সম্বন্ধীয় ভক্তিপরিশুদ্ধিও সেইরূপ তাঁহার কথায় ভক্তের অশ্রু পুলকাদি দ্বারা জানা যায় ।

ভগবানের প্রতি ভক্তের অনুরাগ পরীক্ষার জন্য শাণ্ডিল্য কতকগুলি লক্ষণের উল্লেখ করিয়াছেন—

সম্মানবহুমানপ্রতিনিরহেতরবিচিকিৎসামহিমাখ্যাতি তদর্থ-
প্রাণস্থানতদীয়তাসর্বতস্তাবাপ্রাতিকূল্যাদৌনি চ স্মরণেভ্যো
বাহুল্যাৎ ।

শাণ্ডিল্যসূত্র ।

‘স্মৃতিগুলি হইতে অনেক লক্ষণ জানিতে পাই, যথা—সম্মান, বহুমান, প্রীতি, বিরহ, ইতরবিচিকিৎসা, মহিমাখ্যাতি, তদর্থপ্রাণস্থান, তদীয়তা, সর্বতস্তাব, অপ্ৰাতিকূল্য ।’

শাণ্ডিল্যান্ডের ভাষ্যকার স্বপ্নে স্বপ্ন প্রত্যেক লক্ষণের দৃষ্টান্ত দিয়াছেন—
অৰ্জুনের সম্মান—

প্রত্যাখানং তু কৃষ্ণস্য সৰ্ববাস্থো ধনঞ্জয়ঃ ।

ন লজ্জয়তি ধৰ্ম্মাত্মা ভক্ত্যা প্রেম্না চ সৰ্বদা ॥

মহাভারত । দ্রোণপর্ব । ৭৮ । ৩ ॥

‘ধৰ্ম্মাত্মা ধনঞ্জয় সৰ্বদা ও সকল অবস্থাতে শ্রীকৃষ্ণের আগমনমাত্র ভক্তি ও প্রেমের সহিত প্রত্যাখান করিয়া থাকেন, কখন তাহা লজ্জন করেন নাই।’

ইন্দ্রাকুর বহুমান—

পক্ষপাতেন তন্নান্নি যুগে পদ্মে চ তাদৃশি ।

বভার মেঘে তদ্বর্ণে বহুমানমতিং নৃপঃ ॥

নৃসিংহপুরাণ । ২৫ । ২২ ।

ইন্দ্রাকু ভগবানের পক্ষপাতী হইয়া তাঁহার নাম, তাদৃশ মৃগ, পদ্ম এবং তদ্বর্ণবিশিষ্ট মেঘে বহু সম্মানপ্রদর্শন করিতেন ।

বিহুরের প্রতি—

যা প্রীতিঃ পুণ্ডরীকাক্ষ তবাগমনকারণাৎ ।

স। কিমাখ্যায়তে ভূত্যমস্তুরাত্মাসি দেহিনাম্ ॥

মহাভারত । উদ্যোগ । ৮৯ । ২৪ ।

‘হে পুণ্ডরীকাক্ষ, তোমার আগমনে আমার বৈরূপ প্রীতি হইয়াছে, তাহা আর তোমার কি বলিব ? তুমি ত দেহীদিগের অন্তরাত্মা, সবই জান।’ বিহুরের হৃদয়ে আনন্দ আর ধরে না ।

গোপীদিগের বিরহ—

গুরুণামগ্রাতো বক্তুং কিং ত্রবীমি ন নঃ ক্ষমম্ ।

গুরুবঃ কিং করিষ্যন্তি দক্ষানাং বিরহগ্নিনা ॥

বিষ্ণুপুরাণ । ৫ । ১৮ ।

‘গুরুজনদিগের সম্মুখে আমাদের বলায় ক্ষমতা নাই—কি বলিব ?
বিরহগ্নিতে যে দগ্ধ আমরা, গুরুগণ আমাদের কি করিবেন ?’

উপমহ্যুর ইতরবিচিকিৎসা । ইতরবিচিকিৎসার অর্থ ভগবান ভিন্ন
অপর কাহাকেও গ্রাহ্য না করা

অপি কীটঃ পতঙ্গো বা ভবেয়ং শঙ্করাস্তয়া ।

ন তু শত্রু হুয়া দন্তঃ ত্রৈলোক্যমপি কাময়ে ॥

মহাভারত । ১৪ । ১৮৬ ।

‘শঙ্করের আজ্ঞায় বরং কীট বা পতঙ্গ হইব, তথাপি হে ইন্দ্র, তোমার
প্রদত্ত ত্রিভুবনের আধিপত্যও চাই না ।’

যমের মহিমখ্যাতি—ভগবানের মাহাত্ম্যাবর্ণন ।

নরকে পচ্যমানস্তু যমেন পরিভাষিতঃ ॥

কিং হুয়া নার্চিতে দেবঃ কেশবঃ ক্লেশনাশনঃ ॥

নৃসিংহপুরাণ । ৮ । ২১ ।

নরকে পচ্যমান ব্যক্তিকে যম বলিলেন ‘তুমি কি ক্লেশনাশক কেশব
দেবকে অর্চনা কর নাই ?’

স্বপুরুষমভিবীক্ষ্য পাশহন্তুং বদতি যমঃ কিল তস্য কৰ্ণমূলে ।

পরিহর যধুসূদনপ্রপন্নান্ প্রভুরহমশুন্যাং স বৈষ্ণবানাম্ ॥

বিষ্ণুপুরাণ । ৩ । ৭ ।

যম আপনার দূতকে পাশহস্ত দেখিয়া তাহার কৰ্ণমূলে বলেন ‘তুমি মধুসূদনের আশ্রিত ব্যক্তিদিগকে ত্যাগ করিও, আমি অন্তলোকদিগের প্রভু, বৈষ্ণবদিগের প্রভু নই ।’

হনুমানের তদর্থপ্রাণস্থান (তাহার জন্ত জীবন ধারণ)—

যাবন্তব কথা লোকে বিচরিস্যাতি পাবনী ।

তাবৎ শ্বাস্তামি মেদিন্যাং তবাজ্জামমুপালয়ন্ ॥

রামায়ণ । উত্তরকাণ্ড । ১০৭ ।

‘যে পর্য্যন্ত তোমার পাবনী কথা লোকে প্রচারিত থাকিবে, সেই পর্য্যন্ত তোমার আজ্ঞা পালন করিয়া এই পৃথিবীতে থাকিবে ।’

উপরিচর বস্তু তদীয়তা (আমার সমস্তই ভগবানের এই জ্ঞান)—

আত্মরাজ্যং ধনং চৈব কলত্রং বাহনং তথা ।

এতদ্বাগবতং সৰ্বমিতি তৎ প্রেক্ষতে সদা ॥

মহাভারত । শান্তি । ৩৩৫ । ২৪ ।

‘উপরিচর বস্তু নিজের রাজ্য, ধন, স্ত্রী, বাহন প্রভৃতি সমস্ত সৰ্ব্বদা ভগবানের মনে করেন ।’

প্রহ্লাদের সৰ্ব্বতত্ত্বাব (সৰ্ব্বত্র ভগবৎ স্মৃতি)

এবং সৰ্ব্বেষু ভূতেষু ভক্তিরব্যভিচারিণী ।

কৰ্ত্তব্য্য পণ্ডিতৈশ্চাহা সৰ্বভূতময়ং হরিম্ ॥

বিষ্ণুপুরাণ । ১ । ১৯ ।

প্রহ্লাদ বলিয়াছেন—‘হরিকে সৰ্বভূতময় জানিয়া পণ্ডিতগণ সৰ্বভূতেই অচলা ভক্তি করিবেন ।’

ভীষ্মের অপ্রাতিকূল্য (‘ভগবান যাহা করেন তাহাই ভাল, তাহাই আদরের সহিত গ্রহণ করিতে হইবে’ এইরূপ জ্ঞান)—

যখন কৃষ্ণ ভীষ্মদেবকে বিনাশ করিতে অগ্রসর হইলেন, তখন ভীষ্ম বলিলেন—

এছেহি দেবেশ জগন্নিবাস নমোহস্ত তে শাস্ত্রগদাসিপাণে ।

প্রসহ মাং পাতয় লোকনাথ রথাদুদগ্ৰাদদুতশৌর্য্যসংখ্যে ॥

মহাভারত । ভীষ্ম । ৫৯ । ৯৬ ।

‘এস, এস, হে দেবেশ, জগন্নিবাস, হে শাস্ত্রগদাসিধারী, তোমাকে নমস্কার ; হে লোকনাথ, এই ঘোরযুদ্ধে তুমি আমাকে বলপূর্ব্বক রথ হইতে নিপাতিত কর ।’

রামপ্রসাদের একটি গান আছে—

তাই কালোরূপ ভালবাসি ।

কালো জগন্মোহিনী মা এলোকেনী ॥

‘গুহকচণ্ডালের “গগনে হেরি নব ঘন, ঘন ঘন নয়ন ধরে,” (নবঘন শ্রাম রামচন্দ্রকে মনে পড়ে ।)

• বহুমানের এই দুইটি সুন্দর দৃষ্টান্ত ।

রামপ্রসাদের আর একটি গান আছে—

আমার অন্তরে আনন্দময়ী সদা করিতেছেন কেলি ।

আমি যে ভাবে সে ভাবে থাকি নামটি কভু নাঃ ভুলি ।

আবার হু’ অঁখি মুদিলে দেখি অন্তরেতে মুগ্ধমালী ।

বিষয় বুদ্ধি হ’ল হত আমায় পাগল বোল বলে সকলই ॥

আমায় যা বলে তাই বলুক তারা, অশেষ যেন পাই পাগলী ।

ইহারই নাম প্রীতি ।

বিহরের স্ত্রী এক দিন স্নান করিতেছেন এমন সময় শ্রীকৃষ্ণ ‘বিহর’ ‘বিহর’ বলিয়া ডাকিতে ডাকিতে বিহরের গৃহদ্বারে উপস্থিত । বিহরপত্নী ঐ মধুর ডাক শুনিয়া এমনি প্রেমে বিহ্বলা হইয়াছেন যে বস্ত্র পরিধান

করিতে ভুলিয়া গিয়াছেন । একেবারে বিবসনা অবস্থায় শ্রীকৃষ্ণের সম্মুখে আসিয়া দাঁড়াইলেন । শ্রীকৃষ্ণ তৎক্ষণাৎ তাঁহার উত্তরীয় তাঁহার অঙ্গে নিক্ষেপ করিলেন । তিনি সেই বস্ত্র শরীরে জড়াইয়া অতি ব্যাকুলভাবে শ্রীকৃষ্ণকে করে ধরিয়া গৃহের ভিতরে লইয়া আসিলেন । ঘরে আসিয়া কি যে করিবেন কিছুই বুঝিতে পারেন না, আনন্দে বিবশা হইয়া পড়িলেন । নিতান্ত দরিদ্রাবস্থা, শ্রীকৃষ্ণকে কি খাওয়াইবেন ভাবিয়া অস্থির ; অবশেষে সুবাসিত জল আর মর্তমান রক্তা ঠাকুরের সম্মুখে আনিলেন । তখন আনন্দ এমনি আত্মহারা হইয়া গিয়াছেন যে ঠাকুরের শ্রীহস্তে কদলী দিতে কখনও বা রক্তার পরিবর্তে তাহার খোসাই তুলিয়া দিতেছেন । ঠাকুর ত ভক্ত তাঁহাকে বিষ দিলেও খান । ভক্তদত্ত কদলী এবং খোসা দুই তাঁহার নিকটে অমৃতের অমৃত । প্রসন্নমুখে তিনি দুইই ভোজন করিতেছেন । বিদূর রাজসভা হইতে গৃহে আসিয়া এই কাণ্ড দেখিয়া অবাক । তিনি তাঁহার সঙ্ঘস্বিনীকে ভৎসনা করিতে লাগিলেন, অনেকক্ষণ পরে তাঁহার জ্ঞান হইল, তখন বড়ই লজ্জিতা হইলেন ।

ইহা অপেক্ষা প্রীতির সুন্দর দৃষ্টান্ত কি হইতে পারে !

বিরহের সমুজ্জ্বল দৃষ্টান্ত শ্রীচৈতন্য । তাঁহার বিরহসম্বন্ধে বৈষ্ণব-কবিগণের কয়েকটি কবিতা উদ্ধৃত করিব ।

বিরহের আরম্ভ :—

কাহে পুন গৌরকিশোর ।

অবনত মাথে লিখিত মহীমণ্ডল

নয়নে গলয়ে ঘনলোর ॥

কনক বরণ তনু

“

ঝামর ভেল জনু

জাগরে নিদ্র নাহি ভায় ।

যোই পরশে পুন তাক বদন ঘন
 ছল ছল লোচনে চায় ॥
 খেনে খেনে বদন, পাণিতলে ধারই
 ছোড়ই দীর্ঘনিশ্বাস
 ঐছন চরিতে, তারল সব নরনারী,
 বঞ্চিত গোবিন্দ দাস—
 বিরহের ভাব যখন গাঢ় হইল—
 সোণার গৌরচাঁদে ।
 উরে কর ধরি, ফুকরি ফুকরি,
 হা নাথ বলিয়া কাদে ॥
 গদাধর মুখে ছল ছল আঁখে
 চাহয়ে নিশ্বাস ছাড়ি ।
 ঘামে তিতি গেল, সব কঁলেবর
 থির, নয়নে নেহারি ॥
 বিরহ অনলে, দহয়ে অস্তরে
 ভসম না হয় দেহ ।
 কি বুদ্ধি করব, কোথাবা পাব,
 কিছু না বোলয়ে কেহ ॥
 কহে হরিদাস, কি বলিব ভাব,
 কিসে হেন হৈল গোরা ।
 জ্ঞানদাস কহে, রাধার প্রীতি,
 সতত সে রসে ভোরা ।
 বিরহোন্মাদ—
 আরে মোর গৌরকিশোর ।

নাহ জানে দিবানিশ, কারণ বিহনে হাসি,

মনের ভরমে পঁছ ভোর ।

থেনে উচ্চৈঃস্বরে গায় কারে পঁছ কি সুধায়,

কোথায় আমার প্রাণনাথ ।

থেনে নীতে অঙ্গকম্প, থেনে থেনে দেয় লক্ষ,

কাঁহা পাও যাও কার সাথ ॥

থেনে উর্জ্বাচ্ছ করি, নাচি বোলে ফিরি ফিরি,

থেনে থেনে করয়ে প্রলাপ ।

থেনে আঁখিযুগ মুদে হা নাথ বলিয়া কাঁদে

থেনে থেনে করয়ে সন্তাপ ॥

কহে দাস নরহরি, আরে মোর গোবহরি,

রাধার পিরীতে হৈল হেন ।

ঐছন করিয়ে চিতে, কলিযুগ উদ্ধারিতে

বঞ্চিত হইলু মুক্তি কেন ।

বিরহের দশমী দশা—

আজু মোর গোরাক্ষ সুন্দর ।

ধুলায় লোটায় কাঁচা সোণার কলেবর ॥

মুরছি পড়য়ে, দেহে শ্বাস নাহি বয় ।

চৌদিকে ভকতগণ হেলিয়া কাঁদয় ॥

কি নারীপুরুষ সবে হেরি হেরি কাঁদে ।

পশু পাখী কাঁদে, তারা থির নাহি বাধে ।

কবীর বিরহ কি পদার্থ জানিয়াছিগেন তাই এক দোহায় বলিয়া

কবীর বিরহ বিনা তন্ শূণ্য হায় বিরহ হায় সুলতান ।

যো ঘট বিরহ ন সকারে, সো ঘট জন্ম মশান ।

‘বিরহ বিনা তুমি শূন্য বিরহই রাজা, যে শরীরে বিরহ সঞ্চারিত হয়
নাই সে শরীর মশানের স্থায় ।’

কবীর হাসে শ্রিয় না পাইয়ে, বিন্হ পায়া তিন্হ য়োর ।

হাসি খেল্ যো শ্রিয়া মিলে তো কোন্ দোহাগিনী হোর ?

‘হাসিতে হাসিতে স্বামীকে (ভগবান্কে) পাওয়া যায় না, যিনিই
পাইয়াছেন তিনিই কাঁদিয়াছেন, হাসিয়া খেলিয়া যদি স্বামীকে পাওয়া
যাইত, তবে কে দোহাগিনী (স্বামিহারা) হইত ?

ভক্ত তুলসীদাসের ইতরবিচিকিৎসা একবার দেখুন—

উপল বরষি তরজত গরজি ডারত কুলিশ কঠোর ।

● চিতব কি চাতক জলদ তাজি কবছ আনকি ওর ?

‘মেদে উপল বর্ষণ করে, তর্জুন গর্জন করে, কঠোর বজ্র নিক্ষেপ
করে, তথাপি কি চাতক মেঘকে ছাড়িয়া কখনও আর কাহারও দিকে
দৃষ্টিপাত করে ?’

ভগবান্ যতই কেন কষ্ট দিন না ভক্ত তাঁহার দিকে ভিন্ন আর
কাহারও দিকে তাকান না ।

রামপ্রসাদ ইতরবিচিকিৎসা দ্বারা প্রণোদিত হইয়া জগতের সকলকে
ভগজ্ঞান করিতেন ।

এসংসারে ডরি কারে রাজা যার মা মহেশ্বরী ?

আনন্দে আনন্দময়ীর খাসতালুকে বসত করি ॥

ভগবান্ ভিন্ন কাহারও দিকে না তাকান, কিছুই গ্রাহ্য না করা,
সম্পূর্ণ অকুতোভয় হওয়া, ইতরবিচিকিৎসার লক্ষণ ।

মহিমখ্যাতিসম্বন্ধে আর দৃষ্টান্ত উপস্থিত করিবার প্রয়োজন নাই ।

তদীয়তা কাহাকে বলে তাহা একটি সুন্দর সঙ্গীত দ্বারা বুঝিতে
পারিব ।

মল্লার—মধ্যমান ।

‘পুতুল বাজীর পুতুল আমরা যেমন নাচার তেমনি নাচি ।

যখন মারে তখন মরি, যখন বাচার তখন বাচি ॥

নাচি গাই তার ভালমানে,

ভালমন্দ সেই জানে,

তার যা ভাল লাগে মনে, তাই ভাল, নাহি বাছাবাছি ।

তারই জোরে যত জারি,

কেউ বা জিতি কেউ বা হারি

যা করে, একতারে তারই, তারে তারে বাধা আছি ।

বসায় বসি, উঠায় উঠি,

লুটায় লুটি ছুটায় ছুটি

‘ঠিক যেন তার পাশায় গুটী, পাকায় পাকি, কাঁচার কাঁচি ।’

যিনি ভগবদগতপ্রাণ, তাঁহার মুখে এইরূপ গানই শোভা পায় ।

রামপ্রসাদের তদর্থপ্রাণস্থান ও সর্বতত্ত্বাব একটি গানের কয়েকটি পদে বড় সুন্দর ভাবে প্রকাশিত হইয়াছে ।

শয়নে প্রণাম জ্ঞান, নিদ্রায় কর, মাকে ধ্যান

ওরে নগর ফির মনে কর, প্রদক্ষিণ শ্রামা মারে ।

যত শোন কর্ণপুটে, সবই মায়ের মন্ত বটে,

কালী পঞ্চাশংবর্ণময়ী, বর্ণে বর্ণে নাম ধরে ।

কৌতুকে রামপ্রসাদ রটে, ব্রহ্মময়ী সর্ব বটে,

ওরে, আহা কর, মনে কর, আছতি সেই শ্রামা মারে ।

‘আনন্দলহরীর’ সেই অপূর্ব শ্লোকটি মনে করুন :—

জপো জপঃ শিল্পঃ সকলমপিমুদ্রাবিরচনম্

গতিঃপ্রাদক্ষিণ্যং ভ্রমণমদনাত্মাহুতবিধিঃ ।

প্রণামঃ সংবেশঃ স্তম্ভমখিলমাত্মার্পণদশা

সপর্যাপর্যায়স্তব ভবতু যন্মে বিলসিতম্ ॥

‘আমার সকল জরনা তোমার নামজপ, হস্তাঙ্গুলি দ্বারা আমি যাহা রচনা করি তাহা তোমারই সুদ্রাবিরচন, আমার গমনাগমন তোমাকে প্রদক্ষিণ, ভোজনাদি তোমাকে আছতিদান, শয়ন তোমাকে প্রণাম, অখিল সুখ তোমার আত্মসমর্পণ, আমার সকল চেষ্টা যেন তোমার পূজাক্রম বলিয়া গণ্য হয় ।’

তদর্থপ্রাণস্থান আর একটি গানেও বিশেষরূপে দেখিতে পাই—

এ শরীরে কাজ কিরে তাই দক্ষিণাপ্রেমে না গ’লে ?

এ রসনার ধিক্ ধিক্ কালী নাম নাহি বলে ॥

কালীরূপ যে না হেরে, পাপ চক্ষু বলি তারে,

ওরে সেই সে ছরস্তু মন, না ডুবে চরণতলে ।

সে কর্ণে পড়ুক বাজ, থেকে তার কিবা কাজ ?

ওরে সুধাময় নাম শুনে চক্ষু না ভাসালে জলে ॥

যে করে উদর ভরে, সে করে কি সাধ করে ?

ওরে, না পূরে অঞ্জলি চন্দন জ্বা আর বিবদলে ?

সে চরণে কাজ কিবা, মিছা ভ্রম রাত্রি দিবা ।

ওরে কালীমূর্তি যথা তথা ইচ্ছা স্থখে নাহি চ’লে ॥

অপ্রাতিকুলোর ভাব ‘তুমি যাহা করিবে তাহাই ভাল ।’ যৌগুৎষ্টের Thy will be done (তোমার ইচ্ছা পূর্ণ হউক) । ভক্ত জীব তাঁহার পুত্র কন্যা সর্বদা হারায়ে যা বলিয়াছেন ‘তুমি যদি আমাকে হত্যাও কর তথাপি আমি তোমাকে বিশ্বাস করিব ।’ অপ্রাতিকুলোর মূলমন্ত্র —

যখন যেক্রমে নিভু রাখিবে আমারে ।

সেই সুমঙ্গল, যেন না ভুলি তোমায়ে ॥

অপ্রাতিকূল্য ও প্রীতির এক চমৎকার দৃষ্টান্ত স্বামী রামতীর্থের জীবনে দেখিতে পাই । যখন চারিদিক অন্ধকারময় হইল, নিতান্তই

নিঃসহায় ও বিপন্ন হইয়া পড়িলেন, তখন প্রেমে গদগদ হইয়া প্রাণের দেবতাকে বলিলেন :—

কুন্দনকে হম্ ডলে হাঁয় জব্ চাহে তু গলা লে,
 বাওর্ না হো তো হম্কে লে আজ্ অজমা লে,
 জৈসে তেরী খুশী হো সব্ নাচ্ তু নচা লে,
 সব্ ছান্ কর্ লে হর্ তোর দিল জমা লে,
 রাজী হাঁয় হম্ উমী মেঁ জিস্মে তেরী রজা হায়।
 ইঁহা ইঁওঁ ভী বাহবা হাঁয় আওর উঁওঁ ভী বাহবা হাঁয় ॥
 ইয়া দিন্ মে অব্ খুশ হো কর্ কব্ হম্কে পার, পারে.
 থাহ্ তেগ্ গোঁচ্ জালম্, টুকড়ে উড়া হমারে,
 জীতা রক্থে তু হমকে, ইয়া তন্মে শির উতারে,
 অব্ তো ককৌর আশক্ কহতে হাঁয় ইউঁ পুকারে,
 রাজী হাঁয় হম্ উমী মেঁ জিস্মে তেরী রজা হায়।
 ইঁহা ইঁওঁ ভী বাহ বা হাঁয়, আওর উঁওঁ ভী বাহবা হাঁয় ॥

আমি সোণার ডেলা, যখন ইচ্ছা গলাইয়া লও (আগুনে পুড়িয়া গলাইয়া লও) ; বিশ্বাস না হয়, আমাকে আজ পরীক্ষা করিয়া লও , তোমার যেমন খুশী সকল নাচ নাচাইয়া লও ; সব ছাঁকিয়া লও, বাছিয়া লও, সকল প্রকারে তুমি খাতিরজমা হইয়া লও (সন্দেহ দূর করিয়া লও) ; তোমার যাহা পসন্দ হয়, আমি তাহাতেই রাজী আছি, এস্থলে এও বাহবা ও ও বাহবা ! (সুখও বাহবা, দুঃখও বাহবা !) ।

হে প্যারে (প্রিয়) হয়, প্রাণে খুশী হইয়া আমাকে আদর কর, নয়, হে অত্যাচারী তলোয়ার খুলিয়া আমাকে টুকড়া টুকড়া কর . বাঁচাইয়া রাখো আমাকে, নয় শরীর হইতে মাথা পৃথক্ করিয়া দাও ; এখন প্রেমিক ককির উচ্চৈঃস্বরে ইঁহাই বলিতেছে—তোমার যাহা পসন্দ

হয়, আমি তাহাতেই রাজী আছি, এহলে এও বাহবা, ও ও বাহবা ।’

নারদ ভগ্নমুখতার উদ্দেশ্যে বলিলেন :—

তদপি তাখিলাচারিঃ সন্ কামক্ৰোধাভিমানাদিকং
তস্মিন্মেব করণীয়ং তস্মিন্মেব করণীয়ম্ ।

নারদভক্তিমুক্তি ।

তাহাতে (ভগবানে) আভ্যন্তরিক ও বাহ্যিক সমস্ত চেষ্টা অর্পণ করিয়া কাম, ক্রোধ, অভিমানাদি তাহাতেই করিবে, তাহাতেই করিবে ।

ভক্ত আত্মকীড়, আত্মরতি । তিনি ভগবানকে আলিঙ্গন করেন, চুম্বন করেন, তাহাকে বুকে করিয়া দিনরাত্তি যাপন করেন, তাহাকে না পাইলে উন্মত্ত হন ; পাইলে গোপনে তাহাকে লইয়া “কিমপি কিমপি জল্পতোঃ” দুইজনে কি বেন কি বলিতে বলিতে সময় কাটাটয়া দেন । গৌরান্দের জীবন এই ভাবের সাক্ষ্য দিতেছে । হাফেজও এই রূপে রসিক ।

প্রেম যেখানে, ক্রোধ ও অভিমানও সেইখানে । গৌরান্দ্র অনেকবার ক্রোধ ও অভিমান দেখাইয়াছেন । রামপ্রসাদ ক্রোধে অভিমানে কুলিতে কুলিতে গাহিয়াছিলেন ।

মা মা বলে আর ডাকিব না ।

তারা দিয়েছি দিতেছি কতই যন্ত্রণা ॥

বারে বারে ডাকি মা মা বলিয়ে,

মা বুঝি রয়েছি চকু কণ থেয়ে,

মাতা নিতমানে এতঃখ সম্বানে,

মা বেঁচে তার কি ফল বল না ?

আমি ছিলাম গুচবাসী, করিলি সন্ন্যাসী,

আর কি ক্ষমতা রাখিস্ এলোকেনী ?

না হয় ঘরে ঘরে যাব, ভিক্ষা মেগে খাব,
 মা ম'লে কি তার ছেলে বাঁচে না ?
 ভণে রামপ্রসাদ মায়ের এঞ্চি স্তত্র !
 মা হয়ে হ'লে মা সন্তানের শত্রু,
 দিবানিশি ভাবি, আর কি করিবি ?
 দিবি দিবি পুনঃ জঠর যজ্ঞণা ॥

এ আতমান জগতে অতুলনীয় । ভক্তেই এইরূপ অভিমান সাজে ;
 ভক্তের লক্ষণ বলিতে গৌরাঙ্গ রূপগোস্বামীকে বলিয়াছিলেন—

ভক্তভেদে রতিভেদ পঞ্চ পরকার ;
 শাস্তরতি, দাস্তরতি, সখ্যরতি, আর,
 বাৎসল্যরতি, মধুররতি, এ পঞ্চ বিভেদ ।
 রতিভেদে কৃষ্ণভক্তিরস পঞ্চভেদ ।
 কৃষ্ণনিষ্ঠা তৃষ্ণাত্যাগ শাস্তের দুই গুণে ;
 এই দুই গুণ ব্যাপে সব ভক্ত জনে ;
 আকাশের শব্দ গুণ যেমন ভূতগণে ।
 শাস্তের স্বভাব কৃষ্ণে মমতাগন্ধহীন,
 পরং ব্রহ্ম পরমাত্মা জ্ঞান প্রবীণ ।
 কেবল স্বরূপজ্ঞান হয় শাস্তরসে ।
 পূর্ণৈশ্বর্য্য প্রভুজ্ঞান অধিক হয় দাস্তে ।
 ঈশ্বরজ্ঞান, সম্ভ্রম, গৌরব প্রচুর ;
 সেবা কারি কৃষ্ণে সুখ দেন নিরন্তর ।
 শাস্তের গুণ, দাস্তে আছে অধিক সেবন ;
 অতএব দাস্তরসেই হয় দুই গুণ ।
 শাস্তের গুণ, দাস্তের সেবন, সখ্যে দুই হয় ;

দাশে সজ্জম গৌরব সেবা, সথ্যে বিশ্বাসময় ।
 কাঁধে চড়ে কাঁধে চড়ায়, করে ক্রীড়া রণ ;
 কৃষ্ণ সেবে কৃষ্ণে করায় আপন সেবন,
 বিশ্রুত প্রধান সখ্য, গৌরব সজ্জমহীন ;
 অতএব সখ্যরসের তিন গুণ চিন্ ।
 মমতা অধিক কৃষ্ণে, আত্মসমজ্ঞান ;
 অতএব সখ্যরসে বশ ভগবান্ ।
 বাৎসল্য শাস্ত্রের গুণ দাশের সেবন ;
 সেই সেবনের ইহা নাম পালন ।
 সখ্যের গুণ অসঙ্কোচ, অগৌরব সার ;
 মমতা আধিক্য তাড়ন ভৎসন ব্যবহার ।
 আপনাকে পালক জ্ঞান, কৃষ্ণে পাল্য জ্ঞান ;
 চারি রসের গুণে বাৎসল্য অমৃত সমান ।
 সে অমৃতানন্দে ভক্ত ডুবেন আপনে ;
 কৃষ্ণভক্তরসগুণ কহে ঐশ্বর্যজ্ঞানিগণে ।
 মধুর রসে কৃষ্ণনিষ্ঠা সেবা অতিশয় ;
 সখ্যের অসঙ্কোচ লালন মমতাধিক হয় ।
 কান্তভাবে নিজাক্ষ দিয়া করেন সেবন ;
 অতএব মধুর রসে হয় পঞ্চ গুণ ।
 আকাশাদির গুণ যেন পর পর ভূতে ;
 এক ছই তিন ক্রমে পঞ্চ পৃথিবীতে ।
 এই মত মধুরে সব ভাব সমাহার ;
 অতএব আত্মদাধিক্য করে চমৎকার ;
 এই ভক্তিরসের কৈল দিগ দরশন ;

ইহার বিশ্বাস মনে করিহ ভাবন ।

ভাবিতে ভাবিতে কৃষ্ণ সুরসে অন্তরে,

কৃষ্ণকৃপায় অজ্ঞ পায় রসসিদ্ধি পাবে ।

চৈতন্যচরিতামৃত ।

ভক্তভেদে ভক্তিরস পাঁচ প্রকার—শাস্ত, দাস্ত, সখা, বাৎসল্য, মধুর । শাস্ত না হইয়া পর্যাস্ত, ভক্তি আরম্ভ হয় না । শাস্তরস ভক্তির প্রথম সোপান । শাস্তরসের দুইটি গুণ—ঈশ্বরে নিষ্ঠা এবং সংসারবাসনা ত্যাগ । এই দুইটি গুণে ভক্তিরূপভূতন । আকাশের শব্দগুণ যেমন সমস্ত পঞ্চ-ভূতেই আছে, সেইরূপ শাস্তরসের গুণদ্বয়, দাস্ত, সখা, বাৎসল্য ও মধুর রসে আছে । শাস্তরসে ঈশ্বরে মমতা হয় না, কেবল তাঁহার স্বরূপজ্ঞান হয় মাত্র, তিনি যে পরব্রহ্ম পরমাত্মা এই জ্ঞানটি হয় ।

দাস্ত রতিতে ভক্তের মনে মমতার সঞ্চার হয়, এবং ভগবান প্রভু, ভক্ত দাস । ভগবানকে ভক্ত প্রচুর পরিমাণে সন্তম ও গৌরব দেখান । তাঁহার দাস বলিয়া পরিচয় দিতে আনন্দ বোধ করেন ; আদর্শ দাস যেমন প্রভুর সেবা করিতে ব্যস্ত থাকেন, ভক্তও তেমনি ভগবানের সেবা করিতে ব্যাকুল হন । কৃষ্ণসেবা ভিন্ন তাঁহার কিছুই ভাল লাগে না । তিনি ভগবানের নিকটে কোন বিষয়েরই কামনা করেন না ।

প্রহ্লাদের সেবায় সন্তুষ্ট হইয়া ভগবান তাঁহাকে বর দিতে চাহিলেন—

প্রহ্লাদ ভদ্র ভদ্রং তে প্রীতোহহং তেহমুরোত্তম ।

বরং বৃণীষ্যামি তং কামপুরোহস্ম্যাহং নৃণাম্ ॥

ভাগবত । ৭ । ৯ । ৫২ ।

‘হে ভদ্র প্রহ্লাদ, তোমার মঙ্গল হউক, হে অমুরোত্তম, আমি তোমার প্রতি প্রীত হইরাছি, তুমি তোমার অভিযত বর প্রার্থনা কর, আমি মনুষ্যদিগের অভিলাষ পূর্ণ করিয়া থাকি ।’

প্রহ্লাদ উত্তর করিলেন—

মা মাং প্রলোভয়োৎপত্ত্যাসক্তং কামেষু তৈবরৈঃ ।

তৎ সঙ্গভীতো নির্বিঘ্নো মুমুক্ষুস্তামুপাশ্রিতঃ ॥

ভূতালক্ষণজিহ্বাস্তূৰ্ভক্তং কামেষুচোদয়ৎ ।

ভবান্ সংসারনীজেষু হৃদয়গ্রস্থিষু প্রভো ॥

নাশ্রুথা তেহখিলগুরো ঘটতে করুণাত্মনঃ

যন্তু আশিষ আশান্তে ন স ভূতাঃ সূ বৈ বণিক্ ॥

আশাসানো ন বৈ ভূতাঃ স্বামিশ্রাশিষ আত্মনঃ ।

ন স্বামী ভূতাতঃ স্বাম্যমিচ্ছন্ যো রাতি চাশিষঃ ॥

অহং ত্বকামস্তদুভক্তস্ত্বং চ স্বাম্যানপাশ্রয়ঃ

নাশ্রুথেহাবয়োরর্থো রাজসেবকয়োরিব ॥

যদি রাসীশ মে কামান্বরাংস্ত্বং বরদর্ষভ ।

কামানাং হৃদয়সংরোহং ভবতস্ত্ব বৃণে বরম্ ॥

ইন্দ্রিয়ানি মনঃ প্রাণ আত্মা ধর্মোদ্ধৃতি মতিঃ ।

দ্রীঃ শ্রীশ্রুজঃ স্মৃতিঃ সত্যং যন্তু নশ্যন্তি কল্পনা ॥

বিমুক্ততি যদা কামান্মানবো মনসি স্থিতান্ ।

তর্হ্যেব পুণ্ডরীকাক্ষ ভগবদ্বায় কল্পতে ॥

ভাগবত । ৭ । ১০ । ৭—৯ ।

‘আমি স্বভাবতঃই কামেতে আসক্ত, আমাকে আর বর দ্বারা প্রলোভিত করিও না । আমি সেই কামাসক্তি হইতে ভীত হইয়াই তাহা হইতে মুক্ত হইবার জন্য তোমার আশ্রয় লইয়াছি । হে প্রভো, বোধ করি আমাতে তোমার ভূত্যের লক্ষণ আছে কি না তাহা পরীক্ষা করিবার

জন্ম সংসারের বীজস্বরূপ ও হৃদয়ের বন্ধন স্বরূপ কামনার প্রবৃত্তি করাইতেছ নতুবা, হে বিশ্বকর্মা, তুমি করুণাময়, তুমি এমন প্রবৃত্তি লওয়াবে কেন ? হে ভগবান্, যে ব্যক্তি তোমার নিকটে কোন বর প্রার্থনা করে, সে ব্যক্তি কখন তোমার ভৃত্য নহে, সে নিশ্চয়ই বণিক (তোমার সেবার বিনিময়ে কিছু চায়)। যে ভৃত্য কামনাপর হইয়া স্বামীর সেবা করে, সে ভৃত্য নহে, আর যে স্বামী স্বামিত্ব বাঞ্ছা করিয়া ভৃত্যকে কামনার বিষয় দেয় সে স্বামী নহে। আমি তোমার নিকাম ভক্ত, তুমিও অভিসন্ধিশূণ্য স্বামী। পৃথিবীর রাজা ও সেবকের ন্যায় আমরাদিগের কোন কামনার প্রয়োজন নাই। হে বরদাতাদিগের শ্রেষ্ঠ, যদি আমাকে নিতান্তই বর দিতে ইচ্ছা হইয়াছে, তবে তোমার নিকটে এই বর চাই, যে কোন প্রকারের কাম যেন আমার হৃদয়ে অঙ্কুরিত হইতে না পারে। কাম উৎপন্ন হইলে ইন্দ্রিয়, মন, প্রাণ, আত্মা, ধর্ম, ধৈর্য, বুদ্ধি, হী, ত্রী, ভেজ, স্মৃতি, সত্য সমুদয়ই একেবারে নষ্ট হয়। হে পুণ্ডরীকাক্ষ, মানবগণ যখন হৃদিস্থিত কামনা পরিত্যাগ করে, তখন তোমার ঐশ্বর্যালাভের যোগ্য হয়।’

২৪ পরগণায় নাকি এক ব্যক্তি কালেক্টরিতে পেশ্কারি করিতেন। তাঁহার একটু ভক্তির ভাব ছিল, পূজা করিতে করিতে বেলা দ্বিপ্রহর হইত। কালেক্টর সাহেব তাঁহাকে ১১টার সময়ে উপস্থিত হইবার জ্ঞতাড়না করিতেন। তাঁহার কিছুতেই দ্বিপ্রহরের পূর্বে পূজা শেষ হইত না। সাহেব বারংবার ভৎসনা করিয়া যখন দেখিলেন তাহাতে কিছু ফল দর্শিল না, তখন তাঁহাকে পদচ্যুত করিলেন। পেশ্কারের আর দেশে যাওয়া হইল না। তিনি কালীবাটে গঙ্গাতীরে মায়ের বাড়ীর নিকটে একটী কুটার নির্মাণ করিয়া দিবারাত্র তাহার ভিতরে বসিয়া ধর্ম্যালোচনা করিতে লাগিলেন। ভিক্ষা করিয়া জীবিকা নির্বাহ করেন, আর মায়ের সেবা করেন। এইভাবে অতিকষ্টে দিনুপান করিতে লাগিলেন।

এক দিবস তাঁহার আফিসের বন্ধুগণ তাঁহার হুরবস্থা দেখিয়া সাহেবকে বলিলেন ‘হজুর, আপনার ভূতপূর্ব পেস্কার বড় কষ্টে কালযাপন করিতে ছেন। তাঁহার অবস্থা অত্যন্ত শোচনীয়। আমাদিগের অনুরোধ, তিনি পুনরায় তাঁহার পদে নিযুক্ত হউন।’ কালেক্টর সাহেব এক দিবস, তিনি কি ভাবে আছেন স্বচক্ষে দেখিতে আসিলেন, দেখিয়া বড়ই কষ্ট হইল। তাঁহাকে বলিলেন ‘আপনাকে পুনরায় আপনার পদে নিযুক্ত করা গেল, আপনি যদি নিতান্তই দ্বিপ্রহরের পূর্বে আফিসে উপস্থিত হইতে না পারেন, তবে পূজাস্তে সেই সময়েই উপস্থিত হইবেন। আপনার হুরবস্থা : দেখিয়া আমার বড়ই কষ্ট হইতেছে।’ পেস্কার উত্তর করিলেন, ‘হজুর, আমি চিরদিন আপনার নিকটে ঋণী রহিলাম, আপনার দয়া কখন ভুলিব না, কিন্তু আমাকে ক্ষমা করিবেন, আমি যে সরকারে সম্প্রতি ভৃত্য নিযুক্ত হইয়াছি, যদিও ভিক্ষা করিয়া জীবিকা নির্বাহ করিতেছি, সে সরকার ত্যাগ করিয়া আর কাহারও দাসত্ব করিতে ইচ্ছা নাই, এই হুরবস্থায় যে আনন্দে আছি, হজুরের অধীনে সহস্র মুদ্রা মাসিক বেতন পাইলেও এরূপ আনন্দ পাইব না। আশীর্বাদ করুন, যেন বাকী কটা দিন কালী গঙ্গার সেবা করিয়া সেই ভাবে কাটাইয়া যাইতে পারি। তিনি আর পেস্কারি পদ গ্রহণ করিলেন না। এই একটা ভগবানের দাস।

সখ্যরসে গৌরব সম্বন্ধের অভাব, আত্মসমজ্ঞান, ভগবানে সম্পূর্ণ বিশ্বাস, তাঁহার সহিত গলাগলি কোলাকুলি প্রেমের বিবাদ, অভিমান, ক্রীড়া, কোতুক ; ভক্ত —

কাঁধে চড়ে কাঁধে চড়ায়, করে ক্রীড়া রণ ;

কৃষ্ণ সেবে, কৃষ্ণে করায় আপন সৈবন ।

সখ্যরসের প্রধান লক্ষণ ভক্তের নিকটে ভগবান অপেক্ষা কেহ শ্রিয়ত্তর হইতে পারে না। গুহরাজ বলিয়াছেন :—

নহি রামাৎ প্রিয়তরো মমাস্তি ভুবি কচ্চন ।

রামায়ণ ।

‘পৃথিবীতে রাম অপেক্ষা আমার কেহ প্রিয়তর নাই ।’ সখ্যারে,

গুহরাজ এবং রামচন্দ্র, অর্জুন এবং শ্রীকৃষ্ণ—ভক্ত ও ভগবান্ ।

সখ্যরসামোদী ভক্তদিগের প্রাণের ভাব এক দিবস শ্রীদাম তাঁহার প্রিয়তর সখা কৃষ্ণের নিকটে প্রকাশ করিয়াছিলেন :—

ত্বং নঃ প্রোজয়া কঠোর যামুনতটে কস্মাদকস্মাদগতো

দিষ্টো দৃষ্টিমিতোহসি হস্ত নিবিড়াল্লম্বৈঃ সখীন্ প্রীগয় ।

ক্রমঃ সত্যমদর্শনে তব মনাক্ কা ধেনবঃ কে বয়ং

কিং গোষ্ঠং কিমভীষ্টমিত্যাচরিতঃ সর্বং বিপর্যাস্যতি ॥

ভক্তিরসামৃতসিদ্ধি ।

‘হে কঠোর, তুমি কেন হঠাৎ আমাদিগকে যমুনাতটে পরিত্যাগ করিয়া চলিয়া গিয়াছিলে ? সৌভাগ্যের বিষয় যে আবার তোমাকে দেখিতে পাইলাম, যাক্ এখন নিবিড় আলিঙ্গন দ্বারা তোমার সখাদিগকে সস্তুষ্ট কর, সতাই তোমাকে বলিতেছি, তোমার বিন্দুমাত্র অদর্শন হইলেই কি ধেনুগণ, কি আমরা, কি গোষ্ঠ, কি অভীষ্ট যাহা কিছু সমস্তই অল্প সময়ের মধ্যে বিপর্যস্ত হইয়া যায় ।’ ভালবাসিলে এইরূপই হইয়া থাকে । ভক্তিরসামৃতসিদ্ধিতে প্রিয়সখাদিগের ক্রিয়া শ্রীকৃষ্ণগোষ্ঠামী বর্ণন করিয়াছেন ।

নির্জিতৌকরণং যুদ্ধে বস্ত্রে ধ্বংস্য কৰ্ষণম্ ।

পুষ্পাণ্ডাচ্ছেদনং হস্তাৎ কৃষ্ণেন স্বপ্রধানম্ ।

হস্তাহস্তি প্রসঙ্গাচ্চাঃ প্রোক্তাঃ প্রিয়সখক্রিয়াঃ ॥

শ্রীকৃষ্ণকে যুদ্ধে পরাজিত করণ, তাঁহার বস্ত্রধারণপূর্বক আকর্ষণ, হস্ত হইতে পুষ্পাদি কাড়িয়া লওয়া, তাঁহার আঁপনাকে অলঙ্কৃত করণ,

হস্তাহস্তি প্রসঙ্গ অর্থাৎ হস্তে হস্তে পরস্পর আকর্ষণ ইত্যাদি প্রিয়সখা-
দিগের কার্য।’

প্রাণের ভিতরে যিনি এই ভাবে ভগবানের সহিত ক্রীড়া করেন,
তিনিই সখারসের মাধুরী সন্তোগ করিতে পারিয়াছেন।

‘দেখ তুমি হার কি আমি হারি’ এই বলিয়া ভক্ত প্রেমের যুদ্ধে
অগ্রসর হন, ভগবানকে পরাজিত করেন, ভক্তি দ্বারা তাঁহাকে বন্দী
করিয়া লন। রামপ্রসাদ শ্যামামাকে কয়েদ করিয়াছিলেন।

‘কর্ণের ভূষণ আমার সে নাম শ্রবণ, কণ্ঠের ভূষণ আমার সে নাম
কীর্তন, ভূষণ বাকী কি আছে রে, আমি প্রেমমণিহার পরেছি।’

ভক্ত ভগবানকে আপনার অলঙ্কার করিয়াছেন।

অন্ধ বিশ্বমঙ্গল বৃন্দাবনের পথে যাইতেছেন, শ্রীকৃষ্ণ বালকবেশে
পথ দেখাইয়া চলিয়াছেন, বিশ্বমঙ্গলের বড়ই ইচ্ছা তাঁহার সেই বরাভয়প্রদ
মঙ্গল মধুর হস্ত একটিবার স্পর্শ করেন, কোনরূপে সেই হস্ত ধরিলেন,
যেমন ধরিয়াছেন অমনি কৃষ্ণ বলপূর্বক তাঁহার হস্ত দূরে নিক্ষেপ করিয়া
চলিয়া গেলেন, ভক্ত বিশ্বমঙ্গল বলিলেন—

হস্তাবুৎক্ষিপ্য নির্যাসি বলাৎ কৃষ্ণ কিমদ্ভুতম ?

হৃদয়াদ্ যদি নির্যাসি পৌরুষং গণয়ামি তে ॥

‘হে কৃষ্ণ বলপূর্বক হস্ত নিক্ষেপ করিয়া চলিয়া গেলে, ইহাতে
আশ্চর্য্য কি ? হৃদয় হইতে যদি দূরে যাইতে পার, তবে তোমার পৌরুষ
আছে মনে করিব।’ এইটী সখারসের অতি মধুর দৃষ্টান্ত।

বাৎসল্যরসে ভগবান্ গোপাল। ভক্ত তাঁহাকে পুত্রের স্থায় আদর
করেন, স্নেহ করেন, ক্রোড়ে তুলিয়া লন। এই ভাবটি আমাদিগের বুঝা
সুকঠিন। বাৎসল্যরসের উদাহরণরূপ একটি গানের উল্লেখ করিব।

শুন ব্রজরাজ, স্বপনেতে আজ,

দেখা দিয়ে গোপাল কোথা লুকালে ?

(যেন) সে অঞ্চল চাঁদে

অঞ্চল ধ'রে কঁাদে,

জননি দে ননী দে ননী বলে ।

ধূলা ঝেড়ে কোলে তুলে নিলাম চাঁদ, অঞ্চলে মোছালেম চাঁদের বদনচাঁদ,

তবু চাঁদ কঁাদে চাঁদ ব'লে ।

যে চাঁদের নিছনি কোটা কোটা চাঁদ, সে কেন কঁাদিবে ব'লে চাঁদ চাঁদ,

(বল্লেম) চাঁদের মাঝে তুই অকলঙ্ক চাঁদ,

কত চাঁদ আছে তোর চরণতলে ।

নীল কলেবর ধূলায় ধূসর,

বিধুধুখে যেন কতই মধুস্বর,

সঞ্চারিয়ে কঁাদে মা ব'লে ।

যতই কঁাদে বাছা ব'লে সর্ সর্,

আমি অভাগিনী বলি সর্ সর্,

(বল্লেম) নাহি অবসর, কেবা দিবে সর্ .

(তখন) সর্ সর্ ব'লে ফেলিলাম ঠেলে । ৩

আহা ! এই গানটির ভিতরে বাৎসল্যরসের অমৃতময় প্রবাহ তরঙ্গে তরঙ্গে ছুটিতেছে । বাৎসল্যরসের এমন মোহন সঙ্গীত আর পাই নাই । মা যশোদার স্তন হইতে যেন ক্ষীরধারা বহিতেছে, প্রাণ বাৎসল্যপ্ৰীতি-নির্ভরে ছলিয়া পড়িতেছে, গোপালের মূর্তি হৃদয়ের স্তরে স্তরে ঝক্ ঝক্ করিতেছে । গোপালকে অনাদর করিয়া মা আজ পাগলিনী হইয়াছেন, হৃদয়ের গভীর বেদনার অনুভূতি হইতেছে, অন্তরের অন্তরে গোপালের বিরহজনিত অগ্নি দাউ দাউ করিয়া জলিতেছে ।

এই গানটির অধ্যাত্মিক ভাব অতীব মধুর । ভগবান্ গোপালবেশে ভক্তের নিকটে উপস্থিত হইয়া প্রেমভিক্ষা করিলেন, ভক্ত তাঁহাকে একটু আদর দেখাইয়া পরে বিমুখ করিলেন, তিনি রিক্তহস্তে অমনি অন্তর্হিত

হইলেন, তখন গোপালহারা হইয়া ভক্ত অমৃতাপে প্রাণের আশায় ছুট
ফুট করিতেছেন। যশোদা তাঁহার স্বামীকে বলিতেছেন—আজ যথেষ্ট
দেখা দিয়া গোপাল কোথায় লুকাইল ? ভক্তের নিকট ভগবান্ এমনি
বিহ্বাতির জায় দেখা দিয়া লুকাইয়া থাকেন। লুকোচুরি খেলা তাঁহার
চিরান্তান্ত ।

‘এই আমি ধর’ বলে হার, তুমি কোথায় লুকাও খুঁজে আমি
নাহি পাই তোমার ;

খুঁজে নিরাশ হ’লে ক্ষান্ত দিলে, কুক দাও আমার অন্তরে ।

চপল বালক যা যশোদার অঞ্চল ধরিয়া ননী ভিক্ষা করিয়া কাঁদিত
লাগিল। ভগবান্ প্রেমবননী ত ভক্তের নিকটে চিরদিন মাগিয়া থাকেন।
‘ধূলা ঝেড়ে কোলে তুলে নিলাম চাঁদ’—কর্তৃটীকে গোপাল বলিয়া ভক্ত
কোঠল তুলিয়া নিলেন ; ‘অঞ্চলে মোছালেম চাঁদের বদনচাঁদ’—ভক্ত
তাঁহাকে আদর করিলেন ; তবু ‘চাঁদ কাঁদে চাঁদ বলে’—তিনি ভক্তের
ভালবাসার জন্ত পাগল। চাঁদ ত অমৃতের প্রস্রবণ, ভক্তের ভালবাসাও
ত তাই। এক চাঁদ ভগবান্ স্বয়ং, অপর চাঁদ ভক্ত ও তাঁহার ভালবাসা।
যিনি অকলঙ্ক প্রেমশলী, কত কোটি কোটি চাঁদ একত্র করিলেও যাহার
তুলনা হয় না, যিনি অনন্ত প্রেমপারাবার, যাহার চরণতলে কত ভক্তচাঁদ
পড়িয়া রহিয়াছে, এ কে বুঝিবে ? তিনি কেন চাঁদ চাঁদ বলিয়া ‘আমার
ভক্ত কোথায় ? আমার ভক্তের ভালবাসা কোথায় ?’ বলিয়া ক্রন্দন করিয়া
থাকেন ? প্রেমজলধি কেবল ‘আরও প্রেম’ ‘আরও প্রেম’ বলিয়া গভীর
তরঙ্গনাদ তুলিয়া থাকেন। ভগবান্ ভক্তের প্রেমের জন্ত সর্বদা লালসিত ।

গোপাল প্রেম না পাইলে ধূলার লুপ্তিত। তিনি ভক্তের নিকটে
ভালবাসা পাইবার জন্ত কতই আবদার করিয়া থাকেন। তেমন আবদার
কি আর কেহ জানে ? প্রেমের জন্ত তাঁর নীল কলেবর ধূলার ধূসর ।

‘যতই বাছা কাঁদে ব’লে সর্ সর্’—ভক্তের গোপাল ক্রমাগত প্রেম-সরের অগ্নি ক্রন্দন করিতে লাগিলেন ; ‘আমি অভাগিনী বলি সর্ সর্’—ভক্ত তাঁহাকে দূর করিয়া দিলেন ; অবশেষে ‘হায় কি করিলাম,’ ‘হায় কি করিলাম’ বলিয়া অনুতাপে হৃদয় দগ্ধ হইতে লাগিল, ‘সর্ সর্ বলে ফেলিলাম ঠেলে’—প্রাণ বেদনায় অস্থির, ‘হায় হায়, এমন ধনকে দূর দূর করিয়া ঠেলিয়া দিলাম । যিনি হৃদয়ের পরশমণি, বুকজুড়ান ধন, বাঞ্ছা-কল্পতরু, জীবনে চিরসহায়, বাঁচার দ্বারে আমরা সকলে ভিত্তারী,’ তিনি প্রেমভিত্তারী হইয়া আমার নিকটে উপস্থিত হইয়াছিলেন. আমি কি না তাঁহাকেই ঠেলিয়া ফেলিলাম ! আমার কি হবে ! আমার কি হবে ! কেন তাঁকে বুকে তুলে আমার সর্বস্ব দিয়ে তুষিলাম না !’ ভক্তের প্রাণে ভগবানকে কখন অবহেলা করিলে এইরূপ চিন্তার স্রোত বহিতে থাকে ।

মধুর রসের কথা আর কি বলিব ? প্রাণে মধুর রস সঞ্চারিত হইলে ‘সতি যেমন পতি বিনে অগ্নি নাহি জানে’ ভক্তও তেমনি ভগবান্ ভিন্ন অগ্নি কাহাকেও জানেন না । তখন ভগবানে পূর্ণভাবে আত্মসমর্পণ করিয়া ভক্ত বলেন—

‘রূপ লাগি আঁখি বুঝে গুণে মন ভোর ।

প্রতি অগ্নি লাগি কাঁদে প্রতি অগ্নি মোর ॥’

ইহা অপেক্ষা উচ্চতর অবস্থা কিছু হইতে পারে না । এ অবস্থায় ভক্ত ও ভগবান্—সতী ও পতি । ত্রীচৈতন্য এই ভাবে বিভোর ছিলেন । চৈতন্য ও ভগবান্—রাধা ও কৃষ্ণ—জীবাত্মা ও পরমাাত্মা ।

ভক্তের প্রাণ এই ভাবকুসুমের সৌরভে পরিপূর্ণ হইলে, উদ্ধে—অতি উদ্ধে—অত্যন্ত উদ্ধে—কামকুসুমের দৃষ্টির কোটি যোজন দূরে, যেখানে রজনী নাই, যেখানে পবিত্রতার বিমলবিভার সমস্ত দিক আলোকিত ;

পাপপিণ্ডাচ বে স্বপ্নের মোহিনী মাধুরী করনাও করিতে পারে না, দিবা-

ধামের সেই প্রমোদকুঞ্জে অতি নিভৃতে, কদম্বনাথ তাঁহার ভক্তকে

‘রাতি দিন চোখে চোখে, বসিয়া সন্ধ্যাই দেখে

যন যন মুখ খানি মাঝে ।

উলটি পালটি চায়,

সোরাতি নাহিক পার,

কত বা আরতি হিরা মাঝে ।

কণে বুকে কণে পিঠে,

কণে রাখে দিঠে দিঠে,

হিরা হৈতে শেষে না শোয়ায় ।

দরিদ্রের ধন হেন

রাখিতে না পার স্থান,

অঙ্গে অঙ্গে সন্ধ্যাই ফিরায় ।

নয়ানে নয়ানে,

থাকে রাতি দিনে,

দেখিতে দেখিতে ধান্দে ।

চিবুক ধরিয়া,

মুখানি তুলিয়া,

দেখিয়া দেখিয়া কান্দে ।

এ অবস্থায় ভক্ত ও ভক্তের প্রাণবল্লভ :—

দৌহে কহে হুঁহ অমুরাগ

হুঁহ প্রেম হুঁহ কদে জাগ ॥

হুঁহ দৌহা করু পরিহার

হুঁহ আলিঙ্গাই কতবার ॥

হুঁহ বিশ্বাধরে হুঁহ দংশ ।

হুঁহ গুণ হুঁহ পরশংস ॥

হুঁহ হেরি দৌহার বরান ।

হুঁহ জন লজল নয়ান ॥

হুঁহ ভুজ পাশ পরি,

হুঁহ জন বন্ধন,

অধরসুধা করু পান ।

এ আধ্যাত্মিক খেলা আমাদের বুদ্ধিমান অধিকার কোথায় ?

এই মধুর রসে সঁতার দিতে দিতে গৌরান একে একে জগৎবন্ধকে দেখিয়া গাহিয়াছিলেন—

সেই ত পরাণনাথে পাইলু ।

যার লাগি মদনমোহন করি গেহু ।

ভগবান ককন, আমরা যেন সকলেই গোরাজের এই মদনমহনে দগ্ধ
হই । পৈশাচিক মদন যেন এই বসুন্ধরা হইতে চিরদিনের তরে নির্বাসিত
হয় । কামগন্ধহীন পবিত্র প্রেমাগ্নি সকলের হৃদয়ে প্রজ্জ্বলিত হউক ।

যিনি এই মধুর রসে ডুবিয়াছেন তাঁহার আর বাহিরের ধর্ম কস্ম
থাকে না । ‘তিনি বেদ । বধি ছাড়া ।’ পাগল হাকৈজ এই জন্তই
তাঁহার শাস্ত্রোক্ত কস্মকাণ্ড ত্যাগ করিয়াছিলেন ।

‘অন্তরে যার বিরাজ করে গো সুই,

নবীন মেঘের বরণ চিকণকাল ।

ও তার কিসের সাধন, কিসের ভজন,

কাজ কি লো তার জপের মালা ?’

তিনি প্রীতিসুরাপানে মত্ত হইয়া লজ্জাভয় ত্যাগ করেন, জাতিকুলের
অভিমান চিরদিনের জন্ত সাগরের অতলজলে নিক্ষেপ করেন । তিনি
আনন্দে উৎফুল্ল হইয়া পিরীতির মহিমা গান করিতে থাকেন ।

‘বিহি এক চিতে,

ভাবিতে ভাবিতে

নিরমাণ কৈল পি ।

রসের সাগর,

মহন করিতে,

উপজিল তাহে রী ।

পুন সে মথিরা,

অমির হইল,

ভিজাইল তাহে তি ।

সকল সুখের

আখর এ তিন,

ভুলনা দিব যে কি ?

যাহার মরমে

পাশল যতনে

এ তিন আখর সার ।

ধরম করম,

সরম ভরম,

কিবা জাতি কুল তার ?—

‘বিষমগ্রলের’ পাগলিনী মধুর রসের একখানি অপূৰ্ণ ছবি । ভগবান্ তাঁহাকে কি ভাবে আহ্বান করেন একবার দেখুন—

‘যাইগো ঐ বাজার বাঁশী প্রাণ কেমন করে,
একলা এসে কদমতলার দাঁড়িয়ে আছে আমার তরে ।

যত বাঁশরী বাজায়, তত পথ পানে চায়,
পাগল বাঁশী ডাকে উভরায় ;

না গেলে সে কেঁদে কেঁদে চলে যাবে মান ভরে ।’

আখ্যার ভিতরে যিনি এই বংশীধ্বনি শুনিয়াছেন তিনি পাগল হইয়াছেন ।

বৃন্দাবনে গোপিকাগণের কামগন্ধহীন প্রেম—মধুর রসের পরম আদর্শ । তাঁহাদিগের বিরহোন্মাদ এক গৌরাজ বাতীত আর কাহারও ভিতরে দেখিতে পাই না । ঠাকুর ক্রীড়া করিতে করিতে হঠাৎ অস্বচ্ছিত হইয়াছেন । পূর্বেই ত বলিয়াছি লুকেচুরি খেলা ভগবানের চিরাত্যস্ত, গোপিকাগণ উন্মাদিনী হইয়া বনময় তাঁহাকে অব্বেষণ করিতেছেন আর সচেতনবোধে বৃন্দদিগকে সম্বোধন করিয়া বলিতেছেন—

দৃষ্টো বঃ কচ্চিদম্বথপ্লক্ষ্মগ্রোধা নো মনঃ ।

নন্দসুসুর্গতো হৃদ্বা প্রেমহাসাবলোকুটৈঃ ?

কচ্চিৎকুরুবকাশোকন্যগপুন্নগচম্পকাঃ ।

রামানুজো মানিনীনাং গতো দর্পহরশ্মিতঃ ?

কচ্ছিত্তুলসি কল্যাণি গোবিন্দচরণপ্রিয়ে ।
 সহ স্বাহলিকুলৈর্বিভ্রদৃষ্টেহুতি প্রিয়োহচ্যুতঃ ?
 মালতাদর্শি বঃ কচ্ছিন্নম্লিকে জাতিযুথিকে ।
 প্রীতিং বো জনয়ন্ যাতঃ করম্পর্শেন মাধবঃ ॥
 চূতপিয়ালপনমাসনকোবিদার
 জমববর্কবিল্ববকুলাত্রকদম্বনৌপাঃ ।
 যেহশ্চে পরার্থভবকা যমুনোপকূলাঃ
 শংসন্তু কৃষ্ণপদবীং রহিতাত্মনাং নঃ ॥

ভাগবত । ১০ । ৩০ । ৫—২ ।

'হে অশ্বথ, হে প্রহ্ল, হে ব্রহ্মোদ, প্রেমহাসিমাথা দৃষ্টি দ্বারা আমা-
 দিগের চিত্ত হরণ করিয়া নন্দনন্দন কোথায় গমন করিয়াছেন তোমরা
 দেখিয়াছ কি ? হে কুরুবক, অশোক, নাগ, পুন্নাগ, চম্পক, বাহ্য হস্ত
 দর্শনে, মানিনীর মানভঙ্গ হয়, সেই কৃষ্ণ কোথায় গিয়াছেন ? হে কল্যাণি
 গোবিন্দচরণপ্রিয়ে তুলসি, তোমার অতি প্রিয় অচ্যুত, যিনি অলিকুল-
 বালিনী তোমাকে পাদপদ্মে ধারণ করিয়া থাকেন, তাঁহাকে দেখিয়াছ কি ?
 হে মালতি, মল্লিকে, জাতি, যুথিকে, করম্পর্শে তোমাদিগকে আনন্দিত
 করিয়া মাধব এদিকে গিয়াছেন কি ? হে চূত, হে পিয়াল, হে পনস,
 হে কোবিদার, জম্বু, অর্ক, বিল্ব, বকুল, আত্র, কদম্ব, নীপ, হে যমুনাতীর-
 বাসী তরুগণ, তোমরা ত পরের উপকারের জন্য জন্মগ্রহণ করিয়াছ : আশ্চ-
 র্য্য হইয়া এই হতভাগিনীদিগকে কৃষ্ণ কোন্ পথে গিয়াছেন দেখাইয়া দাও ।

এই মর্ম্মস্পর্শিনী বিরহগীতির তুলনা কি আর এ জগতে আছে ? এই
 এক দৃষ্ট । আর ঐ দেখ, গোবিন্দবিরোগবিধুরা গোপীকাদিগের স্তায়—

ভ্রময়ে গৌরাক্ষ প্রভু বিরহে বেয়াকুল ।
 প্রেম উন্মাদে ভেল বৈছন বাউল ॥
 হেরই সজনি লাগরে শেল ।
 কাঁহা গেও সো সব আনন্দ কেল ॥
 স্বাবর জন্ম যাহা আগে দেখই ।
 'ব্রজ সুধাকর কাঁহা' তাহে পুছই ॥
 ক্ষেণে গড়াগড়ি কাদে ক্ষেণে উঠি ধায় ।
 রাধামোহন কাহে যারিয়া না যায় ॥”

মধুরসভঙ্গ ভাবুকের

'চঞ্চল অতি, ধাওল মতি, নাথতরে ভবভুবনে ।
 শশী ভাস্কর, তারানিকর, পুছত সলিল পবনে ॥
 হে সুরধুনী, সাগর গামিনি, গতি তব বহু দূরে ।'
 দেখিলে কি তুমি, ভরমিয়া তুমি, যার তরে আঁখি ঝরে ?
 মিহির ইন্দু, কোথা সে বন্ধু ? দিঠি তব বহুদূরে ।
 (গগন মাঝে যে থাক) (বলে বলতেও পার)
 হেরিছ নগর, সরসী সাগর, নাথ মম কোন্ পুরে ?'

গৌরাক্ষ বিরহে জর জর ; কখনও কৃষ্ণকে নির্দয় কঠোর বলিয়া
 সম্বোধন করিতেছেন ; কখনও অভিযানে ক্ষীত হইয়া আর তাঁহার নাম
 লওয়া হইবে না, মনের ভিতরে দৃঢ় সঙ্কল্প করিতেছেন, কিন্তু প্রাণের
 উচ্ছ্বাস থামাইয়া রাখিবার সাধ্য নাই, প্রাণ তাঁহার জন্ত উন্মত্ত, তাই
 তাঁহার নাম না লইয়া তাঁহার গোপীদিগের নাম লইতেছেন ; আবার
 কখনও হৃদয়ের আবেগে সমস্ত ভুলিয়া 'দেখা দাও', 'দেখা দাও', বলিয়া
 চীৎকার করিতেছেন ।

নানা ভাবের প্রাবল্য, বিবাদ, দৈহ্য, চাপল্য,
 ভাবে ভাবে হৈল মহারণ ;
 ঔৎসুক্য, চাপল্য, দৈহ্য, রৌমহর্ষ আদি সৈন্ত
 প্রেমোন্মাদ সবার কারণ।
 মত্তগজ ভাবগণ, প্রভুর দেহ ইক্ষুবন,
 গজযুদ্ধে বনের দলন ;
 প্রভুর হৈল দিব্যোন্মাদ, তনু মনের অবসাদ
 ভাবাবেশে করে সম্বোধন।

হে দেব, হে দয়িত, হে ভুবনৈকবন্ধো,
 হে কৃষ্ণ, হে চপল, হে করুণৈকসিন্ধো,
 হে নাথ, হে রমণ, হে নরনাভিরাম,
 হা হা কদামুভবিতাসি পদং দৃশ্যোন্মে ।’—কৃষ্ণকর্ণামৃত ।

‘হার হার,’ কবে তুমি আমার নরনগোচর হইবে ? একবার ক্রোধে
 চপল বলা হইল, পর মুহূর্ত্তেই করুণার একমাত্র সিদ্ধ বলিয়া সম্বোধন।
 প্রেমিকের এইরূপ

‘ভাবাবেশে উঠে প্রণয় মান।

সোমুগ্ধ বচন রীতি মান গর্ব, ব্যাকুল্য
 কভু নিন্দা কভু বা সম্মান ।’

কিন্তু প্রাণের ভিতরে একটা ভাব অচল, অটল, স্থির। ভাবটা সুখ
 ও দুঃখের সম্মিলনে পরম রমণীয় হইয়া হৃদয়ের ভিতরে ইজ্জদখুর শোভা
 বিস্তার করিতেছে। ভক্ত সতীর প্রেমকণ্ঠহারে ভূষিত হইয়া বলিতেছেন—

আশ্লিষ্য বা পাদরতাং পিনষ্টু মামদর্শনান্মর্শহতাং করোতু বা ।
 যথা তথা বা বিদধাতু লম্পটৌ মৎপ্রাণনাথস্তু স এবঃমাশ্রয়ঃ ॥

গঙ্গাবলী ।

‘তাঁহার চরণাভ্যুত্থান যে, আমি আমাকে সে বুকে চাপিয়া ধরিয়া পেষণই করুক, আর দর্শন না দিয়া মর্দ্যাইতই করুক, সেই লম্পট বাহাই করুক না কেন, আমার প্রাণনাথ সে ভিন্ন আর কেহই নহে ।’ ক্রোধে তাঁহাকে লম্পট বলা হইল ।

মীরাবাই বলিতেছেন—

মেরে ত গিরিধর গোপাল দুসরা ন কোই ।
জাকে শির মোরমুকুট মেরো পতি সোই ॥
তাত মাত ভাত বন্ধু আপনা নহি কোই ॥
ছোড় দই কুল কি কান ক্যা করেরা কোই ।
সন্তন টিগ বৈঠি বৈঠি লোকলাজ খোই ॥
অ’সুবন জল সীট সীট প্রেমবেল বোই ।
অব্ ত বেল ফৈল গই আনন্দফল হোই ॥
আই মে’ ভক্তি জ্ঞান জগত দেখ মোহি ।
দাসী মীরা গিরিধর প্রভুতারো অব মোহি ॥

‘আমার ত গিরিধারী গোপাল, আর কেহই নহে, তাঁহার মস্তকে ময়ূর মুকুট, আমার পতি তিনিই । পিতা, মাতা, ভাই, বন্ধু, কেহই আপন নহে । ছাড়িয়া দিয়াছি কুলের মর্যাদা, কে করিবে কি ? সাধুদিগের নিকটে বসিয়া বসিয়া লোকলজ্জা হারাইয়াছি । অশ্রুজল সিক্ত করিতে করিতে প্রেমলতা বপন করিয়াছি, এখন সে লতা বিস্তার লাভ করিয়াছে এবং তাহাতে আনন্দফল হইয়াছে । মা, আমি ভক্তি জ্ঞানিয়া জগৎ দেখিয়া মুগ্ধ হইয়াছি । মীরা দাসী, হে গিরিধর প্রভু, এখন আমাকে ত্রাণ কর ।’

ভগবানে পূর্ণ আত্মসমর্পণ ।

এ অবস্থায় বিরহে বিষের জ্বালা, মিলনে অনন্ত অতৃপ্তি । বিরহে বিষের জ্বালা হইলেও প্রাণের ভিতরে অমৃত ধরিতে থাকে ।

‘বাঞ্ছিত বিমললা হর ভিতরে আনন্দময়
 কৃষ্ণ প্রেমার অকৃতচরিত ।
 এই প্রেমার আনন্দন, তপ্ত ইন্দু চর্কণ,
 মুখজলে না যায় ত্যক্তন ,
 সেই প্রেমা যায় মনে, তার বিক্রম সেই জানে
 বিষামৃতে একত্র মিলন ।’
 চৈতন্যচরিতামৃত ।

মিলনে— ‘জনম অবধি হম রূপ নিহারমু
 নয়ন ন তিরপিত ভেল
 লাখ লাখ যুগ হিয়ায় হিয়ায় রাখমু
 তবু হিয়া জুড়ন না গেল ।
 বচন অমির রস অনুকণ শুনলু
 ক্রতিপথ পরশ ন ভেলি ।
 রক্ত মধুযামিনী রতনে গোড়াইমু
 না বুঝমু কৈছন কেলি ॥’

এ অবস্থায়—

‘কতক যতনে পাইয়া রতনে
 থুইতে ঠাঞি না পার ।
 বিনে কাজে কত পুছে, কত না মু’খানি মোছে
 হেনা বাসেঁ। দেখিতে হারায় ।’

এ সময়ের প্রাণের ভাব আমরা কি বুঝিব ? হৃদয়বল্লভকে বুক
 চিরিয়া হৃদয়ের ভিতরে পুরিয়া রাখিলেও পিরাস মিটে না ; ভগবানের
 সঙ্গে বুক বুক মুখে মুখে থাকা যে ‘কি, তাহা আমরা কি বুঝিতে পারি ?
 তবে এই বুঝি ক্রতি বাহার সখ্যসখকে বলিতেছেন—“বাদন্ত সখ্যমতি”—

ইহার সখা বাদ্ধ, যিনি রস স্বরূপ, “রসো বৈ সঃ ।” বিশ্বমঙ্গল বাহার সখকে বলিতেছেন—

মধুরং মধুরং বপুৰস্ত্য বিজ্ঞো মধুরং মধুরং বদনং মধুরম্ ।

মধুগন্ধি মৃদু স্নাতমেতদহো মধুরং মধুরং মধুরং মধুরম্ ॥

কৃষ্ণকর্ণামৃত ।

‘এই বিভূর শরীর মধুর, মধুর, মুখখানি মধুর, মধুর মধুর ; অহো ! ইহার মৃদুহাসিটী মধুগন্ধি, মধুর মধুর, মধুর মধুর ॥

এমন মধুরের মধুর, সুন্দরের সুন্দর

সৌম্য। সৌম্যতরাণ্যোষসৌম্যোভ্যস্ততিসুন্দরী ।

চণ্ডী ।

সুন্দর, আরও সুন্দর, অশেষ সুন্দর হইতেও অতি সুন্দর যিনি, তাঁহাকে বুকে করিয়া যে থাকে তাহার স্নেহের ইয়ত্তা নাই, সে ধন্য, তাহার কুল ধন্য, যে দেশে সে বাস করে সে দেশ ধন্য ।

ইহলোকে ভক্তির চরমোৎকর্ষ এই পর্য্যন্ত ; ইহার পরে কি তাহা কে বলিবে ?

—

উপসংহার ।

ভক্তিপরশমণি সংস্পর্শে যিনি সোণা হইয়া গিয়াছেন তাঁহার স্তায় ভাগাধর কে ? তাঁহার চরণরেণু স্পর্শ করিতে পারিলে আমরাও সেই পরশমণির অধিকারী হইয়া সোণা হইয়া যাইব । ভগবান্ স্বয়ং ভক্তের দাস । শ্রীমদ্ভাগবতে ভগবান বলিয়াছেন—

অহং ভক্তপরাধীনোহস্বতন্ত্র ইব দ্বিজ ।

সাধুভি গ্রাস্তহৃদয়ো ভক্তৈর্ভক্তজনপ্রিয়ঃ ॥

ভাগবত । ৯ । ৪ । ৬৩ ।

‘আমি ভক্তের অধীন, অতএব পরাধীন আমি ভক্তজনকে বড় ভালবাস, সাধু ভক্তগণ আমার হৃদয় গ্রাস করিয়াছেন, সুতরাং আমার হৃদয়ের উপরে আমার কোন ক্ষমতা নাই ।’

নাহমাত্মানমাশংসে মন্তুর্ভক্তৈঃ সাধুভির্বিনা ।

শ্রিয়ং চাতাস্তিকীং ব্রহ্মন্ যেষাং গতিরহং পরা ॥

ভাগবত । ৯ । ৪ । ৬৪ ।

‘আমি যাহাদিগের পরাগতি, সেই সাধু ভক্তগণ বাতীত আমি আতাস্তিকী শ্রী চাহি না ; এমন কি, আমি আমাকেও চাহি না ।’

ভক্তের এইরূপই তাঁহার হৃদয়ের উপর রাজত্ব ।

যে দারাগারপুত্রাপ্তান্ প্রাণান্ নিভুমিমং পরম্ ॥

হিঙ্কা মাং শরণং যাতাঃ কথং তাং স্ত্যক্তুমুৎসহে ॥

ভাগবত । ৯ । ৪ । ৬৫ ।

যাহারা, পত্নী, গৃহ, পুত্র, আত্মীয়, প্রাণ, ধন, ইহলোক, পরলোক,

এইসকলগুলির সমতা পরিত্যাগ করিয়া আমার শরণ নইয়াছেন, আমি
কিভাবে তাঁহাদিগকে পরিত্যাগ করিতে পারি ?

যয়ি নিবন্ধজদীয়াঃ সাধবঃ সমদর্শনাঃ ।

বশে কুব্বন্তি মাং ভক্ত্যা সৎপ্রিয়ঃ সৎপতিঃ যথা ॥

ভাগবত । ৯ । ৪ । ৬৬ ।

‘বেরূপ সতী স্ত্রী সৎপতিকে বশীভূত করেন, সেইরূপ সমদর্শী সাধুগণ
আমাতে হৃদয় বাধিয়া আমাকে বশ করেন ।’

মৎসেবয়া প্রতীতং চ সালোক্যাদিচতুষ্টয়ম্ ।

নেচ্ছন্তি সেবয়া পূর্ণাঃ কুতোহন্যৎকালবিদ্রুতম্ ॥

ভাগবত । ৯ । ৪ । ৬৭ ।

‘আমার সেবাতে পরিতৃপ্ত হইয়া তাঁহারা সেই সেবা দ্বারা লব্ধ
সালোক্যাদি চতুর্বিধ মুক্তিও বাঞ্ছা করেন না, কালে যাহা লব্ধ পায় এরূপ
ক্ষণস্থায়ী বিষয়ের কথা আর কি বলিব ।’

সাধবো হৃদয়ং মহ্যং সাধুনাং হৃদয়ং ত্বহম্ ।

মদন্যন্তে ন জানন্তি নাহং তেভ্যো মনাগপি ॥

ভাগবত । ৯ । ৪ । ৬৮ ।

‘সাধুগণ আমার হৃদয় এবং আমি সাধুদিগের হৃদয় ; তাঁহারা আমাকে
ভিন্ন অথু কিছুই জানেন না । আমিও তাঁহাদিগকে ভিন্ন আর কিছুই
জানি না ।’

ভগবানের সহিত যাহাদিগের এইরূপ সম্বন্ধ, বলির দ্বারে যেমন—
তেমনি যাহাদিগের হৃদয়দ্বারে বস্তুটি প্রেমভোরে বাধা, তাঁহাদিগের
অপেক্ষা আর এ পৃথিবীতে শ্রেষ্ঠ কে ? উচ্চ কে ? সুখী কে ? এইরূপ
একটি ভক্ত পাইলে --

মোদন্তি পিতরো নৃত্যন্তি দেবতাঃ সনাথা চেয়ং ভূৰ্ভবতি ।

নারদভক্তিসূত্র ।

‘পিতৃগণ আনন্দ করেন, দেবতাগণ নৃত্য করেন, বহুধরা মনে করেন আমি এতদিন অনাথা ছিলাম, আজ আমি সনাথা হইয়াছি’ ; এমন ভক্ত যেহলে পদবিক্ষেপ করেন সেহল লোণা হয়, যাহা স্পর্শ করেন তাহা হীরকে পরিণত হয়, যে দিকে দৃষ্টিপাত করেন সে দিক্ ঞ্জলোকের শোভন পূর্ণেন্দুজ্যোতিতে আলোকিত হয়, তাঁহার অঙ্গচেষ্ঠায় চারিদিকে স্বর্গের পরিমল ছুটিতে থাকে, তাঁহার প্রত্যেক বাক্যে পাপীর হৃদয়ে শতদল পদ্ম ফুটিতে থাকে, প্রত্যেক কার্যে মন্দাকিনীর বিমলধারা জগতকে প্রাবিত করে, প্রত্যেক চিন্তায় এই সমস্ত ধরায় কুশলকুসুমরাশি বর্ষিত হয়, মর্ত্যে তাঁহার নামে আনন্দ কোলাহল, স্বর্গে তাঁহার বিজয় হুন্মুভিনিদাদ, নরলোকে রাজরাজেশ্বরের কনককিরীট তাঁহার চরণতলে লুপ্তিত, সুরপুরে দেবগণ তাঁহার আসনপ্রাপ্তে স্থান পাইলে আপনাদিগকে ধন্য মনে করেন, একবার আসুন আমরা প্রাণ ভরিয়া ভক্ত ও ভগবানের যুগলমিলন এই জগতে ঘোষণা করি, ভগবান্ সেই দেবভূম্ভূ মিলনের পরম মনোহর ছবি দেখাইয়া আমাদিগকে মোহিত করুন, সেই মনোমোহন তাঁহার ভক্তকে লইয়া আমাদিগের হৃদয়সিংহাসনে বিরাজ করুন, আমরা গগনমেদিনী বিকম্পিত করিয়া একবার হরিধ্বনি করি ।

জয়তি জয়তি জগন্নাথলং হরেনাম ।

জয়তি জয়তি জগন্নাথলং হরেনাম ॥

শ্লোকনির্ঘণ্ট ।

অজানন্ দাহার্জিঃ	...	১৮১	আগ্নিব্য বা. পাদরতাঃ	...	২৬২
অজ্ঞানপ্রভবো লোভো	...	২৭	আত্মপ্তেরমৃত্যুতেঃ কালঃ	...	৬৬
অতিভুক্ষণ ভবতা	...	১৩৬	ইতোমাংসমিতোরক্তং	...	৬৯
অদ্বিতীয়া অমীভাবা	...	২২৯	ইথং শরৎপ্রাবৃথিকা	...	১৯২
অঘেষ্টো সর্বভুতানাং	...	২১৭	ইদমেবক্ষয়দ্বারং	...	৭০
অনন্তং বত মে বিত্তং	...	২৪	ইন্দ্রিগাণাস্তমূর্খেযাং	...	১৫৯
অনন্তমমতা বিকো	...	২৩২	ইমাঃ সপ্তপদাং	...	১১২
অন্তঃ সংত্যক্তসর্বাণো	...	১১৬	ইষ্টে স্বারসিকো রাগঃ	...	৫
অনপেক্ষঃ শুচির্দক্ষ	...	২১৮	ঈষরে তদধীনেষু	...	২১৪
অনাতুরঃ ষানি ষানি	...	৬৩	উচ্ছিষ্টলোপানমু	...	১৯১
অপত্যোৎপাদনার্থক	...	৮০	উৎসবাহুৎসবং	...	৪৪
অপি কীটঃ পতঙ্গো বা	...	২৩৫	একাহ্না নির্দেহরং	...	১৩৫
অপিচেৎ হৃদ্রাচারো	...	১১	একহমস্মীতি	...	৫৪
অভ্যর্থিতস্তদাতম্যৈ	...	১৮	একদাব্যক্তিমাণস্তা	...	২৩১
অমেধীপূর্ণে কৃমিজাল	...	৭১	এবং বৃহদব্রতধরো	...	৭৯
অয়ং বহুরয়ং নেতি	...	১১৭	এবং ব্রতঃ স্বপ্রিয়	...	২০০
অবমেনে ধনুর্গ্রাহান্	...	১৩৫	এবং সংদর্শিতাহ্যজ	...	২১৩
অষ্টবিধাহেযা ভক্তি	...	১৭	এবং সর্বেষু ভূতেষু	...	২৩৬
অস্তোভিক্রবতোহস্তত্র	...	১৬৫	এহেহি দেবেশ	...	২৩৭
অহং ত্বকামস্তদন্তকঃ	...	২৪৯	কচ্চিৎ কুরুবকাণোক	...	২৪৯
অহং ভক্তপরাধীনো	...	২৬৬	কচ্চিৎ তুলসিকল্যাণি	...	২৬০
অংহঃ সংহরেদখিলং	...	২০০	কটুন্নলষণাত্যাক	...	৬১
অর্চায়ামেব হরয়ে	...	২১৪	কল্পিতৈবমপিদ্যেয়ং	...	১১১
আকর্ণঃপ্রবহরাং	...	২২৯	কাম এষ ক্রোধ এষ	...	৬১
আঙ্গনঃ সদৃশঃ প্রাজঃ	...	১৩৪	কা তব কাস্তা	...	১১২
আঙ্গরাজ্যং ধনৈকৈব	...	২৩৬	কারেন নাচামনসে	...	২০৬
আদৌ শ্রদ্ধা ততঃ সঙ্গঃ	...	২২৩	কুরুজ মাতঙ্গ পতঙ্গ	...	১৮২
আপূৰ্যমানমচলপ্রতিষ্ঠং	...	১০৩	কৃতানুযাত্তা বিদ্যাভিঃ	...	২২২
আশানানো ন বৈ ভূত্যাঃ	...	২৪৯	কুলোহতিদ্বঃপী বজ্রোহহং	...	১১১

কৌমার আচরেন্ প্রাজ্ঞো	...	১৫	দশাচতুষ্টয়া ভ্যাসৎ	...	১১৪
কৃষ্ণঃ পরমুয়া বাচা	...	৮১	দুৰ্গহাভুতবীৰ্য্যোহশ্মিন্	...	১৮৭
কৃষ্ণোহি কাব্যঃ সুশ্রোণি	...	৮২	দুৰ্ভিকাদেহদুৰ্ভিকঃ	...	৪৪
ক্রোধান্তবতি সম্মোহঃ	...	৩৪	দুঃশেষমুখিগদনাঃ	...	২৪
ক্রোধমূলো বিনাশোহি	...	৮১	দৃষ্টোহঃ কচ্চিদযথ	...	২৫২
ক নিরোধো বিমুক্ত	...	৭৫	দেহেল্লিয় আগমনোদয়ান্	...	২১৬
কৈতবজ্ঞানবিদ্যং	...	৭১	দৈবৌহেবা গুণমধী	...	২২২
পং নায়ুমগ্নঃ	...	১২৮	ধুমারিতান্তেচ্ছলিতা	...	২২২
গুরুণামগতো বজ্রং	...	২৩৫	ধ্যায়তো বিষয়ান্ পুংসঃ	...	৩৪
গৃহং বনং বোপবিশেৎ	...	৭৯	ন কামকৰ্মণীজানাঃ	...	২১৬
গৃহীত্বাপীল্লিরৈঃ	...	২১৫	ন কিকিৎ সাধবো ধীরা	...	২১২
গৃহেষু দারেবু স্ততেষু	...	১২৫	ন ধনপ্যরসজ্ঞস্ত	...	৪১
চূতপিপালপনস	...	২৬০	ন জাতু কামঃ কামানাম্	...	৪৫, ১০২
চেতোদর্পণমার্জনং	...	২০১	ন তপস্তপ ইত্যাহি	...	৫২
জপোজ্ঞঃ নিজঃ	...	২৪২	ন পারমেষ্ঠাঃ ন মহেল্লখিক্যঃ	...	৭, ২২০
জপোনৈব তু সংসিধ্যোৎ	...	২০৩	ন যন্ত জন্মকৰ্মণ্যভ্যাং	...	২১৬
জিহ্মেকতোহচ্যুত	...	১৮৩	ন যন্ত স্বঃ পর ইতি	...	২১৫
জ্ঞানভূমিঃ শুভেচ্ছাখ্যা	...	১১২	নরকে পচ্যমানস্ত	...	২০৫
ভদ্রাহং কৃষ্ণকথা	...	১২১	ন শক্তিমুপবীননে	...	১৩০
ভদেব রমাং রচিরং	...	৭৩	নহি রামাং প্রিয়তরো	...	২৫২
ভস্মাদেনামহং ভ্যক্তা	...	১০২	নকাব্যমাস্ত্রকৃষ্ণ	...	৮১
ভালবৃন্তেন কিং কার্য্যং	...	১৭২	নায়মাস্মা এবচনেন	...	৩১
ভিত্তিকবঃ কারুণিকাঃ	...	১২০	নাহং দুঃখী নমে দেহো	...	১১১
ভুলানিন্দাস্ততিমৌনী	...	১৬৪	নাহং মাংসং ন চাহুনী	...	১১১
ভৃগাদপি সুনীচেন	...	১০২	নাহমাত্মানমাশংসে	...	২৬৬
ভেজন্তীতি যমাহর্ষে	...	৮৪	নিরুজঃ বাপ্পাতঃ	...	২৩০
ভে ঘৌ ত্রয়া বা যুগপৎ	...	২২২	নির্জিতীকরণং যুদ্ধে	...	২৫২
ভে শুভস্বৈদরোমাঞ্চা	...	২২৬	নেবাং মাতস্তাবদ্	...	১৮৯
ভ্যক্তাহংকৃতিরাশস্তমতি	...	১১৭	পক্ষপাতেন তন্নামি	...	২৩৪
ত্রয়ী মাংস্যং যোগঃ	...	২	পরাস্মা ক্রোধলোভা	...	৯২
ত্রিভিবর্ষৈস্ত্রির্মাসৈঃ	...	৪২	পাদৌ হরেঃ কেত্র	...	১২৫
ত্রিভুবনবিভবহেতবে	...	১১৬	পুখানুপুখবিষয়ান্	...	২৩
ত্বং ন প্রোজ্ঞা কঠোর	...	২৫২	পুণ্যকেন্দ্রং নদীতীরং	...	২০৪
ত্বং মাংসরক্তবাপ্পাদু	...	৬৯	পুনচ্চ বাচমানায়	...	১৮

শ্লোকনির্ঘণ্ট ।

৩

পূর্ণঃ বর্ষসহস্রং মে	...	১০২	মুকুন্দলিঙ্গালয়দর্শনে	...	১২৪
পৈশ্বক্যং সাহসং জ্যোহ	...	৪০	মৃগয়াংকো দিব্যব্রতঃ	...	৪০
অণবো ধনুঃ পরোহস্তা	...	২০৬	মৃদুনা দারুণং হস্তি	...	২৪
অতিকর্ষুঃ ন শক্তা যে	...	১২	যেক পর্বতরাজঃ স্থানি	...	৪৮
অত্যাহারবড়িশেন	...	১০৫	মোদন্তি পিতরো	...	২৬৮
অত্যাখানং কৃকন্ত	...	২৩৪	যৎকরোষি যদম্মাদি	...	২০৬
অভাবানভুতাত্তমেঃ	...	২০৫	যৎপৃথিব্যাং ত্রীহিবনং	...	১০২
অলয় মৃগদুঃখাত্যাং	...	২২৮	যতো যতো নিশ্চলতি	...	১০৪
অহ্লাদ ভজ্ঞ ভজ্ঞঃ তে	...	২৪৮	যথাকমং যথোৎসাহং	...	১০২
প্রোঢ়াং ত্রিচতুরাং ব্যক্তিং	...	২৩০	যথাগ্নিঃ স্তমমুচ্ছার্চিঃ	...	২১১
বহিঃকৃত্রিম সংরম্ভো	...	১১৬	যদা সংহরতে চাধং	...	১৭৮
বহিমূর্থানি সর্বানি	...	১৭৭	যদি ভবতি মুকুন্দে	...	৬
বালভাবস্তপাতাবো	...	১৬৩	যদৃচ্ছা মৎকথাদৌ	...	১৩
ব্রহ্মণ্যোদায় কণ্মণি	...	১৭৮	যদ রাসীশ মে কামান্	...	২৪৯
ভক্তিস্ত ভগবন্তু	...	১৮৯	যন্তু আপিষ আপাশ্বে	...	২৪৯
ভগবত্ভক্তিবক্রমাংস্ত্রি	...	২১৭	যন্তু ক্রোধং সমুৎপন্নং	...	৮৪
ভজ্ঞঃ কর্ণেভঃ শৃণুযাম	...	৩৯	যন্মাস্ত্রোদ্বিজতে লোকে	...	৩১৮
ভূঃ পর্ধ্যাকো নিজভুজলতা	...	১৫৭	যা দুস্ত্যজা দুর্নতিভিঃ	...	১০২
ভূমিকাজিতরাভ্যাসাং	...	১১৪	যা প্রীতিঃ পুণ্ডরীকাক	...	২৩৪
ভূমিকা পঞ্চকাভ্যাসাং	...	১১৪	যানন্তব কথা লোকে	...	২৩৬
ভূমিবট্ কচিরাভ্যাসাং	...	১১৫	যুটেন ধর্মশীলঃ স্ত্রাং	...	১৫
মৎসেবয়া প্রতীতং চ	...	২৬৭	যে তু ধন্যমুতমিদং	...	২১৯
মদোহষ্টাদশদোষঃ	...	১৩২	যে দঃরাগারপুতালান্	...	২৬৬
মধুরং মধুরং বপু	...	২৬৫	যে হি রাম মহাত্মগাঃ	...	১১৫
মন এব সমর্থঃ স্ত্রাং	...	১৭৭	যো ন কুবাতি ন যেষ্টি	...	২১৮
মনস্তেবেল্লিয়াস্ত্র	...	১৭৭	রশিষ্ট রশ্মিজালেন	...	১৮৯
মনাগত্যাদিতৈবেচ্ছা	...	১০৪	রূপেণ মৎসমো নাস্তি	...	১০৫
মন্ততে গাপকং কৃদ্বা	...	৫৪	রোমাকোয়ং কিলান্তর্ধ্যো	...	২২৭
মন্তার্থঃ মন্তচৈতন্তঃ	...	২০২	রোহতে সারকৈর্নিহুং	...	৮৪
‘মম পিতা মম মাতা	...	১১০	লোভঃ প্রজ্ঞানমাহু	...	১০১
মরি নিগন্ধরূদয়াঃ	...	২৬৭	লোভাং ক্রোধঃ প্রভবতি	...	১০২, ১০০
মাতঃ কিমপরং যাচে	...	১০	লোভেন বুদ্ধিশ্চলতি	...	১০১
মা মাং প্রলোভরোৎপত্ত্যা	...	২৪৯	বরমিহ পরিভূটোঃ	...	৪৪
মালত্যাধর্ষিণঃ কচ্চিৎ	...	২৬০	বরং হতু বহুজালা	...	১৮৮

বাধামানোহপি যন্তুস্তে।	...	২২১	সন্তোষামৃততৃপ্তানাং	...	১০২
শুভেচ্ছান্ত্যাং	...	১১৩	সমঃ শত্রৌ চ মিত্রে চ	...	২১২
বির্কোদধ্মোহুধ্মেণ	...	২৪	সমাল্লিখ্যতুচ্চে	...	৭০
বিধিযজ্ঞাজ্ঞপযজ্ঞো	...	২০৩	সম্যঙ্ মন্থণিতধাত্তো	...	২৩২
বিমুক্তি যদা কামান্	...	২৪২	সর্কেয়ং ত্রিসাহস্র	...	৪৮
বিবর্জিতাঃ সর্পাশরা	...	২৮	সর্কভূতেষু যঃ পশ্চৎ	...	২১৫
বিবাদরোবতীতাদে	...	২২৮	সবৈমনঃ কৃকপদারবিন্দ	...	১২৪
বিবাদ বিন্ময়াম্ব	...	২২৭	সাধবো হৃদয়ং মহ্যং	...	২৬৭
বিন্মজতি হৃদয়ং ন যন্ত	...	২১৭	সাধোঃ প্রকোপিতস্তাপি	...	২৮
বৈধন্ত্যধিকারীতু	...	৮	স্থপং স্থবমতঃ শেতে	...	২১
ব্যাধস্তাচরণং ক্রবন্ত	...	২০	সৈকবঃ কদলীধাত্রী	...	৬২
ত্রণমুগমিবদেহং	...	৭০	সৌম্যা সৌম্যতরা	...	২৬৫
শান্তসজ্জনসম্পর্কেঃ	...	১১৩	স্তম্ভোহর্ষভরান্ধ	...	২২৬
শিশৌনাসীধাক্যং	...	১৪	স্থানান্তিলাঘী তপসি	...	২
শুকসত্ত্বিশেষাস্মা	...	২২৩	স্থিতঃ কিং মুচু এবান্মি	...	১১৩
অকামৃতকথায়াম্ মে	...	২০৭	অচ্ছন্দবনজাতেন	...	১০৮
অচ্ছেরা বিপ্রজকারঃ	...	১০০	অপুরমভিবীক্য	...	২৩৫
অত্রৈশ্ব অত্রৈশ্বমনসো	...	১২৮	অমাতুঃ বিশ্বগাত্রায়া	...	২১২
অন্তর্যামুখসংবিত্তিঃ	...	২৯	অয়ং বিধন্তে	...	১৮৬
সকৃদযদর্শিতং রূপং	...	৭৭	অবিবেকঘনান্ত্যাম	...	৬৪
সক্তাঃ কশ্মাণ্যবিদ্যাংসো	...	১১৬	হস্তান্মিন্জয়ানি	...	৭৭
সকলসংকরবণাং	...	১১৫	হরেন্নাম হরেন্নাম	...	১৯২
সক্ ন কুর্বাদ্‌সতাং	...	১৮৮	হর্ষরোষবিবাদাদৈদ্যঃ	...	২২৮
সতাং প্রসঙ্গান্মনীধা	...	১৮৯	হস্তাবুৎকিপ্যাবলাং	...	২৫০
সতাং লৌচং দয়ামৌনং	...	১৮৮	হে দেব হে দয়িত	...	২৬২
সন্তোহনপেকামচ্চিত্তাঃ	...	১২০	কাস্তিৎব্যর্থকালতঃ	...	২২৪

শ্রীযুক্ত বাবু অশ্বিনীকুমার দত্ত এম. এ. বি এল. কর্তৃক বিরূত “ভক্তিব্যোগ” সম্বন্ধে কতিপয় খাতনামা ব্যক্তি ও

সংবাদ-পত্র-সম্পাদকের অভিমত ।

১। “আপনার প্রণীত ভক্তিব্যোগ গ্রন্থ আর একবার পাঠ করিয়া আপনার প্রেমের উত্তর দিব ইচ্ছা ছিল, কিন্তু অনবকাশপ্রযুক্ত তাহা ঘটয়া উঠিল না। আমার বিশ্বাস যে এরূপ উৎকৃষ্ট গ্রন্থ আমি বাঙ্গলা ভাষায় সম্প্রতি দেখি নাই, অথবা বাঙ্গলা ভাষায় অল্পই দেখিয়াছি। আমি গীতার টীকাপ্রণয়নে নিযুক্ত আছি। ঐ টীকামধ্যে এই গ্রন্থের কথা কিছু বলিতে হইবে, এজন্য এখন আর বেশী বলিব না।”

শ্রীবঙ্কিমচন্দ্র চট্টোপাধ্যায়।

২। তোমার প্রণীত “ভক্তিব্যোগ” একখণ্ড উপহার পাইয়া পরম অপ্যায়িত ও উপকৃত হইলাম। তুমি বরাবরই আমার প্রিয়, কিন্তু এই গ্রন্থ প্রকাশে তুমি “প্রণবতারে খলু ন সতী” নিশ্চয় পূর্য্যাপেক্ষা আমার প্রিয় হইলে। “তুমি কোন বিশেষ ধর্মসম্প্রদায়ের জন্ত এই গ্রন্থ লিখ নাই, সকল সম্প্রদায়ের জন্ত লিখিয়াছ, ইহা আমার বিশেষ সন্তোষের কারণ হইয়াছে। রিপুদমন যাহা পৃথিবীতে সকল কাণ্ড অপেক্ষা কঠিন এবং যাহাতে বড় বড় ধার্মিক লোক হার মানেন এবং যাহাতে এমন কি আমাদের কোন কোন প্রধান প্রাচীন যোগী মুনির ক্ষমতার নিদর্শন পুরাণে বর্ণিত আছে, সে বিষয়ে তুমি তোমার গ্রন্থে অনুষ্ঠানযোগ্য কার্য্যকরী অনেক নিয়ম ও প্রকরণাবলীর ব্যবস্থা দিয়াছ; সেই সকল নিয়ম পালন ও প্রকরণাবলীর অনুসরণ করিলে পাঠক রিপুদমনে অবশ্য কৃতকার্য হইবেন, সন্দেহ নাই।

তোমার পুস্তকের এই অংশ লোকের বিশেষ উপকারপ্রদ হইবে। তুমি যেখানে যেখানে ঈশ্বর-প্রেমের বিষয় বলিয়াছ যে সকল স্থান অমৃত, সেই অমৃত—যাগী দেবতার। তাহা হইতে নহে তাহাতে অহর্নিশ পান করিতেছেন। কিন্তু যেমন মাতৃবক্ষে সংলগ্ন হইয়া শুভপান করে তাহার হস্ত হইতে তাহা পায় না, সেইরূপ দেবতার। ঈশ্বরের বক্ষে একেবারে সংলগ্ন হইয়া সেই বক্ষের সহিত একীভূত হইয়া ব্রহ্মানন্দরূপ অমৃতধারা পান করিতেছেন—এইজন্য “তাহাতে” শব্দ ব্যবহার করিলাম, তাহা হইতে ব্যবহার করিলাম না। যেখানে যেখানে তুমি ঈশ্বর-প্রেমের কথা লিখিয়াছ, সেই সকল স্থান লিখিবার সময়ে তাহার। দেখিতেছি তোমার লেখনীর

অগ্রভাগকে স্বর্গীয় অগ্নিধনু করিয়াছেন। ইংরাজীতে পত্র লিখিলে বলিতাম তোমার ওষ্ঠধরে তাঁহারা এ অগ্নি মাথাইয়া দিয়াছেন। তুমি ভক্তির যে সকল লোমহর্ষক ও অশ্রুনিঃসরণকারী গল্প তোমার গ্রন্থে বলিয়াছ, তাহা চমৎকার। এত রক্ত তোমার মনোভাঙারে সঞ্চিত ছিল, তাহা পূর্বে জানিতাম না।^১ এই সকল গল্প স্মরণ করিয়া “অয্যামি চ মুহমূহঃ অয্যামি চ পুনঃ পুনঃ। তুমি পরিশেষে এমন গ্রন্থ রচনা করিয়াছ যাহা মানববর্গ ইচ্ছাপূর্বক বিন্দুতি সাগরে লীন হইতে দিবেন না। আশীর্বাদ করি, তুমি দিন দিন “উৎসবঃ, উৎসবঃ, স্বর্গঃ স্বর্গঃ, সুখঃ সুখঃ” এক উৎসব হইতে গাঢ়তর উৎসবে, এক স্বর্গ হইতে উচ্চতর স্বর্গে, এক আনন্দ হইতে নিবিড়তর আনন্দে প্রবেশ কর।

শ্রীরাজনারায়ণ বসু।

৩। “ভক্তির কথা শুনিলে হৃদয় কাঁপিয়া উঠে, তাই ভক্তিযোগ প্রাণের সামগ্রী বলিয়া গ্রহণ করিলাম। পুস্তকখানি পড়িতে পড়িতে যত শেষের দিকে গেলেম, ততই মনপ্রাণ মাতিয়া উঠিল, হৃদয় জুড়াইতে লাগিল। বহুল সদ্যুক্তি ও প্রমাণাদি দ্বারা ভক্তির কথাগুলি বড় মধুর হইয়াছে, ভক্তি-পিপাসুগণ এই পুস্তক পাঠে পরম সুখী হইবেন।”

শ্রীশ্রীকৃষ্ণানন্দ

(পরিব্রাজক শ্রীশ্রীকৃষ্ণপ্রসন্ন সেন।

৪। আপনার “ভক্তিযোগ” পড়িলাম। যথার্থই কৃতার্থ বোধ করিলাম। ভক্তি-কথা আপনি অতি পরিকার, অতি সহজ প্রণালীতে কহিয়াছেন। ভক্তি-শিক্ষা করিবার পক্ষে আপনার প্রণালী বিলম্বন কাৰ্য্যকর হইবে। ভক্তি-শিক্ষার জন্য আপনি অতি উৎকৃষ্ট নিয়ম অতি হৃদয়গ্রাহী ভাষায় নির্দেশ করিয়াছেন। এই রকম করিয়াই ভক্তি কথা কহিতে হয়। প্রেম ভক্তি অভূতির কথায় প্রায়ই এখন বাগাড়ম্বর ও ভাব ও ভাষায় একটা কৃত্রিম উচ্ছ্বাস ব্যবহৃত হইতে দেখিতে পাই। সে পাপ আপনাকে একেবারেই স্পর্শ করে নাই। আপনার ভক্তিকথা পড়িতে পড়িতে অন্তরে অন্তরে এইরূপ একটা ভাব উদয় হয় যে আপনি আপনার প্রকৃত অন্তর হইতে বড়ই সরল ও সাধুভাবে এই সুন্দর কথা কহিয়াছেন। ঠিক বলিতে পারিনা কিন্তু আমার মনে এইরূপ লাগিয়াছে যে আপনি ভক্তি বড়ই ভালবাসেন, এবং আপনার সে ভালবাসা বড়ই সরল, যথার্থই অকৃত্রিম। বাস্তবিক যে একখানি খাঁটি জিনিষ হইল ইহা বড় আশ্চর্যের কথা।

এতদিন আপনার পুস্তকসম্বন্ধে আমার যত্নব্য লিখি নাই বলিয়া মনে বড় কষ্ট হইয়াছিল। কিন্তু এখন সেরে কষ্টে অপেক্ষা এই কষ্টই বেশী হইতেছে, কেন এতদিন এমন পুস্তকখানা পড়ি নাই। অতএব আপনার পুস্তকসম্বন্ধে আপনাকে আমার যত্নব্য জ্ঞাত করিতে হইতেছে দেখিয়া আপনার নিকট যে ক্ষমা চাহিব মনে করিয়াছিলাম, তাহা আর চাওয়া হইল না।

শ্রীজ্ঞাননাথ বসু।

৫। আমি আপনার পুস্তকখানি আদ্যোপান্ত পাঠ করিয়া কত যে পরিভূক্ত হইয়াছি, বলিতে পারি না। আমার ধ্রুব বিশ্বাস যে আপনার পুস্তকপাঠে আবালবৃদ্ধ, নারীপুংসকসকলেই বিশেষ উপকৃত হইবে। বিশেষতঃ উদাহরণগুলি অতি চমৎকার হইয়াছে। দুই এক স্থানে কেবল আমার মনে হইল—এইটি যদি না থাকিত তবে পুস্তকখানি সর্বোৎকৃষ্ট হইত—যেমন প্রতিমাপূজার বিধি ইত্যাদি। কিন্তু

একোটি দোষো গুণসন্নিপাতে নিমজ্জতীন্দ্রোঃ কিরণেদ্বিবাক্যঃ।

“আপনার পুস্তক পড়িয়া এখনও আমার আশ মিটে নাই; আর একবার ভাল করিয়া পড়িবার ইচ্ছা আছে। কতকগুলি শব্দ আপনি ব্যবহার করিয়াছেন বাহ্য ঠিক হয় নাই, যেমন “ধর্মজীবন”—এটা ইংরেজের উচ্চিষ্ট। “বিবেক” meaning conscience—এটা সংস্কৃত এবং বাঙ্গালা উভয় ভাষার বাহির। বিবেক—আত্মনাত্ম বিবেক—নিত্যানিত্য বিবেক not conscience; conscience=ধর্মধর্ম বোধ not “বিবেক”। আমি conscience শব্দের অর্থ করি ধর্মজ্ঞান বা ধর্মবুদ্ধি বা ধর্মভাব।

শ্রীবিজ্ঞাননাথ ঠাকুর।

৬। “I have been delighted with your book. I should like to keep it by me always for ready reference.

I can't just now make long comment but by and by may. The confirmation of your excellent ideas by copious extract from the Sastras is an admirable feature of your book. My wife says she is reading it with much profit.

P. C. MOZOOMDAR.

৭। “পুস্তকখানি পড়িতে পড়িতে বুদ্ধিমানের হৃদয় পুলকিত ও সাধুর হৃদয় আনন্দযুক্ত হয় এবং ভক্তের হৃদয় নৃত্য করিতে থাকে। পুস্তকে নানা শাস্ত্রের প্রমাণ এবং জ্ঞানী ও ভক্তবর্গের প্রবচন ও বাণী সংগৃহীত হইয়াছে। পাঠকবর্গের গোচরার্থ ভক্তিযোগের উপসংহারটুকু নিম্নে উদ্ধৃত হইল।

ধর্মপ্রচারক। মাঘমাস, শঃ ১৮১৪

“Babu Aswini Kumar Datta of Barisal has written an excellent Bengali book on Bhaktijōga. It is not only devout in sentiment but classical in idea, being amply illustrated by the quotation of text from Sanskrit. Nay it is more, it is very practical in its direction for the conquest of the passions and concentrations of the mind. We have often heard exceedingly good reports of Brother Aswini Kumar’s good work in Barisal. Now we are glad to find undoubted evidence of what he is doing to lead the young men of Backerganj to moral and religious life.”

THE INTERPRETER (Feb. 1898).

“Babu Aswini Kumar Datta delivered a series of lectures on ‘Bhaktijoga’ to the students of the Brajo Mohan College founded and maintained by him. Those lectures have been collected and published in the form of a book. We recommend the book to the notice of those who have a taste in this direction ; Babu Aswini Kumar has begun with the explanation of the prophet of Bhakti and ended with the final teaching of the prophet of Nuddea. In this book he has tried to give a philosophy and history of Bhakti from the beginning up to the period when it received its final exposition in Nuddea. The researches of Babu Aswini Kumar shew that he has taken a good deal of pains in collecting his materials ; but that is not all. The great beauty of the book consists in the reverence to God that breathes in the sentence that he uttered before the students, there is no doubt of it that Babu Aswini Kumar is a Bhakta—a pious man. We are exceedingly sorry that the subject-matter of this book is not quite suited to the columns of this journal or we would have given an analysis of the whole thing as it has been embodied in the work before us. We can however, safely say that it will be of great use not only to the young but to the old and even the ladies ; of course, the philosophy may be too high for young intellect but the book is interspersed with illustrations which will make it clear to the dullest apprehension. It is a good, deep and useful book.

THE AMRITA BAZAR PATRIKA. Feb. 1893.

গৃহলক্ষ্মী ।

প্রথম ভাগ ও দ্বিতীয় ভাগ ।

গিরিজাপ্রসন্ন রায় চৌধুরী বি, এল, প্রণীত

বহু চিত্রসম্বলিত, সাটিন কাপড়ে বাঁধাই

প্রত্যেক খণ্ড মূল্য এক টাকা ।

এই পুস্তক সম্বন্ধে বঙ্গের খ্যাতনামা লেখকদিগের মত ।

পূর্ববঙ্গের উজ্জল রত্ন, চিন্তাশীল সুলেখক রায় কালীপ্রসন্ন ঘোষ
বাহাদুর মহাশয় লিখিয়াছেন :—

‘আপনার গৃহলক্ষ্মী উৎকৃষ্ট গ্রন্থ ।’

বিখ্যাত সমালোচক বাবু অক্ষয়চন্দ্র মহাশয় সরকার লিখিয়াছেন :—

“আপনার পুস্তক পড়িয়া প্রীতিলাভ করিয়াছি । ইহার শেষ অংশ
পড়িয়া আমি কঁদিয়াছি ।.....‘গৃহলক্ষ্মী’ গৃহলক্ষ্মীগণের
হস্তে দ্বিগুণ উজ্জল হইবে ।”

বিখ্যাত ঐতিহাসিক বাবু রজনীকান্ত গুপ্ত মহাশয় লিখিয়াছেন :—

“আপনার ‘গৃহলক্ষ্মী’ প্রকৃত গৃহলক্ষ্মীই বটে । এ ‘গৃহলক্ষ্মী’ ঘরে
থাকিলে বাঙ্গালীর গৃহ লক্ষ্মীশূন্য হইবে না ।”

দম্পতীর পত্রালাপ প্রথম ভাগ ।

(কিশোর ও কিশোরী)

কাপড়ে বাঁধাই—মূল্য ৮০ আনা ।

“গৃহলক্ষ্মী”তে যেমন কথোপকথনচ্ছলে স্বামী উপদেশ দিতেছেন, এই
গ্রন্থে . তেমনই পত্রালাপচ্ছলে স্বামী উপদেশ প্রদান করিতেছেন । এই

গ্রন্থ নব প্রকাশিত । ইহার মধ্যে একটি উপদেশসূচক মনোহর উপন্যাসও আছে । যাহারা গ্রন্থকারের “গৃহলক্ষ্মী” ১ম ও ২য় ভাগ পড়িয়াছেন, তাহারা এই পুস্তকও পড়িয়া দেখিবেন, ইহাই প্রকাশকের একমাত্র অনুরোধ । এই পুস্তক পড়িলে স্বামী ও স্ত্রীর নিকট পত্র লিখিতে আর দ্বিতীয় পুস্তকের সাহায্য আবশ্যক করিবে না ।

মূল ও ব্যাখ্যা সমেত

গীতারহস্য ও শ্রীমদ্ভগবত গীতা ।

দুই বন্ধুর গল্পচ্ছলে গীতার সার ও তন্ন তন্ন ব্যাখ্যা ।

প্রিন্সিপাল নীলকণ্ঠ মজুমদার এম. এ. প্রণীত ।

কাপড়ে বাঁধাই মূল্য একটাকা দুই আনা ।

গীতা হিন্দুমাত্রেরই অতি আদরের জিনিস । উহা গ্রন্থকার গীতারহস্তে এমন সুন্দরভাবে বুঝাইয়া দিয়াছেন যে যাহার অক্ষর পরিচয় হইয়াছে সেও উহার ভাব গ্রহণ করিতে পারিবে । হিন্দুমহিলাদিগের “গীতারহস্ত” অতি আদরের সামগ্রী হইবে ।

শ্রীকেশবনাথ বসু বি. এ ।

২৮ । ৪ নং অখিল মিস্ত্রী লেন, কলিকাতা

